

საქართველო

5-6

1995

ემსარ კვიტაიშვილი

ჭკუიდან გადასულები

დავალ თავმოძულებული,
აღარც ძილი, აღარც ძალა,
ღმერთო ჩემო, არც ველოდი,
რამდენი რა შეიცვალა.

ბევრმა თავი მოიჭრა და
სამუდამოდ შეირცხვინა,
მე რად უნდა მათქმევინოთ,
თვით უწყვიან კარგად — ვინაც.

ბოღმით სავსეს და გამკილავს
თვით ირჩევენ კილოს, თემას,
ღმერთო, დამხსენ, გამარიდე —
ამ სიბილწეს, ამ დაცემას.

ც ი ს კ ა რ ი

მასივი – ივენივი № 5-6

საქართველოს მფარველთა კავშირის
სალიტერატურო და საზოგადოებრივ-პოლიტიკური
ფოკალთვიური ჟურნალი

დაარსებულია
1852 წ.
ახლებულია
1957 წ.

უნიკარსი

გამოიღვიძე, ძნარო!

3. **ფსალმუნები** — გაგრძელება. ებრაულიდან თარგმნა ჯემალ აჯიაშვილმა

კოეზია და კროზა

7. **მეზარ კვიტიანოვილი** — ლექსები
13. **გულო კოზიაშვილი** — ნოველები
23. **მსხა ნოზაძე** — თაობა ანუ თავისუფლების რიტმიები. პოემა.
35. **ჯარჯი ფხოველი** — ფურცლები. გაგრძელება
51. **დალი ცაავა** — ლექსები
54. **ნინო ხაბიუვილი** — ლექსები
59. **აბაძი დაუვილი** — დანაღმული წარსული. მოთხრობა
75. **ჭურბა ფირცხალაიშვილი** — ლექსები
77. **სიმონ ცისკაძე** — ლექსები
80. **ზაზა პაპიაძე** — მოთხრობები
90. **თეონა გვირგვინი** — ნაცარი, მაღალყელიანი ფეხსაცმელები, ბაჩყალები და სხვა. ლექსი
94. **ქეთევან ტაბაღაძე** — ლექსები
96. **მარინე რჩეულიშვილი** — მწერალ გურამ რჩეულიშვილის ცხოვრება-შემოქმედებისათვის. გაგრძელება

დრამატურგია

114. **ირაკლი სოლომანაშვილი** — ქალაქის ფრინველი. პიესა
148. **თამაზ ვილაძე** — ირაკლი სოლომანაშვილის კინოს „ქალაქის ფრინველის“ გამო

ახალი თარგმანები

150. **ფელიქს ბაღჩინიანი** — ლექსები. თარგმნა ბალაფერ არაბულმა
152. **სვეტლანა ალილუევა** — წიგნი შვილიშვილთათვის. გაგრძელება. თარგმნა **ჯუმაგარ თითოევიანი**

წერილები

161. **გიორგი ნოდია** — ეროვნულ მოძრაობათა თავისებურება კომუნისტური სისტემის წარმავის ფონზე
178. **გიორგი ზარნაძე** — გაუმეორებ სიწმინდე, ღმერთო!
182. **ნათელა წამეთელი** — ნ. ბარათაშვილი და ხალხური ჯიპირსიტყვიერება
186. **შალვა ამინაშვილი** — ს. ჩიქოვანის სიცოცხლის უკანასკნელი დღეები

გამოსათხოვარი

**მთავარი რედაქტორი
ჯანუარ კალანდია**

სარედაქციო საბჭო:

**ბადათიარ არაბული
ირაკლი ბაზაძე
გიორგი ბაქანიძე
(მთ. რედ. მოადგილე)**

**დავით თედორაძე
ლევან მაღალაშვილი
ელზა მებრევილი
დავით მჭედლოვი**

**ჯემალ ძირია
(პმ/გ მდივანი)**

ჯანო ჯანელიძე

ფსალმუნები

ფსალმუნეი 48

სიმღერა. კორახის ძმთა საბალოგმლი.

2. კურთხეულია აღონაი —
 უფალი ჩვენი,
 განდიდებული ჩვენი ღმერთის ციხე-ქალაქში,
 მის წმინდა მთაზე ამაღლებული.
3. ღირსშვენიერი მალლობი იგი —
 მთა სიონისა — სიხარული ქვეყნიერების
 და ჩრდილოეთით —
 საღეთო ქალაქი
 საბრძანისი და
 სამკვიდრო მეფის.
4. გაცხადებულა ტაძარში ღმერთი,
 როგორც ბურჯი და
 საყრდენი მისი.
5. რადგან მეფენი შეიკრიბნენ,
 აჰა, ესერა, —
 ჩაირინნეს,
 უწყმრად ჩავლეს.
6. იხილეს მათ და
 ეოცათ ხილვა,
 შეჩოქოლდნენ და
 აჩქარდნენ ძრწოლვით.
7. ურვა-ეაებამ დარიათ ხელი,
 იკლაკნებიან მშობიარე დიაცის დარად.
8. დამსგავსებიან თარშიშის ნავებს —
 აღმოსავლეთის ქარიშხლებით
 მიმოფანტულებს.

9. რაიც ვისმინეთ,
 იგივე ვიხილეთ
 საბაით უფლის – აღონაის ციხე-ქალაქში,
 ციხე-ქალაქში ჩვენი ღმერთისა;
 ღმერთმა ამძლავროს სამკვიდრო იგი
 და ფუძე მისი
 განამტკიცოს უკუნისამდე!
10. შენს წყალობაზე,
 ღმერთო მაღალო,
 ჩაფიქრებულვართ შენეული ტაძრის წიაღში.
11. სახელის შენის მსგავსად და დარად
 დიდება შენი განფენილა ქვეყნის კიდემდე,
 ღმერთო, სიმართლით აღსავსეა
 მარჯვენი შენი.
12. დე, განიხაროს სიონის მთამან
 და იუდეველ ქალწულთა დასმა
 იმხიარულოს შენმიერი მართლმსაჯულებით.
13. გარემოდექით სიონის ბჭესთან,
 შემოწერეთ და
 შემოვლეთ იგი
 და სათვალავით მიითვალეთ მისი კოშკები.
14. დაუღეთ გული ზღუდეებს მისას
 და მოიხილეთ პალატნი მისნი,
 რომ ყოველივე უანდერძოთ
 შთამომავლობას.
15. რადგან ეს ღმერთი ჩვენი ღმერთია, –
 მეუფე ჩვენი
 უკუნითი უკუნისამდე,
 და ის იქნება სიკვდილის დღემდე
 წინამძღვარი და
 მეგზური ჩვენი.

ფსალმუნო 49

ლოტბარისადმი. კორახის ძმთა საბალოგელი.

2. ისმინეთ ესე,
 ქვეყნის ხალხებო,
 მომაყურადე, სამყაროს მკვიდრო ყოველო,

- 3. მდაბიორმაც და
დიდგვაროვანმაც,
აზნაურმაც და უაზნომაც —
ერთად ყოველმან.
- 4. ბაგენი ჩემნი
იტყვიან სიბრძნეს,
გონიერებას განაცხადებს გულისთქმა ჩემი.
- 5. ყურს გავამზადებ იგავთა სმენად,
საგალობლებზე ვიგალობებ ქარაგმას ჩემსას.
- 6. ვის შევეუშინდე ავბედობისას,
როს გზათა ჩემთა უსჯულობა
გარემომიცავს?
- 7. ძალმოსილებით მოიმედენო,
რომ გადიდგულებთ უსაზომო სიმდიდრე თქვენი, —
- 8. კაცმა ვერ იხსნას მოძმის სიცოცხლე,
ღმერთს ვერ მიაგოს საზღაურად
სანაცვლო მისი;
- 9. ღია ძვირია სასყიდელი მისი სულისა
და არ ეგების უკუნისამდე.
- 10. რომ ცოცხლად დაშთეს სამარადჟამოდ,
ვერღა იხილოს ვერაოდეს
საფლავი თვისი.
- 11. რამეთუ ხედავს:
ბრძენნი კვლებიან,
მსგავსად ბრიყვთა და უმეცართა მიინქრევიან
და უცხოვს ვისმე უტოვებენ
მონაგარს თვისას.
- 12. გულში ფიქრობენ —
უკვდავია მათი სახლები,
ნათესაეიდან
ნათესავამდე
განეფინება სამკვიდრო მათი, —
და თავის სახელს აკუთვნებენ მიწას და
მამულს.
- 13. აჰა, ესერა,
უხანოა კაცის დიდება —
სულს გაეყრება პირუტყვის დარად.

14. გზა მათეული —
 მათეული უგზურებაა,
 თუმც მათ დიდებას დაღაღებენ
 შემდგომნი მათნი.
15. განაწესებენ ჯოჯოხეთში ცხოვართა დარად,
 დაემწყემსებათ სიკვდილის ლანდი,
 უბატონებენ წმინდანები დილაციმარე
 და გაილევა სიმაგრე ივი —
 საცხოვრისი და
 საფლავი მათი.
16. ჩემი სული კი ღმერთმა დაიხსნას, გამოარიდოს
 ქვესკნელის მღვიმეს,
 შემიწყნარებს და
 შემინდობს რაჟამ.
17. ნუ შეძრწუნდები —
 ოდეს კაცი დავლას მოიხვეჭს,
 ოდეს დიდებით აღივსება სამკვიდრო მისი;
18. რადგან წავა და
 ვერას წაიღებს,
 ვერც ამქვეყნიურ ავლადიდებას ვერ დაიმგზავრებს
 სიკვდილის გზაზე,
19. თუმც კი თავის სულს განადიდებს სიცოცხლეშივე:
 ქება-დიდებას შეგასხამს ყოვლი,
 ოდეს სიკეთეს მოიხვეჭს შენთვის.
20. ბოლოდ შეერთვი მამათა მოდგმას
 და ვერაოდეს იხილავ ნათელს.
21. კაცი დიდებით შემოსილი,
 მაგრამ უბირი
 აღესრულება პირუტყვის დარად.

ებრაულიდან თარგმნა
ჯემალ აჯიაშვილმა

(გაგრძელება იქნება)



ემსარ კვიტაიშვილი

საბალოზელი

ვერ ხარობდეს შხამის ხე,
დაიშრიტოს გესლი;
დიდო ხეო ცხოვრების,
დაგელოცოს ფესვი,
ძილშიც შენი შრიალი,
შენი ოხვრა გვესმის.

ნაწამები, ნაგვემი,
სული შენით ლალობს,
არ გათავდე, მარად შენსას
ვიგემებდეთ ნაყოფს.

ნაშიერო ადამის,
სიკეთის გზით გველოს,
რომ გაჩენა თავისი
კაცმა არ დაწყევლოს.

შენ, ნათელო, დაძრულო
სურნელოვან ნაძვად,
იგრძენ ჩემი ვედრება,
მიმახვედრე, რაც ვარ,
მმართველს სახით, ტანითაც
ღმერთის მე მიბაძეა.

არ წამერთვას თვალთა ჩინი,
ძარღვს ნუ გადამიჭრი,
შემარჩინე ერთადერთი —
სიყვარულის ნიჭი.

მოუღლეღად მბრუნავო,
ლურჯო, მაღალო ცავ,

სასწაულის შემეფურე,
შენს სიმაღლეს ვლოცავ.

ხონჩით, გობით მიაგებე
უსასოლდ შთომილს
მზით მოსილი მოსაკალი
ზაფხულ-შემოდგომის.

მზეო, ღმერთის ხატებაჲ,
ყოველის ძირო, თავო,
ჩოქვით მუხლისთავები
მინდა გაღვიტყავო.

შროშანს კაბა ჩააცვა,
ჩიტსაც მისცა ბინა,
ეს მინდვრები ცხვარ-ძროხით
ვინაც აღმოფინა.

მწადის, წმინდა, შეუღწევი
ნისლი ვისაც ბურავს,
მისთვის ყელამოჭრილად
ვიქცე სალამურად.

თუ რამ დამრჩა სამზერი,
გადიქროლებს, წავა...
ბაგეები მესხნება,
დახსნილს, სალოცაკად.

წელიწადის სამყოფი
ხმები ამოვზიდო,
ზსოვნად მიწის, დაჲადეწო
თვეს თვითეულს, ლითო.

ყველაფერი მიკვირს

მზე ანათებს მინდორს ცვრიანს,
ქაფი წყდება ცხენის ქვიქვირს,
ქვის წისკვილი ოხრავს იქვე, —
მიკვირს, ყველაფერი მიკვირს.

ხან ტკაცუნობს ბნელში კვარი,
ხან შევეყურებ სანთლის ღვარღვალს;
დავცქერ მწვანე ფოთოლს იის,
ვამბობ: ასე რამ დაძარღვა.

გულდაღარულს ვლოცავ ღეროს,
ვუმზერ საღამურის გათლას...
როგორ ხდება — ეკლის ბუდე
რომ იფარავს წაბლის ატლასს.

თუ არ დაწდა სისხლის ღელე,
რისთვის მოგვევლინა ქრისტე.

ფიფქის კრისტალს ნეტა ვისი
საჭრეთელი ავვირისტებს?!

ცაში კენტად მოკრიალე
ნარინჯისფერ იმ ვარსკვლავთა
ვინ დაკიდა ოქროს შუქი,
მე რომ გაჩენიდან მკლავდა.

მეცინება, რა შევძელი,
რა მინდოდა ან რას ველი?!
ხედ, ვეებად, რამ აქცია
თესლი, თვალით უზილველი.

სხვას ვერავის გავაკვირებ,
არცრას გეუბნებით ახალს,
საით მივალ, არას მქონე,
ნურც შემაქებთ, ნურც დამძრახავთ,
ერთი ვიცი — სამარეშიც
შემკრთაღს, გაოცებულს მნახავთ.

ღვთის წყალობა

ის დღე, ის მზე სხვა იყო თუ
თვალი მქონდა სხვა მე;
დავბერდი და არც მინახავს
იმის მსგავსი რამე.

თითქოს ვპოტნი კარს აჭედილს,
გამიკეთეს ჯადო,
ვერ აღვადგენ იმ სასწაულს,
ბევრიც რომ ვეცადო.

იყო ახალგამქრალი
ზამთრის სუსხი, თოში:
დავცქერ იებს, ამოხეთქილს
ახალდამდნარ თოვლში.

იმდენია, თვალო, თვალო —
ვერა და ვერ დათვლი...
ვმაღავ ღეროს ლაფნისას,
საღამურად გათილილს.

მკერდში ახტუნებული,
გული მიღევს ნაღმად,

მოჩქრიალებს ორაგვე,
მივღევ აღმართ-ღამდართს.

ხან მინდორი ცას მცინარს,
ხან ცა მინდორს დაცემს,
სატირალში მივეყვარ
ბეჩავ მაშიღანემს.

ათი წლისა, ყვინჩილას
ვგავარ ღამის მთევარს,
ქალებია გარშემო,
ბიჭი ერთი მე ვარ...

საით მეზიდებოდა
ხან მიწა და ხან ცა;
მუხლი ჩემი ვერც ერთმა,
მახსოვს, ვერ მოქანცა.

საღამურად ლაფნის ღეროს
მე აწ რაღას გავთლი...
თუ რამ კარგი დამცდენია,
იმ დღის არა მაღლი.

ბაზრის კიბეხთან

(გაიყიდა სამი თვის მოზვერი)

ყველაფერზე გვეტყობა —
 ცოდვა ჩვენი დილია;
 შესდექ, მიმოიხედე,
 აქ ყველაფერს ყიდიან.

იღვა სვეტთან თოკაბმული,
 კვამლისფერი ბოჩოლა...
 ღმერთო ჩემო, მდულარესი,
 ვიგრძენ ცრემლის მოწოლა.

მყიდველს უნდა წაეყვანა
 შავტუნა, მიაბიტი;

იღვა ექვსი ათასად და
 დასაკლავად ნაყიდი.

ვაი, ნეტავ არ მენახა,
 გუშინ იყო, პარასკევს, —
 გასანთლული თოკი თითქოს
 ჩემს კისერზეც განასკევს.

(უშზადებდნენ საღდაც მაყალს),
 თვალი გამომაყოლა...
 გუშინ იყო, რაც ვითხარით,
 არც კი ღირდა მოყოლა.

რაიდი ვაკე-საბურთალოს გზაზე

ბიჭს არაყი უსხია
 საიგაკის რქაში;
 ერთბაშად არ ჩამოუდგან
 ნივრიანი ხაში.

ყველი მოფტქენა, გაყინულ პურს
 წაატეხა ყუა,
 მოტყუებულ ქვეყანაზე
 თავი მოიტყუა.

დაკარგული

ერთხელ, ყრმობისას, მახსოვს —
 ბროლის ჭურჭელში ჩამსვეს...
 აღარც მგონია — როსმე
 თუ ველირსები ამ სვეს.

თვალის წამერთვა ჩინი,
 სხივთა გვირგვინით მოსილს,

ჩვილ ყელზე ბროლისაკვე
 მეკიდა ავგაროზი.

ჭურჭლის წახნავი რვავე —
 ენთო, ელავდა მზეზე...
 გარს ვუტრიალებ, მას მერე
 იმ კოშკის კარებს ვეძებ.

ჯერ არ ვითმობი უფალს

არ აკავენს ვინმეს ხათრი,
 არც უამინდობა,
 გუშინ მასთან ვიყავი,
 დღესაც დამიტოვა,
 ელის ჩემგან რაღაცას,
 ეგებ — ამიტომაც.

ფიქრობს, არ ვარ დაშრეტილი,
 იქნებ — ამაღაცო,
 მერე იზამს, ბუმბულივით,
 ცაში ამიტაცოს,

როცა უნდა, გამაშორებს,
 ცოდვილს, ამ მიწასო...

იცის, არამს, დამადლებულს,
 არ შევირგებ წამსც,
 როცა მინდა, მოვასწრებ
 პირზე მურის წასმას,
 რაა ჩემი აქედან
 აბარგება, წასვლა;
 ჩემი გზა მაქვს, არა კაცის
 არ ვიქცევი ასლად

ხელი კველი აივანიდან

ხან გასცქერიან ტაშირს
მთები ახლო და შორი,
ხან დაყვინთავენ ტბაში,
ხან დასტრიალებთ ქორი.

სულ ვაკვირდები — ფერიც
სხვადასხვაგვარი ადევთ.

ხან ხურავთ ლურჯი ჭერი,
ხან ხურავთ ნისლის ბაღე.

მესაიდუმლე არ ვარ,
არც მათი თანასწორი —
გადააშიშვლა ქარმა
მთები ახლო და შორი.

დასვეულ, ნაცრისფერ ღრუბლებში მოქცეული მზის დანახვაზე

ვინ მიხვდება, ამ უწვდომელ
სიმაღლეზე ვინ აგაწყო...
გაჭიმული უსასრულოდ,
შენ ხარ წამი, მარად აწმყო.

ნუ დამეანგავ, მზეზე მქროლავ
რკინის ფრთებზე გამაკარი,
რომ სახეში აწვევტილი,
სამუდამო მცემდექს ქარი.

შაშვი განაგრძულ ტალავერში

ხტის შაშვი ყვითელნისკარტა,
არცარას ითხოვს შენგან;
ყორეს მოჰყვება, შარშანდელ,
დამსკლარ ბროწეულს კენკავს.

წითელ შხეფს ენა ნამცეცა
იჭერს, უბზინავს კეფა...
ხომ ვიცი, რა საამოა
ნაყოფის, ტკბილის, სულეპა.

გაწელა ყელი აწვდილი,
მხარი თრთის, ჩაზნექია,
ლივლივებს, თაფზე ევლება
გალავანს მალალს, ქვიანს.

მტვერს, ხმაურს გარიღებული
კუთხე — პატარა, ღია,
მან რომ არ დაიჭახჭახოს,
ხომ ვიცი, სამოთხეა.

ტირიფზე ჩამოვადარი ჩიტი

(კავთურის პირას)

ისეთ ხმაზე გლოვობდა
ერთი გულყვითელა,
ვთქვი, მაგ ყელში დაგენაცვლოს
მგალობელი ყველა.

ახლო მისვლა ვისურვე
(ვარ ნამდვილი შეთე),
ნაბიჯის ხმამ დააფრთხო,
გაქრა, დავაფეთე.

მწამს, პირველად ვისმენდი
იმ ჰანგს გასაკვირალს,
მისას სწუხდა, მოსთქვამდა
თითქოს ჩემს სატირალს.

აღრეც, ახლაც, გზა ჩემი
უკუღმართად მიდის;
ვეჭვობ, კიდევ მეღირსოს
ნახვა მე იმ ჩიტეს.

მასხნდება...

ბევრი წავიდა, ვისაც მე
 ვთვლიდი ახლობლად, ღვიძლად;
 ვაქრა დუქანიც, სად ერთხელ
 სარგისმა გვიმასპინძლა.

სადაც აქ იყო, ვიზხედით,
 ჩვენს ბიჭობაში, ადრე...
 ვწუხვარ, მტკვრის პირას, განხიტილს,
 ფეხით მოვყვები ჭადრებს.

უაზროდ მოარული

წუთისოფელი ჭრელი
 მიიკლანება, მიხტის,
 რაც მაქვს, ყველაფერს ვალაგებ,
 კაცი არაფერს მიხდის.

ბაზარს ჩაუვკლი, მეცემა
 სუნი ნაგვისა მჟავე,
 სულ ამათა შეკითხვა:
 „ვინ არის დამნაშავე?!“

გველუკება მოგავალი

რა ღვთის წყრომაა ჩვენ თავს,
 რა ღმერთმა შეგვჩვენა, —
 შპრიცებით დაძიძგნილი
 რამდენი ლურჯი ვენა...

საით მივაგნოთ საშველს,
 რა სასწაული გვიხსნის,
 იდაგვის, იწამლება
 ჩვენი ხორცი და სისხლი...

სანამდე...

სადაურ ცას გავეკვრები,
 რა ვარსკვლავებზე გადავივლი...
 ქროდის გავივებ — სიკვდილი
 მხელი არი თუ ადვილი.

მიწაზე სანდო, იოლი,
 სად ვნახო სასიარულო.

ასე სანამდე ვეკიდო,
 წყვეტება ჩემო ქარულს,

დამწყვლულებელზე, წყულზე
 ეს კი ითქმება ადვილად —
 მე რომ სიცოცხლე გავლიე,
 იმას აჯობებს ნამდვილად.

მიწის ღიშილი

იდუმალ შრიალს ვისმენ,
 ღმერთის ნებაა, მაშ რა...
 სასწაულია, თეთრო
 ყვავილო, შენი გაშლა;

არც მსურს გაგება იმის —
 რა წვიმებს მოჰყევ, რა შლამს,
 ისიც გეყოფა, წამით
 შეებას რო მოგვრი მაშვრალს.

ამ ბოლო დროს

კვითხულობ უპირატესად
 ძველ რომაელებს, ბერძნებს,
 შინ მარტო ყოფნას ვუმატე,
 გული უმათოდ ვერ ძლებს.

ავიც და კარგიც, ამ ქვეყნად,
 ყოველი გამოსცადეს,
 აჩრდილნი, მათ რომ აჯობოს,
 აღარც მიუვა ჭადგის

როგორ არ მოგეზრდა

ახალ სურვილებს მივდექ,
 წუხს სული, თუ არ დათვრა,
 რას მოგანიჭებს იმდენს
 ასრულებული ნატვრა.

თითო სიცოცხლე თითოს,
 ხეს, მტირალს, უგებს ხევე...
 როგორღა მივიზიდოს,
 რაც უკვე დაატყვევე.

ავეურებ ღამეულ მას

ის ვარსკვლავი ხედავს, კენტი
 მოვიკუნტე საცოდავად,
 ცად მიმავალს, მაცოდინა —
 ასე რამ დამაცოტავა.

ვალს წაიღებს გარდუვალი,
 გინდ დაუხვდე მამაცადაც;
 ბედმა ჩემმა, უცაბედმა,
 სიკვდილი არ დამაცადა.



გულო კობიაშვილი

ნო ვ ე ლ ე ბ ი

რობიზონა, დეზდემონა რომ უყვარდა

— არ გეგონოთ, შვილო, ოთახის კუთხე იმიტომ გავაქირავე, ფულს დავხარბდი. არა, სულ არ მინდა თქვენი ფული, ხმის გამცემი მჭირდება, უბრალოდ, სხვა არაფერი. ვიდრე ვმსახურობდი, კიდე ვუძლებდი ამ საშინელებას, — მარტოობას, — თვალზე ცრემლი მოადგა რუსუდანს. — თანაც სამსახური მქონდა ისეთი: მთელ დღეს ბავშვებთან, საღამოს რვეულების სწორება... რაც პენსიაზე გავედი, ადგილს ვვლარ ვპოულობ. შიშაც დამჩემდა. ადრე ეს საკითხი მაინც არ მაწუხებდა, შემეძლო, ავად თუ კარგად საკუთარ ჭერქვეშ მეთია დამე. ახლა კი დავღალე ნათესავები, ხან ერთთან მივდივარ, შესაღამოვდება თუ არა, დასამინებლად, ხან მეორესთან. ლიდამ მირჩია მერე, ჩამესახლებინა ვინმე ახალგაზრდა, სოფლიდან ჩამოსული გოგო, კანდიდატურაც თვითონვე შემომთავაზა, — ღიმილით შეათვალა მდგმური რუსუდანმა, — პატიოსანი, საქმიანი, უმაღლესდამთავრებული ქალიშვილიაო.

მდგმურმა სალათის ჭამა მოამთავრა, ისევ კატლეთი გადაიღო და კვლავ კუშტად მოათვალა სამზარეულო.

— ჩაისაც ხომ არ დააყოლებდით? — თავისი თეფში განზე გასწია და წამოიწია რუსუდანმა.

მდგმურმა კუშტი მხერა თაროდან

მინებზე, მინებიდან იატაკზე, იატაკიდან მაკივარზე გადაიტანა და ბოლოს, კატლეთის დამთავრების შემდეგ, მსხალი შეათვალა.

რუსუდანმა ვერ ჯაიგო სურდა თუ არა ჩაი მდგმურს, ყოველი შემთხვევისათვის მაინც დადგა ჩაიდან და ისევ სუფრას მიუბრუნდა.

— ძნელი პროფესია ავირჩევიათ; წარმოდგენილი მაქვს, რამდენი კლიენტი გაწუხებთ ალბათ. ერთხელ დამჭირდა იურიდიული კონსულტაცია და თითქმის მთელ დღეს ვიდექი რაგში. ღმერთო, ვილა არ იყო, ვინ ჩიოდა, ვინ თავს იცავდა... თანაც ყველას რატომღაც მართალი რომ ჰგონია თავი, — გაიღიმა რუსუდანმა, მაგრამ როგორც კი მდგმურის მკაცრ მზეერას გადააწყდა, მაშინვე, შემკრთალმა, მოსხიპა ღიმილი.

მდგმურმა ბოლომდე, სლაპასლუპით ჩამთავრა მსხალი, ხელები შეიწმინდა, დაასლოკინა, კბილი ასანთის ღერით გამოიჩინა და ჭურჭლის ალაგებას შეუდგა.

— უკაცრავად, ხმას რატომ არ მცემთ? — ჰკითხა უცებ რუსუდანმა და თავის შეკითხვაზე თვითონვე წამოწიოლა: „ვაიმე, იქნებ ყრუა... თუმცა ფასზე რომ მეღალატობოდა, მაშინ ნორმალურად ესმოდა...“

— ჭამის დროს ლაპარაკი უკულტურობაა! — უსიამოვნო, წიკვინა ხმით თქვა უცებ მდგმურმა და ჭურჭელი ხმაურით ჩაახვავა ნიჟარაში. — ცხელი წყალი მოდის, ხომ, ყოველდღიურად?

— ო, დიახ! — რატომღაც ფეხზე წამოდგა და წინსაფარი შეისწორა ნირწამხდარმა მოხუცმა. — ნუ წუხდებით, მე თვითონ.

— ვერავის გარეცხილ ჭურჭელს ვერ ვიტან! — ცივად, მკაცრად გამოაცხადა მდგმურმა და გახჭქურა გამორთო — ვერც ჩაის!

— აჰა... — თავი დაუქნია შემკრთალმა რუსუდანმა და დასჯილი ბავშვივით მიჯდა კუთხეში.

— ფანჯრები დასაწმენდია, იატაკს ხომ ნულარ იტყვი! ამ კარს საღებავი ვერ გადაუსვი?

— რა ვიცი, აღარ მაქვს აღარაფრის თავი, შეილო და... — მოიბუზა რუსუდანი. — ვითომ დავალაგებინე, დავაწმენდინე ყველაფერი წინა კვირას... რა ვიცი, ფული კი წაიღო, ტილოებით და ვედროთი კი ტრიალებდა იმხელა, ჯანღონით სავსე ქალი და...

— ჰმ! — თავი გადააქნია და უცებ თეფშს დააშტერდა მდგმური. — ანტიკვარია! რად გინდა ყოველდღიურ სუფრაზე, რა ღირს ეს, იცი?

— უკაცრავად, რამდენი წლისა ბრძანდებით? — თავისდაუნებურად ჰკითხა უცებ რუსუდანმა და რატომღაც თვითონვე შეაკრთო თავისმა შეკითხვამ.

— აქვს მაგას რაიმე მნიშვნელობა შენთვის? — ცივად მოუბრუნდა მდგმური. — ოცდარვის, რადგან ასე ძალიან გაინტერესებს.

— არა, კი არ მაინტერესებს, — დაიბნა რუსუდანი, — ისე, რა ვიცი, რაღაცაზე ხომ უნდა ვისაუბროთ და...

— ჰმ! — თავი ისევ გადააქნია და დაამთქნარა მდგმურმა.

რუსუდანი ოთახში გავიდა. ერთხანს უაზროდ იდგა გაშტერებული, მერე ტელევიზორი ჩართო. ცოტა ხნის შემდეგ მდგმურიც შემოვიდა, უხმოდ გახსნა ჯერ ერთი, მერე მეორე ჩემოდანი,

უხმოდვე შეაღწა ამოდებული ტანსაცმელი გარდერობში, რომელიც დილით მთლიანად გაუთავისუფლა რუსუდანმა, უხმოდვე აიღო პირსახოცი და სააბაზანოში გავიდა.

რუსუდანი ნირწამხდარი იჯდა ტელევიზორთან, მხოლოდ უყურებდა, ერთი სიტყვაც არ გაუვია იმისა, რაც ეკრანზე ხდებოდა, უცხო, რაღაც გამოუთქმელი და აქამდე უცნობი სევდა უსებდა გულს.

დაახლოებით საათნახევრის შემდეგ მდგმური სააბაზანოდან გამოვიდა, შემოიტანა სასიამოვნო შამპუნის, ნელსაცხებლის სუნი, გადაიცვა ღამის თეთრი, კოჭებამდე დაშვებული პერანგი, უხმოდ შეათვალღერა ჯერ რუსუდანის კედელთან მყუდროდ მიდგმული საწოლი, მერე — ამრეზით — ტახტი, რომელიც ფანჯარასთან იდგა და რომელზედაც თვითონ უნდა დაეძინა, ისევ გახსნა ჩემოდანი, ამოიღო უშველებელი, ჩარჩოიანი სურათი, მიაყუდა ბალიშსა და კედელს შუა, დაწვა, შეაქცია ზურგი რუსუდანს და მიხედვილი და მწუხარე მხერა მიაპყრო ფოტოზე ცალ-ცალკე აღბეჭდილი ორმოცდაათი კურსდამთავრებულიდან ერთ-ერთს.

— უკაცრავად, — ცნობისმოყვარეობამ სძლია რუსუდანს, — თქვენი გამოშვების ფოტოა?

— დიახ, — რატომღაც ამოიოხრა მდგმურმა.

— ასე გიყვართ თანაკურსელები? — ღიმილით შეათვალღერა ფოტო რუსუდანმა.

— ჭირს წაუღია ყველა თანაკურსელები კი არა, აი, ეს მიყვარს! — თითო მახვილივით ატაკა შიგ გულში თმახუჭუჭა, უღვაშა ბიჭს მდგმურმა და მკაცრად ჩაიბუზღუნა: — ვეღარ მოვახერხე ერთი, ცალკე ამოვაბეჭდინო ამის სურათი, ორმოცდაათი კაცი მიწევს ყოველდამ ლოგინში. როგორია, მოგწონს?! — თავი რუსუდანისკენ შემოაბრუნა და ინტერესით, ამაყად იკითხა.

— ძალიან, — რატომღაც გაწითლდა რუსუდანი. — თხოვეთ ბარემ, გაჩუქოთ



ისეთი სურათი, მარტო თვითონ რომ იქნება ზედ აღბეჭდილი.

— ჰმ, ვთხოვო, — ჩაიქირქილა მდგმურმა. — თვითონ არც იცის.

— რა არ იცის? — დაიბნა რუსუდანი.

— რა და, რომ მომწონს.

— მოგწონთ თუ გიყვართ? — ისევ დაიბნა რუსუდანი.

— მიყვარს, თავს ვიკლავ ახლა მეც ამის გულსთვის! თუკი ვინმე გამოჩნდა, თუნდაც იმ დღესვე გავთხოვდები, მაგრამ თუ არ გამოჩნდა ჯერ არავინ, ხომ უნდა ვიფიქრო მანამდე ვინმეზე? გაუთხოვრად ამის კი არა, მზეჭაბუკის გამო არ დავრჩები. ეგ მაკლია, ვიჯდე ბაცი-კუკუსავით სიბერეში მარტო და ვეძებო მერე ვინმე, ხმის გამცემი!

რუსუდანმა ერთხელ კიდევ, გაცივებით დახედა, ისევ ორმოცდაათიდან ერთ-ერთს მიჩერებულ მდგმურს და უხმოდ გამობრუნდა თავისი საწოლისაკენ. უხმოდ გაიხადა, უხმოდვე ჩაწვა და წიგნი გადაშალა.

— სინათლეს რატომ არ აქრობ?! — რუსუდანისკენ არ მიუხედავს, ისე იკითხა მდგმურმა.

— რა ვიცი, უყურებთ და... — თავი იმართლა რუსუდანმა.

— ვუყურებ რა, განთიადამდე კი არ ვაპირებ, — ერთხელ კიდევ დააშტერდა და მერე რაფაზე შემოდო სურათი მდგმურმა. — ისედაც გვიანაა უკვე. ქალმა სულ ცოტა რვა, ცხრა საათი თუ არ იძინა, რას ემსგავსება მერე.

რუსუდანმა ჭკალი გამოართო, საწოლის თავთან დაკიდული პაწაწინა ბრა ჩართო და ისევ წიგნს მიუბრუნდა.

— ეს რაღა ფოკუსია ვითომ? გაიგე, ბრა კი არა, ციცინათულაც რომ იყოს, ვერ დავიძინებ თუ ანათებს. შენ რა გუნაღვლება, გათხოვებას აპირებ, თუ?

— იცით, — შეეცადა უნიათო წინააღმდეგობას რუსუდანი, — არაფრით არ შემძლია ისე დამძინება თუ რამე არ წავიკითხე; რა ვქნა, ისე ვარ ბავშვობიდანვე მიჩვეული კითხვას...

— თუ კითხვა გინდოდა და წერა, ბი-ნა კი არ უნდა გაგეპირავენბინა, ჩემო მოძერა ტახტიდან.

კარგო! — ანჩხლად წამოსწია თავი მდგმურმა. — ან კეთილ უნდა გენებებინა და გეტქვა თავიდანვე, რომ დამლაშობით სინათლეს არ აქრობ!

— ჩაქრობით როგორ არ ვაქრობ, მაგრამ... — დაიბნა და სინათლე გამართო რუსუდანმა. — იცით, გულწრფელად რომ ვითხრათ, ყველასი მიკვირს, ვისაც შეუძლია და არ კითხულობს, განსაკუთრებით დამლაშობით. იცით, რა კარგი გრძნობაა, თანაც თუ კარგი წიგნია?

— კარგი, კარგი, წიგნის მეტი რა წამიკითხავს, მაგრამ აქვს მაგას თავისი დრო და დაიძინე ახლა!

„ახლა კი არა, საერთოდ თუ დავიძინებ ოდესმე, აღარ მგონია“, — მწარედ გაიფიქრა რუსუდანმა, თვალზე რატომღაც ცრემლი მოადგა და ფართოდ გახელილი თვალებით მიაჩერდა სიბნელეს.

ერთი საათიც არ იყო გასული, მდგმური წამოდგა; სინათლე არ აუნთია, ისე გაიარა ოთახი, გავიდა საპირფარეშოში და წამსაც არ გაუვლია, უკანვე შემობრუნდა.

ძიღვამტყყარმა რუსუდანმა გარედან შემოსულ მკრთალ სინათლეზე უნებლეთ მიაყოლა თვალი, — ჩაფართხუნებულ თეთრ პერანგში გამოწყობილი მდგმური მოჩვენებასავით აძვრა ტახტზე, ისედაც ერთი ბეწო მთლად მოიკუნტა და საბანი წაიფარა თავზე.

რუსუდანმა ამოიოხრა და ისევ სიბნელეს გაუშტერა თვალი.

ხუთ წუთსაც არ გაუვლია, ტახტი შეიძრა, მდგმური ისევ ჩამოძვრა ტახტიდან, ისევ გადაჭრა ოთახი და ისევ საპირფარეშოში შევიდა. რუსუდანმა თავი წამოყო და საპირფარეშოს სარკმელს გახედა. საპირფარეშოში სინათლე არ ენთო. ერთი წამის შემდეგ მდგმური ისევ გამობრუნდა, ისევ გადამოჭრა ოთახი, აძვრა ტახტზე და ისევ ბოლომდე წაიფარა თავზე საბანი.

ათიოდე წუთიც არ იქნებოდა გასული, ძველი, ფეხებშირყეული ტახტი კვლავ შეიძრა და მდგმურა კვლავ სა-

— ცუდად ხომ არა ხართ, მიმოზა? — წყნარად ჰკითხა რუსულანმა.

მდგმურმა არ უპასუხა, სააბრფარე-შოში შევიდა, სინათლე არც ახლა აუნთია, წამის შემდეგ ისევ გამობრუნდა და დაწვა.

შეშფოთებულმა რუსულანმა კიდევ ორჯერ, მომდევნო ორი წამოდგომისას, ჰკითხა მდგმურს ჯანმრთელობის შესახებ, მაგრამ პასუხი არც ახლა მიუღია, მდგმურის მეექვსე წამოდგომაზე კი თვითონვე წამოჯდა ლოგინში და ელდანაცემი მიანერდა უკანვე შემობრუნებულ და ტახტზე ამკვალ ქალიშვილს.

„მთვარეული სჭირს, ეტყობა, ამ საცოდავს, როგორ ვერ მივხვდი!“

მდგმურმა კვლავ თავზე წაიფარა საბანი და ამის შემდეგ დილაძე ფეხი აღარ გაუნძრევია.

რუსულანმა უთელ ღამეს თვალი ვერ მოხუჭა.

„ერთიც ვნახით და სახურავზე გავიდეს... გადმოვარდეს მერე იქიდან... ვაიმე, ვაიმე... ვაი! უცებ რომ წამოუაროს და დამახრჩოს!.. ცეცხლი რომ წაუკიდოს სახლს!.. ვაიმე, ფანჯარა კარი რომ ეგონოს...“

დილით ღამენათევმა რუსულანმა სუფრა გააწყო და ვიდრე სააბაზანოდან გამოსული, შეპუდრული და სუნამო-დაფრქვეული მდგმური ჭამას შეუდგებოდა, ჩაფიქრებულმა და დადარდიანებულმა შეპარავით წამოიწყო:

— იცით, წუხელ თქვენ ხუთჯერ აღექით.

— ექვსჯერ, — კუშტად გაუსწორა მდგმურმა და შეცბუნებული რუსულანი ცივად შეათვალიერა, — კარგად ვერ დაგიოთვლია.

— მერე... მერე... — საშინლად დაიბნა რუსულანი, — რომ შეგეკითხეთ, რატომ არ მიპასუხებთ?

— რა კულტურაა, ვითომ, შუალამის დროს ლაპარაკი?! და თუ მაინცდამაინც ძალიან გაინტერესებს, რატომ ვდგებოდი, ახლა ვეტყვი: ცისტიტი მაქვს, ბატონო და, სხვათაშორის, კარგს იზამ თუ ადვილს შემიცვლი და ფანჯარასთან შენ გადმოწვები, ფულის გადახდას არ ვაპირებ თუ?!

რუსულანმა უხმოდ შეათვალიერა მდგმური და ისევ დასჯილი ბავშვივით მიჯდა კუთხეში.

— ესეც ასე! — საუზმეს მორჩა და წამოდგა მდგმური. — შენ რატომ არ ჭამე, არ გშია?

— რა ვიცი, აბა? — მხრები უმწეოდ აიჩენა მობუზულმა ქალმა.

— რა დაგემართა?

— რა ვიცი, აბა... ისე ვარ, როგორც რობინზონ კრუზო უკაცრიელ კუნძულზე, — გაღიმება სცადა, მაგრამ თვალზე ცრემლი მოაღვა მოხუცს.

— რომელი ეგ, ღებდემონა რომ უყვარდა? — პირში თმის სამაგრი გაირჭო და თმა ჩაიხვია მიმოზამ.

— რა ბრძანეთ?!

— რობინზონა, ღებდემონა არ დაახრწო ეჭვიანობის გამო? — თმა სამაგროთ შეიკრა და რატომღაც ძალიან ამკვად მოუბრუნდა მდგმური რუსულანს. — ვკითხულობთ ჩვენც, ქალბატონო, მაგრამ არა ღამლამობით. ტილოები ვამიმზადე, მივალ თუ არა, ხეხვა, დალაგება უნდა დაიწყო. უკაცრავად, მაგრამ ყველაფერს თუ არ მოუყარე... სად შემიძლია მე ასე, თქვენსავით ვიცხოვრო!

წამების დღე

სამხატვრო სახელოსნოს ოთხივე კედელზე ნახატებია დაკიდებული: ზოგი დიდი, ზოგი პატარა, ზოგი ჩარჩოიანი, ზოგი უჩარჩო, დამთავრებული, დაუმთავრებელი, პორტრეტი, ნატურმორ-

ტი... ერთადერთია მხოლოდ პეიზაჟი: ჩახჩახა წითელი მზე რატომღაც ამკვად გადმოჰყურებს ღია მწვანე მოლზე აღმართულ ლიმონისფერ თივას, ხოლო თივის თავზე საწყლად თავჩაქინდრუ-



ლი ზის რომელიღაც, გაურკვეველი ჯიშის, ძალიან ყვითელი ფრინველი. დანარჩენი, დამთავრებულიც და დაუმთავრებელი ნახატიც, ამ პეიზაჟში გამოყენებული ფერებითაა შესრულებული; ასეთივე, ჯერ ისევ გამოუყენებელი ფერებით სავსე ყუთი დგას ახალთახალი, უკვე სამუშაოდ გამზადებულ-გადაჭიმული ტილოს წინაც.

ერთადერთი, რაც ამ მყვირალა და, თანაც, უხმო კაკაფონიას არღვევს ამ ოთახში, არის არცთუ ისე ახალგაზრდა, შავკვრემანი, შავწვერა და შავდშემოსილი კაცი, რომელიც სალათისფერ ტახტზე ისე გაშოტილა, გულზე დაკრეფილი თითებიდან ერთ-ერთის მოუსვენარი ტოკვა რომ არა, შეიძლება მკვდარი ჰკონებოდა თვით იმ გაურკვეველი ჯიშის ფრინველსაც კი. ასე უღვთოდ რომ გაუმეტებია შემოქმედს თავარა მზის გულზე სამუდამო ტანჯვისათვის.

კაცი თითის ტოკვას წყვეტს, ჯერ თვალდახუჭული ოხრავს, მერე თვალგახელილი, და მაჯის საათს დაჰყურებს. დღის სამი საათია: კაცი სკამზე დადებული ტელეფონისკენ იწვდის ხელს, აპარატს მკერდზე იდებს და ნომერს კრეფს.

— ღია ხარ? — ნაღვლიანი ხმით კითხულობს და თვალებს ხუჭავს, — როგორა ხარ, ჩემო ანგელოზო?... მე-ე? ეჰ, როგორ ვიქნები უშენოდ... ის ქალი? ეჰ, ნუ მიხსენებ, ქალი კი არა, ქაჯია ხორცშესხმული. როდის იქნება, მოვიშორებ. როდის იქნება, რომ ერთად ვიქნები, ჩემო სიყვარულო... დღეს? დღეს არა, ჩემო მერცხალო, ჩემო კუდ-მაკრატელავ, დღეს ვმუშაობ! ეჰ, არაფერს, არაფერს არა აქვს აზრი ჩემთვის უშენოდ... იცი, დავიფიცე, მტკიცედ დავიფიცე, დღეს როგორმე გავძლო შენი ნახვის გარეშე და ვიმუშაო... ჰოო, ჩემო ბედნიერება, ჩემო სიცოცხლე, ჩემი მარტოობის წამალი! იცი, ნიკალა რატომ იყო უბედური? მეგობარი რომ არ ჰყავდა შენნაირი, თანამგობნობი და ხელისშემწყობი... ჰო, მაგაში

კი ფიროსმანს ვგავარ ნაღვად, — ალბათ სიკვდილის შემდეგ დამაფასებენ მეც. ცოცხალი არ ვჭირდები არავის, თორემ... არ იცი ჩვენი ხალხის ამბავი? შური, ბატონო, შური, მკვდრის არ შურთ მარტო არაფერი... აბა, თანაც ასეთი ფერები... ეეჰ, რა მეშველებოდა, შენ რომ არ მყავდე?... რომელი ნატურმორტი, ვაშლებით? იმას ხომ იმ დღესვე მოვრი, რა დღესაც დავიწყე. მიკვირს, იცი, როგორ ანდომებენ ხოლმე თვეებსა და წლებს რაღაც ერთ ციცქნა ტილოს... ხომ გითხარი, ანგელოზო, მე სხვა ვარ, ჩემი ნიჭი განსაკუთრებულია... გაგება? მერე? დიდ პიროვნებას ხომ ვერც უგებდნენ ვერასოდეს, ჩემო მზის სხივო, გაიხსენე, აბა, ნიკალათი დაწყებული, სიცოცხლეში აუღიარებელი არ წავიდა განა ყველა დიდი შემოქმედი? აუღიარებელი და მარტო იყო ყველა, თითქმის ყველა, მთელი თავისი სიცოცხლის მანძილზე... არა გრცხვენია, ჩემო გოგო? მე თვითონ არ გითხარი, შენ რომ არ მყავდე-მეთქი? პირიქით, ვამაყობ, რომ სწორედ მე ვარ გამონაკლისი მათგან და სწორედ შენი წყალობით... ჩემს საყვარელ თეთრ ღვინოს მომიტან? ხომ გითხარი, დღეს ვერა-მეთქი. დღეს წამების დღე მაქვს, ჩემო გოგო, ხომ უნდა ვიმუშაო, ხომ უნდა შევექმნა რაღაც. მოგეხსენება, შემოქმედის ცხოვრება რა სასტიკიცაა, რა მსხვერპლსაც მოითხოვს... მსხვერპლი არაა ჩემთვის, აბა რა, შენ რომ უარს გეუბნები ჩემთან მოსვლაზე, მხოლოდ იმის გამო, რომ უნდა ვხატო?... ჰო, ამაზე დიდი მსხვერპლი რა უნდა შესწირო შემოქმედმა ხელოვნების ღმერთს... ნახვამდის, ჩემო ზვარაკო, ჩემო თიკანო!.. აჰ, რა დამავიწყებდა, ახლა უნდა მეთქვა სწორედ: ხვალ დიდიდანვე და ვიდრე დრო გექნება, აქ იქნები... ღვინო არ დაგავიწყდეს. გოცნი, ჩემო ჭკვიანო, ჩემო მარტოობის მაღამოვ, ჩემო კუდმაკრატელავ...

კაცი თვალს ახელს, ამოქნარებს, საათს დაჰყურებს და ისევ კრეფს ნომერს.

— ქეთი ხარ? — ნაღვლიანი ხმით კითხულობს და თვალებს ზუჭავს. — როგორა ხარ, ჩემო ანგელოზო?... მე-ე? ეჰ, როგორ ვიქნები უშენოდ... ის ქალი ხომ, ეჰ, ნულარ მიხსენებ. როდის იქნება, მოვიშორებ, როდის იქნება, ერთად ვიქნებით, ჩემო სიყვარულო... დღეს? დღეს არა, ჩემო მერცხალო, ჩემო კუდმაკრატელავ, დღეს ვმუშაობ... ეჰ, არაფერს, არაფერს არა აქვს აზრი ჩემთვის უშენოდ... იცი, დავიფიცე, მტკიცედ დავიფიცე, დღეს როგორმე გავძლო შენი ნახვის გარეშე და ვიმუშაო. თუ დღეს მთლად ვერ დავამთავრე, მაშინ ხვალაც... ხვალ დამირეკე და გეტყვი... ჰოო, ჩემო ბედნიერებავ, ჩემო სიცოცხლევ! იცი, ნიკალა რატომ იყო უბედური? მეგობარი რომ არ ჰყავდა შენნაირი, — თანამგრძნობი და ხელისშემწყობი... ჰო, მაგაში კი ფირისმანს ვვაჯარ ნაღდად, ალბათ სიკვდილის შემდეგ დამაფასებენ მეც. ცოცხალი არ ვჭირდები არავის თორემ... არ იცი ჩვენი ხალხის ამბავი? შური, ბატონო, შური... ეს სახელოსნოც რისი ვაი-ვაგლახით გამოვგლიჯე... მკედარზე არიან მარტო მაგრები, მოკვდები თუ არა, სიხარულისაგან მაშინვე მალღარებენ. აბა? თანაც ასეთი ფერები, არც ერთ მხატვარს არა აქვს ასეთი შეხამება, იცი?... ეეჰ, რა მეშველებოდა, შენ რომ არ მყავდე... ხომ ვითხარი, ჩემო ანგელოზო, მე სხვა ვარ, ჩემი ნიჭი გამორჩეულია... მერე რა, ჩემო კუდმაკრატელავ, ყველა დიდი შემოქმედი განა აუღიარებელი არ იყო სიცოცხლეში? აუღიარებელი და მარტო... არა, არა გრცხვენია, ჩემო გოგო? მე თვითონ არ ვითხარი, რომ არ მყავდე-მეთქი? პირიქით. ვამაყობ, რომ სწორედ მე ვარ გამონაკლისი შენი წყალობით... ჩემო საყვარელო, სამწვადე ხორცი უნდა მოგეტანა? ეეჰ, ხომ ვითხარი, დღეს წამების დღე მაქვს-მეთქი. უნდა ვიმუშაო. შემოქმედის ცხოვრება მოგეხსენება, რა სასტიკიცაა, როგორ მოითხოვს მსხვერპლად სწორედ იმას, რაც ან ვინც ვიყვარს... ასე, რომ, ამ მრისხანე ღმერთს შენ თავს ვწირავ, ჩემო

ბატკანო... ნახვამდის, ჩემო ზვარაკო, ხვალ დამირეკე. თუ ხვალ აღრიანად მოვრჩი, ხვალვე მოხვალ, თუ არა და ზეგ, დილიდანვე ერთად ვიქნებით, ჩემო ციციანათელავ, აუცილებლად... სამწვადე არ დაგავიწყდეს... ოჰ, როგორ მინდა, რომ იცოდე, შენთან და რა ვქნა... გკოცნი, ჩემო ჭკვიანო, ჩემი მარტობის მალამოვ...

კაცი თვალს ახელს, ამოქნარებს, კიდევ აპირებს ნომრის აკრეფას, მაგრამ სახეზე ეტყობა, ეზარება, აპარატს სკამზე დებს და საათს დაჰყურებს.

— როდის დაიწყება და როდის დამთავრდება ეს წამება, ამის... — თვალებს ზუჭავს და გულზე დაკრეფილი თითებიდან გაავებით ატოკებს ერთ-ერთს.

უკვე შებინდებულია. გულხელდაკრეფილ კაცს სხენის კიბეზე ამომავალი მაღალი ქუსლების ბაკბუკი აღვიძებს. სწრაფად დგება, თვალს იფშენებს, სინათლეს ანთებს, ფუნჯს წითელ საღებავში აწებს და თეთრ, ქათქათა ტილოზე გეორგინის ჩახჩახა თავი გამოჰყავს.

კარი იღება, ოთახში შემოსული კაფანდარა, გრძელცხვირა ქალი მძიმე ჩანთას კუთხეში დებს, ფეხსაცმელს უხმაუროდ იხდის და თითის წვერებზე აწეული მიდის კაცისაკენ, რომელიც მონადირესავით, ჯერ შორიდან გაჰყურებს თვალმოჭუტული, შემდეგ კი ყვითელ საღებავში ამოწებული ფუნჯით დინჯად და საზეიმოდ უახლოვდება გეორგინას.

— კი, მაგრამ, თამაზ, სად ვინახავს ასეთი ფურცლიანი გეორგინა? — ისეთი ჩურჩულით ეკითხება კისერწაგრძმელებული და თვალგაჭყვტილი ქალი კაცს, გვერდებზე, ეშინია, თვითონ საწყაღმა, დაზარალებულმა გეორგინამაც არ მოჰკრას ყური თავისი უბედურების ამბავს და იქვე არ გადაიროს შეურაცხყოფილი.

— თითოეული მხატვარი ხატავს ისე, როგორც ხედავს; მილიონჯერ მაქვს შენთვის ამის შესახებ ნათქვამი! — მკაცრად იკრავს შუბლს კაცი და ქალი-



სკენ არც იხედება, გააფთრებით განაგრძობს ყვავილის შემკობას.

— ვაიმე... — აჟრულებს უცებ ქალს და ჩაფიქრებული ჩუსტში ჰყოფს ფეხს.— წარმოგიდგინა? კიდეც კარგი, მოდელიანი მაინც არა ხარ.

— მოდელიანი კი არა, მოდილიანი! — შემოუბრუნებლად უსწორებს კაცი და რატომღაც ოხრავს: — ვითომ რატომ, ვყოფილიყავი, რა!

— რას ამბობ! — ტახტზე ჯდება შეშინებული ქალი. — ღმერთმა დამიფაროს! როცა იქნებოდა, გადიარებდნენ და დარჩებოდა მერე ჩემი კიტრით პორტრეტი შთამომავლობას: „მხატვრის მეუღლე ლაშხირა“. არა, ესეც კი დარჩება, თუ გადიარეს, მაგრამ... — ქალი თითს იშვერს და სულ კენწეროში მიჭედებულ თავის წითელ-ყვითელ პორტრეტს კიდეც ერთხელ აჰყურებს დაკვირვებით და გაკვირვებით. — ეს ცოტათი მაინც მკავს, სხვა თუ არაფერი... — ოხრავს და თვალედაჭყეტილი ისევ კაცისკენ იყურება. — დავიჯერო, თამაზ, მართლა ისეთ, კიტრით სახეებს ხედავდა, თუ მართლა კიტრებით თავ-ტანი ჰქონდათ იმ უბედურებს!

— რა გესმის ხელოვნების, შე საწყალო! — მაგრად შეკრული კრიტიკიდან ზიზღით სერის კაცი, მერე უცებ ასხენდება, რომ ასეთივე შეკითხვა თვითონაც არაერთხელ დაუსვამს, ოღონდ იმდენი ჭკუა კი ჰქონია, რომ არა სხვისთვის, არამედ საკუთარი თავისთვის, და ახლა, ამაზეც გაბრაზებული, ჯავრს ცოლზე იყრის:

— მოკლედ, მინდა, არ მინდა, თვეში ორჯერ წამების დღე მაქვს, არა? ვითხარი თუ არა, არაა შენი მოსვლა საჭირო, დალაგებულია-მეთქი?! ან რა არის აქ დასალაგებელი? ან ის მაინც არ შეგიძლია ხოლმე, წინასწარ მითხრა, ზუსტად რომელი საათიდან რომელ საათამდე იქნები აქ?

— რა გაყვირებს, კაცი, შენ? — წამში იცვლება კიტრზე ჩაფიქრებული თვინიერი ლაშხირა, თვალისდახამხამებაში ფეხიდან ჩუსტს იძრობს და მაგი-

დაზე გამეტებით ატყაპუნებს. — რა გაყვირებს?! უყურე ერთი შენ ამას? ამიკრძაღე ბარემ ახლა ამ ჩემს ცოდვა-ჭირითა და ტანჯვა-წამებით ნაშოვნ სახელოსნოში საერთოდ მოსვლა და ის იქნება! უყურე ერთი შენ ამას! თურმე თვითონ არჩინო, შვილები ურჩინო, სახელოსნო უშოვო, ტილოები, საღებავები, ფუნჯები, საშლელები, ფანქრები, ჭიკარტები, ლურსმნები, ჩარჩოები... კიდეც... — გაფაციცებით და გააფთრებით ავლებს თვალს იქაურობას, — ტახტი, ბალიში, საბანი, ზეწარიც... იმისათვის, რომ თუ დაიღალა, დაისვენოს, ბატონო... მარტო ფუნჯი, გახსოვს შენ, რა ღირს? ახლა საღებავები, ტილოები, ჩარჩოები! იმის მაგიერ, ოჯახში შენ შემოიტანო, ჩემს შემოტანილზე ნებივრობ აქეთ თუ იქით, იქით თუ აქეთ და ახლა ისიც გინდა, ამ სახლში საერთოდ არ შემოვიდე, რომ შენს შემოქმედებაში ხელი არ შეგიშალო? ვიშლი? რას გიშლი? ჩემს ცხვირწინ არ მოაბი თავიც, ფეხიც და ფოთლებიც მაგ ოხერ ყვაკილს? რითი შეგიშაღე, თუ სხვანაირი გამოვიდოდა ეგ საცოდავი, მე რომ არ დავენახე?

— ვაიმე! — ფუნჯიან ხელს შუბლზე იღებს კაცი, სკამზე მისვათებული ჯდება და მართლა ალაღად ეხვეწება ხმაძალა აწიკინებულ თანამეცხედრეს: — გეხვეწები, გეშუადრები, ერთი წუთით... პაუზა მაინც, ცოტა მაინც... ხმადაბლა მაინც...

— ხმადაბლა კი არა, შენ იმდენს იზამ, სახლიდანაც გაგავდებ, აქედანაც მიგაბუნძულებ, შვილებსაც წაგართმევ! როგორც ჩამოხვედი, ერთი პერანგით და ნათხოვარი სანდლებით, ისე გავიშვებ ისევ და ხატე მერე, რამდენიც გინდა, ის შენი სოფლის ველ-მინდვრები, უყურე ერთი შენ ამას! უყურე შენ ამას! ჯერ რა ხარ და ისიც იქნებოდი, მე რომ არა?! იქნებოდი კი, კი, ვიცი, ვინც იქნებოდი: მღებავი, ხარატი ან ზეინკალი. აი, ვინ იქნებოდი. ადამიანად გაქციე, კაცად გაქციე და ახლა თვეში ორჯერაც თურმე აღარ უნდა მოვიდე ამ ჩემს

ნაცოდვილარ, ბიძაჩემისა და მამაჩემის ოფლითა და ხეწნა-მუდართით მოპოვებულ სახელოსნოში, არა?! არ მოგწონვარ, ბატონო? მაინც მეტი წილი შინ არ გძინავს, გადაყოლილი ხარ ამ თითხნას და წადი, ბატონო, ბარემ იქიდანაც და აქედანაც. მე თავზე ვერ დავისვამ, ვერა! შენზე დიდი მხატვარი იყო ფიროსმანი, მაგრამ არ გაყვა არავინ იმის იმედით, სიკვდილის შემდეგ აღიარებენო. სიცოცხლეში ვერაფერს ვხედავ და შენ რომ მოკვდები, ჰა და ჰა, სამოცი წელიც რომ იცოცხლო კიდეც, მე რა, ყვავი ვარ, შენს შემდეგ კიდეც ორასი წელი ვიცოცხლო და შენი მარადუკვდავი სახელითა და დიდებით დავტკბე, და თანაც ისე, შენი მწხავანა სურათები ვეიღო და გაუფუფუნდე?! კიდეც ვითქვამს ამაზე რამე...

— ღამზირა, ჩემო ანგელოზო... არა გრცხვენია? რატომ იცი ხოლმე ასე ლაპარაკი... — სახე უტკებდა კაცს... — მე ეგ ვითხარი, თუ ის, ნუ წუხლები დალაგებაზე-მეთქი? მიუღო ოჯახს შენ გვარჩენ ისედაც, მთელ ოჯახს შენ უვლი ისედაც და მე რა? ისეთი უმაღური და ზარმაცი მნახე, თვეში ორჯერ შენ დაგალაგებინო სახელოსნო? ამას გეუბნები, მეტს კი არაფერს, ჩემო გოგო. ნუ ღელავ, ასე ნუ ნერვიულობ. შენ რომ არ მყავდე, ხომ იცი, რა უბედური ვიქნებოდი, ჩემო ბედნიერება, ჩემო ოჯახის ბურჯო, ჩემი მარტოობის მალამო. შენ იცი, შემოქმედისთვის შენნაირი მუუღლე და მეგობარი რა ბედნიერებაა? ჩემო ზვარაკო, ჩემო ბეკეკო, ვიცი, გაბრაზებ, ვიცი, ზოგჯერ უხეშიც ვარ; ვიცი, ღირსიც კი არა ვარ შენი, მაგრამ უნდა მაპატიო, ჩემო კულმაკარატელავ, უნდა მაპატიო, რადგან ხელოვანი ვარ და, მინდა თუ არ მინდა, ზოგჯერ ნერვიულიც და აუტანელიც ამის გამო. განა ასეთი არ იყო თითქმის ყველა ხელოვანი? შენ ნუ გეშინია, საწყენად არ კუუბნები, მაგრამ მხატვრობა ისეთი რამეა, ჩვეულებრივი, თუნდაც ნიჭიერი აღამიანი ზოგჯერ ვერ ხვდება იმას, რაც სინამდვილეშია. აი, ხომ ხედავ,

საწყენად არც ახლა გეუბნები, მაგრამ მოდილიანი, მსოფლიო მნიშვნელობის მხატვარი... ხომ გესმის... ის, რაც ზოგჯერ შენთვის გაუგებარია, კაცობრიობისათვის აღსაფრთოვანებელია... ისე კი, მე მგონი, არ მოგიწევს დიდხანს ჩემი სიკვდილის ცდა, — უცებ თვალებზე ისვამს თითებს.

— ღმერთმა დამიფაროს! მე ისე, იმიტომ კი არა... — პირჯვარს იწერს უცებ მომბალი და რატომღაც დამორცხვებული ქალი. — ილაპარაკე, თამაზ, ისე მიყვარს, შენ რომ ლაპარაკობ... ნურც ჩემგან გეწყინება, იმიტომ კი არა, რომ... შენ ხომ იცი, როგორ მიყვარხარ... კი არ გამადლი, მაგრამ...

— ვიცი, ვიცი, — თავზე საღებავშეუქმშრალ ხელს უსვამს კაცი ქალს და კისერზე უცებ შემოჭობილი ხელებისაგან მორცხვად ითავისუფლებს თავს. — არა, ჩემო ანგელოზო, აქ ხელოვნების საუფლოა, ნუ შევერაცხყოფთ ამ წმინდა ადგილს. — ღვება და თვალებმოჭუტული გაჭყურებს უკვე ნახევრად აჭრელებულ ტილოს. — რა მამღლევს იმედს, იცი, ვა რითი ვარ ყველაზე უფრო თავში დარწმუნებული? — შრომა არ მეზარება. რასაც აქ უყურებ, ყველაფერი ნელი-ნელ, რუდუნებით, დაფიქრებით... საკუთარ თავში ჩაღრმავებით და... და ეგეთი რამეებითაა შექმნილი. უცნაურია შემოქმედებითი პროცესი... მყუდროება, სრული სიჩუმე თუ არაა გამაფებული ირგვლივ, ასე გგონია... მოკლეა, არ შეიძლება მუშაობა თუ ახლო-მახლო ვინმეა, ან მოლოდინი მაქვს, რომ მოვა...

— ამაღამ ხომ წამოხვალ შინ? — ტახტიდან ფეხები გადმოაქვს ღამზირას, ნაღვლიანად ათვალიერებს კუთხეში მიყუდებულ ცოცხს. — მთელი დღის ნამუშევარ ხარ, დაღლილი. სამაგიეროდ, ხვალ დილიდანვე მოხვალ.

— ჰო, ასე ჯობია, მე მგონი, — ფეხდაფეხ მიჰყვება კაცი. — მიაღავე ახლა უცებ და წავიდეთ ბარემ. დაღლილი ვარ მართლა, ჯობია ხვალ დილიდანვე შეკუდე. რაო, ბიძაშენმა, გამიკეთა გამოვენის ამბავი?



— აცადე, თამაზ, ხომ იცი, რასაც იტყვის, ასრულებს კიდევაც, — ღია კარში ჩერდება და ქმრისკენ იხედება ქალი.

— ვიცი, ვიცი, ჩემო ანგელოზო, — გამზიარულებული კაცი ერთი ნახტომით ჩნდება კართან და ლოყაზე ჯერ ჩქმეტს, მერე კი კონცის ქალს. — ჩემი მარტო-

ბის მალამოვ, ჩემო კუდმაკრატელა მერცხალო, რა მეშველებოდა, რა, შენ რომ არ მყავდე?

ქალი მკერდზე აყრდნობს თავს და ერთხანს ასევე დგას ორივე, გაშეშებული, ჩარჩოში ჩასმული ძველმოდური სურათივით.

ნაღირობა

ისლით შეკონწიწებული ქოხის ღირეზე ვალიკო ჩამომჯდარა, კომბალს თავს უმრგვალებს და დროდადრო მოჭუტული თვალით გაჰყურებს მზეს, გუნებაში სწონის, რამდენი დროა დარჩენილი ფარეზში ცხვრის დაბრუნებამდე და მოასწრებს თუ ვერა ამ ხნის განმავლობაში მშვიერი დიანოზასთვის და, რაღა თქმა უნდა, თავისთვისაც, ვახშმის მომზადებას.

„ხორცი მაინც გექონდეს, უცბად ჩაპყრი და მახარშავ. ფუჰ, როგორ მეჯავრე-ბა მაკარონი. ჩქარა კი მაიხარშება, მაგრამ ჭამა არ გინდა? ეჰ, არ უხდება როგორღაცა ვაშკაცს მაკარონის ჭამა“.

შორიდან რაღაც უცნაური თქარათქური ისმის, რომელიც თანდათან ახლოვდება მტკვრის ბულთან ერთად. ვალიკო ქოხის წინ გამოდის, ხელს იჩრდილებს და დაკვირვებით გაჰყურებს ველს. მთქარათქურე, მტკვრის კორიანტელში გახვეული არსება ჯერ კურდღლისხელად მოჩანს, მერე ბატკნისხელად და ბოლოს პირდაღებული და იღლიაში კომბალგანჩილი ვალიკო კარგად არჩევს მისგან სულ რაღაც ორიოდ მეტრის დაშორებით მეტეორივით გაელვებულ ღორს.

„დიდება შენდა ღმერთო! ღორი საიდანღა მოვიდა ნეტარა აქა“, — უკვირს გაღუნებულ ვალიკოს. ღორს თვალს აყოლებს და ხელახალი თქარათქურისკენ ბრუნდება.

— გარეული ტახია ეგა, ვალიკო, — ნერწყვს ყლაპავს მტკვრისაგან შავად დაფერილი დიანოზა, თითს ღორისაკენ იშვრს და წამით შეფოვნებული ისევ წყდ-

ბა ადგილიდან, — დანაი გალესე, დანაი, რო ტყავი დროზე გავაძროთ. დაჭრილია, კვალში მივსდევ, დეცემა სადმე და მოვათრევე, — მოსძახის ისევ ვალიკოს.

— გარეულიო?! — უკვირს ვალიკოს. — საიდან მოვიდა, სად დასჭრეს? — ჰორი-ზონტზე შავად გაელვებული ტყის ზოლს გაჰყურებს და უცებ გახარებული ხტის. — ყოჩაღ, დიანოზ! კაი რაიმე გიპოვნია, ოჰო-ჰო, მაგას აქე თუ აქე აი, უგემრიელესი ხორცი! მაკარონსაც გადაუჩრნი და გარეული ღორის მწვადიც გავირტყი! გული თუ რასმე მიგრძნობდა, აქამდე რო არ მოვხარშე ის საძაგელი მაკარონი!

თვალეგაბრწყინებული შერბის ქოხში, გრძელი, ხანჯალივით დანა გამოაქვს და დიდინ-დიდინით იწყებს გამაღებულ ლესვას.

— ჰოი, დილილმე! — ფხას უსინჯავს დანას და სკოლიდან დამახსოვრებულ ერთადერთ აფორიზმს ხმამაღლა და პათეტიკურად ასძახის ცას: — „მაგრამ ღმერთი არ გასწირავს კაცსა შენგან განაწირსა!“ აბა, თუ ღმერთის ხელი არ ურევია ამაში, ჰა? — ისევ სინჯავს დანის ფხას, რატომღაც ისევ მაკარონი ახსენდება, ტუჩის იბზუებს და სალესავზე წყალს ასხამს. — მაკარონი რაიღა მოსაგონი იყო ვითომ, ან ბრინჯი... ეჰ, მთელი ცხოვრება ხორცი რო ვჭამო, არ მამწყვინდება, მაგრამ რაი ვქნა აბა? სულ ხო არ გავსწყვეტთ მე და ბენაივი დიანოზაი ამ კოლექტივის ცხორსა, სინდისიც კარგი საქინელია, ტყავებს ხო არ მიურეკთ ცხვრის მაგივრად თავეჯდომა-რესა, მე შენ ვითხრა და ის კი აკლებს

ხელსა ამ უბედურ კოლექტივს! მე და დიანოზაზე ორჯერ მეტს არ სანსლავს, აი! რაი ეშმაკია ეს დიანოზაი, სად ნაზა ნეტა ეს ღორი, არა, ღმერთის გამოგზავნილია ნამდვილად, აჰა, ნატრობდით და მიერთვითო!

ვალიკო იდაყვს ეყრდნობა და თავის-დაგასაკვირად და გასაოცრად უცებ რატომღაც ბეჭემოტი ახსენდება. „ნეტაი, როგორ ცოცხლობს იმოდენა ბუმბერაზი უზორცოდ? რაია ბუნება, შენ გენაცვალე! რო შახედავ, გული გაგისკდება კაცსა და ეს საცოდავია, კიდევ, თურმე ბალახაის მეტს არას მიერთოშს. სპილო, ნეტარა? სპილო სჭამს თუ არა ხორცსა? თუმცა მთავარია რო ამაღამ ვახშმად მწვადები გვაქ. აუჰ, რას ავაშიშხინებთ? კიდევ კარგი, ბეჭემოტად მაინც არ დავიბადე, ან ღორადა. კარგია ადამიანობა, მბრძანებელი ხარ ბუნებისა, დაჯე და რაიც მეგეხასიათება, მიერთვია!“

— მიშველე, ვალიკო, და უშველე შენს თავსაცა, ვალიკო! — ისმის უცებ დიანოზას თავზარდამცემი ბლავილი და რას ხედავს ვალიკო: წინ დიანოზა და უკან ტახი!

— ვაიმე, ჩემო დედავ, მიშველე, ვალიკო, და უშველე შენს თავსაცა, ვალიკო! — ჯერ ჩიკორივით ბზრიალებს ეზოში დასობილი ბოძის გარშემო დიანოზა, მერე ზედ აცოცებას ლამობს, ძირს ჩამოვარდნილი სიმწრით ურტყამს წიხლს ბოძის გასლიბინებულ ტანს და ისევ კის-

რისტეხით გარბის მიტოვებული ცხვრის ფარისაკენ.

ემშებგადმოყრილი, ლაშებაქაფებული ტახი ბოძთან ჩერდება, ცალ თვალს გაქცეულ დიანოზას აყოლებს ელამივით, მეორეთი დანანად გაშეშებულ ვალიკოს შეჭყურებს და კბილებს ავისმომასწავებლად აკაპუნებს.

ვალიკო უკან-უკან იხევს, დანას ხელიდან აგდებს და პირგამშრალი და თავზარდაცემული თვითონაც დიანოზას კვალზე მიჰქრის.

ჯაგარაყრილი, გაცოფებული ღორი ერთხანს ვალიკოს გაჭყურებს, მერე ჯლივინ-ჯლივინით შერბის ქოხში. იქიდან კარგა ხანს ისმის თქველფის, სვლების, კნატაკუნტის, მსხვერველა-მტვერევის ბგერები, ბოლოს კი ისლისგან შეკოწიწებული ქოხი პარაშუტივით, ნელ-ნელა ეფინება მიწას. თვალეზანისხლიანებული, ნასიამოვნები მომხვდური ნაქოხარიდან გამოდის და იქვე, სიგრძეზე გაყოლებულ ფარებს მუშტრის თვალით ზომავს.

ნაფარეხალიდან გამოსული ტახი ერთი მოქნევით აბრუნებს წყლით სავსე გეჯას, ნებივრად, ღრუტუნ-ღრუტუნით იღებს ტალახის აბაზანას, გულმოდგინედ იფერთხავს ტანს, მერე კარგ მეურნესავით, დაკვირვებით აჭყურებს ჩამავალ მხეს, მეყსეულად წყდება ადგილიდან და ეშვებაელვარებული და აჯაგრული, დაოთხილი მიჰქრის ბუნების მბრძანებელთა კვალზე.



ესმა ნოზაძე

თარგა ანუ თავისუფლების რიტმები

აოვემა

რა თავისუფალნი ვართ, რა თავისუფალნი,
ჩვენი სიკვდილიც კი ჩვენს უკან დარჩა,
ჩვენი მოძაველიც აღარ შეგვაწუხებს,
მას ხელი ჰაერში გაუშეშდა,
ჩვენს კარზე დაკაკუნებას როცა აპირებდა...
გაბრუნდა, გზიდან გადაუხვია
და ახლა მკვდარი შაშვივით იხრწნება
სადგურის სანაგვეზე,
ნარჩენების ქალაქში...
ძალდი, ცალი გვერდი რომ გასტყავებია,
დასუნავს და ზიზღით ღრუნის გაჰკრავს
ჩვენს მოძაველს,
რომელიც მკვდარი შაშვივით იხრწნება
ნარჩენების ქალაქ-ქვეყანაში...

* * *

გენაცვალეთ, დებო და ძმებო,
ააკაკუნეთ ყავარჯნები —
რკინა-პლასტმასი და თაბაშირი!
მზე ამოდის! (როგორი შეუსაბამოც არ უნდა იყოს).
მიეგებეთ, მიესალმეთ,
მიუფიცხეთ ხელ-ფეხის ნარჩენები!
მუხლიდან ამოჩრილ ძვალს ეამება,
თვალის ცარიელ ორმოს ჩაანათებს,
მუცლები მიუფიცხეთ, იარებს აგიყვავებთ;
საშო მიუფიცხეთ, დებო, — გაგითბებათ,
რადგან სხვა რამე ვეღარ გაგითბობთ,
რადგან ის სხვა რამ უკვე მიწაა,
ანდა პროტეზებს შორის იჭუჭყება...
გენაცვალეთ, დებო და ძმებო,
ააკაკუნეთ ყავარჯნები!
ააბრაუნეთ თაბაშირის,
რკინა-პლასტმასის მიძიმე ხელ-ფეხი!
მზე ამოდის! მზე ამოდის!
მზე მკვდრების, მზე ბრძების,

მზე ხეიბრებისა და მკაძაების,
 მზე გიჟი ბებრებისა და გარყვნილი ბავშვების,
 მზე მათხოვრებისა და ჭლექიანების...
 წითელი მავნოლია ნავვის სერების,
 ნავვის ფერადი მთავრეხილების,
 ნავვის ჭალებისა და ტაფობების,
 ნავვის კორდთა და მწვერვალთა თავზე!
 (რა სამწუხაროა, პატარა ბიჭო,
 რომ ეს არის შენი სამშობლო).

* * *

ქუჩა სავსეა მკვლელებით და რეტიანებით,
 უძრავ და მოძრავ ნავავით, ძმაო,
 ქუჩაში ხალხს რქები ამოსდის,
 ბრჭყალები ამოსდის,
 კლანჭები ამოსდის,
 ეშვები ეზრდება...
 შიმშილის ვიტამინებით,
 სიცივის კალორიებით,
 გარყვნილების ძველი ცხიმით ნაბატიები.
 აუუუ! ჰამ! ჰხრამ! — ხრჭყუ! რქყყ! —
 უნდა გამოვლადრო ეგ ცახცახა ყელი!
 ჩემს კლანჭებს შენი თვალის გუგა სწყურიათ...
 ჩემს ეშვებს — შენი ლოყა, ყელი, გულ-მკერდი...
 იმიტომ, რომ თავისუფლები ვართ, ყველაფერი შეიძლება.
 და ბნელ ოთახში ხუთი წლის გოგო
 შეჰღალადებს ძილის წინ უფალს:
 „ჩემო საყვარელო, კარგო იესო,
 მეშინია, მეშინია, მეშინია,
 გეხვეწები, გულში ჩამიკარი,
 გემუდარები, დამიფარე
 ბოროტი კაცებისგან,
 ბოროტი ქალებისგან,
 ბოროტი ბავშვებისგან,
 ბოროტი ძაღლებისგან...
 ისინი შენზე ძლიერები ხომ არ არიან...“

* * *

ქუჩაში ხალხს კლანჭები ეზრდება,
 პარლამენტი კი ფიტულებით ავსებულა,
 რომლებიც ერთმანეთს ეხახუნებიან...
 უშვილოები პარლამენტში არ აირჩიოთ, —
 სხვის შვილებს ომში გაამწესებენ.
 უსქესოები პარლამენტში არ აირჩიოთ, —
 თქვენს შვილებს ფაფარჯნებსა და კუტობას მიუსჯიან...
 ათამანგიანები პარლამენტში არ აირჩიოთ, —
 სხვას ჯანმრთელ ორგანოებს არ აპატიებენ.
 მსუქნები პარლამენტში არ აირჩიოთ, —

ქონი ზშირად სისულელეს და ბოდმას აპურებს,
 რადგანაც ეს საქართველოა, მეგობარო,
 საინტერესოდ გაზრწნილი ქვეყანა,
 სადაც საპნის ბუშტები რკინის ჯაგმანს ისხამენ
 და ტანკებით დადიან,
 სადაც კაცი პოლიტიკაში უმეტესად იმიტომ მიდის,
 რომ ბავშვობაში ვიღაც უკანალს უჩქმეტდა ანდა
 დედა ან მამა ბოზი ჰყავდა ან სხვისი ნიჭით
 ან თავისი ფალოსით იყო დაბოღმილი...

* * *

მოდი ჩემთან, ჩემო ლამაზო,
 ჩემო დიდთვალემა მაწანწალავ,
 შენ ისე სათნო ხარ, ისე ღვთაებრივი,
 რადგან შენთვის ყველაფერი სულერთია,
 თითქოს მკვდარი იყო.
 ანდა მზე...
 მაგრამ შენ ის ხარ, რასაც ამ ქალაქში მეძავე ეძახიან,
 თუმცა ეგ სიტყვა შენ არ გეკარება,
 რადგანაც შენთვის ყველაფერი სულერთია...

* * *

სულ ცამეტი წლის ხარ, მაგრამ შენი გულისთვის
 ცამეტი ტყვიას არავინ ინატრებს
 საკუთარი გულის გასაგმირად,
 ახლა ტყვიას შენ დაგახლიან,
 თუკი ვინმემ ვერ გამოგიყენა...
 სულ ცამეტი წლის ხარ, ჩემო პატარავ,
 მაგ ხნის ჯულიეტამ სასწრაფოდ იქორწინა,
 რათა მიწაში ცოლად წასულიყო,
 შენი უკვე სევდიანი, დაღლილი საშო კი
 ჯვრისწერას არ ითხოვს,
 ისე მასპინძლობს მწყურვალთ და დამაშვრალთ
 (რომლებიც თავიანთი პლასტმასის მუხლებით
 ზოგჯერ ბავშვურ ხორცსაც კი გიჟეჟავენ),
 რადგანაც შენთვის — მზესაეთ, მკვდარივით —
 ყოველივე სულ ერთია.

* * *

მოდი ჩემთან, მე შენ მიყვარხარ.
 რა ახლანდელი ხარ და რა ნამდვილი,
 მთელ წარსულს გადასწონი...
 შენი სუნთქვის შრიალთან შედარებით
 ისტორია — თუნდაც ჩვენი ანუ გმირული, —
 მტვრით სავსე ორმოა, მეტი არაფერი!
 მაგ სინამდვილის მისხალსაც ვერ მოიპოვებენ,
 მაგალითად, პოლიტიკის კალოზე კალიბრით მოხტუნავენ,
 თუმცა ნახევარი ქვეყანა ტყვიას შეაჭამეს,

ნახევარი — შიმშილს და სიცივეს,
 მაგრამ სინამდვილეს ვერ მოიხვეჭენ,
 დალღასმულნი არიან ხმაძალალი არყოფნით.

* * *

მოდი ჩემთან, ჩემო თბილო, ჩემო ლამაზო,
 ჩემო ღიღთვალემა მაწანწალავ,
 ო, რა წმინდა ხარ, რომ ყველასი ხარ,
 რა დიდი ნახტომით გადაახტი
 შენს საცოდავ ასაკს,
 რომ ახლა უკვე ყველაფერი სულერთია...
 (მარიამებმა თორმეტი წლისებმა
 გაუღეს თავიანთი სხეულის სრუტე
 მარადიულ ლავას, რათა სადმე მოესვენებინათ,
 მაგრამ შენ, ჩემო პატარავ,
 ქრისტეს ღობილი ველარ გახდები,
 რადგან არასდროს მოინანიებ,
 რადგანაც სამოთხეც და ჯოჯოხეთიც
 შენთვის სრულიად სულერთია...)

ერთბაშად ისკუბე და შენს ყვავილოვან ასაკს გადაახტი...
 მაგ ნახტომის ქვეშ, მის მთელ სიგრძეზე
 (თითქოს ირმისა ყოფილიყოს),
 სამშობლოს წინსვლა ხორციელდებოდა:
 და ახლა ჩვენ, თავისუფლებით პირთამდე სავსენი,
 საპარლამენტო თუ საპრეზიდენტო რესპუბლიკა ვართ,
 უდიდესი კულტურისა ხომ თავისთავად...

მოდი ჩემთან, წინსვლის შროშან,
 სიბნელის და სიცივის
 დაორთქლილო შუქურავ,
 რბილ მკერდში ჩაიწვინე
 ჩემი ხელის ნარჩენი,
 შენთვის ხომ მკვდარივით, მიწასავით, წვიმასავით
 ყველაფერი სულერთია...

* * *

მოდი, დაეწვეთ და ვიმსჯელოთ და ვიფილოსოფოსოთ...
 თუმცა მე და შენ შვილები აღარ გვეყოლება,
 რადგან მათი გამომნასკველი თესლი
 ამ სამყაროში უკვე გაწყალდა.
 მაშ ახლა რაღა ვქნათ,
 სად წავიღოთ ჩვენი დრო, ჩვენი თავი, ჩვენი ნარჩენები
 ასეთმა მოცლილებმა
 და თავისუფლებმა,
 როცა ყველა ადგილი ცარიელია.

* * *

მოდი, ისევ და ისევ
 ერთმანეთში შევდინდეთ.

ვიდრე ამის თავი გვაქვს,
ვიდრე რაღაც გვიბიძგებს,
მოდი, ისევ და ისევ
ერთმანეთში შევდინდეთ
ორი რუ და ნაკადი
წმინდა უნაყოფობის.
მოდი, ისევ და ისევ
ერთმანეთი ვისახლოთ,
დაეტკბეთ, ჩემო დობილო,
ჩვენი თავისუფლებით,
ჩვენ ზომ აღარაფერი
აღარ მოგვდევს, მოგვეყვება,
უშედევონი ვართ და ვერც ვერაფრის მაზე
აწ ვეღარ შევიქნებით,
მოდი, ისევ და ისევ...
მოდი, ისევ და ისევ...
მოდიმოდიმოდიმო...

* * *

ზომ ხედავ, დღესაც ისევ მზემ გვიშვილა...
მზეო, ამ სითბოს მე არ დაგივიწყებ,
ამ ჩემს გამოქარულ და გაბოროტებულ
ძვლებს მიღებში რომ მიიღვენთება
და ასე ნელა მშლის, მაღლობს და მასვენებს...
რა თვინიერი ხარ, მზეო, რა სულგრძელი,
რომ ზედ არ არწყევ ამ ჩვენს დამპალ ქალაქს,
მე რომ მზე ვიყო, თუკი ამ ქვეყანას
ამოუვიდოდი,
მხოლოდ იმიტომ, რომ
დამეფურთხებინა...

* * *

მოდი, კლასიკურ კილოს მივაშუროთ:

მამ ასე:

„გაგიგონიათ ზღვისპირეთის ტურფა ქვეყანა,
თურინჯ-ნარინჯის, ფორთოხლების და დაფნის მხარე?
სად მანდარინი და ლიმონი მთვარის ფერებად
ღვივიან დაფნის, ევკალიპტის, სუროს მწვანეში?
ზღვის ჰორიზონტზე მზე რომ ყვავის წითლად ან ყვითლად,
ან მოვარდისფრო მაგნოლიად ამოიშლება
და ფეიხოა რომ შრიალებს და კვიპაროსი...“
დაიმახსოვრე, ჩემო ტკბილო,
რამდენჯერაც არ უნდა გაეჩნდე,
ღმერთსა ვთხოვ, თანაც კატეგორიულად,
აღარ მანახოს

ეს ჩვენებურად მსუფე პალიტრა:

ლიმონი, დაფნა, მანდარინი და ფორთოხალი
სისხლის კოლტებში! სისხლის სუნში! სისხლის გუბეში!

სისხლის გეზოა!

(და თანაც, ბედი რომ არ გექნება:
 ციტრუსები ბავშვობიდან მეჯავრებოდა)
 და ცარიელი კუჭის ცხელ ქვაბში
 მანდარინის მჭავე წვენი რომ ჩაგელვრება...

ფუჰჰ! —

კუჭში ახლაც კრუნჩხვები მივიღის...
 ჰოდა, ცახცახა ჩვენი კუჭები
 მონარინჯისფრო წვენებს არწყვედნენ,
 თვალები — ფერებს
 („ალაგ წითელს, ალაგ ყვითელს, ალაგ აღისფერს“...)
 და მშვიერი ტყვიები ჩვენს საფეთქლებს ეძებდნენ
 და ბოლოს ჩვენი ქანცგაწყვეტილი
 თავები თვითონ ეშვირებოდნენ...
 მათზე მონადირე ტყვიას და ლულას...

* * *

პარლამენტში ცვედანები არ აირჩიოთ, —
 აუცილებლად ომს დაიწყებენ,
 პარლამენტში ქალა-ბიჭები არ აირჩიოთ, —
 აუცილებლად ომს დაიწყებენ,
 პარლამენტში უნამუსოები არ აირჩიოთ, —
 ომს დაიწყებენ,
 რადგანაც ეს საქართველოა, მეგობარო,
 სადაც თუკი რამე ხმაურობს,
 იცოდე, რომ ჩირქს აფარია,
 სადაც ყველაფერი შურს იძიებს თავისებურად,
 რასაც კი ოდესღაც არ გაუმართლა,
 სადაც ვიღაც თუ არ გაჭყლიტე,
 იგივეა, რაც არ გიცხოვრია.

* * *

ჩვენ რომ პრეზიდენტად ავზნიანს ავირჩევდით,
 არ სჭირდებოდა ამას მისნობა.
 არც პრეზიდენტის დამთხვეულობაა
 ამქვეყნად დიდად გასაკვირალი.
 მაგრამ ლექსზე და რელიგიაზე გაზრდილი კაცი
 ანუ წიგნიერი კაცი იყო, დიდად მორწმუნე,
 სახარების (ხორცში შეზრდილივით). თან მატარებელ
 და ნახევარი ქვეყნის გაჟუჟვამ
 ისიც კი ვერ გაგაგებინოს, რომ: „სდექ!
 უკვე ჩაგიშვა ბედისწერამ,
 უკვე დამარცხდი!“
 და სიკვდილმაც კი ვერ გაგათავისუფლოს
 ოინბაზობისგან?
 ბიბლია ამოიღო თავქვეშ ბალიშად!
 ზოლო მანამდე:
 თეთრ ცხენს შეაჯღე (სამაგალითოდ არასპორტული)
 სვანეთიდან სამეგრელოსკენ
 თავქვე მავალი

და, რა თქმა უნდა, ჩამოვარდე,
 როგორც მანამდე ტახტიდან — ზათქით!
 (შენს მიერვე აღზევებულ გარეწართაგან ჩამოგდებული).
 არა, ხომ არის ამ ყველაფერში რაღაც ქართული?
 ჰოდა, ეს არის ჩვენი მშობლიური არაკი, ძმებო, —
 თუთრი ცხენიც იყო, ბიბლიაც იყო,
 სიმღიდრეც იყო, კოშკიც და შველიც,
 ხოხბის გოგმანიც იმ კოშკის ეზოში, ფარშევანგისაც,
 წიგნიერებაც და გარეგნობაც,
 კეთილშობილური ფორმაც თავისა,
 უფსკრულელებივით დიდი თვალებიც,
 სიმაღლეც, ნიჭიც მუსიკალური,
 და ის, მთავარი, არ აღირსა გამჩენმა ღმერთმა
 (და თითქოს უბოდიშებდა, — იმიტომ დააპენტა
 დანარჩენი, ამდენი რამ არამთავარი),
 რომ სისხლში ამოსვრილი...
 ტლაპოში საცოდავად არ გაშხლართულიყო...

* * *

ცეცდნის ყოყლოჩინობა შეჭყარა თავის ხალხს,
 ისედაც ბედოვლათს, ბაქიბუქას, შარახვეტიას,
 ისეთი სიგიჟე დათესა ტვინებში,
 რომ იმ სიგიჟესთან მრუშობის გარეშე —
 ტახტზე ვერ ახვალ და იქ ვერ დამაგრდები.

* * *

ყველამ თითო ომი გვაჩუქა!
 ღმერთი სამობით არისო, ამბობენ.
 გვიყვარს ქართველებს სიმბოლოები!
 რაში სჭირდება უფალს კარნახი:
 „შეუნდე და აპატიეო?“

* * *

ჰოდა, ხომ იცი, ჩემო საყვარელო,
 მე იმ ნარინჯოვან ომიდან მოვდივარ,
 ჩემი შეყვარებული იმ ომისაკვე ვეტერანმა გააუპატიურა
 (თანაც, თურმე, არატრადიციულად),
 მე იმ ვეტერანს, რა თქმა უნდა, რბილად რომ ვთქვათ, დედა
 ვუტირე,
 მაგრამ არც ჩემს შეყვარებულს გადავყოლილვარ...
 სხვათა შორის, მანამდე
 იმ ვეტერანის ცოლი იხმარეს.
 ყველა ღრუში დაფნა ჩასჩარეს
 და ტიტველი, თოკით დაკიდეს ბლის ხეზე,
 ჩემს ძმაცაც თავისი ფეხი ძლივს წაგლიჯეს ხელიდან,
 ისე მაგრად ჩაეხუტებინა,
 ფეხი, რომელიც ყუმბარამ მოგლიჯა...
 ჩემი მეთაურის ხუჭუჭა თავი

მანდარინით გამაძლარმა ღორმა შეთქელიფა
 ტვინიან-თმიანად,
 სხვისი თავი მიაკერეს და ისე გამოგზავნეს ფრონტიდა
 ქალაქში,
 არ ვიცი, თავისა თუ ტანის მშობლებთან...
 თორმეტი წლის ბავშვი კი ათმა გააუპატიურა...

* * *

ომი დიდი უგემოვნებაა, ჩემო ძვირფასო,
 ისტორიის კანალიზაცია — ისტორიული ბუნების ჭაობი.
 მშვიდობა რომ მყარდება,
 გემოვნება უფაქიზდებით
 და მჭახესა და კოშმარულ წარსულს
 ისე აუქნევენ ხოლმე ნატიფ ხელს,
 როგორც ყვავ-ყორანს...
 აქში! აქში!

ჰოდა, ჩვენც ჩვენსავე მძორებს დაეტრიალებთ,
 ბოროტად ვტკებებით ჩვენი ზედმეტობით...
 მშვიდობა ვეღარ გამოგვიყენებს,
 ადგილს ვერ იპოვის, სადაც ჩაგვრგავდა,
 ესენი კი, ეს ჩათლახები,
 ჩვენი სისხლით გასქელებულნი,
 უჩვენოდ მიაბიჯებენ „ცივილიზებულ სახელმწიფოში“,
 ომის გამჩაღებლები ახლა მშვიდობას იშენებენ,
 მომწვანო დოლარებს იფენენ უძირო ჯიბეში,
 თავის და სხვის ცოლებს ხმარობენ, როგორც წესია,
 ომის გამჩაღებლები ახალ ცხოვრებას აგებენ, — განი!
 მას შემდეგ, რაც ჩვენ უკვე დაგვცვიოდა
 თმები, ხელ-ფეხი თუ სათესლე პარკები.
 ჰოდა, ერთი სული აქვთ,
 საღეზინფექციო ხსნარი მოგვიშვან
 და გადარეცხონ
 დანაშაულისა და სირცხვილის ადგილი...
 მაგრამ დიდხანს გაგვევებით ჩვენი ყმუილი...

აქში! აქში!
 მთელი მსოფლიო ხელს გვიქნევს და პირს იქით იბრუნებს,
 ჩვენ მათი სამარცხვინო წარსული ვართ.
 მაგრამ არსადაც არ წავალთ ახლა,
 ჩაუუმწარებთ სიამტკბილობას,
 დიდხანს გავევებით მოჩვენებებად...

* * *

„ვეტერანების“ მესამედი და დანარჩენი კაცების ნახევარი
 თავის ხალხს უუჟავს,
 თავის ქალებს აუპატიურებს,
 თავის ბავშვებს აობლებს, თოთო ტვინში ებეჭდება მარადიულ
 ურჩხულად,

თავისი დედის გაუპატიურებაზე ოცნებობს,
თავისი „დედის მო...ნის“ აქტს ახორციელებს
ყოველ მესამე ვაჟკაცურ სიტყვაში —
განსაკუთრებით გვიყვარს ქართველებს ჩვენი საწყისი...

* * *

ხოლო ქალები, ბავშვები, დედები, მამები, პაპები, ბებიები,
„ტრადიციული ქართული ოჯახები“
ერთობლივად ძარცვავენ მატარებლებს, მალაზიებს, კლუბებს და
სადგურებს,

სხვა ქალებს, სხვა ბავშვებს, სხვა დედებს, სხვა პაპებს,
წვევებზე და ფატრავენ, ხრავენ და ფლეტენ, გლეჯენ და ხერტიენ
წყლისა და დენის, გაზისა და ნავთის სადენებს,
ნავთობით ტბორავენ
მინდვრებს და ტბა-ჭალებს,
მცენარეებს, ფრინველებს, თევზებსა და ცხოველებს...
(მიკვირს, განგება თავს როგორ იკავებს, რომ საბოლოოდ
არ გაჰკრავს ასანთს).

ამ ხალხით გინდოდათ ომის მოგება?

* * *

თუ ქურდობა არ გინდა, ძმაო,
დმერთს შეევედრე,
საქართველოში არ გაგაჩინოს.

* * *

(ზოგი მანდილოსანი პატრიოტულ იზტიბარს არ იტყვის:

„მაინც ჯობია ქართველმა მომ...ას!“

დმერთმა ნუ მოგაკლათ ეგ სიამოვნება).

ჩვენ ინტელიგენციაც გვყავს, გენაცვალეთ,

ნაწილი — ყველაფერს მორგებული, რაზედაც მორგება

შეიძლება,

მარქსზე, სტალინზე, ბელად-წმინდა გიორგიზე ან

„რამკის ქურდზე“,

მარადიულ ნომენკლატურად დაბადებული

ანდა, უბრალოდ, ჭკუიდან გადასული პროვინციალური,

დამპალი მითოსით.

ნაწილი კი — შეურიგებელი, ანუ ისე საგანგებოდ პატიოსანი,

რომ პატიოსნება კომივითა აქვს ამოსული

და მასვე აკვირებს.

უფრთხილებიან თავიანთ წესიერებას

(როგორც ქალწული თავის უბიწობას)

და სამზარეულოს ჰუმანიზმს აღუღაბებენ

ჩაისა და ყავის ოხშივარში.

უხდება ტანინი და კოფეინი

„საკაცობრიო, თამამ იდეებს“,

„მარადიულ სულიერებას“,

მით უმეტეს თუ ამ დროს ფანჯრებთან

ახერები ბავშვებზე ხმარობენ ძალას.

მხოლოდ თითო-ორიღა შედის მორევში —
 სახელებს ამბობს და გულს იხეთქავს
 (ამ სიტყვის პირდაპირი მნიშვნელობით) —
 მარილი, მარილი ამა ქვეყნისა,
 ძალიან კაშკაშა, მაგრამ მუდამქამს
 მხოლოდ ორიოდ, ობოლი მარცვალი,
 რომელსაც სასწრაფოდ დაფშენიან და
 ზედ დააფურთხებენ,
 რადგან ეს საქართველოა, გენაცვალე,
 რომელიც გასათხოვარის ატროკებით, ხურუშიანად
 სპობს ყოველივეს,
 რითაც შემდეგ თავი მოაქვს და იბღინძება. —
 და ომი, ძმაო,
 ინტელიგენტური წარმონაქმნია,
 ინტელიგენციის მძიმე თავებში იბალება
 და კვერი ეკვრება
 „ინტელიგენტური“, მაღალი ღუმილით. —
 ანდა შმორიანი, კაზმული პათოსით.



ჰოდა, ჩემი ხელი
 (სხვათაშორის, გამზდარი, თხელთითებიანი)
 იქ დარჩა, ნარინჯების სისხლიან მხარეში.
 ალბათ ღამლამობით დაეხეტება
 ზღვის თავზე, მთვარის ქვეშ, სისხლიან ჰაერში,
 დაფნაში დაცურავს,
 მე მეძებს საწყალი... დამემარხა მაინც...
 არ ერჩივნა იმ უპატრონოს
 (ამ სიტყვის პირდაპირი მნიშვნელობით),
 შენს მუცელზე დასვენებულიყო
 ან შენი სხეულის თბილ ვიწროებში?

ანდა შეიძლება იმათ უაღერსებს
 (როგორც მამის ანდა ძმის ხელი).
 ზღვაში რომ ტიტტივებენ ტიტველი ტანები:
 ბავშვები, ქალები, ბებრები, ბავშვები...
 ბუბუები ამოიჩრებოდნენ ხოლმე პირამიდებივით
 წითელქაფიანი, ჭუჭყიანი წყლიდან...
 ან პატარა ბიჭის ასო გაკრთებოდა — მკვლარი ჩიტვივით,
 ქვის ყვაილივით,
 თოლიები ჩაკორტნიდნენ, დაესეოდნენ,
 ქვემოდან კი თევზები უჭამდნენ გამაგრებულ ღუნღულებს...
 ჩვენს სისხლით და მძორით გაიტენა იქაურობა,
 ყველაფერს ხრწნა დააქვს თავისი შივანით:
 თოლიებს, ბელურებს, თევზებს და ღორებს,
 მზესა და მთვარეს, ფოთოლს და ბალახს.
 ხესა და ძროხას...
 ყველაფერმა ჩვენ შეგვთქვლიფა, შეგვიწოვა, შეგვისრუტა.
 ჩვენი ხორცი და ლპობა უკან დაგიბრუნდებათ,

რძითა და პურით, ხორცით და ვაშლით,
სიზმრებითა და მოჩვენებებით...

* * *

მშვიდობის პური და ჰაერი ისევ ომია,

* * *

ხოლო ზურგში

დგებოდა ერთი წითელი და დაღუღუღოებულ
პატარა კაცი (რომლის შვილიც უცხოეთში დალაზღანდარობს),
ანდა ფერისმჭამელებიანი ქალა-ბიჭა,
ან ნახევრად გიჟი პროფესორი —
ეროვნული „ვანკა-სტანკა“,
ანდა ვინმე ნახევრად ნიჭიერი, ბოზი პოეტი
(საკუთარი გაზის ხმაზე გული რომ უსკდება),
ან ქონით დატენილი, მომღიმარი სამხედრო ყასაბი,
ანდა ვინმე ტიპიური პიჟონი,
(რომლებიც მხოლოდ იმიტომ გაჩნდნენ,
რომ სხვის შვილებს მიწისაკენ გზა მიუთითონ...) —
და ომს მოითხოვდა
„ტერიტორიული მთლიანობისათვის“,
„იურისდიქციის გასავერცელებლად“...

* * *

სიკვდილი ისე შემეჩვია,
თითქოს მოვიშინაურე —
და აღმოვაჩინე მისი დიადი ნიჭი და უნარი:
მხოლოდ მას შეუძლია გამათავისუფლოს ქართველობისაგან.
განა არ ღირს ამის გამო მისი სიყვარული?

მაგრამ, გავიხელოთ და, იქაც ეროვნულ ჯოჯოხეთში
ან სამოთხეში ამოვყავი თავი!
ხო აზრზე ხარ!!!

* * *

აჰა, ისევ მზე ამოსულა —
წითელი მაგნოლია ნაგვის სერების,
ნაგვის ფერადი მთაგრეხილების,
ნაგვის ჭალების და ტაფობების,
ნაგვის კორდთა და მწვერვალთა თავზე...
რა სამწუხაროა, პატარა ბავშვო,
რომ ასე გამოგეცხადა შენი სამშობლო...
და სადამო უამს —
როცა თბილისური ცივი, ბოროტი წყვდიადი მეფობს,
შენ, შოკოლად და ვაშლდანატრებელი,
დედას მაინც ამას შეჰკითხავ:
„მითხარი, დედი,
არსებობს სადმე წყნარი, სუფთა, თბილი ადგილი?
სადაც ბავშვებს არ ეშინიათ!“

* * *

არ არსებობს, ჩემო პატარავ,
საუბედუროდ, ის ქვეყანა გარგუნა ბედმა,
სადაც იმიტომ იბადებიან,
რათა მერე კი არ მოკვდნენ...
არამედ ჩაძაღღდნენ...

* * *

მითხარი, ღმერთო,
ვისი უნდა ყოფილიყო ეს „ტურფა მხარე“,
რომ იგი ჯოჯოხეთად არ ქცეულიყო?
მშვიდობიანად მიეცი იმას, ვისაც მისი მოვლის თავი აქვს.

* * *

რა თავისუფალნი ვართ, რა თავისუფალნი...
თავისუფალნი
მომავლისაგან,
სიყვარულისაგან,
იმედისაგან,
სამშობლოსაგან,
ღმერთისაგან,
ცოდნისაგან,
წარსულისაგან...
სინდისისაგან,
სიკეთისაგან
და ბოლოს უკვე:
ცრემლისაგან
და შიშისაგან...



ჯარჯი ფხოველი

ფ შ რ ნ ლ მ ბ ი

ქალღმადის ფურცელზე შექმნილი სამყარო, სადაც უამრავი ტრაგედია თამაშდება, სადაც იღვრება სისხლი... და ღმერთო ჩემო, ამ ყოვლისდამტევე ფურცელს შენ ვერ ამჩნევ... და ესეც კიდევ ერთი უბედურებაა, კიდევ ერთი სიბრძნე.

ვერე მითხრა: პანევირიკი ხომ საშინელებაა, მაგრამ ასეზის საშინელებაა ლიტერატურის ფუნქციონერზე დაწერილი პანევირიკი: ამას მთლად სიღამპლის ხუნი სდის, ყარს...

მეუბნებოდა: შენ თუ იცი შენი საქმის ავანჩავანი გამოწვლილვით? შენ აღმოაჩენ სამყაროს ახალ ხაზებს, ცდილობ მათს სრულყოფას და, თუ ამ საქმეს წარატებით გაასრულებ, მაშინ სახელსაც დაივლებ, გამგრძელებლებიც გამოიჩინდებიან და კმაყოფილების ტკბილ წვეთებსაც ეზიარები... შენ ჰგავხარ უფლის ნეოცნებე მოწაფეს და წინასწარ არასოდეს არ იცი, თუ რას შექმნი და როგორ შექმნი... შენ ბნელში დაყვალვებ და იქ სინათლის წვეთებს აგროვებ თანდათან, ნაბიჯ-ნაბიჯ...

დათვი მუჯათხევის თავს; ნაშეშვრებში გამოჩნდა საღამოხანს: თხილნარი ფერდობი ცქაფად გადმოჭრა და კლდეთმირის წვრილიან ტყეს მისცა თავი. დიდი ხანდა, რაგორც აგორებული ღამე. მაგის მოკვლა ნამდვილად ცოდოაო, თქვეს სოფელში, და არც მოუკლავთ... ხოლო თვით დათვმა სისხლიანი ხასიათი გამოიჩინა: დღე არ გავიდოდა, საქონელი რომ არ დაეგლიჯა... ასე უნდა დაეწყო დიდი წიგნის წერა სოფელზე. სადაც გაიზარდა... მაგრამ გადაიფიქრა, რადგან საშინელი უძლურება და გამოფიტვა იგრძნო... მობეზრდა ქათქათა ქალაღმადი და ქალღმადზე გაჭიმული ასოების წალიკი: უცხო მწერების შხამიანი ბრჭყლების ანაბეჭდები...

მისი გული ამ ერთადერთ, უშეღავათო აზრს გამოასხივებდა: მოსთხოვე შენს თავს შეუძლებელი!

ბიბლიურმა სინოტიკოსებმა თითქმის წყალი გადავიწურეს: ისინი ფიქრობენ, რომ წარღვნით დასრულება მიწიერი ცივილიზაცია, როგორც დიდი, ღვთაებრივი ექსპერიმენტი.

ბრავატული მსოფლიო... და ჩვენ დროთა გზაჯვარედინზე: ალტრუისტული წადილით გულაჩქროლებულნი, ინტერნაციონალიზმის ხელოვნური ბაცილებით სნეულნი, დემოკრატიობის თამაშს აყოლილნი... და ჩვენს შორის აღარა ჩანს თუნდაც ერთი მეგზავი ვინმე, უფლის კარნახის მიყურიადე, წინ მაცქერალი.

ასე მეუბნება: ნუ იქნები ხელისხლიანი. გაიხსენე: უფალმა ძღვენიც კი არ მიიღო დავით მეფისაგან, რადგან ბებრი სისხლის დამღვრელი იყო ის... ხოლო ძღვენის მიმრომეკლად უფალმა დავითს უბოძა ძე: სოლომონი, ბრძენი და უკვდავი მეფე ისრაელისა... გახსოვდეს, ღმერთი არ შეისძენს სისხლისმსმელის ზვეწნა-მუდარას. მას ზეციერი უეჭველ სასჯელს განუმზადებს...

სამოქალაქო ომით გულშემძრული მეუბნება: ჩვენებმა დაამარცხეს... ჩვენები. ჯერ იმ ჩვენებმა დაამარცხეს ეს ჩვენები... მერე ამ ჩვენებმა დაამარცხეს ეს ჩვენები... და ვართ ასე დამარცხებულ-დახოცილები, სასაცილოები, სამყაროს მანანჩალები...

უცრემლოდ შემომტირის: ვაგლახ, ჩვენს ისტორიაში ვინც ყველაზე შავი და სამარცხვინო ფურცლები ჩაწერა, ისიც დარჩება ამავე ისტორიაში!.. ისტორია ყველაფერს იტანს, ყველაფერს იტევს... ეს არის ამაზრზენი პარადოქსი; საზარელი, სატანური კანონზომიერება...

ზემოდან დამცქერს ბებრისციხის ბებერი ლანდი, ხოლო გაღმა წერეთოს მთა მოჩანს, წახრით ამართული, მხართემოზე წამოწოლილი. წერეთოს მთის ფერხთით არაგვის ლაპლაპა ტანი ვდია, მურყნის კორომებში გაკლავნილი... აქ გადიოდა ფხოვის ძველისძველი გზა, აქედან ეშვებოდა ფხოვის ლაშქარი... გადაბალახულა, წაშლილა ეს გზა, ატყვევებულა... სანაკლოდ უახლესი გზატკეცილი გადის არაგვის გასწვრივ, წერეთოს ტერფებზე გადაივლის და ხეობის სიღრმეში იკარგება: მანქანის სავალი ბილიკი. ხოლო ცხენ-კაცის სავალი გზა უნუგემოდ წაშლილა აქეთ...

რაც თქვი, ის თუ ეხმიანება შენი მიწის ჭრილობებს, შენი ხალხის გაუსაძლის ყოფას, თუ ეხმიანება დროის ავადყოფ სინდისს, მაშინ გუშინდელი დღის ვალა გადახდილი გაქვს და კვლავ იმედით უყურებ იმ წამს, როცა ამოანთხევ იმ დანარჩენსაც, რისი თქმაც გწაღია, რაც უეჭველად, თანაზიარი უნდა იყოს კაცთა მარადიული ჭმუნვისა... აი, ეს არის შენი ცხოვრების თავი და ბოლო.

ეგრე მეუბნებოდა: პოეზია როდია თითიდან გამოწოვილი ქიმერებით აჭრელებული ფურცელი, გართიმულ-გაშალაშინებული ტექსტი. პოეზია გულისთვის გამიზნული სიტყვაა, რომელიც მზანს ხვდება; აღმოჩენაა, რომელსაც პოეტის მიგნებამდე ვერავინ ამჩნევს... სიტყვარა შერიგებაა, მთი გადაბმია, სიყვარულის ხატია... და როგორ ცდებიან, ჩემო კეთილო, როცა ლექსში რაიმე გამორჩეულ აზრს ეძებენ, როცა რჩევა-დარიგებას ეძებენ, როცა მუსიკას ეძებენ... როცა ამბავს ეძებენ...

ეგრე ფიქრობდა: ურჯულოს მომკლავის მხარ-მკლავი მიწაში არა ღებოდა; იმის საფლავზე სულ სისხლისფერი ყვავილნი ჰყვავიანო; საიქიოს ის ერეკლეს ფერხთითა ზის და პატრონის დიდ წყალობას იღებოს... იმისი ცხენი ბეჩავს არ შეისვამსო; იმისი ხმალი კარგ პატრონს ეძებს, ცუდაის ხელში სულ ცრემლად იღვრებოდა...



და იყო გამოცარიელებული დღეებიც: როცა სახლი ემსგავსებოდა პირქუშ გამოქვაბულს, ხოლო სუფთა ფურცელი სიტყვებს ისხლექდა, არ იკარებდა: და არ იყო არც ტანჯვა, არც სიხარული... იყო მხოლოდ სიციარიელე...

ტყუბნებოდა: სულს მიკენესებენ ის უკდავები, ვინც თავისი ფიცი, თავისი სიყვარული სისხლით აღბეჭდეს ქართულ მიწაზეო... ეგენი ბევრნი არიან: სხვადასხვა ასაკის, სხვადასხვა მრწამსის, მაგრამ ერთი კასტის, ერთი ერთგულების ჯაჭვით გადაბმული ქართველებიო. სულს მიკენესებენ ეგენი და ჩემი იმედიც ეკ არისო...

მითხრა: ისტორიის მეხსიერებაში არა სწერია მსგავსი რამ, რაც დღესა ხდება... კი, იყო შინაომები, იყო შეხლა-შემოხლა, ძმათაკვლა, მაგრამ, რაც დღესა ხდება, მსგავსი რამ იქ არა ჩანს... ეტყობა, ჩვენა გაბითურება, ჩვენი გაბოროტება, ურთიერთტყევა მომავლის უფრო დიდი უბედურების მოლოდინითაა განპირობებული: უფრო მძვინვარე, ამაზრუნენი და გლობალური უბედურების მოლოდინით...

ოსვენციმის შემდეგ ლექსის წერა აღარ შეიძლებაო, გვეუბნებოდა თეოდორ აღორთო... ახლა ვკითხვით ჩვენს თავს, ქართველებმა: ამ სისხლისღვრის, უბრალოთა ამ გაუგონარი ხოცვა-ჟლეტის შემდეგ თუ შეიძლება ლექსის წერა?

სამხედრო დამარცხებებს უდავოდ მოჰყვება სულიერი დეკადანსი, როგორც უფრო დიდი ტრაგედიის წინაპირობა... და ეს გაცხადდება პოეზიაში.

აჰ, ისიც: ველური სტიქიის აბოზოქრება, ციურ ძალთა ავბედითი საქმეები, გაწურჩეველი სისხლისღვრა, ძარცვა-გლეჯვა... კაცთა განკითხვის ჟამი...

სისხლში გაბარჯღული, ამოტეიფრული წყურვილი მომთაბარეობისა, მოხეტიალე ცხოვრებისა, მემთვრალეობისა ჟამიჟამ ისევ აიტანდა ამ ხალხს და მოედებოდნენ იმპერიის თვალუწვდენ სივრცეებს, სადაც იკრვოდა, იკვერებოდა მათი წყურვილი, იმდეროდა მათი სისხლი: მრავალი რამ ერეოდა მას, ერთვოდა მას, მაგრამ იქ უცვლელად დომინანტობდა ხეტიალის წყურვილი: ნოღა რასის ეს მარადიული ნიშანი.

მან ხელისგულებით იგრძნო მარადიული აგური, ცოცხალი და მფეთქავი რამ, ვეღლაზე გამძლე მასალა: სიტყვა.

სოდომი და გომორი მონაგონია ამ ქალაქთანო, — მეუბნებოდა, — ამასთან ისინი როგორ მოვლენო... აქ რაც ხდება, უპატიებელია, გაუგონარია და არც არავინ შეგვარჩენსო; თუ ღმერთმა გვაპატია, კაცობრიობის წყველა მაინც დაგვმარხავს, დაგვაპირქვავეს, დაგვაიწებსო...

ცოველდღიურობით დაღლილი, სიტყვით ვნებული, გულჩახვეული, თავისი ღღის ზერხემალზე შედგომისას, ამაღლებსას, კიდევ ერთხელ აღავლენს ამ სიტყვებს, ამ მავედრებელ ხმას, ამ ჩურჩულს: განმალე მე, უფალო, გახსენი გული ჩემი!.. და ეს არის პოეტის ჩურჩული, პოეტის ვედრება: განმალე მე, უფალო, გახსენი გული ჩემი!

გონი და სინდისი ერისა: ინტელიგენცია... და შენ ფიქრობ, რომ ეს აზრი უეჭველია?

სიტყვა: პლანეტარული გრადაციის დამტყვევი; სიტყვა: ლოკალური ჯანყის, ინტიმური ზოგზაგების დამტყვევი... სიტყვა, რომელიც მხოლოდ თავისთავს იტყვს, თავის სიმძიმეს უძლებს... სიტყვა, თავისთავით საზღვრული...

თანამედროვე ქართული ვერლიბრის დიდოსტატები: კონსტანტინე გამსახურდია (უიტმენის ლექსთა თარგმანები) და შოთა ჩანტლაძე (ლექსები)... ამ ორ საყრდენზე დგას ქართული ვერლიბრი, როგორც თვითმყოფადი ფორმა.

მის წიგნში სიტყვებს ცეცხლი ეკიდათ: ნაპერწკლდებოდნენ, ელავდნენ, — ეს იყო სიტყვების აღმოდებული საკრებულო. და სიტყვები იტანდნენ თავიანთ ზვედრს: ურიგდებოდნენ ცეცხლს და გაქრობას; იწვოდნენ ჩუმად, შეუმჩნევლად, უსიტყვოდ...

ვიცანი: მას ჰქონდა მგლის თვალები; ჰქონდა დამშეული გამოხედვა უღრანების ბინადარი მტაცებლისა... ხოლო ხელები, ღმერთო ჩემო, თლილი და ქათქათა!.. ხოლო სიტყვა მისი: სრული და ფაქიზი, გონიერებით ნაკვები, მომჭირნე, მკაფიო... მხოლოდ თვალები ამხელდნენ მის შინაგანობას, მის წადილს...

დამარცხდა, მაგრამ არ გატყდა... ეს სულიერი სიჯიუტე, ეს თანდაყოლილი გაუტეხლობა, ეს მემკვიდრეობითი ძალ-ღონე არის ერთადერთი იმედის წყარო, რაც ერს აძლებინებს ისტორიის მუხთალ გზაჯვარედინებზე.

არ მიიღო, არ შეირიგო პანევირიკი!.. სულ ერთია, ვისზე იქნება დაწერილი: დიდ ვაჟაზე თუ რომელიმე თანამედროვე მოფარფატე კალმოსანზე... არ მიიღო, არ შეირიგო!..

ერთი პორტრეტი. ის: პოლიტიკის დემონით ჰყრობილი. და იმის გვერდით: რამდენიმე შარლატანი და ჯიბის ქურდი... და იმის გარშემო: ქვეყანა, რომელიც განიავდა, გაიღია, გაჰქრა...

ნგრევა იმპერიისა, ნგრევა ქალაქებისა, ნგრევა ხასიათისა, ნგრევა პოეზიისა... და ყველაფერი, რისი დანგრევაც შეიძლებოდა, დაინგრა. გადარჩა მხოლოდ ბუნებითი სწრაფვა სრულყოფისა, რაც ფიზიკურ გამრავლებაში ვლინდება... და, რადგანაც ბუნების ეს უნარი ჯერაც არ დაშლილა, უნდა ვივარაუდოთ, რომ სრულქმნა არაა დასრულებული. და ამრიგად: ბუნება უმოძველო არ არის... და ჯერაც შორს არის სრულყოფის მწვერვალი: საყოველთაო სიკვდილი.

განწყობა. სიტყვა. ბიძგი გულისა... იერიში, რომელიც მოუხელთებელსაც კი მისწვდება და მკვდრეთით აღადგენს იმ ხატს, ემოციით გაჟღენთილი ძაფით რომ არის ნაქსოვი.

მეუბნება: ჭეშმარიტება ისეთია, როგორც მოჩანს. ვერ შეიცვლება მავანის თავგამოდებით... სადაც ფატალური მოვლენების ჩრდილი სწვდება კაცთა საუფლოს, ჯნას, რწმენას, ყოფიერებას და ანადგურებს და აბითურებს, იქ სისხლისდენას ვერ უწამლებს შიმშველი სიტყვა, იქ სულის ნგრევას პოეზია ვერ შეაჩერებს.



მას არა აქვს სიტყვის-ერთიანი, მყარი საყრდენი. ის არ დგას, არამედ: ფარ-ფატებს. ცეკვავს სიტყვაში, სიტყვის გარშემო... ცხოვრობს და იღუპება, როგორც პეპელა, ყვავილებზე მობრიალუ... და კვლავ იბადება, კვლავ ჩნდება და კვლავ ფარფატებს, ცეკვავს სიტყვაში, სიტყვის გარშემო... და ასე: უსასრულოდ...

სისხლიანი რევოლუციებისა და ამბოხებათა შესაძლებლობანი; ქვებუდნობის, გერაგობის უეჭველი უნარი.. აი, ის, რაც აშფოთებს, რაც ზარავს ქართველობას რუსეთთან ურთიერთობისას...

უთვალავი ეპითეტი შენს ნაწერებზე, შენზე... მაგრამ, რაც უნდა თქვან, რაც უნდა ითავცემონ, რაც ხარ, იმაზე მეტი ვერ გახდები!.. კრიტიკის შემახილს თავისთავზე მაღლა ჯერ არავინ აუზიდავს, დამდაბლებული და პანეგირიკული ბურბუშელით გაფუფულ-გასიებული კი ბევრი ვიცი!

შემოქმედება: საკუთარი, ახალი წესრიგის შექმნის ცდა... ღვთიური საქმის გაგრძელება თუ მისი მიბაძვა... რაღაც ამგვარი... ამის მსგავსი...

იყავი მართალი: თქვი ყველაფერი, რასაც ფიქრობ, რაც გულში გიდევს, რაც შენი სიმართლეა, მაგრამ მორალის, ზნეობის ჯოჯოხეთურ კანონებს არა პასუხობს... თქვი, ამოაფრქვე, ამოსტყორცნე! უზნეოს რომ დაგარქმევენ, ამისი გეშინია?.. და, რადგანაც ბევრ რამეს მაღავ, ეგრე გონია, ზნეობის ჩარჩოებს ვაწაგრებო... ეს ასე... მაგრამ შენ არა ხარ მართალი! შენ არა ხარ თავისუფალი!.. და ესეც კიდევ უფრო დიდი უზნეობაა!

ასე გეტყვი: პოეზია თავისუფლების ანარეკლია, მისი წვეთია, მის ნათელია... მის შუქს ვერ გამოასხივებს დოგმებით შემოღობილი, ყოფიერების წვრილმანებში ჩხირკედლაობას ჩვეული, საწუთროს სიმუხთლის და კაცთა ვერაგობის მორჩილი სული.

ასე ჩანს ახლოდან: ეს არის საშიში გადაწყვეტილებებით გამორჩეული დრო... ათასწლეულების გადამიდან, ალბათ, სხვაგვარად დაინახავ მას: ამ სისხლიან ჟამს სხვაგვარად გაინათლისებ, სხვაგვარად აღწერ, სხვაგვარად დახატავ...

დაჭმუჭნული ქუთუთობიდან გამოიკრთალი მზერა მაღლა ასწია და ეგრე მითხრა: მოიცალე ღრუბლებისათვის: უყურე: უფრო დიდსა და გამოაგნებელ სახილველს შენ ვერ იპოვი!

ქართული ვერლიბრი... და ამის გამო დოგმატიკოსთა ღვალავი, ვაიუშველებელი, ჩხვლეტა და გაწამაწია... მაგრამ, როგორც ამბობენ, ქარავანი მაინც მიდის, მიდის... ღმერთო ჩემო, ამდენი მტრული შემახილის, ამდენი გზის ამრევი ხმაურის შემდეგ. ის გულებისკენ მიმავალ გზას ნუთუ ასცდება?!

დიონისური ფერებით გაჯერებული სივრცე, სადაც სიტყვა გაურბის გონის დამთრგუნველ კონტროლს, სადაც ბევრ რამეს ტაბუ ეხდება, სადაც ზნეობის სამანები წაშლილია... ამგვარი ატმოსფეროს შედეგია ერთი ლექსი, ორ ვარიანტად გაცხადებული. პირველი ვარიანტი: „ანიკაანთ ქორწილი ქნეს, ხარი დაკლეს ბელეშაო, პატარძალი მაიყვანეს, გავა უგავ ღელესაო; შიგა ხნავენ, შიგა თესვენ, შიგ ალბობენ წნელებსაო... გუთნისდედა ჩაუყლაპავ, მეხრე იქნევს ხელებსაო“...

მეორე ვარიანტი: „საბათ შვილებმ ქორწილი ქნეს, მაიყვანეს ზუღაია, მოპატივე მომიგზავნეს: გადმოვიდეს ბუჭყაია! ზენაურთას ავიარე, იღვა ტოში, ბუქნაია; ორ მანათ ფულიც ვაჩუქე, გადავხიე ბუხნაია; წავუღ, იმთვენ ვითამაშე, გამგლეჯიყო წულაია; ზუღა პირ-თავქვ ჩამაპყავის, მაზღვეს ხალხის გუნდაია; თითო-თითო ააჯღება რო მაისის ბულაია“... ჰომინ ფალიტიური დრეობისა: ოღეს-ღაც ნამღერი, ხოლო დღეს მიმქრალი, მიწრეტილი, მიწუმათებული...

და ეს არის ღვთიურ საქმეთა იმიტაცია, მიბაძვა, ვაგრძელება... და შენც მარტოღმარტო ქმნი... და შენც უხვად მოგეპოვება სიწუმე, სრული სიმარტოვე და სატყვეების თიხა...

რომ მეკითხები, აბა როგორ ვითხრა, დიდი მდინარე ხომ გინახავს: ხან ტალღის კუდი მოსწყდება, ხან შხეფი დაუსხლტება და, ნაპირ-ნაპირ, ცალკე მიგორავს, მაგრამ თავის ზნეს არა ჰკარგავს, დინების წყურვილს არ ივიწყებს... ეგრეა დიდი აზრიც: ის მთელი ცხოვრებაა, სულის ერთიანი დინებაა... იმისი მონასხლეტი შხეფი ჟამიჟამ ფურცელს დაეცემა, წიგნის ყდებში მიძვრება... ევაა და ეგ: ეს მხოლოდ შხეფია, მთლიან დინებას, მთელს ტანს ამ მდინარისას შენ ვერასოდეს ვერ იხილავ; ვერ მოზომავ იმის წყალქვეშა დრეებს, დარანებს, ნაპრალებს...

ქ ცას ვერა ვხედავთ, ვერა ვგრძნობთ. მან დახატა სამყარო, რომელსაც ცა არა აქვს. არც მზე. არც მთვარე. არც ვარსკვლავები... ეს არის ღამის სამყარო, ბნელის ფსკერი, მწუხრის წიაღი... ეს არის რომანი უვარსკვლავებო ღამისა...

სუნთქვის რიტმით, სუნთქვის ბუნებითობით დადღასმული ფრაზა: თან რომ მოსდევს ფილტვის გაბერვა-შეკუმშვის, სუნთქვის მოქცევისა და მიქცევის შეგრძნება.

აი, რა ამაზრზნენი სურათი გაცხადდა: თავისი მიწიდან აყრილი, გაქცეული, შეშინებული, დადეღელებული ქართველობა... ურჯულოს შემოსევა. გაუგონარი ხოცვა-ჟლეტვა, შეურაცხყოფა და ათასგვარი სიმურღლე... დაუმარხავი მკვდრები, ყვავ-ყორნებისა და მხეცების საჯიჯგნად გადაყრილები... ამგვარი რამ თვით ბიბლიური კომშარების წინასწარმეტყველთაც კი არ მოეღანდებოდათ!

მაშინ, როცა მოგიზგიზე მარადისობის მიტაცება და მისაკუთრება სცადე, თვალებდაბრმავებულსა და ჯოჯოხეთური სიხარბით შეპყრობილს არც კი გავხსენებია; საბრალოვ, რომ ცეცხლი, რომელსაც შენ წაეპოტინე, ღმერთს ეკუთვნოდა!.. ხელი ხომ არ დაგეწვა, უსახელო აგნოსტიკოსო?

ასე იტყოდა: ავად არის საქართველო; ავად არის და შავად არის იმისი საქმე!.. რით ვუწამლოთ, მიზეზი მოვჩნრიკოთ, თუ სხვა რამ გზას დავადგეთ?.. ავადა ხართო, ამ რამდენიმე წლის წინათ რომ გვითხრა რუსმა რასპუტინმა, შევიცხადეთ, ქვა ავაგდეთ და თავი შევეუშვირეთ... ვთათხეთ და ვლანძღეთ იმის მერე რასპუტინი!.. ახლა მაინც დაფიქრდეთ, თქვე კაი ხალხო, ახლა მაინც რამ მოვიზროთ, რაღაც მოვიფიქროთ, რაღაც... რაღაც..

აბა, დაფიქრდი: ჯერ კიდევ გოეთე ამბობდა, ყველაფერი მიგნებულაია, ყველაფერი ნათქვამია და ჩვენი ვალი ამ აღმოჩენების მოწესრიგება არისო... ხოლო გოეთეს შემდეგ კიდევ რამდენი რამ გაირკვა, რამდენი რამ ითქვა, რამდენი რამ მოწეს-



რიგდა... და მომავლის მესიტყვევს მაინც დიდი თავის ტეხვა და ბევრი ოფლის ღერა მოუწევს: იმას დიდი გული უნდა ჰქონდეს, დიდი თვალებიც, კარგი ყნოსვაც, რომ ამ გადატკეპნილ-გადაჩხრეკილ სამყაროში რამე ახალს მიაგნოს: თუნდაც ერთ უთქმელ ფრაზას, თუნდაც ერთ კენჭს...

აჰ უჩინარმა, მრავალნაცადმა კაცმა ამგვარი რამ მითხრა: ნუ გახრჩობს სახელის დაგდების წყურვილი, ნუ იყალყები იმათ თვალწინ, ვინც დიდებას ეწია, — ზოგი თავდაუზოგავი შრომით და ნიჭიერებით, ზოგიც ხრიკებით და გაპრომაგამოდრომით, — ნუ ცდილობ იმათ ბუნავში შეძრომას, ნუ იჭაჭვები, რომ იმათ თავი დაანახო... ის, რაც გეკუთვნის, რაც მოგიხვევია, ადრე თუ გვიან მაინც შენთან მოვა, ძალდაუტანებლად, ბუნებრივად, თავისით... ჩუმაღ მოვა: ფეხაკრეფით... ერთ მშვენიერ დღეს აღმოაჩენ, რომ საყოველთაო სახელ-დიდებათ ზარ შემოსილი... და მაშინ დადგება შენთვის ყველაზე ძნელი დრო: გამოცდის საშინელი ხანა... მაგრამ ამის გამო მაშინ ვილაპარაკოთ, მაშინ, მაშინ...

ხომ გინახავს მრავალი შედეგრის ავტორი, „ღვთიური ძღვენი“ მრავალგზის განებივრებული ადამიანი: ბედისწერის რჩეული... და იქვე, მისივე ჯუფთა, მისივე ბადალი, მისივე ნიჭის ალიკვალ მეორე ადამიანი, ვინც „ღვთიურ ძღვენს“ მხოლოდ ერთხელ ეღირსა, მხოლოდ წამიერ ჩაესმა ზეციერის სუნთქვა და გაბოყენა კიდეც ეს საჩუქარი: შექმნა ისეთი რამ, რაც ჭეშმარიტად ბრწყინავს მის ქმნილებათა შორის... და, იქვე დიდი ნიჭით ცხვრულ კიდეც მესამე ადამიანი, ვისაც არასდროს ღირსებია „ღვთიური ძღვენი“ და ვინც მომავალს მხოლოდ ქვიშას უტოვებს... ვიცი, შენ მეტყვი: ქვიშაც ხომ წმინდაა, ოკეანის ცრემლთაგან მრავალგზის გასპეტაკებული, გარეცხილი და კამკამააო... ნუთუ შენც მართალი ხარ?

მას უკვირდა, აზრის კაცები ბოლომდე რომ მიენდობოდნენ სახელგატეხილ გონებას და მისდევდნენ ვრძელ და სახიფათო გზაზე, მისდევდნენ თავგამეტებით, ერთგულებით, როგორც ფიცით შეკრული შეთქმულები და, საკვირველი იყო ეს ამბავიც, მათი მგზავრობა ყოველთვის სამწუხარო შედეგით რომ მთავრდებოდა: რომელიღაც ჩიხში ან გადაულახავ კედელთან...

სიყვარულს ყოველთვის ცუდი ბოლო აქვსო, ამბობს მოემი. ამასვე იმეორებს პოლ ვალერი. ხოლო ერთი პროვანსული ანდაზა ამბობს: სიყვარული ვირსაც კი ააცეკვებსო... ვირს განსჯა არ შეუძლია, თორემ შესაძლოა ისიც უნუგვემო დასკვნამდე მისულიყო... კაცობრიობის გამოცდილება გეკუთნება: სიყვარული სულის თვისებაა. სიყვარული არ მთავრდება: ის ან არის, ან არ არის. სიყვარული მრავალგვარია... სიყვარული ცვალებადია... ხოლო ყოველთვის ცუდად მთავრდება სიყვარულის თანამდევი, მეორეული მოვლენები... და, ბოლოს, ისღა დაგვრჩენია, რომ უთქვათ: ცდებიან გენიოსები! მართალია ვირი!

ლაუვიწყარი ბაგრიცკი. უზუსტესი შედარება: „Фазан взорвался, как фейерверк“...

ლაფიქრდა: რა არის ეს ადგილი, შენი ფეხმოსაკიდი მიწა: რა არის, ბრილიანტის კოსმიური მარცვალი, როგორც მას ასტრონავტები ეძახიან, თუ „მოელი სამყაროს ფეხისადგილი“, როგორც მას კენიგსბერგელი ბრძენი იმანუელ კანტი

ეძახის?.. პასუხიც აქვეა: ერთიც და მეორეც... სინთეზი ბრილიანტის და ფეხის-
ადგილისა, კეთილის და ბოროტისა, სინათლის და სიბნელისა...

ის წერდა კომენტარ-ლექსებს, ხოლო ლექსი-გრძნობა, ლექსი-ემოცია მისთვის
მოუხელთებელი იყო, უცხო იყო... ღმერთო ჩემო, ისე წავიდა ამ ქვეყნიდან,
თავისი სულის აღწერა ვერ შეძლო: ლექსი ვერ დაწერა; თვალი ვერ მოჰკრა
წმინდა პოეზიის ოქროვან წვეთებს.

დაიმახსოვრე: ღმერთი ძუნწია, — ნათელ წამებს, ცეცხლით დამუხტულ კეთილ
წამებს იშვიათად იმეტებს. მწერალს სჭირდება მეთევზის მოთმინება და ოსტა-
ტობა ამ წამების შეცნობისა, მათი მოხელთებისა, გამოყენებისა... ბოლოს და
ბოლოს, მწერლობა ეს არის, ხოლო სხვა დანარჩენი ამ წამების მიბაძვაა, ამ წა-
მების ინერციაა, ხელოსნობაა.

ამას წინათ მელიქიშვილის ქუჩაზე ერთ რკინის ალაყაფს ვიღაცამ ფერადი
საღებავით წააწერა: „შოთა ჩანტლადის ქუჩა“. ეს იყო ბავშვური ხელით ნაწე-
რი, აცბაცა, დიდი ასოები. არ ვიცი, ეს წარწერა წამალეს თუ ისევ იქ არის...
ქაშინ კი მენიშნა, რომ წარწერა თავისი უშუალოებით და გულწრფელობით იღუ-
ძალ ჩამოჰკავდა შოთა ჩანტლადის ლიტერატურულ ხატს, მის ლიტერატურულ
სახელს, უცხოდ, გულდაგულ მოხახულს, ჩამოჰკავდა იმ უცნაურ ფოთლებს და
ჭრობაეულ ყვაილებს, შოთა ჩანტლადის წიგნებში რომ გვხვდება... სწორედ
ამ უცნაური სტრიქონებით გაბრუებულმა მაგანმა გაუწაფავი ხელით სწორედ აქ,
ალაყაფზე აღნიშნა თავისი წადილი, მოინდომა სამართლიანობის აღდგენა,
წააწერა პოეტის სახელი, ეგებ იმ ფიქრით, რომ აქ გავიღო, თავის მწარე ყო-
ველდღიურ ფიქრებში ჩაფლულ მგზავრს თუნდაც წამიერ გამოეფხიზლა, და
ძიანიშნა, რომ აქვე, ჩვეს სიახლოვეს არსებობს დიდი სამყარო შოთა ჩანტლა-
დის პოეზიისა და მისი შემოქმედი სხვა რამის ღირსიც არის: თუნდაც იმისა,
ამ ქალაქის ერთ ქუჩას რომ ამშვენებდეს მისი სახელი.

თუ წარმოგიდგენია არასრულყოფილი რამ, ღმერთის ხელიდან გამოსული?.. მაშ,
რა არის ბუნების ჩანაფიქრი — იაროს სრულყოფისაკენ მარად და განუწყვეტ-
ლად? მაშ, რა არის თვით ადამიანი, ვინც მარტოოდენ წინ მიიწევს, ვინც მარ-
ტოოდენ წინ იყურება?

ვიღაც, შენზე ძლიერი, მოწადინებულია, რომ თვალახვეულმა იარო, სიბნელეში
იარო და გარშემო არაფერი არ დაინახო იმის მეტი, რაც ნებადართულია... და
შენ ეჭვი გიპყრობს, რომ რაღაცას გიმაღავენ, რაღაც დიადსა და შენთვის საჭი-
როს გიმაღავენ, არ გიბხელებ და ეს ეჭვი ღრღნის შენს გულს, განაფოტებს და,
ამასობაში, შუაგზაში ეცემი, სიბნელეში მავალი, ღამის გზაზე მავალი უერთ-
დები სიბნელეს, ღამეს.

„დაუმსახურებელი გამარჯვება არის ზნეობრივი დამარცხება!“ — მოულოდნელად
ეს შორეული ხმა მისწვდა, ხმა ესპანეთის ნათესავი მიწისა, ხმა უნამუნოსი...
მისწვდა და, უმწარესი მარცხით წელში გატეხილი, კვალახად დაჩოქილი, კვლავ
ფეხზე დაყენა, ალაგსო თანაგრძნობის უკვდავი ძალით: კაცად აქცია... და მე
ისევ გიმეორებ: ირწმუნე სიტყვის ძალა, მისი დაიდი სხივთაფენა და ეძებე, ის,
-- თანამგრძნობელი სიტყვა, — ეძებე ღღედაღამ, ეძებე განუწყვეტლად!



,ნუ გეშინია, მე შენთან ვარ!“ — ამ ხმის გავონების მსურველი, ვეშვები სამყაროს ბნელ უფსკრულში და ბოლო ამოსუნთქვამდე მჯერა, რომ მოვისმენ სანატრელ ჩურჩულს: „ნუ გეშინია, მე შენთან ვარ!“... და რადგანაც ეს ხმა არა და არ ესმის, და რადგანაც, როგორც ჩანს, მიმატოვა იმან, ვინც საზღვარი არ იცის, და რადგანაც მხოლოდ მე ვარ ერთადერთი, ვინც თავისი თავი უნდა ანუგეშოს, ექ ვამბობ: „ღმერთი ჩვენთან არის!“.. ვამბობ დაბეჯითებით, ვამბობ უქვეყნლად, ვამბობ იმედით აღვსილი...

შთაონება, როგორც იშვიათი იმპერატივი, რომლის წყაროც ჩემთვის უცნობია. უხილავია, სწორედ ხილულ სამყაროდან იღებს საარსებო წვეთებს, ამავე სამყაროში ირჩევს თავის სამოქმედო არეს, მოედანს და ეწირება ამავე სამყაროს სრულყოფას, მის მოპირკეთებას, აწვევა-ამაღლებას.

მათ დაგიტოვეს ყველაზე გამძლე რამ: სიტყვა, რომელიც უძლებს მსოფლიოს გრივალებს, თავისთავში იქცევს მათ, ათვინიერებს, ბოჭავს...

ჩვენი დროის პოეზია: ტექნიკური ცივილიზაციის კედლებში გამონაყილი, ვანადგურებული, ვნებული სულის ჰიმნი... მას ჟამიჟამ ახსენდება კაცობრიობის ყრმობისდროინდელი ფესვები, ახსენდება სამყაროს დილა და აკანკალებულ ხელს იქით იშვერს, იქით მიიწევს... თუმცა შხამნასვამი პოეტები ამას ვერ ამჩნევენ, ვერა ხელავენ.

როგორც ამბობენ, პოეზია ჩვენ გვასუსტებს, როცა დედაკაცურ ქვითინს და ცრემლებს გვაძალბებს... მაგრამ იმავე პოეზიას მამაცთა შეძახილიც ზომ აღმოხდება ხოლმე და, ამით ის უდავოდ გვაძლიერებს, ამაგრებს ჩვენს მომბალ გულებს, გვაძხვებებს და წინ გვერეკება.

შორს დარჩა ის დრო, როცა მწერალი ამბობდა: საქართველო იყიდებაო... დღეს ვამბობთ: გაიყიდა საქართველო!.. იმას ვერ დაიბრუნებ ვერც ფულით, ვერც ოქროთი, ვერც წონადი სიტყვით: დაბრუნების სასაცვლოდ ბედისწერა თხოულობს მხოლოდ და მხოლოდ სისხლს, სისხლს!

სიკვდილი: სცენიდან გასვლა... და, ღმერთო ჩემო, ამის თანამდევი ხმაური, შეძახილები, პანეგირიკები და სხვა სიტყვიერი ხარახურა... და აქა-იქ საბედნიეროდ, ცრემლიც: ერთადერთი რამ, რაც სიკვდილს ამშვენებს!

ქმნადობის დროს პოეტი პოეზიის საზღვრებზე არ ფიქრობს, როგორც ადიდების ჟამს მდინარე არ ფიქრობს თავისი კალაპოტის სივრცე-სივრცეზე, მაგრამ რაც უნდა მეტად ადიდდეს, ზომ ცხადია: მისი სიდიდე მაინც საზღვრული იქნება... პოეტმაც რაგინდარა დიდი სივრცეები მოიცვას, მოიმწყვდილოს თავისი ფანტაზიის მოღობილში, ესთეტიკის ჩარჩოებს ის ვერ გასცდება და, თუნდაც გასცდეს, იქვე დახვდება იმ შემფასებლები, ამწონავები და მზომავები, რომლებიც უმალ ახალ კალაპოტს მოუსაზღვრავენ პოეტის ნახელავს, მის ფიქრს, მის ოცნებებს... დასკვნა ასეთია: საზღვრულია პოეზია, როგორც მზის ქვეშ ყველაფერი, გარდა ერთისა...

დროის ნაფლეთი: ხვალინდელი დღე, იმედით აღსავსე წამიერობა. წყალგამყოფი, ქედის აღვსილი ფხა, სადაც ყველას როლი შეუძლია ფეხის მოკიდება: იქ

შეყოვნება თუნდაც იმდენხანს, რაც ქვიშიდან ოქროს კენჭების გამოსარჩევად საჭირო... ბევრნი ამ წამიერობას ხელცარიელნი შორდებიან კვლავ მომდევნო დღის იმედით, ღმერთის იმედით.

მუდამ დაუკმაყოფილებლები, ჯანყის მქადაგებლები, არსებულზე ცხვირაბზუე-ზულები, მიუღწეველს დახარბებულები... აი, ვინა ხართ თქვენ, პოეტებო!.. და თუ რატომ გაგამეკათ პლატონმა თავისი რესპუბლიკიდან, ესეც აღარაა საკითხავი... დღეს რომ მედროვე პოეტები გამოიჟილნენ, თქვენს კასტას მიაკუთვნებთ თუ არ მიაკუთვნებთ, სულ ერთია, მაინც მაგათი მიზეზითაა, თქვენ, ყველანი ციხეში რომ არა ღვებით; აი, ამ მედროვეების, ამ თავიქლესიების მიზეზია, მათი დამსახურებაა: მაგათ მოუღებეს გულები პოეტებზე ვაგლახად აღრენილ პოლიტიკოსებს!.. საწყალი პლატონი! ეს ვერ მოიხარა, ვერ მოიფიქრა ამგვარი რამ თუ მოხდებოდა, შეცდა, დაეკო თვალი... დაბრმავდა...

ლექსი სამშობლოზე. ლექსი, რომელიც ვერ იგუებს პათეტიკის ქარიშხალს; რომლის სტრიქონთა შორის არ გაისმის დაფდაფების ავბედითი გრიალი... ლექსი, რომელიც არ გვაჯერებს, არამედ: გვაგრძნობინებს...

სიტყვიერი იერიში ჩვენს გრძნობებზე... მაგრამ მიზანს მხოლოდ ის სიტყვა აღწევს, რომელიც ინტუიტური გზებით, შთაგონების კარნახით ამოდის ზედაპირზე, რომელსაც იღბლიანი პოეტის ხელი აშორებს ფსკერის თიხას, სიღრმეთა ტალახს, ასპეტაკებს და ისეთ ადგილს ურჩევს, საიდანაც ყველაზე მეტად გამოჩნდება მისი მეტყველი პირისახე, მისი ერთადერთი მოძხიბვლელობა.

წმინდა პოეზია: ჭეშმარიტი შთაგონების მონასხლეტი წვეთი: ის კამკამებს სიტყვების დინებაში, მოჩანს სტრიქონების ხარახურაში, როგორც კეთილშობილი თვალი, რომელსაც ვერ აბერებს ჟამთა დინება. მისი არსებობა ან არარსებობა განაპირობებს ლექსის ხარისხს, სიაკარგეს, სიცოცხლისუნარიანობას.

წმინდა პოეზიის არსი. მისი საწყისი და სასრული; საზღვრები, მისი არსებობის დამადასტურებელი ცალკეული კრისტალები, შხეფები. მისი კონტურები პოეტურ ბალასტში. წმინდა პოეზიის შესაძლებლობა. წმინდა პოეზია, როგორც ღვთაებრივი სიხარულის შედეგი. წმინდა პოეზია, როგორც ორიენტირი. როგორც იდეალი; წმინდა პოეზია, როგორც ქმნალობის უმაღლესი აქტის ნაყოფი.

ასეა ეს ამბავი: ის, რაც სისხლისღვრით დაკარგე, სისხლითვე უნდა მოიპოვო! ეს არის კაცობრიობის მარადიული, დაუწერელი კანონი, ერთგვარი აქსიომა: მრავალგზის შემოწმებული, დადგენილი... ტანი მიგრძნობს: სისხლს ჩვენც ვერ აუცდებით!.. აბა, გაიხედე, რამდენი რამ დაკარგეთ. თუნდაც სამუდამოდ და დაუბრუნებლად, იმის გამო, მაშინ რომ არ მოვიწოდებთ სისხლის აღება. ვინც სისხლს ზოგავს, ის მიწას კარგავს!

ლექსი – სოციოლოგიური გამოკვლევა; ლექსი – პოლიტიკური მანიფესტი; ლექსი – ფსიქოლოგიური გამოკვლევა; ლექსი – ფილოლოგიური გამოკვლევა; ლექსი – პანეგირიკი; ლექსი – კომენტარი... ამ საზღვრებში თავსდება ქართული პოეზიის დიდი ნაწილი, ის ნაწილი, აქა-იქ, წმინდა პოეზიის კრისტალებსაც რომ შეიცავს, ზოგის აზრით, სანაგვეზე გატანას რომ იმსახურებს, თუმცა ზოგი ლექსი აქ ისეთი ოსტატობითაა შესრულებული, ამისთვის ვერ გაიმეტებ, მაგრამ



წმინდა პოეზიის წრეში, ამ ელიტარულ ოჯახში ეს ლექსები ვერ შევა ვერასოდეს, ვერასდობით!

დაკვირვებივარ: ესტრადის პოეტები რითმებს რატომღაც განსაკუთრებით ხმა-ძალდა და საზეიმო ტონით წარმოთქვამენ: ცდილობენ მსმენელის ყურადღება ამ სამკაულის ბრჭყვიალს მიაპყრონ... აქედან შეიძლება გაკეთდეს თქვენთვის ძეგად არასახარბიელო დასკვნა, პოეტებო!

რანი ვიყავით და დღეს რანი ვართო, გულჩამჯიღვით რომ მეუბნები, განა მაშინ ესენი არ ვიყავით ისტორიის გზაჯვარედინებზე, სამყაროს მუხთალ მოსახვევებში? განა მუდამ ძლიერი მეზობლების სატახტოებისაკენ არ გარბოდა ჩვენი მეფეების, ჩვენი დიდებულების და დიდმოხელეების თვალი და გული? ყველასი არაო, მეუბნები და ესეც ასეა: იყვნენ რაინდი მეფეებიც და მოხელეებიც... მაგრამ ძალიან ცოტანი. ძალიან მცირენი და იმათ უდრეკ ხმას ყოველთვის ფარავდა სატელიტი ბიუროკრატიის გაბმული გნიასი: მონური რამ ხმა თუ ჩურჩული... და კიდევ ის უნდა გითხრა, რომ, ახლა, თავისუფლების ჟამს, ცხადი გახდა შემზარავი რამ: თურმე წინ კი არ მიდის ჩვენი სული, ჩვენი ხასიათი, ევოლუციის კანონს კი არ ემორჩილება, არამედ მიდის უკან-უკან, ინვოლუციის გზით, დაცემის გზით, დაკნინების გზით... და ეს სიმართლე, ღმერთო ჩემო, არ გვიტოვებს ნუგეშის თუნდაც ნატამალს.

ვიღაც უნდა მოკვდეს, რომ დანარჩენებმა დასკვნები გააკეთონ; ვიღაც უნდა მოკვდეს, რომ ჩვენს მოდგმას ააცილოს ლაჩრის სახელი; ვიღაც უნდა მოკვდეს, ლეგენდების ძველისძველი მიწა რომ განოციერდეს... გეუბნები: ავად ნუ განსჯი იმას, ვინც თავი მსხვერპლად გაიღო: სხვაგვარად ისტორიას დამბლა დაეცემა... და, ესეც არ იყოს, ბოლოს და ბოლოს, ხომ მაქვს უფლება, ავირჩიო ჩემი სიკვდილი: ჩემი მიწისკენ ნასროლ ტყვიას გადავედობო!..

ჯარისკაცი: ატირებული: განადგურებული, მოცახცახე. დასტიროდა საქართველოს: დამარცხებულს, დაფლეთილს, იავარქმნილს... კაცი აღარ ეთქმოდა: მწუხარების კომიჭა იყო, დაბნეული, ორიენტაციადაკარგული... დამარცხებული ჯარი ჩემნაირი მარცვლებისაგან შედგებო, მითხრა, ჩემნაირი ნაწილებისაგან შედგება და მისი ერთად შეკვრა და გამთელება შეუძლებელიაო... მას ჰქონდა ჯარისკაცის ყველა ატრიბუტი: იყო აღნავი, ემჩნეოდა ძალ-ღონე, ჰქონდა აღჭურვილობა, მაგრამ აკლდა მთავარი: ის, რაც კაცს მეომრად აქცევს; ეს იყო აუნაზღაურებელი, დაუბრუნებელი რამ...

ადამიანი და ბუნება. ღვთიური ინტეგრაცია: მათი ერთიანი მეუფება. სამყაროს ლაქდაბირველი ჩანაფიქრი, რასაც წინ ეღობება რაღაც მისტიურ-სატანური ძალა, რისი წყაროც ადამიანის შინაგნობაშია დაბუდებული...

მაშინაც ეს ამბავი ტრიალებდაო, მეუბნება, მაშინაც ეს სენი მძლავრობდა; ერთ-ერთის თავპირის მტვრევა და გულღვიძლის გამოღება, დალატი და ქეპუდანობა იყო... მოხდა გაუგონარი სიბილწე: მტერს ქართველები შემოუძღვნინო... ახლაც ის მეორდება: ისევ ის სენი ტრიალებს, ისევ ის სახადი გვჭირსო... რუსეთზე კიდევ რას გეტყვი, იცო? მაგათ მუდამ კარგი იურისტები და დიპლომატები ჰყავდათ, გამორჩეულები, ჩამრომა-ამოდრომის, მოტყუების დიდოსტატები... იმათი თესლ-წიწილებია, დღესაც თითს რომ გვიქნევენ, რომ გველაქუცებან,

რომ გვექვებუდნებიან, რომ გვებღვერენო... აქე და ერიდეო, სწორედ მაგათზე იტყოდნენ ჩვენი წინაპრები, ჩვენი მამა-პაპანი...

გულზე ხელისმცემელ პოეტებზე არაფერს ამბობდა, ეგ იყო მხოლოდ: გულს ერეგდა სამშობლოზე ნათქვამი ხმამაღალი, ნაპირებზე გადასული სიტყვა... მხოლოდ ეს გრძნობა აკავშირებდა მათთან...

ეს რა სენი შეგყრია, რა ლახვარი დაგსობია, რა ჭირი გჭირს, მოურჩენელი? რა ელდამ დაბწყალა, რა პირქუშმა დარდმა დაღარა, ღმერთს რომ განუდგნენ შენი შეილები? მათ სიბნელე მოიხვიეს, წყვედიანი ჩაიცვეს და, შესაძლოა, ვეღარც გხედავენ, და შენი ცრემლიც, შენი ტკივილიც იმათ გულებს არ ეკარება! ისინი დაემსგავსნენ ცეცხლისმფრქვეველ დემონებს, რომელთაც მხოლოდ ოქროს ტახტი და სიმდიდრე ესიზმრებათ, სხვა არაფერი! ისინი წინ კი არ მიდიან, არამედ ბრუნდებიან ბარბაროსულ წარსულში, განურჩეველ წყვედიადში, სადაც მოთქმა და ვაგბა გაისმის მხოლოდ... ისინი უკან ბრუნდებიან და შენც იქით წიგათრევენ, იმ წყვედიადით მოღობილი ტრამაღისაკენ, რომლის წიაღშიც ბოროტების ცეცხლი გიზგიზებს... ეს რა სენი მოგდებია, რა ლახვარი დაგსობია, რა ჭირი გჭირს, მოურჩენელი?

ლექსები სულის შესახებ: ფილოსოფიური გამოკვლევებისაგან მხოლოდ ცოცხალი ტექსტით, ხატოვანი ქსოვილით და ყველასათვის გასაგები ენით რომ განსხვავდებიან.

ოდესმე ჩვენშიც ყოფილა გამძლე ჯიში ამორძალისა. აი, რას გვეუბნება ერთი ფშაური ლექსი: „მათურის ბოლოს წისკვილნი მარილის გულად ცრიანო. შიგ სხედან სამნი ლამაზნი, ვაჟკაცის გულსა გლიანო. გამოვლენ, ხელპირს იბანენ: შუქნი მთათ გადავილიანო. ვაჟასა შენისთანასა წელზეით ხმალსა ხსნიანო. სწადიან: დაატყვევებენ. სწადიან: დაიხსნიანო“.

წმინდა პოეზია არის ემოციური შემეცნების, გრძნობის გამოვლიძების, გრძნობის მიმზრობის, გრძნობის დატყვევების, მოხიბლვის მხატვრული მექანიზმი, ქსოვილი, სადაც აკუმულირებულია, შემკვრივებულია მგრძნობელობის უკვე ჩავლილი ზვირთები, ემოციის შხეფები, ელვის ნაპერწყლები...

თვალი ამაყურაო, წერს კოლაუ ნადირაძე. არ დაიწუნებოდა, თვალი ამარიდაო, რომ ეთქვა, მაგრამ სხვა გზას დაადგა: მაღლა ასწია უკვე მიმქრალი, დაეიწყებინაკენ მავალი სიტყვა, დააბრუნა, ახალი სული ჩაუდგა... თვალი ამაყურაო, რომ ამბობს, აქ უფრო მეტი სიმძიმეა, მეტი ზატოვანება...

სალხური პოეზიის მთავარი პერსონაჟი: ბუნება. ამ პოეზიაში ის იხლიჩება მრავალ კომპონენტად, სულიერ და უსულო ნაწილებად; მერე კვლავ მთლიანდება, ერთიანდება და ასე... უსასრულოდ: გადადის ლექსიდან ლექსში, კაციდან კაცში, საუკუნიდან საუკუნეში...

მან ბუნებიდან აიღო ყველასათვის გასაგები და მისაღები რამ: სექსი... აქცია ის ფოფიერების გულისგულად, ხელოვნების მიზნად, სიღამაზის საზომად, ჭეშმარიტების სახედ... ასე მიიწევს ის საყოველთაო დაქანცვამდე, დაღლამდე, გარდუვალ იმპოტენციამდე...



საკმოდ იოლია: დავცინოთ სამყაროს იმ სურათს, კაცობრიობის რჩეულთა გონა რომ დახატა, აღმოაჩინა, შექმნა... საკმოდ ძნელია: ამ სურათს რაიმე შევმატოთ, სრულვყოთ, განვაავითაროთ... ამ ორი გზიდან ადამიანი უძვეველად ერთ-ერთს ირჩევს: ხოლო უმეტესნი ირჩევენ პირველს.

პოეტური ხაზების დახვეწილობა, გრძნობის ზომიერება გვეუბნება, რომ ხალხის პოეტური სული მიემართება სინათლის, გამჭვირვალების გზით, ის ვერ იგუებს სიტყვათა ბუნდოვან აბრაკადაბრას, გრძნობათა გაურკვეველ სიმშაგეს... ძისთვის საკმარისია ზომიერება ყველაფერი იმის, რაც გრძნობების გადმოსაღარგმნადაა საჭირო... ასეთია ფოლკლორი. ასეთია ხალხის სული.

სამშობლო წაგვართვესო, მეუბნებოდა სახეარეული, თვალცრემლიანი. ხელახლა წაგვართვესო... ახლა ისევ დავგიძლიავენ, სამშობლოს დავგიძლიავენ და ვივლით ისევ მისი მძებნელნი, უსამშობლონი, ცარიელ-ტარიელნი, ვივლით (რემლის ნიხევიტ და კვენსა-ქვითინითო... ვივლით დაბეჩავებულები, დაუძღურებულები, სხვათა ხელს შემყურენიო. ასე მეუბნებოდა ჩამქრალი იმედის კაცი: სახეარეული, თვალცრემლიანი... ღმერთო ჩემო, ასეთებით გაივსო ქვეყანა!..

დრომ ყველანი პესიმისტებად გვაქცია; ჩვენ ვართ დიდი ოკეანის ნაპირები, ყურეები, ტოტები. ეს ოკეანე პესიმიზმია. ის გადმოდის ნაპირებზე: იპყრობს ადანიანთა გულებს. ეუფლება ყველას, ყველას... დროებით ან სამუდამოდ. აი, მან უკვე დახანჯლა ჩვენი გულები. დაიპყრო ჩემი ოსტატი შოთა ჩანტლაძე: ძირს დასცა... ის მეუფლება მეც, თანდათან, შეუმჩნევლად. მეც ასევე ძირს დამცემს. მე უკვე ვაღიარებ იმის ძალმოსილებას. ის უკვე ჩემშია: დღეს მე ვარ იმისი წყარო, იმისი შემნახავი, იმისი შესაკრებელი.

შთავონება არის განუჭვრეტელი ძალმოსილების ფორმა: მისი დიადი ძალაუფლება ვრცელდება დროის რომელიმეც მონაკვეთზე: წუთებზე, წამებზე... შთავონება მოიცავს იმას, რაც განუჭვრეტლად ფართოა, რაც გონის საზღვრებში კერასდიდებით ვერ ჩაეტევა. ის არის უსასრულობის მომცველი წამიერობა, ის იძლევა ყველაფერს, რასაც შემოქმედების წამი მოითხოვს...

პარტიები. საძმობი. საზოგადოებები. აი, კიდევ ერთიც: სულით უკვდავთა საზოგადოება. დიდებული სახელწოდებაა! ალბათ, დიდებულები არიან ამ საზოგადოების წევრებიც: არა დეპუტატის მანდატზე და თანამდებობაზე ფიქრს გადაყოლილები, არამედ: სამშობლოს დარდით შეჭმულები, ერის წყლულების მომელელები, მისი მოღარაჯენი... ასე მგონია მე. ასე უნდა იყოს. ასეა, ალბათ...

შოთა ჩანტლაძემ მითხრა ერთ ბანოვანზე: ეგო ახალგაზრდობაში ისეთი იყო, როგორც ველურის ნაშიერიო: ველურის ყნოსვა ჰქონდა, ველურის მგრძნობელობაო... მაგის ფანჯარას რომ მიუუახლოვდებოდი, სანამ დაეკაკუნებდი, უკვე აღებდაო, წინასწარ გრძნობდა ჩემს მიახლოებასო... მერე ბედისწერამ ეგეც პროზაულ კალაპოტში გადააგდო: დაკარგა ველურის საოცარი თვისებებიო... ღრავალმა ხელისგულმა გადაიარა მაგის მკერდზე ბარძაყებზე და ეგეც თანდათან ძოთენიერდაო...

ლექსი: მრავალი (უთვალავი) შესაძლებლობიდან განხორციელებული ერთ-ერთი... მაგრამ ის თუ განხორციელებული ერთადერთია, მაშინ ჩვენ ვერ მივხვდებით,

არის თუ არა ის ერთადერთი საუკეთესო... ამის გარკვევის საშუალებას ვეძებ კანხორციელებული რამდენიმე ან განხორციელებული მრავალი... ხოლო ეს წარმოედგენელია, შეუძლებელია!

ითმა - რიტმული ექსპრესია - სიმღერა. თავდაპირველად ამ ხაზით ვითარდებოდა პოეზია. ეს ხაზი საკმაოდ გამძლე და მაცდუნებელი იყო. მისი ინერცია ღლესაც შეუძცევადია... ჩვენი ლიტერატურის გამოცდილება გვეუბნება, რომ წმინდა პოეზია მიიღწევა როგორც რითმიანი ლექსის მეშვეობით, ისევე ურთიმო ლექსით. პოეზიის ამ მთავარ მიზანთან რითმა არც გვაახლოებს, არც გვაშორებს.

ბოლოს ასე დაასკვნა:

გეხილერი ლექსი თავისთავად არარაობაა, თუკი ის შემხვედრი გემოვნების ფაქტორით არ არის გამაგრებული.

ნაჭის უცნაური თვისება. თანდაყოლილი ხორკლი, ხაო, პირველყოფილი სინედლე... წმინდა პოეზიის, ცოცხალი ლექსის ზოგიერთი ნიშანი... ტიცციან ტაბიძის, ნიკო სამადაშვილის, შოთა ჩანტლაძის ლექსების გამორჩეული ატრიბუტები...

სიტყვა... სიტყვის ტუჩ-პირი, იმისი უკვდავი პირისახე, საუკუნეთა ამოწვდილ ქარაფებზე გადარჩილი ქარის ნატოტნი, სამყაროს რომელიღაც კუთხეში წამომოჯდარი ღამის კუპრისფერ თმებში ნახლართ-ნალოლიავები, ვარსკვლავთა შორეული ხამხამით დაბწკალული... მრავალ ბაგე-პირში გამოვლილი... ახლა რომ თავდაპირველი სიწმინდით კეკლუცობს, დროის მწიკვლს რომ არ იმჩნევს... სიტყვა...

სიკვდილის მაცნე. რამდენი გული დაფლითა. რამდენი ოჯახი მოჰფინა გაუსუნარი ძაძით სიკვდილის მაცნემ: მისმა უღმობელმა სიტყვამ... ვაჟას „მაცნე“ ამბობს: „დაპლონებულხარ, დედაო, რასრარა ჰფიქრობ შვილზედა, ცრემლ რო ჩამოვდის მჩქეფარე მაგ ხმელს, წაყვითლო პირზედა? შენი გაზრდილი მახარე წევს მკვდარი კლდისა ძირზედა, ეტყვიან დარიელასა, ლადის მდინარის პირზედა. ნატყვიარი სჭირს გულშია, სისხლი ამოსდის ნჩქლეკითა, ხელში უჭირავ ფრანგული, გადატეხილი ქნევითა“... ღმერთო, ხალხო, ადამიანებო! მაცნეს ეს სიტყვებია ომში შვილდაკარგული დედის ნუგეში!

პრეზიდენტი მოკლესო, თქვა ერთმა. შენი თვალთ თუ დაინახე, რომ მოკლესო, ჩაეკითხა მეორე. არა, არ მინახავს, მაგრამ ასეაო. თქვა ისევ იმან, იმ პირველმა. თუ არ გინახავს, მა რა ენას ატარტალებო, აეჯაგრა მეორე... შენ ვისი ტიკიტომარა ხარ, სხვას რო იცავ და მე რო მიდრენო, წაუმწვეტდა ისევ ის პირველი... და ატყდა ერთი ვაიუშველებელი, ცემა-ტყეპა, ხელების გადაგრეხვა... და კიდევ ერთხელ გაიღანდა ენადგარეფილი, ნერვებაწეწილი, მოუხელთებელ მტერს შეჭიდებული საქართველოს ამაზრხენი სურათი.

არაფერი ნათელი არ არის, არაფერი ამოხსნილი არ არის, არაფერი უეჭველი აო არის, გარდა ერთადერთისა... და ის, რაც ნათელია, რაც ამოხსნილია, რაც უეჭველია, შენს ფიქრს. შენს გონებას, შენს შთაგონებას თავისკენ სულაც არ უხმობს, რადგან იმას შენ ვერაფერს შემატებ! ის შენ გიხმობს სამყაროს იმ ნაწილში, რომელსაც სწყურია გახსნა, ამოხსნა და სრულყოფა: ხოლო სამყაროს



ემ ნაწილში შენ ღგეხარ და იქ სწორედ შენა ხარ მთავარი... ის გემახის შენ-
კინ: რომ თავისთავი დაინახო! ის გემახის ძალიან შორს, შორს: შენკენ!

იუღებო! — იყვირა ბესიკ ადგიშვილმა უნივერსიტეტის ეზოში, მაშინ, როცა კომ-
კავშირის აქტივისტებმა მიტინგის დარბევა დაიწყეს... იუღებო! — იყვირა კიდევ
ვილაცამ... იუღებო! იუღებო! — აღმოხდა შიშდაკრულ ხალხს... იუღებო! იუღე-
ბო! — აზრი აღდგენ უნივერსიტეტის ქათქათა კედლები... იუღებო! იუღებო!
იუღებო!..

ასე ამბობდა: ბედნიერებაა სამშობლოსთვის ომში სიკვდილი! ეს არის ჭეშმარი-
ტი თავშეწირვა: თავისთავის მსხვერპლად მიტანა... ამის უფლება მხოლოდ
უსამშობლო ხალხს არა აქვს! ამ უფლებას ადამიანს ზოგჯერ სახელმწიფო ართ-
მევს; ზოგჯერ თვითონ ართმევს თავისთავს... და ეს არის ყველაზე დიდი საში-
ნელება! ეს არის არარად ქცევა: ადამიანის გაუგონარი დადებლება!.. და ყოვე-
ლივე, რაც გითხარი, ძალიან ხმაძალდა ჟღერს. ხმაძალდა ამის გაფიქრებაც...
ძაგრამ ხომ უნდა მომცე იმის უფლება: ვიხმაძალლო ყველაზე საბედისწერო
წამს!

ამას გეტყვი ჩუმიად, მხოლოდ შენთვის გასაგონად: გულისამრევაა მოდას აყო-
ლილი, ნაადრევი წარმატებებით გაფუყული მწერლუკა: სწორ გეზს აკარგვი-
ნებს მიბაძვის ჟინით ატანილ ახალგაზრდა მწერლებს, აქცევს მათ ზერეულ სწო-
ბებად, რაც, თავის მხრივ, იწვევს მწერლური სულის დაკნინებას, დაცემას, სი-
ბერწესს... და ეს არის ლიტერატურის გზის გადაჭრა: უბედურება დიდი...

როცა დაზეზდები, ცხოვრების ყულფს როცა მოიხსნი, როცა მოიცლი ლექსი-
სათვის, მაშინ უნდა გაახსენდე პოეზიის ღმერთს: შთაგონების დედას, ლექსის
მესაძირკველს... ესაა მწერლური იღბალი!.. ამის გარეშე უეჭველად დაიკარგე-
ზა ბევრი რამ: წაშლის ცხოვრების აღმართ-დაღმართი, გადარეცხს ყოველდღი-
ურობის ზვირთ-ქაფი... წმინდა პოეზიას მხოლოდ სიმარტოვის იდუმალი ნიადა-
გი აღმოაცენებს: ეს არის ერთ-ერთი, უმთავრესი პირობა.

ყველაზე დიდი, ტიტანური გრძნობა დუმილის აფეთქებაა: ის გადმოიფრქვევა
არა სიტყვებით, არამედ ღრიალით, ქვითინით. ის გაუგებარია. ის გონით არ
აღიქმება. ის უნდა მივიღოთ მისტიური გზებით, როგორც სიცოცხლის საიდუმ-
ლო.

რა გეძლევა მაშინ, როცა შთაგონების ცისმიღმური ზარი წკარუნობს?.. ეს არის
ფორმა ბუნდოვანი, ეს არის რიტმი, ეს არის ინტონაცია, ტანით რომ გრძნობ...
ეს არის პირველი სტრიქონი: ზეგოსმიური მისტიერიის ანახსნელები.

შენს წინ უთვალავ შესაძლებლობათა ველი: აქ უხვად არის თავთავი ოქროვანი
და ასევე უხვადაა ღვარძლოვანი სარეველებიც... და რა იმედისგაცრუება გელის,
თუ აჩქარდები და იმის მაგიერ, იქიდან ღირსეული რამ აგელო, უღირსს და
გონჯს წაეტანები!

უნივერსალური ესეი: ის არღვევს მწერლობის, მეცნიერების, ფილოსოფიის საზღვრებს... მისთვის უცხო არ არის გონითი ცდა, ემოციური გრადაცია... ესეი: არა აღრევით შობილი, არამედ შერწყმის ნაყოფი.

სულის კლიმატი: შენეული წესრიგი, შენეული გრძნობის შხეფები, შენეული ფიქრის კრისტალები, შენეული შემეცნების კონსტრუქციები... და ყოველივე ამას გარედან რაღაც ერევა: ნასხვისარი გრძნობა, ნასხვისარი ფიქრის კრისტალები, ნასხვისარი შემეცნების ფერფლი... და ამღვრევს, ამღვრევს, ამღვრევს...

ლექსი: სამყაროს განვითარება პოეტურ წარმოსახვაში, რაც სიცოცხლის უნარით, ტევადობით და წვდომით შემეცნებას სცილდება, მის საზღვრებში ვერ ეტევა. პოეტურ წარმოსახვას და შემეცნებას განასხვავებს მათი წარმომავლობაც: პირველი ეყრდნობა შთაგონების მისტიურ წიაღს, ხოლო მეორე: გონის ელასტიურობას, მის შესაძლებლობებს...

დიდი ქმნილებები ლიტერატურის სივრცეში: როგორც მწვერვალები, უღელტეხილები, წყალგამყოფები... ისინი იტაცებენ თვალსა და გულს, გვიხმობენ და, რაც უმთავრესია, ცვლიან კლიმატს, კეთილად მოქმედებენ ამინდზე...



დალი ცაავა

პაპრინიძე-23

კოკისპირული წვიმების ყამი – რისხვა ღვთისა,
 ცრიატი ციდან ქუხილით გადმომსკლარი.
 არღვანი... კუბრი... გოგირდი...
 გაუძლებს კი ჭერის სიმძიმეს
 ჩემი უღიმღამო საღგომის დელაბოძი?!

ო, საკრამიტე თიხაში აზელილი შეენადველი,
 უზაკველი მეთუნის ხელით გამომწვარი
 ეშმაკის ღუმელში...

რას მღერის ალი –
 ნაკვერცხალზე მროკავი ამორძალი,
 როცა განვლილია უკვე ნახევარი ტვერი ცხოვრებისა,
 მიღის ქარავანი
 და ნაქვესკნელარი ფიქრი ბაირაღებს
 შლის, რომ დამიამოს ზურგი ნაშოლტარი.
 მტკივა უსასრულოდ ყველა განშორება, ყველა პაემანი.
 სიმზე დამსხვრეული ღამე სიზმარია,
 მთვარე – კეთროვანი.

რას მღერის ქნარი –
 წიფლის ტოტი ოხვრით ჩამომხმარი,
 როცა მდუმარეა ქარი – ოქროპირი, ცა განუჭვრეტელი,
 დღეა დღეთაგანი,
 არსით ნუგეშინის აღარ ჩანს მცემელი,
 იქ... საღაც, ოღესღაც ზღვა იყო მდელვარე
 და ყოველ ცისმარე
 ზვირთებს მიაპობდა თეთრი იაღქანი...
 სიმზე დამსხვრეული ღამე სიზმარია,
 სული – კიღობანი.

პაპრინიძე-24

ნუ შემეხები,
 ჩემს ღუმელში თვლემს ღრიანკალი,
 დროა ფარსავი და ასმაგად მოგვია მთვარე,
 ოქროს გრეხილში გაირინდა თვალი-სპეკალი,
 ვზი მარტოსული, ქარებს უხმობს ღამე მწუხარე.

ნუ შემეხები,
 ჩემს ღუმელში თვლემს უსახური,
 თოვს ისე მშვიდად, თებერვალზე ფიქრიც არ მინდა,
 თბილა ბუხართან, ძველ წერილებს ფურცლავს აღმური,
 იწვის ურთხელი...
 აღმაფრენის ჟამი წავიდა!

ჩამოიღვენთა,
 ხელში ჩაღნა ცხრავე სანთელი,
 საღლაც თენდება, მესმის სუნთქვა ზევსის ასულთა,
 ჰა, როგორც იქნა უგზო-უკვლოდ გაქრა ნაღველი,
 უკანასკნელი პაემანი შედგა წარსულთან.

გადაინისლა.
 მზერას მოსწყდა გზის გასაყარი,
 უკვე გარდასულ და მერმინდელ დღეთა დიდება,
 ნუ შემეხები,
 კელურია ჩემი სიზმარი
 და შემზარავი გაზაფხულზე გამოღვიძება!

პაპრინიო-25

(ეკრილიკე)

გემშვიდობები!...
 აღმაველი მზისკენ ბილიკი
 უგანთიადო ბურუსებით გადაიფარა,
 თანაბრად გვერგო მარტოობა, დარდი, ტკივილი,
 მიტოვებულებს დამსხვრეული ფრთების ამარა.

გაიყო გზები...
 ცეცხლოვანი ხვნეშის ნაპრალი —
 თითქოს ღმერთები ხელმეორედ სჯიან იკაროსს!...
 წრეს შემოხაზავს უხილავის შავი ფარგალი.
 და განშორების მისტერია შეძრავს სამყაროს.

გაიყო გზები...
 ვოლგოთაა ახლა აღმართი,
 ზიღე ჭაბანი, აქ არავინ შეკეშველება —
 სხვა სადგურია, სხვა თიბათვე, სხვა მისამართი,
 იქ კვლავ გრძელდება მიწიერი შენი ცხოვრება...

იფუნე, სულო,
 იბობოქრე, გლოვის მდინარევე,
 ქარო ამარო, გამიშალე ნარის ფარდაგი,
 აყვაკებულა ნაცნობ სერზე ხე-სასამარე
 და ნისლში ცურავს უსახელო არქიპელაგი.

იმღერე, ჩანგო, დღეს გულია შენი ფარეში,
 აკენესე სევდა

ოქროს სიმზე ცრემლად დაღვრილი,
 რომ უსასრულო ღამეების სიმწუხარეში
 მენთოს აღმასის ნაპერწკალი — ხსოვნის ყვავილი!...

კაკრიჩიო-26

თეთრო იალქანო,
 გული საკანია მზეს გადაჩვეული,
 წვიმს უკიდევანოდ, ნოემბრის ნისლებით დამძიმდა სხეული,
 სადღაც შორიახლო ობლად დარჩენილი ტირის მოლაღური.
 მასაც ჩემდაგვარად ტკივა უსათუოდ ღამე-უსახური.

ბორგავს ნოემბერი,
 მიდვას ამინდები მოთქმით საგლოველი,
 ცხოვრება წამეებით განვლილი გზებია, ხსოვნა-ჟრუნტელი
 და ჰა, ქარიშხლებით შეშლილი მხევალი, განთხმული მიწაზე,
 ცას ვებლაუჭები —
 ცივი მღუმარება მადნება წამწამზე.

როგორ მენანება...
 ზღვა და ქოსაგორზე ქოხი — ბალაგანი,
 დაუბრუნებელი თეთრი ხომალდების მშვიდი ქარავანი,
 მთვარით მონუსხული ფიქრი ვარსკვლავებზე მადლა მაბუდარი,
 ვაი..., იავარი...
 ბედი, ნათელივით შუა გადამტყდარი.

დავგმე, ვინც მიყვარდა...
 განა მკურნალია დროთა მდინარება?!
 ახლაც სასწაულის ჩუმი მოლოდინით სუნთქავს მონატრება,
 სადღაც შორიახლო ობლად დარჩენილი ტირის მოლაღური,
 თეთრო იალქანო,
 ნუთუ გათენდება ღამე-უსახური?!



ნინო საბვიშვილი

ჩემი გუშინდელი მეგობრები

ჩემს მეგობრებს ვიხსენებ საგნებით...
ისინი თავიანთ სურვილებში პუტაფორულად იკარგებიან;
ისინი ცხოვრებას მეთიხედს ცივ და გლუვზედაპირიან
ნინებზე ატარებენ,
რომელზედაც ირეკლება მათი გრძნობები...
ჩემი გუშინდელი მეგობრები თითქმის არ არიან ჩემთან,
რადგან ისინი მეგობრები იყვნენ გუშინ,
ანუ რამდენიმე წლის წინ.
მაგრამ მე ვისწავლე მათი სიყვარული
და რაც ერთხელ გულმოდგინედ ვისწავლე,
არ შემომღია ნაწილობრივ დავივიწყო.
მე მათ ვიხსენებ ხშირად.
ვიხსენებ
„ბიბლიკის პლაკატი“,
რომელიც პირველად
ხუთი წლის წინ დაიბეჭდა
და თავისუფლების მოედანზე,
მიწისქვეშა გადასასვლელში ერთად შევიძინეთ;
ცხენების სურათებიანი კალენდრით
(მე მასზე წარწერები ვავაკეთე და სასტუმროს
მწირ კედელზე ვავაკარი),
ქამრის ბალთით,
რომელიც დავკარგე;
მინდორში შემთხვევით ნაპოვნი
ჟანგიანი სამოვართო
და...
სხვადასხვა ჭრელა-ჭრულა საღამოებით.
ისევე როგორც ჩემს მეგობრებს,
ადამიანებსაც ვიხსენებ საგნებით,
მათზე შემომღია ვისაუბრო კიდევაც,
რადგან ისინი ხშირად განიცდიან მეტამორფოზას.

და შემდეგ ემსგავსებიან საგნებს...
 კაცი,
 რომელიც ტროლეიბუსის გაჩერებაზე დგას,
 თავისი თუთიყუშის გალიას დაემსგავსა.
 თუთიყუშს ყვითელი ბუმბული
 და ცივი თვალები აქვს.
 გოგონა,
 ყელზე ორდოლარიანი ყელსახვევი რომ უკეთია,
 ჰგავს თავის ბუშტებს,
 გოგონა წუხს დაკარგული მეგობრების გამო,
 მასში ნოსტალგიაა
 და იმპულსი,
 რომელმაც უკარნახა — თავისი ბუშტები
 ქართული, ანუ თბილისური ცირკის წარმოდგენა,
 მოხუც ბავშვებს აჩუქოს.
 ჩემი გუშინდელი მეგობრები
 საგანთა ვაკუუმში დაიბადნენ
 და საგანთა გავლენით ისწავლეს ერთმანეთი.
 ისწავლეს თამაში,
 რომელიც ძალიან ჰგავს ფრაზას
 იაპონური ჰოროსკოპიდან:
 „მაიმუნი ერთობა“.
 ადამიანები სწავლობენ გართობას.
 გართობაში სხვადასხვა სტადია
 და სხვადასხვა მდგომარეობები იგულისხმება
 და მათ შეიძლება ერთი სახელი გამოვუძებნოთ:
 დაბადება — შიში
 სიკვდილი — შიში
 სიცოცხლე — შიში
 სიყვარული — შიში
 მეგობარი — შიში
 სამშობლო — შიში
 ცივილიზაცია — შიში
 სული — შიში
 სხეული — შიში
 საგანი — შიში.

2

მომეცით ცისფერი შარფი,
 რომლითაც რომანტიკას
 დავიბრუნებ,
 ყველაფერი ცისფერი ზომ პოეტურია
 და პოეტი ზომ მიმზიდველია
 თავისი ტკივილებით,
 პოეტით ზშირად ერთობიან.
 ბავშვს,
 რომელსაც პოეტი უყვარს,

ორი დღეა ტროტუარზე ვხედავ
 სათეატრო დარბაზის მაკეტით.
 მაკეტის ფასადზე
 პოლ ელუარის ლექსის სტრიქონია:
 „სალამი, სევდა!“
 აქ შეიძლება თვალები დახუჭო
 და უარი თქვა
 ხედვის ფოტოგრაფიულ პრინციპზე,
 უარი თქვა მასზე, რაც სასტიკია...
 რადგან ერთფეროვანი გახდა
 ჩვენი დამოკიდებულება
 საგნებისადმი,
 რომელთაც ფუნქციები აქვთ...
 ბავშვს,
 რომელსაც პოეტი უყვარს,
 არა აქვს ცისფერი თვალები,
 მის სახის კანს დაეტყო გარდატეხის ასაკი,
 მის თვალებში ნოსტალგიაა
 და ამიტომაც არ არის ერთფეროვანი,
 თორემ ჩვეულებრივად აცვია
 მუხლზე გამოხეული ჯინსის შარვალი
 და სქელლანჩიანი ყავისფერი ფეხსაცმელები.
 ტროტუარზე,
 რომელზედაც ის დადის, ცირცელის ბუჩქები
 (მან მცენარეების სახელები
 დედამისის ძველი ჰერბარიუმებიდან ისწავლა),
 ოჯახში ბიოლოგები და ქიმიკოსები ცხოვრობენ
 და მათ აწუხებთ ბავშვის ბედი,
 რომელსაც პოეტი უყვარს.

„ჩვენი სულები ვერასოდეს იპოვიდნენ
 ერთმანეთს ჩვენზე სხეულების გარეშე“.

პოლ ვალერი.

ჩემი სხეული ცარიელი სახლია ახლა.
 (მე ვეძებდი აგურის სახლებს,
 თუმცა ისინი დიდი ხანია
 უცნობებმა მიისაკუთრეს).
 ჩემი თვალები ცარიელი ღრმულებია.
 ვეღარ მშველიან გაზაფხულის თბილი წვიმები.
 დაღამდება და მწვანე ფარდებს დაჰკიდებენ
 ისევ ფანჯრებზე.
 კვირის თავზე კი გაწვიმდება ისევ უეცრად,
 დამაეიწყდება ყველა სიტყვა, რაც უნდა მეთქვა...
 დამიბრუნე ჩემი სიტყვები...

(მე ვეძებდი ვაშლის ხეებს,
 თუმცა ისინი დიდი ხანია
 თეთრი ყვავილებით აღარ მორთულან).
 დამიბრუნე ჩემი სიტყვები,
 რომ ისინი დიდ და ნათელ ოთახში მოვათავსო;
 თუნდაც ძველებურ ტახტზე,
 სადაც ესვენა ბაბუა
 და მკერდზე ცივი ხელები ელაგა;
 ბაბუა იმ დღის მერე აღარ მინახავს,
 მაგრამ ვგრძნობ სუნით,
 რომელიც ძალიან ჰგავს
 ბაბუაწვევრას ყვავილის სუნს,
 და მამაჩემი დილაობით ამბობს ხოლმე,
 რომ სიზმარში ხშირად ხედავს ბაბუაწვევრებს...
 მე აღარ ვიცი, რას დავარქვა შენი სახელი...
 მწყემსებისგან გადამწვარ მინდვრებს,
 დღესასწაულს,
 თუ ჩრდილებს, გზებზე ზვავებივით რომ ჩაწოლილან.
 მე აღარ ვიცი, რას დავარქვა შენი სახელი...
 სახელდებებით უეჭველად დასასრულსაც ვუახლოვდები...
 საღამოჟამს კი ბუნქებიდან გამოვა კაცი
 და მის სახეზე შადრევნები გაიფლავებენ,
 ისაუბრებენ შადრევნები კაცის ხელებთან,
 ვარდებს მორწყავენ,
 გაუწმენდავი აუზებით შემფოთლებიან...
 დასასრულია სახელები,
 ჩემი და შენი სახელებიც დასასრულია,
 რადგან ცხადია,
 რომ ზვალ და ზეგ
 გამოძქვრწავთ სიტყვებით ლექსებს,
 ჰონორარით გაზეთებს და იებს შევიძინთ,
 მერე შინისკენ გაბრუნდებით,
 გზად შეიძლება მეგობრებიც მოვინახულოთ
 და სახის ნაცვლად კეფა ვაჩვენოთ,
 შემდეგ კეფაზე თანმიმდევრობით გამოვსახოთ
 ცხვირი,
 ტუჩები,
 ჩაცვნილი ლოყები
 და თვალის გუგები...
 ჩემი და შენი სახელებიც დასასრულია...
 შიშველი მხრებით მოვასვენებთ დაშლილ გვირგვინებს.
 დამცინავად გადმოგვხედეს,
 ჩაიქირქილეს პორტრეტებმა ნაცნობ ქუჩაზე —
 იქ ალბათ ისევ ირეკლებიან
 სახურავებზე გრძელი ჩრდილები...
 გაუჭირდებათ ჩვენს სხეულში ჩვენსავე სულებს,
 გალიაში დამწყვდეული ჩიტებივით
 მინის სარკმელს ენარცხებიან,

ფრთები სტკივით და თოვლი არის
 თუ წვიმა არის,
 მხოლოდ სარკმელს მისჩერებიან.
 გაუჭირდებათ ჩვენს სხეულში ჩვენსავე სულებს...
 დამზრალ თითებში ბავშვს ფოთლები რომ ჩაუბლუჯავს,
 შიში იგრძნობა სხეულის გამო.
 გადამალეთ უმაღ თითები.
 მერე ფეხები გადამალეთ,
 იდაყვები,
 თმები,
 თვალები...
 ჩვენ ცარიელი სახლები ვართ!!!
 მე აღარ ვიცი, რას დავარქვა შენი სახელი —
 მწყემსებისგან გადამწვარ მინდვრებს,
 დღესასწაულს,
 თუ ჩრდილებს, გზებზე ზვაკებივით
 რომ ჩამოწოლილან.
 მე აღარ ვიცი, რას დავარქვა შენი სახელი...



აკაკი დაუშვილი

დანაღმული წარსული

მოთხრობა

უხლისოდ ვიყავი და ეზოში დაბო-
რიალებდი. სახლის სახურავზე კატამ
დაიჩხავლა. ავიხედე და სხვენში ამოჭ-
რილი პატარა სარკმლის დანახვისას
გაზეთების დასტები გამახსენდა, თხუთ-
მეტიოდე წლის წინათ გარდაცვლილ
მეზობელს (ცხონებულს, ყველა რაჟდენ
გიორგინს ეძახდა) რომ ეკუთვნოდა. თა-
ვის შესაქცევად სხვენში ამავალი კიბი-
საკენ გავემართე.

გაზეთების კიდებზე რაჟდენ გიორ-
გინის მოკლე კომენტარები, ემოციური,
მხატვრული მინაწერები აღმოვაჩინე.
ამ მინაწერებმა და გაცრეცილ ფურც-
ლებზე დაბეჭდილმა მასალებმა სული
შემიშფოთა და მრავალი გაგონილი თუ
განცდილი ამბავი გამახსენა.

რაჟდენ გიორგინისული გაზეთებიდან
1917-21 წელი...

ბალშევიკების მთავარი ციხესიმაგრე
დემაგოგიაა, მარა ესაა დემაგოგია გან-
საკუთრებული, წმინდა ბალშევიკური.
ოგი მდგომარეობს მასის ყოველგვარ
ინსტინქტების წინაშე ქედის მოხრასა
და ამ ინსტინქტების შექებაში.

„ერთობა“. 16 დეკემბერი, 1917 წ.

აშკარაა, თუ დიდი რუსეთის არსებობა
ხელს არ უშლის პატარა საქართველოს
არსებობას, პატარა ოსეთის არსებობაც
ხელს ვერ შეუშლის საქართველოს არ-
სებობას, რომელიც სრულებით არ სა-
ჭიროებს პატარა ოსეთის ტერიტორიას.

„კომუნისტი“. 13 ივნისი, 1920 წ.

4 მარტს, ტფილისის მუშათა კლასმა
და სახელოვანმა წითელმა არმიამ ალექ-
სანდროვის ბაღში მიწას მიაბარა გმი-
რულ ბრძოლაში დაზოცილი, წითელი
არმიის საუკეთესო შვილები და საქარ-
თველოს მოღალატეთა მიერ მოჭყუებუ-
ლი, თვალახვეული, ჩვენს წინააღმდეგ
დაღუპული საქართველოს ჯარისკაცები.

„კომუნისტი“. 6 მარტი, 1921 წ.

გაზეთების კიდებზე მინაწერი

საქართველოს მთავრობის მიერ კო-
მუნისტების საქმიანობის ლეგალიზება
აშკარა შეცდომაა, თუმცა რუსეთთან ზა-
ვის დადება ამის გარეშე არ მოხერხდე-
ბოდა. რა მოგვიტანა ზავმა? საქართვე-
ლოს ქართველი კომუნისტები შემოუ-
სიეს. რუსეთი საქართველოს შინაურ
საქმეებში ჩაურევლად, ქართველისავე
ხელით განახორციელებს შავბნელ ზრახ-
ვებს.

* * *

გუშინ ბორანთან კაცი მოკლეს. მენ-
შევიკების დაქირავებული ტერორისტი
იყო, მუხრანის ხიდი უნდა აფეთქები-
ნაო. ბოლშევიკების ჭორებს აყოლილი
მოსახლეობის ერთი ნაწილი კომუნის-
ტების ასეთ საქმეებს კმაყოფილებით
ხვდება და რესპუბლიკის მთავრობას
აგინებს, რომელიც კულამოძუებული გარ-
ბის და თან თურმე ყველაფერს ანადგუ-
რებს. წვავს, აფეთქებს ხიდებს, ორთქლ-
მავლებსა და ვაგონებს. ჭორები, ჭორები,
ჭორები...

* * *

ყველაფერი დამთავრდა, ბათომი აღე-
ბულია, მთავრობა პარიზს გაიქცა. მო-
ღალატეებმა ახლად ნაშობი ყრმა —
დამოუკიდებლობა — მახვილით აჩეხეს.
მერე არაკაცებმა სისხლიანი ხელები წი-
თელ დროშაზე შეიწმინდეს, აქაოდა, არ
დაემჩნევია და საქართველოს ცაზე ამა-
ყად აღმართეს. სირცხვილი შენ, ქართ-
ლის ველებზე შობილო ნიავე, დამპყ-
რობთა ბაირაღს ასე თავმომწონედ რომ
აფრიალებ.

**საქართველოს (საქართველოს შვილის)
საბჭოთა**

მაშინ, როდესაც რუსეთმა საქართვე-
ლო დაიპყრო, ბაქოს ერთ-ერთ რესტო-
რანში უფროს მწარეულად ვმუშაობდი.
ერთი წლის წინ წითელი არმია ბაქოში
უბრძოლველად შემოვიდა. საქართველო-
დან ჩამოღწეული ამბები კი შიშის ზარს
გვცემდა. ვიცოდით, რა სისხლის ტბო-
რებიც დააყენეს ბოლშევიკებმა თბილი-
სის შემოგარენში და შინ დაბრუნებას არ
ენქარობდით. გვარიან ფულს ვმოულობ-
დი, კარგადაც ვიყავით მოწყობილი, მაგ-
რამ როდესაც საქართველოში მცხოვ-
რებ მშობლებსა და ახლობლებზე ვერა-
ფერი შევიტყვევებ, ბარგი ავიკარიით და
მატარებლით გამოვემგზავრეთ. მაშინ
მამაშენი სამი წლის იქნებოდა და გზაში
ძალიან გაგვაწვალა. სამგზავრო ვაგო-
ნებში ხალხის ტყვა არ იყო. შემადგენ-
ლობა ხანგრძლივად ჩერდებოდა ხოლმე.
ცალკე ზაფხულის ზეპტი და ცალკე დია
სარკმლებიდან შემოვიკრიბილი ორთქილმავ-
ლის ბოლი სულს გვიხუთავდა. საქართ-
ველოს ვუახლოვდებოდით, მატარებელი
რომელიდაც დასახლებულ პუნქტთან
რომ გაჩერდა. დიდი ხანი ველოდით შე-
მადგენლობის დაძვრას. უეცრად ვაგონ-
ში ხიშტიანი შაშხანებით შემოცვივდ-
ნენ ჯარისკაცები და ბარგის ჩხრეკას
შეუდგნენ. მივხვდი, ერთი მათგანი ოფი-
ცერი უნდა ყოფილიყო. ჩხრეკისას ყვე-
ლას ბურჟუებს ემახდნენ, ჩქარობდნენ,
იგინებოდნენ. ჯერი ჩვენზე მოდგა. ბარგს
არ ენადღებოდა. პატარა ხელჩანთაში,

რომელსაც ანა ხელიდან არ იცილებდა,
თეთრ ტილოში გახვეული ძვირფასეუ-
ლობა ვეჭონდა გამოკრული. ისღა მოვა-
ხერხეთ, რომ ანამ ხელჩანთა იღლიაში
ამოიღო და ატირებული ბიჭი მკლავზე
გადაიწვიანა.

არაფერი გამოვევივინა, ძვირფასეულო-
ბა წაგვართვეს, მათი თქმით კი, ჩამოგ-
ვართვეს. ჯარისკაცები ახლა ავლარებელ
კომერსანტს მიადგნენ. ისიც მეუღლეს-
თან ერთად ბრუნდებოდა და მგზავრო-
ბისას ერთმანეთს რამდენჯერმე გამოვე-
ლაპარაკეთ. კომერსანტმა ოფიცერს პი-
რადობის მოწმობა მოსთხოვა, რის პა-
სუხადაც ყბაში კაი მაგრად გაულაწუნეს.
მისმა მეუღლემ იკვირა, წითელარმიე-
ლები ახარხარდნენ. ჯარისკაცებმა მათი
ჩემოდნები განსაკუთრებული სიხალისით
ჩაიხიდეს. კომერსანტის მეუღლე დიდ-
ხანს ტიროდა. მატარებელში ხმა დაირ-
ხა, წითელარმიელები არ ყოფილან, მენ-
შევიკითა ბანდები დამრწიან და ხალხს
ძარცვავენ, საბჭოთა ხელისუფლებას
უტეხენ სახელსო. ერთი ასეთი ბანდა
თუ წითელარმიელთა რაზმი, ახლა უკვე
საქართველოს ტერიტორიაზე, სადაც
ჭანდარის ტბის მიდამოებში დაგვეცა.
რაც არ გვეჭონდა, რაღას წაიღებდნენ?
ავლარებელ კომერსანტს ამჯერად ხმა
არ ამოუღია, მაგრამ მისმა მეუღლემ,
რომელსაც, ეტყობა, დიდძალი ქონების
დაკარგვა ვერაფრით მოენებებინა, ოფი-
ცერს ცხვირწინ კაბის კალთა აუფრია-
ლა და ისტერიულად უყვირა: ღორო,
ეს საცვალიდა დამრჩა და, თუ გინდა,
ესეც წაიღე, გამოგადგებაო. სიმართლე
უნდა ვთქვა, გაკაპასებულ ქალს ხელი
არ ახლეს, საბჭოთა ხელისუფლებას სა-
ხელი არ გაუტეხეს.

ასე სტუმართმოყვრულად დაგვხვდა
საქართველო ოცდაერთი წლის ზაფხულ-
ში.

**რამდენ ბიომგობისუფალი გავითვინებდა
1923-24 წელს...**

საილუსტრაციოდ შეგვიძლია მოვიყ-
ვანოთ ბაკურიანის რაიონი, სადაც ამ
დღეებში, მშრომელთა დადგენილებით,
ყველა ეკლესია დაიკეტა და გაჩაღდა მუ-



შაობა მათი კულტურულ-საგანმანათ-
ლებლო დაწესებულებებად გადაკეთები-
სათვის.

ეკლესიებს, ჯვრების ნაცვლად, წითე-
ლი დროშები ამშვენებს.

„კომუნისტი“. 11 აპრილი, 1923 წ.

ანტირელიგიურმა კამპანიამ, რომელ-
მაც ჩვენში გრანდიოზული ხასიათი მი-
იღო, საბოლოოდ მოსპო სამღვდლოე-
ბის საზოგადოებრივი გავლენა და წო-
ნა. მან დღის სინათლეზე გამოიტანა ამ
ბნელეთის მოციქულთა თაღლითობა და
გაიძვერობა.

„კომუნისტი“. 19 მაისი, 1923 წ.

ჩვენ, ქვემოთ ხელის მომწერნი, ქა-
ლაქის წყალსადენის მუშები, წევრები
მენშევიკური პარტიისა, ვაცხადებთ ყვე-
ლას გასაგონად, რომ დღეიდან ვსტოვებთ
იმ ორგანიზაციას, რომელმაც ნამდვილად
დაამტკიცა მენშევიკთა კონტრრევოლუ-
ციონერობა და რომელსაც მუშათა კლას-
ის მოტყუებით მიჰყავდა მის მტრებთან,
ბურჟუაზიულ კლასთან შესათანხმებლად.
გაუმარჯოს კომუნისტურ ინტერნაციო-
ნალს და მის წითელ დროშას!

„კომუნისტი“. 26 მაისი, 1923 წ.

„სიკვდილი ავანტიურისტებს!“ — გა-
ნახადეს სტამბის მუშებმა და მოსამსა-
ხურებმა თავიანთ საერთო კრებაზე ქარ-
თველ სოციალ-გამცემლების — მენშევი-
კების ავანტიურისტული გამოსვლების
საპასუხოდ.

„კომუნისტი“. 8 სექტემბერი, 1924 წ.

ბაზეთის კიდეზე მიწაწერი

სიონის ტაძართან კომკავშირელები
დგანან. გოგო-ბიჭებს სული ეშმაკისათ-
ვის მიუყიდათ. ისინი ტაძარში შემსუ-
ლელებს აჩერებენ, მათ ვინაობას აზუს-
ტებენ და სახელდახელო ლექციის შემ-
დეგ, უკან აბრუნებენ. ბარაქალა, ბოლშე-
ვიკებო, თქვენის მეცადინეობით ქრის-
ტიანები ქრისტიანებს სღვენიან. ის, რაც

მაჰმადიანებმა საუკუნეების მანძილზე
ვერ შეძლეს, თქვენ ერთ წელში გააკე-
თეთ, — სარწმუნოება, სინდის-ნამუსი
შერყევით და ფეხქვეშ გათიეთ.

* * *

ობერის სახელმწიფო თეატრში დავეს-
წარი დოლიძის ოპერა „ლეილას“ პრე-
მიერას. ჩინებული რამ იყო. ცალტვინა
პოლიტიკოსებმა და კრიტიკოსებმა ერო-
ვნული შუღლის გამღვივებელ, ნაციონა-
ლური გრძნობების აღმძვრელ, მონარქიზ-
მის იდეის მქადაგებელ სანახაობად შე-
რაცხეს და საჯაროდ დაგმეს. კომუნის-
ტები, რელიგიასთან ერთად, ხელოვნება-
საც ებრძვიან.

* * *

მთლად დაბნელებული უნდა გქონდეს
გონება, რომ ბანდიტთა ხროვა უწილო
საქართველოს დამოუკიდებლობისათვის,
ქრისტიანული სარწმუნოებისათვის თავ-
დადებით მებრძოლ ქართველ პატრიო-
ტებს, მკვდარ ლენინს კი — დიდი ბელა-
დი და კაცობრიობის ტვინი. მადლობა
ღმერთს, ქაქუცა ჩოლოყაშვილი გადარ-
ჩა. იმედი კიდევ არის.

მეორე კავის (დღაჩაშვილის კავის) ნაამბობი

აღდგომა ახლოვდებოდა. სოფლად სი-
ძეს ვესტუმრე. ქალები სამარხვო სუფ-
რის გაშლას აივანზე შეუდგნენ. ღმერთს
კი მწამს, მაგრამ არასდროს მიმარხუ-
ლია. სწორედ ამ დროს, ჭიშკარს ცხენ-
ზე ამხედრებული მღვდელი მოადგა. მა-
მა ამბროსი ღვინის უზომო სმით იყო
ცნობილი, ამ საქმეში მას არც ჩემი სიძე
ჩამორჩებოდა და ბუერჯერ გაუმხდარვარ
მათი მეტოქეობის მოწმე. გიორგიმ მამა
ამბროსი, რაღა თქმა უნდა, სუფრაზე
მიიპატიჟა.

— მამაო, ღვინის სმა ხორცეულის გა-
რეშე როგორ იქნება? სიძე კიდევ ქათამს
არ კლავს, — შევჩივლე მღვდელს.

— მამაო, მითხარი, ქრისტიანმა კაც-
მა მარხვა როგორ დავარღვიო, ღმერთი
რას იტყვის? — უარა სიძემ.

საქართველო
საზოგადოებრივი
საბჭოთაო

მღვდელი ერთხანს ჩაფიქრდა, მერე წვერი მოიქექა და გიორგის მიმართა:

— სუფრა მარანში გააშლევინე და დანარჩენს იქ გატყვი.

გიორგი მღვდლის ნებას დაჰყვა.

როდესაც სამარხვო კერძებს გემო გაუჟუსინჯეთ და თითო ჭიქა გადაეკარით, მამა ამბროსიმ მასანძელს უთხრა:

— ქათამი მოფარებულში დაკალი.

— მამაო?! — გაიოცა გიორგიმ.

— შეილო, მართალია, მარხვის დროს სორცის ჭამა იკრძალება, მაგრამ დაიხსომე, როცა მე აქ ვარ, მამა შეიძლება.

სმის გუნებაზე მოსულ გიორგისაც ეს უნდოდა, ქათმის ვარდა სუფრას სხვა საჭმელებიც შემატა. ქეიფი გაჩაღდა. იმხანად ეკლესიის მსახურთ ფიზიკურად აღარ ანადგურებდნენ. ავი ენები იმასაც ამბობდნენ, მამა ამბროსი წითლებთან არის შეკრულიო, როდესაც ლაპარაკი ბოლშევიკებს შეეხო, შეზარხოშებულმა და ენამოქარგულმა მამა ამბროსიმ გვიამბო:

— საქართველოს გასაბჭოებისთანავე, სატანის მსახურნი ეკლესიებში ღვთისმსახურებას, ხოლო სამრევლოებზე ზარების რეკვას კრძალავდნენ. მნათე ანანია ჭეშმარიტი სარწმუნოებით ცხოვრობდა და თავისი საქმის ფანატიკურად მოყვარული ვერაფერმა შეაშინა. არც ჩემს ღარიბეებს ისმენდა. მჯეროდა, რაც ხდებოდა, დროებით მოვლენა იყო. ქრისტეს მგმობელ ქართველებს სულ მალე გაუნათლებოდათ ეშმაკის მიერ დაბნელებული გონება. უაზრო წინააღმდეგობის გაწევას, მცირე ხნით დათქენა და ტაძრების ფიზიკურ გაღარყნაზე ზრუნვა უფრო გონივრულად მიმჩნდა. მიუხედავად ამისა, ანანიას თავგანწირვა თავმოყვარობას მილახავდა და შურის გრძნობასაც მიჩენდა. იგი სამრევლოზე ზარს რეკდა და ხალხს სალოცავად უხმობდა, მაგრამ დაშინებული ადამიანები საფრთხეს გაუბობდნენ და ეკლესიაში მისვლას თავს არიდებდნენ. ერთხელ, როდესაც ანანია ზარს არისხებდა, გალავნის კარიბჭეში კარაბინებით შეიარაღებული ხალხი გამოჩნდა. სქელულვა-

შიანმა, მაღალმა კაცმა, რომელსაც ტყავის ქული ეხურა და, ალბათ, რაზმის მეთაური იყო, ნაგანი ჰაერში ისროლა. მნათეს რეკვა არ შეუწყვეტია. ტყავის-ქულიანმა იარაღი სამრევლოს გუმბათისაკენ მიმართა. ბრინჯაოს ზარმა ტყვია აისხლიტა აუღრიალდა. ანანია არ გაჩერებულა. ეკლესიიდან გამოვედი, სატანის მსახურთ შეეხედე, ხელით ვანიშნე, არ ესროლოთ-მეთქი და სამრევლოსაკენ წავედი. საფეხურების აულისას გაბმული სროლა შემომესმა და იმავედროულად ზარის რეკვაც შეწყდა. ტყვიით დაცხრილული და გასისხლიანებული ანანია მუხლებზე დამხობილი შემომყურებდა. ერთხანს შევიცადე და ეზოში ფრთხილად გადავიხედე. რაზმი გალავანს იქით, ხეობისაკენ ეშვებოდა. მნათე სიკვდილს გადაურჩა, მაგრამ ცალი ხელი დაკარგა. ზარს ახლა ღამდამობით რეკდა. მიუხედავად მძიმე ჭრილობებისა, შიში არ გაჰკარებია. მისი თავგანწირვა ჩემს მოთმინებას უპირისპირდებოდა და ხნეობრივად მამარცხებდა, რაც ძალიან მაღიზიანებდა. თუმცა ბოროტი ენებების განდევნას ყოველნაირად ვცდილობდი, ჩემდა უნებურად ანანიასადმი სიძულვილი მიპყრობდა.

დილის ლოცვაზე ვიდექი, როდესაც ხეობიდან სროლა შემომესმა. აივანზე გავედი. ახლა უფრო ახლოს ისროლეს. ეზოში ჩავედი. ეკლესიის მძიმე, მუხის კარი შევაღე და გალავნის კარიბჭეს შეეხედე. ანანია ეზოში სირბილით შემოვარდა და ეკლესიისაკენ წამოვიდა. როდესაც მუხის კარს მოუახლოვდა, გალავნის კარიბჭეში სქელულვაშა, ტყავის-ქულიანი მეთაური გამოჩნდა, ხელით ნაგანი ეჭვარა და სატანურად მილიძოდა. მღვდლები ანანიას ტაძარში შემოჰყვებიან და ყველაფერს შერყვნიან-მეთქი, ესლა ვიპაზრე და მძიმე კარი ურდულით გადავკეტე. ახლაც ცხადღივ ჩამესმის ზარის მრეკავის მუშტის მონოტონური დარტყმები, უროსავით რომ სცემდა მუხის კარს. რამდენიმეჯერ ისროლეს და იმავე წამს მძიმე და მტანჯველი სინუშე ჩამოვარდა. გახვეებული ვიდექი, ფიქრი-



საც კი მეშინოდა. როგორც იყო, ფეხი მოვიინაცვლე, სკამზე შევდექი და ვიწრო სარკმელში გავიხედე. არავინ იყო. უცებ ანანია გამოჩნდა, ბალახში მიხობხავდა. მერე ფეხზე გაჭირვებით წამოდგა და სამრეკლოსაკენ ბორძიკით წავიდა. სკამიდან ჩამოვედი, ერთხანს შევიცადე, კარი გავაღე და ეზოში გავედი. როდესაც გაისხლიანებულ ქვის საფეხურებს შევხედე, ზარმა დაიქუხა. მკვეთრი ხმა სხეულში შემოიჭრა და გულში ახშიანდა. გამბედაობა მოვიკრიბე და ხვეულ კიბეზე ავედი. პირქვე დამხობილი მნათე სისხლიან ხელს ოდნავ ამოძრავებდა. მე, ცოდივლის, ანანიას თვალებში ჩახედვას სიკვდილს მერჩინავა. მისი ცოცხლად ვადარჩენის შესაძლებლობამ ერთიანად შემძრა, გონება დამიბნელა. სულთმობრძავს ზურგზე მოვექეცი და ხელები ცხვირ-პირზე ავაფარე. ანანიამ თითები მოკრუნჩხა და გაუბრძოლებლად მიაბარა სული ღმერთს.

ხეობიდან ქარს კვამლი ამოჰქონდა. რაზმელებმა, ალბათ, კოცონი დაანთეს. ვერა, ზარი ვერ დავრეკე. ანანიას უსულო სხეულმა დამამარცხა. მისდამი ზიზხი ვიგრძენი, პირქვე მწოლს ხელისცეცებით დავუხუჭე თვალები და საფეხურებზე სწრაფად დავეშვი.

მას შემდეგ ათ წელიწადზე მეტი გავიდა, მაგრამ ტყავისქუდიანის სატანური ღიმილი მუდამ თვალწინ მიდგას და სულს მიშფოთებს.

...გაოგნებულები ხმას ვერ ვიღებდით და მამა ამბროსის მიბაძვით, ყანწებს უხმოდ ეცლიდით. ბუნდოვნად მახსოვს, ცხენზე რომ შეჯდა, მამინ იკითხა:

— ქრისტიანებო, თქვენს ოჯახში საყველამინდოს არ სვამენ?

ვიღაცამ ყანწი მიაწოდა.

— რაც გითხარით, ყველაფერი ჩემი ბოგონილია, — მამა ამბროსიმ ყანწი დაცალა და დასძინა: — გაიკეთე, ტყუილია-მეთქი, ტყუილი! — ყანწი ჩამომაწოდა და ცხენი დაძრა.

რაჰაჲნი ბიოგრაფიისაული ბაჰათეაგიდან

1929-31 წელი...

მე ვიყავი მღვდელი და უკანასკნელ ხანებამდე ვასრულებდი ჩემს მოვალეობას. მაგრამ დღეს კი შეგნებულად ვანებებ თავს მღვდლობას, ვინაიდან ეს სამარცხვინოა და თანამედროვე ხანასაც არ შეეფერება.

„კომუნისტი“. 12 ოქტომბერი, 1929 წ.

გუშინ საღამოს „უღმერთოთა კავშირმა“ გამართა შობის საწინააღმდეგო მრავალრიცხოვანი დემონსტრაცია. დემონსტრანტებმა მხარი დაუჭირეს ძაფსალები ქარხნის მუშების მოთხოვნას იმის შესახებ, რომ ქუთაისის ყველა ეკლესიიდან ჩამოხსნილი იქნეს ზარები და მონხმარდეს ჩვენი ქვეყნის ინდუსტრიალიზაციას.

„კომუნისტი“. 9 იანვარი, 1930 წ.

სოფ. ფელეკში კულაკმა ლექსო ნოზაძემ ჩამოხია ადგილობრივი არტელის კედლის ვაზეთი და აშკარად გაილაშქრა კოლმეურნეობის წინააღმდეგ. საჭიროა გათავებებული კულაკების წინააღმდეგ მთელი მშრომელი გლეხობის დარაზმვა. პირველ რიგში კი უნდა გაიწმინდოს უჯრელები კულაკების აგენტებისაგან.

„კოლექტივიზაცია“. 17 დეკემბერი, 1930 წ.

ამრიგად, დამკვრელი პიონერები, რომლებიც გმირულად იბრძვიან საშემოდგომო თესვის ფრონტზე, არიან: 1. დავით ყურაშვილი, 2. თამარ ტვილდანი, 3. ნინა სვანიძე, 4. თინა ყურაშვილი, 5. ჯ. ახვლედიანი და სხვ. მაგრამ ამათ გვერდით გეყავს დეზერტირი პიონერები, რომლებსაც არავითარი მონაწილეობა არ მიუღიათ პ. რაზმის მიერ საშემოდგომო თესვის მიმართულებით ჩატარებულ მუშაობაში. ესენია: შ. ტვილდანი და ნორა რუსიშვილი.

„ნორჩი ღენიელი“. 21 ოქტომბერი, 1931 წ.

გაზეთის კიდევ ერთი პინაფრი

საბუნდოვანო საქმეებს ვაწესრიგებდი, როდესაც რკინიგზის მთავარი სახელოსნოს მოსამსახურეები და მუშები ეზოში შეგვაქაჩნეს და მოსკოვში, სტალინთან გასაგზავნი ღებუშის ტექსტი ერთხმად მიგვაღებინეს. ერთხმად დავემეთ ჩინელი გარეწრების ვერაუული თავდასხმა ჩვენს საყვარელ სამშობლოზე და გამოვთქვიით სურვილი მოხალისეებად ჩაწერილიყავით შორეული აღმოსავლეთის განსაკუთრებულ არმიასი. შორეული აღმოსავლეთი სამშობლოა? ჩინელი კაცი საქართველოს მტერი? ჩვენ საქართველოს დამოუკიდებლობა ვერ დავიცავით და უცხო ქვეყნის ტერიტორიის ხელშეუხებლობას უნდა შევეწვიოთ? ყველაფერი თავდაყირა დადგა.

* * *

მეზობელს სოფლიდან ნათესავი ესტუმრა.

— კაცო, ერთი ძველი, პაპის ნაქონი ჭიქა მაქვს. არაყს სულ სხვა გემოსა და ეშხს აძლევს, — ბერიკაცმა დაკოყრილი ხელები მუხლისთავზე გადაისვა, — ერთი შეძლებული მეზობელი ვადამეკიდა, გინდა თუ არა, მომიყდელო. ვერ დამითანხმა. იმ ჭიქიდან არყის დაღვნი სიამონებებს ვერ მოვიკლებ. ახლა კიდევ, კოლექტივში შემოდით, ყველაფერი საერთო გვექნება, ავშენდებითო. არა, ძმაო, მთელი სოფლის ქონება ეზოში რომ დამიყარონ, იმ მაღლიან ჭიქას არ დავთმობ.

მეზობლის ნაამბობი

სანდალა და ილა ნათესავეებად გვერგებოდნენ. სანდალა ილაზე სამი წლით უფროსი იყო. თელავში რომ დასახლდნენ, თავდაპირველად ფეხსაცმელების კერვა დაიწყეს, მაგრამ მათი საქონელი ცუდად საღებოდა და ახლა ქულების კერვაზე გადავიდნენ. ბუნებით მშრომელებს, საქმე კარგად აეწყოთ. სანდალამ ცოლი შეირთო. მღვვიანებით მათ ნახელავს მუშტარი შემოაკლდა. ერთხელაც სანდალამ ილას მხარზე ხელი დაკრა და უთხრა: ილა, ეტყობა ქალაქში ჩვენ-

ზე კარგი ოსტატები განდნენ, აქ აღარაფერი გვესაქმება, ადგილი უნდა შევიცვალოთო. ბევრი აღარ უფიქრიათ და სოფელ ენისლის შესასვლელში პატარა სახელოსნო ჩადგეს. ფეხსაცმელებსაც კერავდნენ და ქულებსაც. ერთ ღლეს, სახელოსნოს კარი ღებებრმა შეაღ და იკითხა: შულო, ნათი ხომ არა გაქვით? კვირის თავზე სანდალამ და ილამ კასრით ნათი მოიტანეს და სახელოსნოს გვერდით მიუჩინეს ადგილი. ახლა სხვა ქალმა იკითხა: ღამფის შუმა არა გაქვით? ორიღე ღღის შემღვე სახელდახლოდ გამართულ თაროებზე ღამფის შუმასთან ერთად, სანთელი და ასანთიც განდა. მოსახლეობის საჭიროებისდა მიხედვით, თაროებზე ქალაქიდან ჩამოტანილი სხვადასხვა საქონელი მატულობდა. ძმებმა ხელობას თავი ანებეს, სახელოსნო ფარღულად გადააკეთეს და ვაჭრობა გააჩაღეს.

ზაფხულის ერთ მზიან ღღეს ფარღულთან ღიღიქანსი განერდა. მგზავრობისაგან ღაღღიღი, სიცხისაგან გახვითქული მამაკაცები ძმებს თავზე წამოადგნენ. ერთმა მათგანმა საყვეღურით იკითხა: კაცო, სულის მოსათქმელად კარგი ჩაციებული ღვინო არ უნდა გქონდეთო? იქვე, გზის პირას, სანახევროდ დანგრეული, მიტოვებული სახლი იღვა. სანდალა და ილა მამასახლისის მოღლაპარკნენ და, მაზრის უფროსთან შეთანხმებით, სახლში ღუქანი გამართეს. ფარღულში სხვა კაცი დააყენეს, თავად ღუქანს მიხედეს. მზარეულობასაც საუკეთესოდ გაართვეს თავი და ცოტა ხანში მათმა ღუქანმა სახელი გაითქვა. ძმებმა ფარღულში მახლობელ სოფლებშიც ჩადგეს, ადგილობრივ გლეხებს გაურიგდნენ და ღვინით ვაჭრობა დაიწყეს. ამასაც არ დასჯერდნენ, იქაური თავად-აზნაურებისაგან მიწების ნაწილი შეისყიდეს, ნაწილი კი იჯარით აიღეს და ვრცელ მამულებს დაეპატრონენ. სანდალამ და ილამ თელავში უზარმაზარი სახლები წამოჭიმეს. ცოლი ილამაც შეირთო. ძმებმა გაჭირვებულის დახმარებაც იცოდნენ და კარგად გაკეთებული საქმის დაფასე-



ბაც, ამიტომ ხალხის პატივისცემა და ნდობა დაიმსხურეს.

რუსეთში მომხდარმა რევოლუციამ და საქართველოს გასაბჭოებამ სანდალასა და ილას ბედის ჩარხი უკუღმა დაატრიალა. მიწაზე კერძო საკუთრება გაუქმდა და სახელმწიფოს კუთვნილებად გამოცხადდა. ძმებს ფარ-ხმალი არ დაუყრიათ და რამდენიმე შეძლებულ გლეხთან ერთად სასოფლო-სამეურნეო არტელი დააარსეს. სანდალა არტელის გამგეობის თავმჯდომარედ აირჩიეს. არაფერი გამოუვიდათ. ვილაცისაგან შეგულიანებული ღარიბი გლეხები განზე გაუდგნენ და ცალკე კოლექტიური მეურნეობა შეადგინეს. ძმები კულაკთა სიაში შეიტანეს და ცხვრის ფარა ჩამოართვეს.

ერთ დღეს სანდალა თელავში ღინეიკით ბრუნდებოდა. მან გზის პირას მობლაზე საკუთარი ცხვრის ფარა იცნო. იცნო ბომბორა ძაღლებიც. სანდალამ ღინეიკა გააჩერებინა, ძირს ჩამოვიდა და ფარისაკენ გაემართა. ძაღლები გამოთნენ. მწყემსებმა სანდალა თავდაპირველად ვერ იცნეს და მომავალს ხელით ანიშნებდნენ, ღინეიკაზე აბრუნდი, ძაღლებმა არ დაგგლიჯონო, მაგრამ როდესაც ერთგული ძაღლები კუდის ქიცინით მიუახლოვდნენ, ყველაფერს მიხვდნენ.

წამოსვლისას ჭალარა მწყემსმა ცხვარს ხელი დაავლო და ღინეიკისაკენ გააქანა. არ ვინდაო, იუარა სანდალამ. ერთი ცხვარი რა ბედენაა, მთელი ფარა შენი არ იყოო?! — თქვა ჭალარამ და ცხვარი ღინეიკაში ჩაავლო. სანდალასაც აღარ უუარია.

ერთი სულმოკლე მწყემსებს შორისაც აღმოჩნდა და სანდალას უჩივლა, სახალხო ქონება მიითვისაო. თავიანთი პოლიტიკური სიფხიზლის წარმოჩენის მოსურნე პარტიულ ხელმძღვანელებს ეს შემთხვევა ხელიდან არ გაუშვიათ და რაიონულ გაზეთში ოპერატიულად დაიბეჭდა მამხილებელი სტატია სათაურით, — „კულაკმა ცხვარი გაიტაცა“. მართალია სანდალა შორეულ გადასახლებას გადა-

ურჩა, მაგრამ, ილასთან ერთად, როგორც კულაკებსა და მაენებლებს, ვირის აბანოში ამოაყოფინეს თავი.

არაქმენ გიორგიჩისეული ბაჯეთიბიდან
1986-88 წელი...

ჩვენ მოვითხოვთ აღიგავოს პირისაგან მიწისა ჩვენი სამშობლოს მოღალატეთა ბანდის ყოველი მონაწილე. წყველა და ზიზღი მათ სისხლით შესვრილ სახელს.

„ლიტერატურული საქართველო“. 30 იანვარი, 1987 წ.

არსად, არც ერთ ქვეყანაში არ არის და არც შეიძლება იყოს ისეთი ბედნიერი ახალგაზრდობა, როგორც ჩვენშია, ლენინ-სტალინის ბრწყინვალე მზით გამთბარ ქვეყანაში. წელს მისრულდება 18 წელი და ჩემს აღტაცებას საზღვარი არა აქვს.

„ახალგაზრდა კომუნისტი“. 4 დეკემბერი, 1987 წ.

არავითარი შებრალება საზიზღარ მახინჯებს, მშრომელთა დაუძინებელი მტრის ტროცკისა და ფაშისტური დაზვერვის აგენტებს! ჩვენ მოვითხოვთ სსრ კავშირის უმაღლესი სასამართლოსაგან დაზვერვითი იქნეს მთელი ეს საზიზღარი სიბილწე, როგორც ცოფიანი ძაღლები.

„კომუნისტი“. 5 მარტი, 1988 წ.

საბჭოთა სასამართლომ აღასრულა მთელი საბჭოთა ხალხის ერთსულოვანი მოთხოვნა და მილიონიანი მასების გასახარელი სასჯელი გამოუტანა ხალხის უბოროტეს მტრებს — „ემმარჯვენე-ტროცისტული ჯგუფის“ მონაწილეებს, მტრების პასუხად, მე ვკისრულობ ვალდებულებას: თუ ახლა ოთხ დაზგაზე ვმუშაობ, ახლო მომავალში ექვს დაზგაზე ვიმუშავებ.

„კომუნისტი“. 17 მარტი, 1988 წ.

გაზეთის კიდეზე მიწაფერი

სირცხვილი შენ, ღავით აღმაშენებლის, ბერი თევდორეს, ცოტნე დადიანის, ილიას ვაჟას, აკაკის (სტალინის?) შთამომავალო ერო, დასმენა და ჯაშუშობა პროფესიად რომ გაიხადე.

* * *

მეზობლის გოგო გულამომჯდარი ტირილდა, ვერაფრით გააჩუმეს. საწყალს კომკავშირის ბილეთი დაკარგვოდა. გოგონას მშობლებს შიშისაგან ენა ჩაუვარდათ და მოახლოებული საშინელების განცდა თვალებში აესახათ. შიში, ყველაგან შიში... ადამიანებმა შიშის სუნიც კი შევფარდებით და ღავიმახსოვრეთ. ყველაფერი შიშის სუნით ყარს. ჭადრებიც კი შიშისაგან ცახცახებენ.

* * *

ქართველის დედას ხელში უცხო, საძულველი ბავშვი — საბჭოთა საქართველო შეაჩვენეს და აიძულებენ გამოკვებოს, დაავაჟუცოს, მოამძლავროს. ამაზრზენი სახილველია ქართველის დედის მკერდზე მიხუტებული სატანა. ვინ აღმართავს წმინდა გიორგის მახვილს?

აკაკიანის (მამაკიანის მამის) ნაბობობი

შუღამისას ძაღლის ყეფამ გამოძალკოდა. მერე თოფის ხმა გავიგონე, რასაც ძაღლის წკაქწკაქი მოჰყვა. საწოლიდან წამოვხტი და ფანჯრიდან გადავიხიდე. ადამიანთა ლანდები სახლს მოადგნენ და ბრაზუნა ატყბეს. შარვალი სწრაფად ჩაიცვი და კარის ვასაღებად გვემართე. პურანეს ვზადაგზა ვიკრავდი. ბავშვების ოთახიდან ჩემი მუხლზე შემინებული გამოვარდა. გოგონას ტირილიც გავიგონე. სამნი იყვნენ. მათ სიტყვის თქმა არ მაცალეს და დაპატიმრების ორდერი საჩქაროდ გამომიწოდეს.

— თქვენ დაპატიმრებული ხართ, — დაბნულს ყურადღება არ მიმიქცევია, ეს საშინელი სიტყვები რომელმა მათგანმა წარმოთქვა. ან რა მნიშვნელობა ჰქონდა?

ენა დამება. ხალათმოსხმული ჩემი შეულღეც გაოგნებული იდგა. დაუპატიჟებელი სტუმრები სასტუმრო ოთახს ათვალიერებდნენ, ნივთებს სინჯავდნენ. გონებაში დაპატიმრების მოტივს ვეძებდი, მაგრამ ვერ მეპოვნა.

— შე არაფერი დამიშვებია, რისთვის მიჭერთ? — კითხვალა მოვახერხე და სამივეს თვალი მივაუღე.

— ბევრს ნუ ლაპარაკობ, თბილად ჩაიცვი, ყველაფერს იქ გეტყვიან.

უცბა ზურგს უკან ზღართანის ხმა შემომესმა. მივტრიალდი. ჩემი მუხლზე უგონოდ ეგდო. მაგიდაზე დადგმულ ღოქს ვეცი და სახეზე სველი ხელი მოვუსვი. ოთახში გოგო და ბიჭი ტირილით შემოცვივდნენ. ცოლმა თვალი გააჭილა, რატომღაც გაიღიმა და მაჯაზე ხელი მომიჭირა.

— ჩქარა, არ გვცალია, — თქვა რომელიღაცამ.

პალტო ჩავიცვი და კრაველის ქული დავიხურე. ჭიშკართან ძაღლი ეგდო. ჭრილობიდან დადენილ სისხლს თოვლში ჩაეფონა. „ძაღლის ასეთ ყოფაში დანახვა ბავშვებს გააგიჟებს“, — გავიფიქრე ჩემდა უნებურად. მერე დავიხარე, ძაღლი ფეხებით ავწიე და ქუნაში გატანა მოვინდომე. მოძალადეებმა არ დამანებეს.

ძალე ჩეკას შენობაში ამოვყავი თავი. გრძელ, ნახევრად ბნელ დერეფანში გამატარეს და ერთ მომცრო კაბინეტში შემეყვანეს. მაგიდასთან ახალგაზრდა კაცი იჯდა. კედელზე სტალინისა და ლენინის სურათები ეკიდა. კაცი ფეხზე წამოდგა, ვერცხლის პორტსიგარიდან პაპიროსი ამოიღო. მოუკიდა, გააბოლა და ამაყად მიიხრა:

— მე გამოძიებული ვარ.

— სასიამოვნოა, — ვთქვი დაბნულმა.

— ბრალდებას გაეცანი და ხელი მოაწერე...

— ხელს არ მოვაწერ, — ვთქვი ბრალდების წაკითხვის შემდეგ.

— რატომ? — სახე დაეძაბა.

— კონტრრევოლუციურ-ტერორისტული ორგანიზაციის წევრი არასოდეს ვყოფილვარ.



— ვინ ხელმძღვანელობდა ტერორისტული ჯგუფის მუშაობას და რომელი წლიდან არსებობს?

— რასაც ამბობ, ყველაფერი სიყალბეა.

— თქვენ ჯაშუშურ საქმიანობას ეწეოდით უცხო სახელმწიფოების დაზვერვის დავალებით. თქვენი მიზანი იყო დივერსიებით, ტერორით, მავნებლობით სოციალისტური სახელმწიფოს წესწყობილების დამხობა და ბურჟუაზიული ხელისუფლების აღდგენა, — იფეთქა ახალგაზრდამ.

— აზრად არასოდეს მომსვლია საბჭოთა სახელმწიფოს დამხობა, — მშვიდად ვთქვი საკუთარ სიმართლეში დჯავრებულმა.

გამომძიებელმა ხელები ზურგს უკან დაიწყო, რამდენჯერმე გაიარ-გამოიარა და თითო ელექტროდილას დააჭირა. ოთახში ზედამხედველი შემოვიდა და გვერდით დამიდგა. გამომძიებელი მომიახლოვდა და ხმამაღლა მითხრა:

— წინააღმდეგობის გაწევას არ გირჩევ, მაინც გამოგტყუებ, სჯობს დანაშაული დროულად აღიარო.

— რაც არ ჩამიდენია, როგორ ვაღიარო?

— საკანში ჩაიყვანეთ! — ბრძანა გამომძიებელმა.

დაპატიმრების მიზეზებზე ბევრი ვიფიქრე და ერთ დასკვნამდე მივედი: ბურჟუაზიულ-დემოკრატიული რევოლუციის პერიოდში, როდესაც მთლად ახალგაზრდა ვიყავი, სოციალ-დემოკრატებს ვუჭერდი მხარს და ბოლშევიკების მიერ ორგანიზებულ ტერორისტულ აქტებშიც ვიღებდი მონაწილეობას. მე ბოლშევიკების მიზნებს სამართლიანად ვთვლიდი და აღნიშნული საქმიანობა რომანტიკულ მისწრაფებებსაც მიკმაყოფილებდა. მოგვიანებით ბოლშევიკების სისასტიკესა და მავნებლობაში დავრწმუნდი და მათთან კავშირი გავწყვიტე. როდესაც საქართველოში საბჭოთა ხელისუფლება დამყარდა, ადგილობრივი რევოლუციური კომიტეტების შემადგენლობაში მრავლად მოიყარეს თავი ჩემმა ყოფილმა თანამებრძოლებმა. მათთვის მე მოლაღა-

ტე ვიყავი, თანაც ბევრი რამ ვიცოდი ბოლშევიკების არაადამიანურ საქმიანობაზე და, ბუნებრივია, ჩემი ჩამოშორება მოინდომეს.

მალე იმავე კაბინეტში შემეიყვანეს.

— იმედია, გონს მოეგე. ვინ შედიოდნენ ტერორისტული ჯგუფის შემადგენლობაში?

— ცოფვას არ დავიდე, ტყუილად არავის დაეასახელებ. თქვენც კარგად იცით, მე საბჭოთა ხელისუფლებისათვის ვიბრძოდი.

— ხმა ჩაიწყვიტე. შენ მენშევიკების ჯაშუში იყავი.

კაბინეტში ჯალათები შემოვიდნენ, ხელში სველი თოკები ეჭირათ.

— როგორ აწარმოებდით მზადებას ტერორისტული აქტების მოხდენისათვის და სცადეთ თუ არა ასეთი აქტების ჩატარება? — მკაცრად მკითხა გამომძიებელმა.

— მე დამნაშავე არა ვარ.

უცებ გამომძიებლის მუშტი მომხვდა და სკამიდან გადავვარდი.

— მოგვცემ თუ არა ჩვენებას ანტი საბჭოთა საქმიანობის შესახებ? დაასახელებ თუ არა კონტრრევოლუციურ-ტერორისტული ჯგუფის წევრებს? მოაწერ თუ არა ბრალდებას ხელს? — სეტყვასავით დამაყარა დოინჯშემოყრილმა გამომძიებელმა.

— არა! — ვიყვირე გაბრაზებულმა.

მაშინ სველი თოკებით მცემეს და, ქანცმილეული, საკანში ჩამათრიეს. სხეული საშინლად მიხურდა. ერთხანს ასე ვეგდე. მერე ყველაფერი გამხადეს და პატარა, დათოვლილ ეზოში ფეხშიშველა გამეყვანეს. შებინდებული იყო ეზოს ბოლოში მღვარ რკინის საკანში შემეიყვანეს, რომელსაც ისეთი დაბალი ჭერი ჰქონდა, რომ წელში გამართვა ვერ შეეძელი. უცებ საკნის სახურავი აიხადა და ვიღაცამ თოვლი გადმომაყარა. სიცვიისაგან სული შემეიგუბდა, დაყვირება მომინდა, მაგრამ კუნთები ისე მქონდა დაძაბული, რომ ვერ შეეძელი. კარში ამოჭრილი პატარა სარკმელი გაიღო და ოთხ-

კუთხა ჭრილში გამოძიებული გამოჩნდა.

— ბრალდებას ხელი მიაწერე, თორემ აქ ჩაძაღღლები, — თქვა და ცხვირი მოისრისა.

თავი გავიქნიე. სარკმელი მიიხურა და იმავე წამს ბუჭებზე თოვლი დამეყარა. ყინვამ კიდევ უფრო მოუჭირა. კარზე ბრაზუნი ავტეხე, მაგრამ არავინ გამომპასუხებია. ღმერთს შევთხოვედი, როგორმე გათენებამდე გამეძლო. მივხვდი, ჩემს სიჯიუტეს აზრი არ ჰქონდა. მგლების ხროვაში ჩავარდნილი ცხვარი უძღურია. აუტანელი სიცივისაგან სადაცაა გონებას დაუკარგავდი. უცებ კარში ამოჭრილ სარკმელში უახლოესი მეგობარი დავლანდე, ანთებული პაპიროსი გამომიწოდა. პაპიროსის მოწვევისთანავე სხეულში სითბო ჩამელვარა. სიამოვნებით ვწეოდი და სულ უფრო და უფრო მთბებოდა. საკნის კარი გაიღო და მოღუშული გამოძიებული გამოჩნდა. გათენებულიყო. ყველაფერს მივხვდი. მეგობარიცა და პაპიროსიც მოლანდება იყო, ღმერთის მიერ მოვლენილი სასწაული.

— ცოცხალი ხარ?

— ჰო, მეგობრის პაპიროსმა გადამარჩინა.

— რას მიჰქარავ, აქ კერავინ შემოიპარება.

— ნამდვილად პაპიროსს ვეწეოდი, თქვენ ჩემი არაფერი გჯერათ.

— მოკეტე! — გაცხარდა გამოძიებული.

— გიჯობს დანაშაული აღიარო.

— ჩემთვის სულ ერთია, ყველაფერზე ხელს მოვიწერთ.

— გამოიყვანეთ! — ბრძანა გამოძიებულმა, პორტსიგარიდან პაპიროსი ამოიღო და გამარჯვებულის სახით გამომიწოდა. ზურგი შევაქციე და ზედამხედველებს გავყვევი.

თბილისის გამანაწილებელში ორი კვირა დაგვყოვნეს და, რამდენიმე ასეულ პატიმართან ერთად, ეტაპით გავვაძგზავრეს. გზაში მრავალი გაჭირვება ენახეთ და ხანგრძლივი მოგზაურობის შემდეგ არხანგელსკში აღმოვჩნდით. აქედან დასახლებულ პუნქტ ჩიბიუსში გა-

დაგვაგზავნეს, უხტ-იჟემსკის შრომა-გასწორების მეორე ბანაკში. ადამიანი მართლაც ყველანიარ გასაჭირს ეგუება. უსამართლოდ ხალხის მტრად გამოცხადებული და შორეულ არხანგელსკში გადასახლებული, წესით, ჭკუაზე უნდა შევშლილიყავი, მაგრამ ყველაზე საღად ახლა ვაზროვნებდი. ცედილობდი, ადგილობრივ პირობებს დროულად შევგუებოდი და უფროსების გულის მოსაგებად კარგად მემუშავა. დამლაშობით კი თავისუფლებასზე, სითბოსა და ოჯახზე ვოცნებობდი.

მძიმე შრომასა და სასწაულის მილოდინში ორ წელზე მეტი გავიდა. იმის გუფიქრებაც კი შიშს მგერიდა, რომ კიდევ შვიდი წელი უნდა გამეიტარებინა ასეთ არაადამიანურ ყოფაში. მეუღლესა და ბავშვებს უკანასკნელად თბილისის სადგურზე, ვაგონში ასვლისას მოვკარი თვალი. სამშობლოზე კულაყრილი უნდა ყვოფილიყავი, მაგრამ ძალიან მენატრებოდა მშით გამთბარი ჩემი პატარა ქვიყანა.

ზაფხულის იმ დღეს მანქანები სამშენებლო მასალებით დატვირთეთ, დალილს, ზედამხედველი მომიახლოვდა და უკან გაყოლა მიბრძანა, ბანაკის უფროსი გიბარებსო. ათასი აზრი ამერია გონებაში. შიშმა შემიაყრო, ვაითუ, ახალი დანაშაულობები მომიგონეს და უნდა დამხვრიტონ-მეთქი. ისიც კი გამახსენდა, გამოძიებულს გამოწვდილი პაპიროსი ხელში რომ შევატოვე. ვეგო გულში წყინა ჩაიღო და შურის საძიებლად ახალი საქმეები შემითხზა?

ბანაკის უფროსმა ხელი ჩამომართვა, სკამზე დამსვა და ღიმილით მკითხა:

— რამდენი შვილი გყავს?

— სამი.

— დედა, მამა?

— დამეხოცნენ.

— სამწუხაროა. რა საქმიანობით არჩენდი ოჯახს?

— ქვის მთლელი ვარ, საფლავის ქვებს ვთლი, — ვერ ვხვდებოდი, ბანაკის უფროსი ასე გულითადად რატომ მეღაპრაკებოდა.



— საჭირო ხელობაა, სიკვდილი ყველას მოგვაკითხავს, გულნაკლულს არავის დაგვტოვებს.

სიკვდილის ხსენება არ მესიამოვნა, თუმცა კვერი დაუკარი:

- კი, ნამდვილად ასეა.
- ქართველო, სახლი მოგენატრა?
- კი, როგორ არა.
- ხვალ სამუშაოზე არ გახვალ.
- რატომ?
- თავისუფალი ხარ.

— თავისუფალი?! — ბოლომდე ვერ გამეზრებინა უთვალავეჯერ ნაოცნებარი სიტყვის მნიშვნელობა.

— საქართველოს შინაგან საქმეთა სახალხო კომისარიატის 1940 წლის 10 ივნისის დადგენილებით, შენი განაჩენი გაუქმებულია. ხვალ შინ გაგამგზავრებთ...

სიხარულისაგან ენა დამება. ფეხზე წამოვდექი, ციხის უფროსს ხელი ჩამოვართვი და მადლობის თქმა ძლივს მოვახერხე.

— მადლობა სტალინს გადაუხადე, — მითხრა ციხის უფროსმა და კედელზე გაკრულ ბელადის სურათს შეხედა.

სტალინსა და საბჭოთა სახელმწიფოს სხვა ხელმძღვანელებს მადლობა მოვახსენე. მერე, ეგებ ეს საკმარისი არ იყოს—მეთქი, და ბანაკის უფროსის გულის მოსაგებად, სტალინის სურათთან მივედი, თითის წვეკრებზე ავიწიე და ვაკოცე. გონებადაბინდულს, აზრად არ მომსვლია, რა არარაობად ვიქეცი. საკუთარი თავის მიმართ ზიზღის განცდა მოგვიანებით გამიჩნდა.

როდესაც პატიმრებმა ჩემი გათავისუფლების ამბავი შეიტყვეს, ხელში ამიტაცეს და რამდენიმე წუთს ასე დამატარებდნენ. მათ იმედი მიეცათ, იმედი კი პატიმრისათვის ყოველგვარ საგანძურზე ძვირფასია.

ჩემი მეუღლე თურმე წერილებს აგზავნიდა შინაგან საქმეთა სახალხო კომისარიატში. იგი წერდა, რომ უდანაშაულო კაცი უსამართლოდ ვიყავი გადასახლებული და მარტოდ დარჩენილ ქალს სამი მცირეწლოვანი ბავშვის მო-

ვლა არ შეეძლო. ერთი წერილი დიპლომატად მომუშავე ნათესავმა ჭრემლშიც კი შეიტანა. მოსკოვიდან მიღებული ბარათი იტყობინებოდა, რომ ჩემი საქმის ხელახალი გამოძიება დაევალა საქართველოს სსრ შინაგან საქმეთა სახალხო კომისარიატს.

ათი წლის პატიმრობამისჯილს სამი წელი მაკმარეს. თითქოს დამინდეს, გამამართლეს, მაგრამ ეს თავმოყვარეობაშელახული, მონად ქცეული ადამიანის აბუხად აგდება და სახელმწიფოს თვითრეკლამა იყო.

შორეულმა გადასახლებამ მრავალთაგან ერთი დიდი, მოუშუშებელი ჭრილობა დამიტოვა — ბელადის სურათის კოცნა.

* * *

გადასახლების ადგილიდან წამოღებულ განთავისუფლების ცნობას პაპა სიცოცხლის ბოლომდე ინახავდა. გაცრეცილი, კონვერტში ჩადებული ფურცელი ახლა ჩემთანაა.

დიდება და დღეგრძელობა ჩვენი ყველა გამარჯვების ორგანიზატორსა და სულისჩამდგმელს, მშვიდობის ბრძენ მესაჭეს, ხალხთა საყვარელ მამასა და მასწავლებელს ამხანაგ სტალინს.

„ლიტერატურა და ხელოვნება“. 30 დეკემბერი, 1951 წ.

ბედნიერი და საამური ცხოვრება საბჭოთა ხელისუფლებამ, დიდმა სტალინმა მოგვიტანა. ყოველ წელს ჩვენთვის ახალი ჭამარჯვებები მოაქვს. 1951 წელს ჩვენმა ოჯახმა 1.805 შრომადღე გამოიმუშავა.

„კომუნისტი“. 1 იანვარი, 1952 წ.

პაწათის კიდეზე პინაწური

ბავშვს მაღალი სიცხე ჰქონდა და ღუმელი მენთო. შუაღამე გადასული იქნებოდა, როდესაც ეზოში შეშის ამოსატანად ჩავედი. მოპირდაპირე მხარეს, ოციოდე მეტრის იქით, სატვირთო მანქანა შევამჩნიე. კაბინას მიყუდებული კაცი პაპიროსს ეწეოდა და ქუ-

ჩას ზვერაკდა. სადარბაზოდან რამდენიმე ადამიანი გამოვიდა. ანდრო მიქელაძე და მისი ოჯახის წევრები ვიცანი. ცოლ-ქმარი, ორი ბავშვი და დედაბერი ძარაზე აიყვანეს. როდესაც მანქანა ეზოს გაუსწორდა, ქალის ტირილი და დედაბრის მოთქმა გარკვევით გავიგონე.

* * *

შობა დღეს ქართველობას სარკინიგზო ემშლონებით ყაზახეთის ყიზილყუმებში უკრეს თავი, გადასახლეს მრავალი ოჯახი, რომლის წევრი ან ტყვედ იყო ნამყოფი 1941-45 წლებში, ან ნათესაურად უკავშირდებოდა უცხოეთის ქართველ ემიგრაციას. ამ საშინელების შესახებ ვაზნეთები არაფერს წერენ, სამაგიეროდ უხვად იფრქვევა დითირამბები ხალხთა მამის სტალინისადმი, რომლის დაუღალაემა შრომამ საბჭური ცხოვრება მოგვიტანა. რა უნდა ვაზისა და ციტრუსების მომყვან ქართველ კაცს ყაზახეთის საბჭოთა მეურნეობებსა და კოლმეურნეობებში? ამ უფასო მუშახელს ტრამალებში ჩამარხვა ელის.

* * *

სანაპიროზე, სტალინის ძეგლთან ძველმა მეგობრებმა სურათი გადავიღეთ. ფოტოზე, მაღალ კვარცხლბეკზე აღმართული სტალინის ქანდაკება მთელი თავისი ბრწყინვალეობითაა გამოსახული. ჩვენ კი, კვარცხლბეკთან მდგარ, ტანი გვაქვს გადაჭრილი. არ თუცი, ფოტოგრაფი გამოუცდელი იყო თუ ნასვამი, მაგრამ ფაქტია, ობიექტივში ძეგლი და ადამიანები ერთად ვერ მოგვათავსა და ბელადისათვის თავის მოკვეთას ჩვენი დამახინჯება ამჯობინა. არც გავვიმტყუნებია.

თანამშრომლის ნაამბობი

გერმანელთა საკონცენტრაციო ბანაკებში გადატანილი შიმშილი, სიცივე, სიდუხჭირე სამშობლოს ღალატად ჩამითვალეს და 1951 წლის 26 დეკემბრის ღამის 6 საათზე ლოცინიდან წა-

მომაგდეს. ჩხრეკის ოქმის ერთი პირი დღესაც შენახული მაქვს.

მე, დედაჩემი და ახლად შერთული ჩემი მეუღლე (მამა გარდაცვლილი მყავდა), სხვა აწიოკებულ ოჯახებთან ერთად, სატვირთო ვაგონებში შევევრეკეს. ცამეტი დღე და ღამე საით მივდიოდით, არ ვიცოდით. ტუალეტი ვაგონშივე იყო მოწყობილი (ხის იატაკი ამოეჭრათ) და თვალის ასარიდებლად ირველივ ზეწრები ჩამოვაფარეთ.

ყაზახეთში ჩასულები პახტა-არალსკის რაიონში, სტალინის სახელობის კოლმეურნეობაში გავკანაწილეს. ვისაც ძვირფასეულობა ან ფული ჰქონდა წამოღებული, იქაურ მოსახლეობას შეეკედლა. უმრავლესობა საქონლის სადგომებში შეასახლეს. ბედად, ყაზახი ეროვნების ხაბაზმა ფურნეში შეგვიფარა. რაღა თქმა უნდა, ხაბაზს ყველა საქმეში დაუზარებლად ვეხმარებოდი.

გადასახლებულებს ბამბის პლანტაციებში გვამუშავებდნენ. ზამთარში კი სარწყავ არხებს ვწყენდით.

როდესაც გოგონა შეგვეჭინა, მოწნული ქოხი ჩავდგი, შიგნით და გარეთ ტალახით შევვლეს და შუაზე გავტიხრე. ძალიან გვიჭირდა. ზოგჯერ ლუკმა პური გვენატრებოდა ხოლმე.

ერთხელ წისქვილთან მორიალე ხალხი დავინახე და მიუხედავად დადლილობისა, იქით წავდი. თვრამეტიოდე წლის ქართველი ბიჭი მუცელში დანით დაეჭრათ. გულადმა მწოლი ქუთუთოებს თითებით იჭერდა, რომ თვალები არ დაეხუჭა, ალბათ, ფიქრობდა, თუ თვალებს დაეხუჭავ, მივკვდებო. ვერ გადაარჩინეს და ღიად დარჩენილი თვალელები მამამისმა დაუხუჭა.

დედაჩემი გადასახლებიდან ერთი წლის თავზე გარდაიცვალა. სასახლის შესაკარავად ფიცრები ვერ ვიშოვე. იქ ტყეები არსადაა. შენობებს ალიზისაგან აგებენ და ხის მასალები ძალიან ჭირს. დასახმარებლად კოლმეურნეობის თავმჯდომარესთან, კულბაევთან შევედი.

— დედა გარდამეცვალა.



კულბაევი ფეხზე წამოღვა, ხელი ჩამოართვა, მომისამძიმრა და მკითხა:

— ჩემგან რა არის საჭირო?

— ფიცრები მომეცა, კუბო უნდა გავაკეთო.

კულბაევი წარბები შეჭმუნა და მტერი ხნის შემდეგ მითხრა:

— კარგი მომუშავე ხარ, მაგრამ რა ვქნა, ვერაფრით დავეხმარები, ფიცრის საშუალება არ არის.

კაბანეტიდან გამოვედი, კარი გამოვიჯახუნე და ხმაძალა შევივიინე. დერეფანში მომავალმა კომენდანტმა იაკოვ პეტროვიჩმა, რომელიც გადასახლებულებს ზედამხედველობას გვიწვედა და მისი ნებართვის გარეშე კოლმეურნეობის ტერიტორიას ვერავინ დატოვებდა, გაბრაზებით დამიძახა:

— რაშია საქმე, რატომ ხმაურობ?

— კულბაევი კუბისთვის ფიცრებს არ მამღვეს, — ბოღმისაგან თვალზე ცრემლი მომადგა.

იაკოვ პეტროვიჩმა ისევ თავმჯდომარესთან შემეყვანა.

— კარგი კაცია, მაგრამ რა ვქნა, რით დავეხმარო? — კულბაევი ხელები გაასავსავა.

— ჩვენ ქრისტიანები ვართ და მიცვალებულებს ხის კუბოთი ემარხავთ. რა-მე უნდა მოუხერხო! — კომენდანტი რუსი იყო.

თავმჯდომარემ ფერმის გამგესთან წერილი გამატანა. წერილის წაკითხვისას გამგეს თვალები გაუფართოვდა და გაკვირვებულმა მკითხა:

— ეს რა დაუწერია? კარი ჩამოხსენი და ჯავახიშვილს მიეციო?

ჩამოხსნილი კარი ავიკიდე და ღურგალს მივადექი.

— ამისიქე კარს ვერ დავშლი, — იუარა ღურგალმა.

საქციელი წამიხდა.

— ვიცო, კოლმეურნეობაში ფანერები აქვთ. წადი, სამი ცალი გამოართვი და დანარჩენს მე მივხედავ, შენი არაფერი მინდა, — მანუგეშა ღურგალმა.

კარაკიდებული კვლავ კულბაევს მივადექი.

— სამი ფანერი მომეცი, ვიცო, გაქვს!

— რას ამბობ, დამიჭერენ!

— სამი ცალი მჭირდება. შენ რამდენიც გინდა, იმდენი გამოწერე, მე ხელს მოვიწერ.

მეზობლები დამეხმარნენ, იანვრის ყინვაში სამარე გავთხარეთ და ასე წვალებით დავმარხე დელაჩემი. საქართველოდან წამოღებული ფარდავი და დედის ნაქონი ბუმბულის ბალიში გავყიდე და ჰატარა ქელეხიც გადავიხადე.

უცხო მხარეში წელიწადნახევარი გავატარეთ. მუშახელი ძალიან უჭირდათ და კარვ მომუშავეებს გათავისუფლების ბრძანებას დროებით ვვიმალავდნენ, მუქთახორებსა და ზარმაცებს კი დროულად უშვებდნენ. ასეა, მშრომელი, მუყაითი კაცი ყოველთვის დაჩაგრულია.

დელაჩემის ნეშტის წამოღება მინდოდა, მაგრამ ვერ შევძელი. რკინის ჯვართან დავინოქე და უძღურებისაგან ავტირდი.

დავებრდი, მაგრამ ღამით გამოღვიძებულს, შიში მიპყრობს, დელაჩემავით უცხო მხარეში არ დავიმარხო-მეთქი.

თანამშრომელმა ამბის თხრობა დაამთავრა, თვალებში შიში ჩაუდგა და მთხოვა, მის ნაამბობზე არავისთვის არაფერი მეთქვა.

რამდენ ბიოგრაფიისული ზავითებიდან

1956 წელი...

მონადირეებმა მოჰკლეს ირემი და ხორცი დინაწილეს. მაგრამ ნადირობის წესის დარღვევა არ შერჩათ.

„კომუნისტი“. 10 მარტი, 1956 წ.

კომუნისტური პარტიისადმი, ლენინის დიადი საქმისადმი ხალხის უსაზღვრო სიყვარულისა და ერთგულების მკაფიო და ამაღლებველი გამოხატულება იყო თბილისის მშრომელთა წარმომადგენლების 21 აპრილს გამართული მიტინგის, რომელიც ვ. ი. ლენინის ძეგლის გასხნას მიემდგვნა.

ქალაქში ბინდი ჩამოწვა. უწყვეტ ნა-

კადად მიემართებიან მოედნისაკენ თბილისელები. სიყვარულით ათვალერებენ ისინი ვ. ი. ლენინის დიდებულ ძეგლს.

„კომუნისტი“. 22 აპრილი, 1956 წ.

გაზეთის კიდევამინაწერი

კაცი გაგიჟდება, 9 მარტს ახალგაზრდები ჩაზოცეს, გაზეთები კი დუშან. 10 მარტის „კომუნისტში“ ირმის მკვლელობაა დაგმოხილი. თავისთავად ეს სწორია, მაგრამ მაშინ, როდესაც წინა დღით უდანაშაულო გოგო-ბიჭები ჩაკლეს, ირმის მკვლელობაზე განგაშის ატეხა გარდაცვლილთა სულების შეურაცხყოფაა.

ბიპარკების ნაამბობი

იმხანად სტალინის ძეგლებს ყველა ქალაქსა და სოფელში დგამდნენ. ქანდაკების მხატვრულ დონეს დიდ ყურადღებას არავინ აქცევდა და არც მე ვცდილობდი შედეგების შექმნას. რაც მთავარია, უამრავი დაკვეთა მქონდა და ფულს ბლომად ვშოულობდი. პიროვნების კულტის დაგმობის შემდეგ შინ სოფლსაბჭოს თავმჯდომარე მეწვია და ხუთიოდე წლის წინათ დადგმული სტალინის ბიუსტის მოხსნა მთხოვა: შენი გაკეთებული საქმისა შენ უკეთ იციო. თავდაპირველად ვიუარე, მაგრამ როდესაც საკმაო თანხა შემომთავაზა, დაეთანხმდი. მეორე დღეს კვარცხლბეკს საკუთარი მანქანით მივაღდექი. სოფლსაბჭოს თავმჯდომარემ ხელკავი გამომდო, გვერდით გამიხმო და ხმადაბლა მითხრა: თუ ძმა ხარ, ფრთხილად მოხსენი, არ გააფუჭო. სადმე შევინახავ, რა იცი, რა ზღებო. კვარცხლბეკი ბიუსტის დაუზიანებლად გავათავისუფლე, ფული ჩავიჯიბე და კმაყოფილი გამოვბრუნდი.

მოგვიანებით, კოლმეურნეობის დაკვეთით, იმავე კვარცხლბეკზე ავტომატიანი ჯარისკაცის ძეგლი დაედგი და შინმოუსვლელთა მემორიალი მოვაწყვე.

კარგი დრო იყო, ბევრ ფულს კომულობდი.

ავტორისკული ჩანარობი

თბილისი საქართველოს საბჭოთა სოციალისტური რესპუბლიკის შექმნის ორმოცდაათი წლისთავის აღსანიშნავი დღეებისათვის ემზადებოდა. აკრავდნენ ლოზუნგებს, საბჭოთა სახელმწიფოს ლიდერებისა და სოციალისტური შრომის გმირების გადიებულ პორტრეტებს. ყველგან საბჭოთა კავშირისა და საქართველოს რესპუბლიკის სახელმწიფო დროშები ფრიალებდა. გაზონებსა და სკვერებში ირგებოდა ყვავილები. მოკლედ, ქალაქი კოპწიავდებოდა. ხალხი სიამაყით აღნიშნავდა, რომ ზეიმში მონაწილეობის მისაღებად ჩამოდიოდა ბრეჟნევი.

ეს ნანატრი დღეც დადგა. მაშინ მეხუთე კლასში ვიქნებოდი. გაკვეთილების დაწყების წინ კლასში სკოლის დირექტორი (ქალბატონი ლუბა იმდენად სქელი იყო, რომ კარში გვერდულად ძლივს ეტეოდა) შემოვიდა და ფეხზე წამომდგარი მოსწავლეები მკაცრი გამოძეტყველებით შეგვათვალერა. უცებ გაიღიმა და საზეიმოდ განაცხადა:

— გეცოდინებათ, დღეს ჩვენს ქალაქში სტუმრად ჩამოდის საბჭოთა კავშირის კომუნისტური პარტიის ცენტრალური კომიტეტის გენერალური მდივანი ლეონიდ ილიას ძე ბრეჟნევი. ორი გაკვეთილის შემდეგ, ყველანი რუსთაველზე ავალთ და ძვირფას სტუმარს მივესალმებით. გაფრთხილებთ, არ იხმაუროთ. გახსოვდეთ, როდესაც მანქანა გამარჩნდება, გაიღიმებთ და ხელს გაიქნებთ.

— მასწ! — გაენატული გოგონა ფეხზე წამოვდგა, — მე ავად ვიყავი, სახლიდან დღეს გამოვედი და თუ შეიძლება აქ დავრჩები.

— ქალბატონო ციური, ღონისძიებას არც ერთი მოსწავლე არ დააკლდეს! — მკაცრად გააფრთხილა დირექტორმა კლასის დამრიგებელი.

ბრეჟნევთან შესახვედრად წასვლაზე



მუქარა არ ვვჭირდებოდა. გენერალური მდივნის ჩამოსვლასთან დაკავშირებით ატეხილი აჟიოტაჟი ჩვენზეც მოქმედებდა და ერთი სული ვეჭონდა, როდის ავიდოდით რუსთაველის პროსპექტზე. ის გოგონა კი ნამდვილად ნაავადმყოფარი იყო, წინა დღეებში გაკვეთილებზე არ უვლია.

სკოლის შენობა სანაპიროზე მდებარეობდა და რუსთაველის პროსპექტამდე სამასიოდე მეტრი იყო გასავლელი. მოსწავლეები ორ მწკრივად დაგვაწყვეს, სხვა კლასების ბავშვებიც შემოგვიერთეს და „დაცვის“ (ყველაზე მეტად ფიზკულტურის მასწავლებლები აქტიურობდნენ) თანხლებით აღმართს აუყვებით. პროსპექტზე ხალხმრავლობა იყო. მეგაფონიანმა კაცმა ოპერის თეატრთან მიგვიჩინა ადგილი. ჭადრებს შორის თიკები იყო გაბმული და გაზონს ვერ გასცდებოდი. მიღრუბლული დღე იდგა.

— არავინ წახვიდეთ, ფეხი არ მოიკვალთ! — იმუქრებოდა დირექტორი. წასვლას არავინ აპირებდა. კაცი, რომელსაც ტელევიზორში ყოველდღიურად ვხედავდით, ხოლო მისი უზარმაზარი პორტრეტები შენობებზე იყო გაკრული, სულ მალე ღია მანქანით ჩამოივლიდა და, ფეხზე წამომდგარი, ხელს დაგვიქნევდა. ეს რიტუალი ტელევიზორში მქონდა ნანახი.

— მოემზადეთ, მოდიან! — გაისმა მეგაფონში.

ხალხი გაზონს მიაწყდა.

— გაიღიმეთ, ხელი გააქნიეთ! — გვიყვიროდა დირექტორი. ამასვე იმეორებდნენ მასწავლებლები.

ჩემს გვერდით მდგარი, საკუთარ განცდებში ჩაძირული ბიჭი პროსპექტს პირდაღებული გაკჷურებდა და სხვა აღარაფერი ესმოდა.

— ხელი ასწიე, ბიჭო! — უყვირა ფიზკულტურის მასწავლებელმა და წკეპლა მოუქნია.

წკეპლა ბიჭს ლოყაზე მოხვდა და კანი გადაუსერა. მისთვის ყურადღება არავის მიუქცევია, რადგან სწორედ იმ

წამს გამოჩნდა მოტოციკლების კორტეჟი. მოტოციკლებს უკან „ჩაია“ (ეს მანქანა მაშინ მსოფლიოში ულამაზესი და საუკეთესო გვეგონა) მოჰყვებოდა. მართალია ხელსაც ვიქნევდით და ვიღიმებოდით კიდეც, მაგრამ აშკარად გაეწვილდით: დახურულმა მანქანამ ისე სწრაფად ჩაგვიქროლა, შიგ მსხდომთ თვალი ვერ მოვკარით.

სკოლაში დანაღვლიანებულები ვბრუნდებოდით. პედაგოგები მკაცრად აღარ გვექცოდნენ. დირექტორი ხმას არ იღებდა და ჩაფიქრებული მოდიოდა. ფიზკულტურის მასწავლებელს ცხვირსახოცი დაესველებინა და ბიჭს ლოყაზე ადებდა.

კნაჭა გოგო მეორე დღეს გაკვეთილებზე არ მოსულა. საწყალს, ავადმყოფობა შეუბრუნდა.

ბორის ძნელადის ძეგლი ყვავილებით შევამკეთ (ყვაილები მშობლებმა გვიყიდეს). მერე ქანდაკების წინ ერთმწკრივად დავდექით. მწკრივის წინ წარჩინებული მოსწავლე გამოვიდა. ჩვენ ხელები თავს ზემოთ ავღმართეთ. ხუთსანამ მოსწავლე ფიცს წარმოთქვამდა და მის ნათქვამ სიტყვებს ყველანი ხმამაღლა ვიმეორებდით. ამის შემდგომ, უფროსკლასელებმა წითელი ყელსახვევები (მშობლების მიერ შეძენილი) უხალისოდ შეგვაბეს. უფროსკლასელების მიხეზით პრიალა, ხარისხიანი და უხარისხო ყელსახვევები ერთმანეთში აირია და ახლად ფიცმიღებულმა პიონერებმა კინაღამ მუშტი-კრივი გაემართეთ.

* * *

კომკავშირის წესდებასა და სხვა აუცილებლად საცოდნელ საკითხებს რამდენიმე დღე ვიზუირებდით. სკოლის კომკავშირის კომიტეტის მდივანმა გავაფრთხილა, თუკი მელოტი და არასასიამოვნო გარეგნობის კაცი რაიკომის კომკავშირის პირველი მდივნის ვინაობას გვკითხავდა, უნდა გვეპასუხა, რომ თვითონ ის იყო პირველი მდივანი და ჩვენ მას ვიცნობდით, რითაც დიდად ვასიამოვნებდით, რადგან

ამ კითხვას პირველი ხშირად იძლეოდა ხოლმე. რაღა თქმა უნდა. კომკავშირში მიგვიდეს, თუმცა კომკავშირულ საქმიანობაში არავითარი მონაწილეობა არ მიმიღია და, უმრავლესობის მსგავსად, კომკავშირის სამკერდე ნიშანი კოსტიუმის საყელოს შიგნითა მხარეს მქონდა მიბნეული და საჭიროების შემთხვევაში ვაჩენდი ხოლმე.

* * *

დამამთავრებელ კლასში ვიყავი, როდესაც ბრეჟნევის წიგნები: „მცირე მიწა“, „აღორძინება“ და „ყამირი“ ქართულ ენაზე გამოიცა.

— ბრეჟნევის ეს თხზულებები ყველა წიგნის მაღაზიებში იყიდება, შეიძინეთ და შემდეგ გაკვეთილზე მოიტანეთ. საგამოცდო საკითხებად იქნება შეტანილი. უწიგნოდ არავინ დავინახო! — მკაცრად გაგვაფრთხილა ქართული ენისა და ლიტერატურის მასწავლებელმა.

ორი დღის შემდეგ, მერხებზე, მშობლიური ლიტერატურის სახელმძღვანელოს გვერდით ბრეჟნევის წიგნები გვეწყო.

* * *

რაჟდენ გიორგიანი მთელი დღე აივანზე, სავარძელში იჯდა, სივარეტს ეწეოდა და ფიქრში წასული, რადიომიმღებს უსმენდა ხოლმე. როგორც გაზე-

თების კიდეებზე გაკეთებული მინაწერებიდან ირკვევა, იგი ბუღალტრად მსახურობდა ეკიპირებისა და ეტლების ქარხანაში, ტექნიკურ კანტორაში, რკინიგზის მთავარ სახელოსნოსა და სახლმმართველობაში.

ჭერთხელ, ფეხბურთის თამაშისას, აივანზე ბურთი ავკვივარდა. მეგონა, პირქუში ბერიკაცი ბურთს აღარ დაგვიბრუნებდა, მაგრამ მან ბურთი აიღო, სავარძლიდან გაჭირვებით წამოდგალი ხელი მოაჯირს ჩაავლო და „ბიჭებო!“ დაგვიძახა. ბერიკაცის ხმა არასოდეს გავკვივონა და მოულოდნელობისაგან გავიღურსეთ.

— ბიჭებო, არ წახვიდეთ, ავლანეთში საომრად არ წახვიდეთ! გახსოვდეთ. სამშობლო უნდა გადაარჩინოთ! — კიდეც რაღაცის თქმა უნდოდა, მაგრამ სიცილი წავგვსკდა.

რაჟდენ გიორგიანი ამ ამბიდან რამდენიმე დღის შემდეგ (როგორც მისმა ჯალაბობამ გამოთვალა, ოთხმოცდარვა წლისა) გარდაიცვალა.

რა უღვთოდ უნდა ვყოფილიყავით აღზრდილები, რა ძალის იდეოლოგიურ მანქანას უნდა ემოქმედა ჩვენზე, რომ სამშობლოს ხსენებისათვის ბერიკაცი მასხრად ავიგდეთ. ის კი მინაწერებიან გაზეთებს უდიდესი რისკის ფასად ინახავდა. ალბათ, საკუთარ სულში ადამიანობის გადასარჩენად სჭირდებოდა სიკვდილთან თამაში.



ზურაბ ფირცხალაიშვილი

ვერება

ხელმწიფევ მფლობელო, საზოგადოვ მამავ,
მეფევ ირაკლი!.. ვის დროშას ვემსახურო?!
ვან შევიყვარო?! ვისთვის მოვკვდე?! ვისთ-
ვის ვიცოცხლო შენს უკან სიცოცხლე საზ-
რახვად გამწარებულმან?!

სოლომონ ლიონიძე

ღმერთო, მოგვეც სინათლე,
აღარ გვინდა წყველიაღი...

რომ ხარ თავის ბატონი,
ცისიერო, სხვა არი;
ღმერთო, მე მყავ პატრონი
ჩემი ცის და სამანის,
ღედის რძის და მირონის
და ერეკლეს სამარის.

კარს მოვადექ მთხოვნელმან, —
კიდევ ერთი მარაბდა,
ღმერთო, მომეც, თორემა
გზებზე შემომაღამდა;
თორემ სული არ იცდის,
ლაჟვარდებში დაინთქა.
მე ხომ მკითხავს დავითი:
საქართველო რა იქნა?

ნუთუ გული დადუმდა,
ნუთუ გავხდით ჯაბანნი, —

ტაოს სხვაგან რა უნდა,
ან შავშეთი სად არი?
ეს ხომ ჩემი სისხლია
(თვალი ჭრიდეს მცოდნესი),
ჩემი თუ არ, ვისია
თავდადება ცოტნესი...
ჩემი თუ არ, ვისია
გული ცხრა ძმის, მხურვალე...
ღმერთო, ჩემი წყაროს პირს
რატომ ვიდგე მწყურვალე...

ღმერთო, მე მყავ პატრონი
ჩემი ცის და სამანის,
ღედის რძის და მირონის
და ერეკლეს სამარის!..
თუკი გრძნობის თასს დავცლი,
სული ჩემი მაგლოვე,
თუ სიცოცხლეს არ მაცლი,
ღვთით, სიკვდილი მადროვე...

ღმერთო, მოგვეც სინათლე,
აღარ გვინდა წყველიაღი...

კველი სახლი

დავბადებულვარ ცის გახსნისას,
დიდი ხნის წინათ,
არა ქალებით მოფუსფუსე
თეთრ პალატაში,
არამედ ტყეში,
სადაც ბებერ მუხების შრიალს

ჩიტთა გალობაც შემოჰქონდა,
ფოთლების ტაშიც...

უმანკო ყრმების კერებისთვის
მსხვერპლად შეწირვა,
სადაც ხსოვნაში მიგდებული

სიმონ ცისკაძე

წელიწადზე მეტია გმირულად დაიღუპა ჩვენი თანამემამულე — ღირსეული მოქალაქე, გულან-თებული, კაცთმოყვარე, მაღალწინებრივი პიროვნება სიმონ (ნუკრი) ცისკაძე. ის 1978 წლიდან აქტიურად ჩაება ეროვნულ მოძრაობაში, გარკვეული დროის განმავლობაში პედაგოგიურ მოღვაწეობას ეწეოდა და, ჩვენს სამშობლოს ასეთი მძიმე დღეები რომ არ დადგომოდა, ბოლომდე, ალბათ, თაობების აღმზრდელად დარჩებოდა. მერედა, როგორი აღმზრდელი იქნებოდა!.. ის იყო „საქართველოს მხედრიონის“ წევრი, ამ ორგანიზაციის პოლიტიკური საბჭოს ხელმძღვანელი და რიგითი ჯარისკაცისთვის ყოველთვის მხარში ედგა თანამებრძოლებს — სამაჩაბლოშიც, თბილისშიც, გაგრაშიც, სოხუმიში, ბოლოს ის საქართველოს რესპუბლიკის ლტოლვილთა და განსახლების კომიტეტის თავმჯდომარის პირველი მოადგილე იყო და, სულ 37 წლისა, გმირულად დაიღუპა ქალაქ სოხუმიში საბრძოლო ოპერაციებში მონაწილეობისას.

ეს რაინდი, მამაცი კაცი უაღრესად ფაქიზი, დახვეწილი სულის პიროვნება იყო. მთელი მისი ხანმოკლე ცხოვრების მანძილზე ლექსებს წერდა. ესეც მისი ღამაში ბუნების, ნატიფი სულის ყვირილი იყო. თუმცა, ფაქტიურად „არაღეგალურად“, ფარულად წერდა. მისი ლექსების ნაწილი გაზეთმა „ლიტერატურულმა საქართველომ“ გამოაქვეყნა მისი დაღუპვიდან მეორე-მეოცე დღეს, ახლა გთავაზობთ მის კიდევ რამდენიმე ლექსს. ვფიქრობ, ამ ჩინებული პიროვნების შინაგანი ბუნება, ადამიანური სითბო და გულითადობა აქაცაა ასახული.

ჯ.უშგარ თითხერია

ცოტან, ცოტან და...

რამეს შენიშნავ? არ შეიმჩნისო.
ცოტა, ცოტაც და გაწყდება ძაფი
სხეულში. ისე, ალალი იყოს,
დაღიე, შესვი უძირო ხაპით.
რამეს შენიშნავ? ღიმილით შეხვდი.
სულელს — სულელის, კეისარს — მისი,
ალბათ, მადლია მონიჭებული,
არ აგრძნობინო, რაღაცას მიხვდი.

ეს სავეყ ყანწი უნდა დაცალო...
(ე, ბიჭო, მაგ კაცს კაცურად დახვდი)
სადღეგრძელოა, მგონი, სინდისის,
ცოტაც, ცოტაც და გაწყდება ძაფი.
რამეს შენიშნავ?! თუმცა, რად გინდა,
ვის უნდა — დარჩი, თუ სადღეე წახვდი,
უპრიანი, ის გადაგარჩენს,
ის, უცაბედად გამწყდარი ძაფი.

ქაბაი

„მორიელის თავის ძალა“

მოვიდეს ერთი...
როგორია, გადამაიწყდა.
მას შემდეგ ბევრმა ჩაიარა უგონო
რიცხვმა,

თუ შერჩა სახეს გამოზაფხულის მიმიკა,
ფერი,
შემოღვობაზე გაბუტული რომ
გვსტუმრობს ქვევით.
მოვიდეს ერთი...

მომიკითხოს, აღარ ვახსოვარ იმ
 ნაცნობივით,
 ვინაც მიიღო ყველაფერი ჩემგან, რაც
 სურდა,
 დაებადებულვარ ლოდინის ნიშნით.
 მორიელის თვემ ჩააქცია შინაგანს წვენი,
 მიდი-მოდინ ციფერბლატზე მოკლე
 ისრები.
 მოულოდნელის მომლოდინე თვალია
 ვწვები,
 მოვიდეს ერთი...
 სულელურ სახეს შეახოს ხელი,

ავსებულს ცოლვით შემომკრას სილა.
 მოვიდეს ერთი, მომენატრა შხაპუნა
 წვიმა;
 ეჭვებით მდიდარს (ბევრი არც თუ
 უსაფუძვლოა)...
 ხომ შეიძლება ვიეჭვიანო შენზე
 რატომღაც?!
 რალა გვიშველის, აბა, რა გითხრა,
 დაებადებულვარ ლოდინის ნიშნით,
 მსურს მოგისურეოს სასურველი ჩემით
 იმ წუთში,
 რაც გაგრძნობინებს ოდნავ მაინც აქ
 უჩემობას.

ორღობიდან ღანასული

ნამყენი ლეღვი შავი და თეთრი,
 დავაყენე ჩემშიც სიკვდილ-სიცოცხლე.
 გადაბელილი აკაციების
 ძალა მაქვს, უინი — ცისკენ ვილტვოდე.
 გადაბრუნებულ სავენახეში
 ჩაღვრილი ოფლის გემო მაქვს პირში.
 იმ ფესოს ფერი, რისი ძალითაც
 მსხალის ტოტებზე არსებობს ფითრი.
 გამხმარი ვაშლის ფულურო ტანზე
 ამოხეთქილი ცინცხალი ყლორტის
 დიდი იმედი შემოვიხიხინე,
 უკმარისობაც ცხოვრების ცოდნის
 ბუხარში კოპიტის ტკარცალის მსგავსად,
 მინდა სიმშვიდე მოგავით, ჩემნო.

სოფელში ერთი მტკაველი მიწის
 იმედს ნურასდროს წამართმევ, ღმერთო.
 ჭურისთავებზე ბია და ქვევრი,
 მოხუცი ცაცხვი კვლავ ღვას ვიცოდე
 ნამყენი ლეღვი შავი და თეთრი,
 დავაყენე ჩემშიც სიკვდილ-სიცოცხლე.
 ორღობის ქვებზე ჭრიალი ურმის,
 ხი, ხარო, სამგლევე-შემომძახილი.
 კამურზე ჩაფით ჩარიხინება,
 ქვის მაგიდაზე ღვინო, სადილი.
 ასეა, როცა გამიჭირდება,
 გიხსენებ ხოლმე შენ, ერთადერთო:
 სოფელში, ერთი მტკაველი მიწის
 იმედს ნურასდროს წამართმევ, ღმერთო!

ამ ვენაცვალე

ვუძღვნი მშობლებს

მე სიყვარულში შევიქმენი, დიდ სიყვარულში,
 რა უნდა იყოს ამ ქვეყანაზე სიცოცხლის ფასი,
 თუკი სიკვდილშიც ერთგულება არ ჩავაქსოვე
 და ვერ მოგვარე სიხარულის ან შვების მსგავსი.

სამყაროს თვალთ გაელვებაა ჩვენი სტუმრობა,
 სულ ცოტა ჰყოფნის ადამიანს, სულ ერთი ციდა.
 მე ვენაცვალე დაუჭედავი ტორების ელდას,
 შმაგი ცხენების ფლოქვებით რომ ნაბრალეებს შლიდა.

მე სიყვარულში შევიქმენი, დიდ სიყვარულში,
 სამყაროს თვალთ გაელვებაა ჩვენი სტუმრობა,
 რა ვქნა, რომ ხშირად მარწმუნებენ და მაჯერებენ,
 რომ დაბადება არის მხოლოდ მწარე ხუმრობა.

მე ვენაცვალე ამონთხეული ბოღმების ჩანჩქერს,
და სარეცელზე სუფთა გულს და სიყვარულს წმინდას,
ეს ალავერდი ადამიანთან, ვინაც ცხოვრებით,
დაუჭედავი ცხენის ფლოქვებით ნაპრალებს შლიდა.

მე ვენაცვალე საათის წიკწიკს, ბავშვების სუნთქვას,
ნაცნობ ღიმილს და სიცხიან შუბლზე მშობელის კოცნას,
ცისფერ ჰორიზონტს, შემოდგომის პირს ფოთლების შრიალს,
თუკი რამ მოხდეს, ამ ალტაცების ტკივილმა მომკლას.

ტარენტი ბრანელის პანსენება

გარდასული სიყვარულის ნაპირს
გადაეფარა მოგონების ფარდა.
დღეს გულწრფელი სინანულით
დაღლილს,
მსურს ყოველი, მოსვენების გარდა.

ცა სიმაღლით კმაყოფილი როა,
კაბადონიც მუქი სისხლის ფერია.
და ის წუთი აღარასდროს მოვა,
ვიცი, რაღაც უჩვეულო მოხდა.
ახლა უფრო დაფიქრების დროა,
დაშვებული შეცდომები ბევრია!

1979 წ. 25 დეკემბერი.

თბილისში პირველი თოვლი მოვიდა



გოგონა, ვისაც წვიმა ეძახის
და თოვლი ფაფუკ გზად ექარგება...
ერთი ყმაწვილი კარგავს, პოულობს,
კარგავს, პოულობს, კვლავ ექარგება.



ზაზა პაპიძე

მოთხრობები

აბდულას ცა

მტკრიან ბილიკს ჩექმების ბრახუნით მივუყვები. საშინლად ცხელა. გადამწვარ, ყვითელ ტრამალს აღმური ასდის. ცემენტით სავსე მძიმე ტომარა მხრებზე მაწევს და სულს მიხუთავს.

ჩემს უკან სიმძიმის ქვეშ ორად მოკაკული აბდულა მობანცალეებს.

— ჩქარა! ჩქარა იარე, შე... — ებუზღუნება ეფრეიტორი სუსლოვი და ავტომატის ლულას ფერდებში უჩიჩხინებს.

აბდულას დამტკერილ სახეზე ღვარად ჩამოსდის ოფლი, ლოყებსა და კისერზე ტალახიან ზოლებს უტოვებს. აპრიალეზულ, დაჭმუჭუნულ შუბლზე დასკლდომილდე ამოსწრიაა ლურჯი ძარღვები, პირი დაუფრენია და ქშინავს.

— პერეკურ! — გამოვცარი კბილებში, ტომარა ძირს დავახეთქე და აბდულასაც, ხელის ჩაქნევით, დაისვენე-მეთქი, ვაინძნე.

— ბიჩო, ბიჩო, პაშკა დავკინახავს... — დაფრთხა სუსლოვი.

— ნუ გეშინია, პაშკა იქ აღარ დგას, — დავამშვიდე და ქვაზე ჩამოვჯექი.

— ახლახან არ დაისვენეთ? დავიკვიანებთ და თქვენი გულისათვის მერე მე მომხვედება, — ისევ აჭუჭყუნდა.

აბდულა მიწაზე დაჯდა და ცემენტთან ტომარას ზურგით მიეყრდნო. აჩქარებით სუნთქავს, ოფლს ხელზე დახვეული ჭუჭყიანი ბინტით იწმენდს. მოწკარუელი, მონგოლური თვალებით ხრიოკი სტეპის ბოლოს ამომართული, დაკბილული მთაგრეხილის მიღმა გადაშლილ ლაქვარდოვან სივრცეს გასცქერის.

— რას უყურებ? — ჰკითხა უხალისოდ სუსლოვმა.

— ჩემს ცას, — უპასუხა დაღვრემილმა აბდულამ.

— რაას? — გამიკვირდა.

— აი, აი, — უცებ გამოცოცხლდა მოღუშული ეფრეიტორი. — რომელ შენს ცას, შე... |

აბდულამ მის ლაზღანდარობას ყურადღება არ მიაქცია.

— იქით, იმ ლურჯი ცის ქვეშ ჩემი სამშობლოა, ჩემი სოფელი. იქ ჯარამდე ჩემს მამასთან და ძმებთან ერთად ეცხოვრობდი.

— ჰოო, — ჩაფიქრდა სუსლოვი, — ეგრე ძმებო, ჩემი ცაც მოჩანს აქედან აგერ, იქითაა, — გაიშვირა თითი ზღვისაკენ. — იქ ყველაფერი კარგია, სულ ყველაფერი, სამოქალაქო ცხოვრება მაინც სამოქალაქო ცხოვრებაა. ეჰ, რა შედარებაა... ახლა რა გოგოები არიან იქით... ახლა მათთან ვიყო! რა დროსტარება, რა საცეკვაო მოედნები... რომელსაც გინდა, იმას ჩაუკარი თვალი... მახსოვს, ერთხელ ერთი ქერა... — ეფრეიტორი ჰყვება ვიღაც გოგოზე, სამოქალაქო ცხოვრებისას ჩაღვნილ „საგმირო“ საქმეებზე და სულ ავიწყდება, რომ ვიგვიანებთ და ამის გამო მხოლოდ მას მოხვედება.

— შენი საითაა? — მკითხა მოულოდნელად.

— რა ჩემი?

— აი, ამან რომ თქვა, ცაო...

— რა ცა, აჰ, ჰოო... — გამოვერკვიე სასიამოვნო მოგონებებიდან.



— ჩემი ცა იქითაა — დასავლეთისკენ გავაქნე თავი.

— კარგია, არა, იქ? — დაინტერესდა სუსლოვი.

— ძალიან.

— ჰოო, — გაწელა ისევ.

— დროა წაივით, — ვთქვი და წამოვდექი, თან ცალი თვალით ყაზარმას გავხედე. პაშკა ღიპიანი არსად ჩანდა.

— სუსლოვ! აბდულა დაიღალა, მიდი მიეხმარე! გაიგე, რა გითხარი?

სუსლოვმა ცერად შემომხედა, მერე მასაც თვალი ყაზარმისაკენ გაექცა. დარაფერი უთქვამს, ავტომატი ზურგზე მოიგდო და აბდულას ტომარას დასწვდა.

როგორც იქნა, მივადწიეთ გარნიზონის მალაზიას და ტომრები წოწოლა. სახედაჭოროფლილ ლეიტენანტს ჩავაბარეთ. მან ერთი კი შემოვვიდრინა, რად დაგვიანეთო, მერე შებრუნდა და იმავე მობრეცილ ფარდულში შეძვრა, საიდანაც წელან გამოგვხედა.

ცემენტში ამოგანგლული ტანსაცმელი ჩამოვებრტყეთ და იმ არემარეში ერთადერთი, კენტად ამოსული, სიცხისაგან ფოთლებშიმჭკნარი ხის ძირას ჩამოვსხედით.

ჯიბიდან სივარეტი ამოვიღე.

— მომაწვიინე, რა. — გამელრიჯა სუსლოვი.

მოუკიდა, გააბოლა, სიამოვნებისაგან თვალები მილულა, ავტომატი ხეზე მიაყვდა და ფეხი ფეხზე შემოიღო.

სივარეტი აბდულასაც მივაწოდე, მაგრამ არ გამომართვა.

— რაო, თავს უფროხილდები? დიდხანს გინდა იცოცხლო? — ჩაიქირქილა სუსლოვმა. — ერთი რამე მითხარი, ჩემო ძმაო: სასმელსაც არ სვამ?

— არა.

— კარგი! ქალებზე როგორდა ხარ?

— ?..

— ქალი თუ გყავს სამოქალაქოზე-მეთქი.

— რაა? — დაიბნა აბდულა.

— ქალი, მეგობარი გოგონა, როგორი გაუგებარი ხარ! — გაცხარდა ეფრეიტორი.

6. „ცისკარი“ № 5-6.

— საცოლე მყავს, — უხერხულად შემომხედა აბდულა.

— რაო? ჰა, ჰა, ჰა, — გადაიხარხარა სუსლოვმა. — ეს მითხარი: მართლა ეგ-რეა თქვენთან: თუ ჯარმოვლილი არა ხარ, ისე კაცად არ გთვლიან და ქალს ცოლად არ გამოგაყოლებენ? ჰა, ასეა, არა? — ეფრეიტორმა მის ლოყაზე დასასვენებლად ჩამომჯდარი ბუზი დააფრთხო. — რა ჰქვია იმ შენს საცოლეს? ისე კი მეც რას გეკითხები, ბაზილა ან ჰაზირა ერქმევა. ეგრე არ არის? — თავისი მიხვედრილობით გახარებულმა სუსლოვმა კმაყოფილი სახით შემომხედა და თვალი ჩამიკრა.

— ჩემს საცოლეს ლეილა ჰქვია და არა... — სახე მოეღრუბლა აბდულას.

— როგორ? აჰა, აი, ხომ ვთქვი, მართალია ჰაზირა არ ყოფილა, მაგრამ რაღაც მაგდაგვარი ზომაა. — იხტიბარი არ გაიტეხა ეფრეიტორმა.

— ლეილა კარგი სახელია; თანაც ძალიან კარგი სახელი, მაგრამ ამგვარი რამეებისა შენ მაინც არაფერი გაგეგება და გაჩუმი, რა! — ვთხოვე სუსლოვს.

აბდულას სიხარულით აუციაგდა თვალები, ხოლო ნირწამხდარმა სუსლოვმა ამ თემაზე საუბრის გაგრძელება ვეღარ გაბედა და ხმა ჩაიგდო.

სივარეტს მოუკიდე და აბდულას ცას გახედე. გამჭვირვალე, კამკამა სივრცეში თეთრი, ქათქათა ღრუბლის ქულა დასერილებს ლაღად, თეთრაფრებიანი ხომალდით. „იმედის თეთრი ხომალდი, რომელიც, ბოლოს და ბოლოს, მაინც მშობლიურ ნაპირებს მიადგება,“ — გავიფიქრე და ნაფაზი დავარტყი. კვამლი აღმოსავლური ჯინივით, ველური კლაკენით აღიმართა მაღლა და უკიდევანო სილაჟვარდეში გაითქვიფა.

— რას აპირებენ ნეტა; აღარ მიშვებენ ეს ოხრები? — გაგბრაზდი მეთაურებზე.

უკვე მესამე დღეა, რაც მე და აბდულა ჰაუპტვახტის პატიმრები ვართ და ეს აყლაყულდა, რომელიც ჩვენს ეგრეთ წოდებულ „გამომყვანად“ („ვივანდიდ“) არის დანიშნული, ამიტომ დაკვდევეს უკან ავტომატით ხელში. როცა საპა-

ტიმროს გარეთ გამოვყავართ სამუშაოდ, მისი მოვალეობა, გამუდმებით თვალყური გვაღვენოს და თუ გაქცევას დავაპირებთ, იარაღის ძალით დავგაკავოს. უკიდურეს შემთხვევაში კი ჩვენი მოკვლის უფლებაც აქვს. მართალია არც ჩვენ ვაპირებთ და ჩვენს მეთვალყურესაც მშვენივრად მოესხნება, რომ არსად გამქცევები არა ვართ, მითუმეტეს უკვე პატიმრობის ყავლი გაგვდის და დღეს, ალბათ, გაგვათავისუფლებენ კიდევ, მაგრამ, მიუხედავად ამისა, „ვივადნოი“ მაინც უკან დაგვევება. ეჰ, რას იზამ, როცა ჩვენი უზუნაეს და ყოვლისმომცველ წიგნში, „უსტავში“ ამგვარი წესდებაა მოცემული.

მალაზიასთან ატეხილმა ჩოჩქოლმა უნებლიედ მიიტყია ჩემი ყურადღება. მაშედა მომმარაგებელს საზამთრო მოეტანა და მანქანიდან ცლიდა.

— მალე მოვალ! — ვთქვი და წავედი.

— ბიჩო, ბიჩო, საით, არ შეიძლება, მოიცა! — მომესმა სუსლოვის წუწუნი.

— ხმა ჩაიკმინდე! — დავემუქრე მუშტით. ისიც შეშინებული მიბრუნდა და აბუზუნებული, აბდულას გვერდით ჩამოჯდა. აღელვებულმა ისეთი ღრმა ნაფაზი დაარტყა, ლამის ბუდიდან თვალეზი დასცვივდა და ხველა აუტყდა.

მალაზიის წინ შეჯგუფებული ხალხიდან ჩასუქებული, ჩოფურა თათარი გამომერა, ბედნიერი ღიმილით გააბრჭყვი-ალა ოქროს კბილების მთელი ასხმა და ამაყად დახედა. იღლიაში ამოჩრილ ვეება საზამთროს. ჯიბეში ფული მოვისინჯე და ხალხს შევერიე.

— ერთი ამას დამიხედეთ, ამას! სად მიძვრები, სად, შე ყაჩაღო: ეხლავე უკან დაბრუნდი და რიგში ჩადექი! — გაწიწმატდა ხმელ-ხმელი, ავადმყოფურად გაყვითლებული ქალი. მისი ქმარი, მელოტი კაპიტანი, გარნიზონის სახანძრო რაზმს მეთაურობდა.

— ჯარისკაცია საწყალი, წავიდეს ურიგოდ, მერე რა მოხდა? — გამოძეკომაგა პრაბორშნიკის წამწამებარეხილი, ლამაზი ცოლი და თვალეზი ჩამიუფუხუნა.

— საწყალი ეგ კი არა, ჩვენ ვართ. —

ამოიოხრა ბატალიონის უფროსის პირადმა მდივანმა „დეიდა ლუბამ“, — ეგ ცოტა ხანში შინ წავა, ჩვენ კი ჩვენი ოფიცერი ქმრების გადამკიდე, ამ დაწყვილილ უდაბნოში ვინ იცის, როდემდე მოგვიწევს...

— ...მაგათ სასადილოც აქეთ და საჩაიეც, იქ მიბრძანდეს ეგ სალახანა, აქ რა უნდა! — არ ცხრებოდა კაპიტნის ცოლი.

ოფლად გაღვრილმა ძლივს გამოვვლიჯე მიყაყანე ბრბოდან საზამთრო და გამარჯვებული ღიმილით ხის ქვეშ მსხდარი ბიჭებისაკენ გამოვწიე.

ჩემი (უფრო კი საზამთროს) დანახვით გახარებულმა სუსლოვმა სასწრაფოდ ამოაძრო ქარქაშიდან, თევზის კონსერვის ტომატში ამოსვრილი დანა, შარვალზე გაისვამოისვა და გამომიწოდა. საზამთრო დაეჭკრი. სუსლოვმა ერთი ნაჭერი აიღო, მზის შუქზე გაჭხედა, კმაყოფილმა დააქნია თავი და თვალეზი-ლულულმა ჩაკბინა. აბდულამ სწრაფად გადასასხლა თავისი წილი, გაზინთული სახელო ტუჩებზე გაისვა და მიწაზე დაყრილ კურკებს ჩაასტერდა.

— კიდევ აიღე, — მივაწოდე მეორე კიდევ უფრო დიდი ნაჭერი, რომლისკენაც წედან თვალი გაექცა. საზამთროს წვენმა სახე მოუთხუნა, განხიციებულ მაჯებზე ჩაუყვა და გამხმარ იდაყვებთან წითლად გამოჟონა ბალახისფერ ვიძნასტურაში.

ჭამას მორჩა, თავიდან პანამა მოიხადა და კისერზე მოისვა.

— ვინ გცემა? — მივანიშნე შესიებულ ყვრიმალზე.

— დუროვმა გაალამაზა, — გაიღრიჯა სუსლოვი, ქვიშაზე გულადმა გადაწვა და ბრტყელი, დაჭოროფილი სახე მცხუნვარე მზეს მიუშვირა.

— ყარაულში ძნელია?... — მკითხა უცებ აბდულამ.

— ძნელი არა, — ჩემს მაგივრად უბასუხა ეფრეიტორმა, — აი, ასე დაიჭერ ხელში ავტომატს და პოსტის გარშემო ივლი. თუკი ვინმე მაიმუნი შემოეხეტება, ჯერ გააფრთხილებ, გაჩერდი-თქო,

მერე ჰაერში ისვრი და თუ არ დავიჯერებს, მერე უკვე ადგები და...

— და რას იზამ მერე?

— რას იზამ და შუბლში ლეწავ და მიაძალღებ, — სუსლოვმა საქმიანად გააწოტა, — თანაც ხომ იცი, მაგაზე თხუთმეტდღიანი შევებულებაა ჯილდოდ. იქნებ ბედმაც გაგიღიმოს. აგერ, მეგრძოლი ვალკო, აი, ის, მეორე როტაში რომ მსახურობს; ვიღაცა შემთხვევითი ლოთი მოკლა, შევებულებაშიც გაუშვეს და რომ დაბრუნდა, უმცროსი სერჟანტის წოდებაც მაშინვე მისცეს, აბა!..

— მერე და ის ლოთი?... — შექწუხდი.

— უპ, ვიღაცა უპატრონო მანწაწა იყო. მეორე პოსტის მხარეს, იქით, ლობების ვადაღმა რომ მუშათა სასაიდლოა, იცით, არა? ისიც სულ იქ ეგდო ხოლმე. „სამავოლკაში“ რომ გავდიოდით, ხშირად ვნახულობდით. დივერსანტად გაასაღეს ის საცოდავი და ყველაფერი ამით დამთავრდა. ეგ კიდევ რაა, „ბიონ“ კუკოიანს ხომ იცნობ? — მომიბრუნდა ეფრეიტორი. — აი, მაგან ძალდი გააგორა და ეგეც ათი დღით იყო შინ წასული, სადარაჯოზე გამოჩენილი სიფიზლისათვის დაჯილდოვდა, თან მადლობის წერილიც გაგზავნეს მასთან, იქ. ის წერალი მერე რაიონულ გაზეთშიც დაუბეჭდავთ. მაჩვენა ის გაზეთი. სომხურად ეწერა. ვერ წავიკითხე, მაგრამ ფოტო ნაღდად მისი იყო, საპარადო ფორმაში იყო ბიჭი გამოწყობილი, თანაც თავზე ოფიცრის ქული ეხურა... ეპ, რა გაუმართლათ, ბედი სწყალობთ მაგათ, ერთი მე მომცა ეგეთი იღბლიანი შემთხვევა და...

— მე ვერ ვესვრი. — თავი გააქნია აბდულამ.

— ვერ ესვრი? — გაოცდა სუსლოვი. — აი, რეგენი! იქნებ, მართლა დივერსანტია, მერე რაღას იზამ? ვერ ესვრი, შენ ვერ ესვრი და თვითონ მიგაკლავს... თუ იმას გადაურჩი. ზემდეგსა და უსტავს რა პასუხს გასცემ? ეგრევე სამი წლით დისბატს აკიდებენ, იმის მერე ჯარის ორ დარჩენილ წელიწადს ისევ გამსახურებენ, — ეგეც შენი ხუთი წელი; იქ, სა-

დაც მუშაობდი თუ სწავლობდი, რა ვიცი, წერილს გაგზავნიან, რიგითმა ამან და ამან თავი შეირცხვინაო... სამშობლოს დაცვაო... ესაო, ისაო... კომკავშირიდანაც გამოვისვრიან... სასწავლებლიდანაც თუ სამუშაოდან, სადაც იყავო... ერთი სიტყვით, მშვიდობით, მომავალი! ეგეც მაშინ, თუ დისბატს გადაურჩი... ამბობენ, იქ ბევრი იღუპებაო, ზოგიც გიჟდება თურმე. შენ რომ იქ ჩავარდე, ალბათ ცემით ამოგზდიან სულს. უპ, ისეც იმ დივერსანტმა მოგკლას, ჯობია... აი, ერთი მეგრძოლი ვიცოდი, ის საწყალი...

— გეყოფა რა, არც ეგერა საქმე, მორჩი მაგ ლაყობას! — გაეწყვეტინე ლაპარაკი. მასაც მეტი აღარაფერი უთქვამს, გვერდზე გადაბრუნდა და თვალები მიღულა. ხეზე ზურგიით მივეყრდენი და კრიალა ცას ავხედე საბრძოლო თვითმფრინავებმა მწყობრად გადაიფრინეს განიზონის თავზე, სამი-ოთხი წრე მოხახვს და აეროდრომისაკენ წავიდნენ.

— ჰაიტ! — იკივლა უცებ ვილაცამ. თავს სერჟანტი კოროლოვი წამოგვდგომიდა.

— ეგრე უნდა სამსახური, შე ძაღლის შვილო, შენა? — დაჰკივლა ისევე და მძინებულ სუსლოვს წიხლი ჩააზილა. დაფეთებული სუსლოვი წამოვარდა და დაბნეულმა ააცეცა თვალები, შემდეგ კი უცებ გონს მოვიდა, ავტომატს დასწვდა, გაიჯგომა, მარჯვენა ხელის გაშლილი თითები საფეთქელთან იტაცა და გაზეპირებულევით დაიწყო:

— ამხანაგო სერჟანტო...

— კარგი, კარგი, — შეაწყვეტინა კოროლოვმა. — ჯერ ერთი, სერჟანტო კი არა, უფროსო სერჟანტო-თქო, ასე უნდა მომმართო დღეიდან. მეორეც, ეს ტურტლიანი უნდა წავიყვანო — მიუთითა აბდულაზე, — პაშკამ, მოიყვანე, დროა ყარაულში გაუშვათო. აბა როგორ, ბოლოს და ბოლოს ამანაც ხომ უნდა ნახოს, რა არის ნამდვილი სამსახური! — ბოლო ფრაზა მეტისმეტი მონდომებითა და რიხით წარმოთქვა და ახალდაკერებულ სამხრეებზე დაიხიდა.

აბდულა გაფითრდა და მე შემომხედა.
— ბიჩოს ვახშმის შემდეგ გამოუშვე-
ბენ. — თქვა სერჯანტმა, ქუსლებზე შეტ-
რიალდა და წავიდა. აბდულა თავის კან-
ტურით მიჰყვა უკან. საღამოს მზე უკვე
ჩემი ცისაკენ რომ გადახრილიყო, ალერ-
სიანი სხივებით ელიცილიცებოდა მის
მოტყელებს, პრიალა თავს, წაგრძელებ-
ულ კისერს და ვიწრო ავადმყოფურად
ჩამოყრილ მხრებს.

ამ ორიოდე თვის წინათ ჩვენს გარ-
ნიზონში ახალწვეულები მოიყვანეს. მათ
გამოჩინას ყოველთვის განსაკუთრებული
ინტერესითა და სიხარულით ხელებოდა
მთელი სამხედრო შემადგენლობა. ყვე-
ლაზე მეტად კი „ამხანაგი მებრძოლები“
(ამ სახელით ირონიულად მოვამართავ-
დნენ გაბლენძილი ოფიცრები) ხარობდ-
ნენ, რადგანაც ახალბედების გამოჩენა
ზოგისთვის შემცველების მოსვლა იყო,
რაც იმას მოასწავებდა, რომ მალე ელირ-
სებოდათ ესოდენ სნატრელ დემობი-
ლიზაციაში წასვლა, სხვათათვის კი ეს
მოვლენა კიდევ ერთი „სამხაზურებრივი
პერიოდის“ მომატებასა და თავიანთ
დემობილიზაციასთან მიახლოებას ნიშ-
ნავდა. ახალბედები ბატალიონის შტაბ-
თან შეჯგუფულიყვნენ. ჯერ ისევ სამო-
ქალაქო ტანსაცმელი ეცვათ. ზოგი მათ-
განი უხერხული დიმილით შემოგვცქე-
როდა და დარცხვენილი ისვამდა ხელს
პირწმინდად გადაპარსულ თავზე. ზოგს,
ახალგაცნობილ თანამემამულესთან მო-
მუსაიფეს, იმედინად უბრწყინავდა თვა-
ლები; ზოგინც ზურგჩანთებზე ჩამოსხ-
დარნი, ამრეზით, უნდოდ გვიცქეროდნენ,
სახეზე კი ნაძალადევი სიმშვიდე და სი-
ამაყე აღბეჭდოდათ.

— ეე! ეს შავი ნახე, რას გავს! წამო-
გამოველაპარაკოთ, — ვილაცისაკენ მი-
მითითა ოტია სვანმა და იქით გაემართა.

სწორედ ეს შავი ახალწვეული გახლ-
დათ აბდულა. იგი კუთხეში იჯდა, ხე-
ლით შეკერილი ტილოს პატარა ჩანთა
გულში ჩაეკრა და დამფრთხალი კურდ-
ღელივით აცეცებდა თვალებს.

— აბა, აბა, დავიშალოთ! დავიშალოთ-
მეთქი, ამხანაგო მებრძოლებო, ვის ვე-

უბნები! თქვენ რა, აქ ცირკი ხომ არ
გგონიათ? თუ რომელიმე თქვენგანს
ხუთდღიანი დასვენება მოგენატრათ,
ჰა? — დაიდრიალა ღიპიანმა მაიორმა,
რომელსაც ფუტკრებისაგან დაკბენილი-
ვით ჩამოსიებოდა ყვირიმალეები და რუ-
სული პელმენებივით ეკიდა თვალის
უბები.

— ნახე, ბიჭო, ტახი ისევ „პახმელია-
ზეა“. ჯობია, დროზე მოვერიდოთ... —
იდაყვი წამკრა ოტია და საჩაიესაკენ
გასწავა.

„ტახმა“ ოთხ მწკრივად განალაგა
ახალწვეულები და აბანოსაკენ წაუძღვა.
იქ მათ (როგორც თვითონ იტყვოდა ხოლ-
მე) საბოლოოდ უნდა ჩამოერეცხათ
ბავშვობა, სამოქალაქო თავისუფლების
მტკვერი და იმავე დღიდან შესდგომოდ-
ნენ სამხედრო, სავალდებულო სამსა-
ხურს. ამიერიდან მათ უნდა მოეხდათ
ის წმინდათა წმინდა მოვალეობა, რაც
განგებამ მხოლოდ ბედნიერ საბჭოთა
ჯარისკაცს არგუნა ბედად. ეს დიადი ვა-
ლი ხომ ჩვენ, ყველას, საშუალებას გვა-
ძლევდა საკუთარი მკერდით დაგვეცვა
ჩვენი მრავალეროვანი, ინტერნაციონა-
ლური ძმური ოჯახებით დასახლებული
სამშობლო.

— აბა, აბდულა, მოიტანე...
— აბა, წაიღე...
— აბდულა, წყალი...
— აბდულა, ჩქარა... უხ, შენი დე-
და... — ისმოდა ყაზარმაში. ალალი და
გულკეთილი აბდულა სხეების მაგივრად
მუშაობდა. სამაგიეროდ კი მათგან ლან-
ძღვა-გინებასა და ცემა-ტყეპას იმეიდა,
ისევე, როგორც მრავალი სხვა ახალწვე-
ული. გულჩათხრობილს, ყველასათვის
უცხოს, მეგობარი არ ჰყავდა, ვარდა
მაწანწალა. ალაგ-ალაგ ბუნჯავცენილი
წითური ძაღლისა. ძაღლს უნდო და ბო-
როტი თვალები ჰქონდა, მასთან მიახ-
ლოებულს ღრენით აფრთხილებდა და
კუდამომუხებული იხევედა უკან. ერთა-
დერთი ადამიანი, რომელიც უყვარდა.
აბდულა იყო. მხოლოდ მასთან სიხლო-
ვისას ეცვლებოდა თვალების ველური
ელვარება.

თავისუფალ დროს (რაც ძალიან ცოტა ჰქონდა) აბღულა ან თავის მეგობარს ებაახებოდა, ან ყოფილ იარაღის საწმენდ ოთახში იჯდა და ჩასცქეროდა ახლობლების სურათებსა და დაჭმუჭნილ წერილებს, რომელთა რიცხვაც პერიოდულად იზრდებოდა. ამ ოთახში ზაფხულობით სიცხის ბული იდგა, ხოლო ზამთარში საშინლად ყინავდა. მას შემდეგ, რაც მან თავისი ფუნქცია დაკარგა, იშვიათად რომ იქ ვინმე შესულიყო. მაგრამ ზოგჯერ რომელიმე მოცლილი მაინც წაადგებოდა ხოლმე თავზე აბღულას. ის მაშინვე მიმალავდა ყველაფერს და დარცხვენილი შეჰკლიმებდა მომხდურს. მოგვიანებით ზემდეგმა ტუპოვმა აღმოაჩინა, ჩამოართვა და საჯაროდ დაუწვა აბღულას მთელი მისი „საუნჯე“, რაიც მებრძოლისათვის „უმაქნის და ყურადღების გამფანტავ ლიტერატურად“ მოიხსენია და გამოაცხადა, ამეების ქონას უსტავი არ ითვალისწინებსო. მართალია „უსტავში“ მსგავსი არაფერი იყო მითითებული, მაგრამ ტვინგადავლესილ ტუპოვთან, იგივე პაშკა ღიბიანთან ამ საკითხზე დავას აზრი არ ჰქონდა, რადგან ყველამ მშვენიერად იცოდა, რომ ზემდეგისათვის, რომელსაც განსაკუთრებული სიმკაცრით მოჰქონდა თავი, ჯარისკაცის სიტყვა არ ფასობდა.

აბღულას ზოგი თანაგრძნობით ევიდებოდა (ასეთები ძალიან ცოტანი იყვნენ. რადგან ყველას თავისი გასაჭირი ადგა და უმეტესობა სხვათა სადარდელს ვერც კი ამჩნევდა), ზოგისთვის კი მისი წუხილი გასართობად ქცეულიყო.

— რაო, სახლი გენატრება? — წამოართყამდა ვინმე არამკითხველ ჭკუის მასწავლებელი კეფაში, — შინ ყოფნა ვის არ უნდა, შე ვირო, შენა, მაგრამ ჯერ აქ უნდა იმსახურო, უნდა ხეზო ორი წელი... გაიგე, შენი!... — გინებას მუჯღუგუნებსაც მიაყოლებდნენ, ისე, გასართობად, და მოეშვებოდნენ.

აბღულა ასეთ დამრიგებელს არაფერს უპასუხებდა, დაღვრემილი ჩავიდოდა ეზოში, მეგობარს მოძებნიდა, თავის ულუფიდან მისთვის გადანახულ კარაქ-

სა და პურს უწილადებდა და დიდხანს შესწიოდა რაღაცას.

— ეყოფა, არ შემოგაკვდეს ეგ ძალღის ლეკვი, — გააჩერა ერთმა მეორე.

— ეს შავი მაიმუნი! მაშ, გაჩერდი, თორემ გესვრიო, არა? უპ, შენი დედა... — ისევ ჩაართვა ფეხი მუცელში წაქცეულს. — რატომ უნდა გესროლა? სივარეტზე გადმოვდი... მესროლე, პა, მესროლე, აბა თუ კაცი ხარ!

— კარგი, ჰო! კარგი, ეყოფა, წავიდეთ ახლა, — მხრებში ჩაავლო ხელი პირველმა მეორეს და სადარაჯო ზონიდან ძალით გამოათრია.

ბარბაცით დაადგნენ მთვარით განათებულ ვიწრო ბილიკს.

— ეგრე არ უნდა გეცემა, ხომ ნახე, ხელიც კი არ შემოგობრუნა, — თქვა პირველმა.

— მეცემა კი არა, უნდა მიმეხრჩო! ჰმ, გესვრიო, შემაშინა, გესმის? ანღარისთვის...

— წესით, უნდა ესროლა, უცხოები სადარაჯოზე შევიჭვრით, ეგ ვალდებულებაც კი იყო...

ცოტა ხანს ჩუმად იარეს.

— მაინც რატომ არ მესროლა... ამ ოხერმა სასმელმაც სულ დამიბნელა გონი, — ჩაილაპარაკა მეორემ. — სულ შენი ბრალია, აქეთ რა გვინდოდა.

— აბა, აბა, ჩემი რა ბრალია? ეე, შენ არ მივარდი? — გაბრაზდა პირველი.

— კარგი ჰო, კარგი, — დაამშვიდა მეორემ.

მათი ხმა ნელ-ნელა მიწყდა, დამის მღუმარებაში ჩაინთქა.

პირქვე ჩამხოხობილმა აბღულამ დამძიმებული თავი წამოსწია და გახურებული, სისხლსა და ტალახში ამოსვრილი სახე ნიავს მიუშვია.

ნაცემი წელი ძლივს ათირია. ავტომატი ორიოდ ნაბიჯის მოშორებით ეგდო და მთვარის შუქს ირეკლავდა.

— „ხუთი წელი, მთელი ხუთი წელი, შეიძლება ვეღარც კი დავბრუნდე... — გაუელვა თავში. — ამასობაში ყველა შინ დაბრუნდება, დაბრუნდება მელიქ-

ბეიცი ვალმოხდილი ჩავა შინ, მე კი...“
რას იტყვიან... რას იტყვის მამა, მეზობ-
ლები... ყველა, ყველა... ალბათ, სულ
ცუდს. მოიძულებენ სამუდამოდ ნეტა
ლეილა რაღას იტყვის, მისი შავთვალა
ლეილა, რომელიც მოუთმენლად ელის
ამ ორი წლის გასვლას? ამის შემდეგ
ალბათ ისიც... მერე კი...

უცებ ერთად წარმოიდგინა ლეილა და
მელიქბეი. წამით სისხლი გაეყინა ძარ-
ღებში. ხუთი წელი, ხუთი წელი ხომ
ძალიან ბევრია, მთელი სიცოცხლე!
ამასობაში ხომ ყველაფერი დასრულდე-
ბა. თუნდაც გადარჩეს, მერე სად წავე-
დეს? იქ ხომ აღარ მიესვლება... მაგრამ
მოიცა, დედა ხომ მაინც მიიღებს, თავი-
სი დედა, რომელსაც ამ ქვეყნად ყველა-
ზე მეტად უყვარდა აბდულა... ჰო, მას-
თან წავა, დღევანე წავა, აი, ეხლავე...

ცივი რკინის შეხებაზე გააურეოლა,
სასხლეტი მოსინჯა და აღმოსავლეთს
გახედა. მოახლოებულ განთიადს წით-
ლად აენაკვერცხლებინა „მისი ცა“.

— იქ, ჩვენთან უკვე დილაა, — ბედ-
ნიერი წარსულის გახსენებამ სახე გაუ-
ცისკროვნა. სროლის ხმა აღარ გაუგია,
ისე შეაკვდა პირზე ღიმილი.

ორი დღე ესვენა შავ სუდარაგადაფა-
რებული ცხედარი ჯარისკაცთა კლუბის
საკუჭნაოში და ამ ორი დღის განმავ-
ლობაში გარნიზონში ჩვეული რიტმით
გრძელდებოდა სამსახური, ჩვეულებრივ,
სრულიად ჩვეულებრივ, ისევე, როგორც
მისი დაარსებიდან იმ ორ დღემდე, და
როგორც გაგრძელდებოდა მას შემდგომ.
ვინ იცის, როდემდე...

მესამე დღეს ყაზარმის წინ გამწკრი-
ვებულ მწყობრს ღიაზე შემოწყობილი
ცერა თითების თამაშით აუარ-ჩაუარა
ტუპოვმა, გაბუსტული ცხვირი მოიქექა,
მრავალმნიშვნელოვნად გადმოგვხედა და
ჩვეული მქუხარე ხმით მოგვმართა:

— ამხანაგო ჯარისკაცებო! მოხდა ვა-
მოუსწორებელი, ეგრეთ წოდებული ვან-
საკუთრებული შემთხვევა. დაიღუპა
თქვენი თანამებრძოლი, ჩვენი ძმური

კოლექტივის ერთ-ერთი წევრი, რიგითი
აბდულა ალიევი. იგი დაიღუპა, „დაეცა“.
მაგრამ არა ისე, როგორც შეჰფერის
ჩვენი მრავალეროვნანი საბჭოთა სა„წო-
ბლოს ჯარისკაცს: მაშულის დასაცავად
მდგარი, მტრის ხელით განგმირული კი
არა, არამედ მხდალივით მოიკლა თავი
და შეგვარცხვინა ყველა, მისი მშობლიუ-
რი კოლექტივი, სოფელი, ოჯახი... მარ-
თალია გარდაცვლილა, მაგრამ მაინც
აუცილებლად უნდა აღვნიშნო ის გარე-
მოება, რომ მისთანები იღუპებიან, რა-
ღვან ლანრები არიან, სიღანრემ კი, შე-
საძლოა, დალატამდეც კი მიიყვანოს
ადამიანი. მათ არ შესწევთ უნარი გვე-
რდში ამოუდგენენ საბრძოლო მეგობ-
რებს. რომ ყოფილიყო ამჟამად...
თუნდაც, ავიღოთ დიდი სამამულო ომი,
მაშინ როდესაც უამრავი თავგანწირული
საბჭოთა ადამიანის გვერდით ასეთი...

მისი გაუთავებელი მჭევრმეტყველე-
ბით გაღიზიანებული ჯარისკაცება ჩუ-
მად დრტვინავდნენ ტუპოვი კი ჩვეულ
რინით განაგრძობდა „პატარა ლექციას“
და რისხვით გვიბრიალებდა თვალებს.

— ...მაგრამ, მიუხედავად იმისა, რომ
მათ რიცხვს ეკუთვნოდა, ვისი ქმედე-
ბაც ყველასათვის სამარცხვინო და და-
საძრახისია და ვერ შეძლო (თუ არ ის-
ურვა) მოეხადა წმინდათა-წმინდა ვა-
ლი — საკუთარი მკერდით დაეცვა ჩვენი
დიდი ქვეყანა. იგი მაინც ჩვენს ინტერ-
ნაციონალურ კოლექტივს ეკუთვნოდა
და მისი ნათელი ხსოვნაც მარად დარჩე-
ბა საბრძოლო მეგობრების გულში... —
ტუპოვმა ქუდი მოიხადა და მგლოვიარე
სახით ჩაანერდა მიწას.

ცოტაოდენი ღუმილის შემდეგ გას-
წორდა, ისევე მედიდურად აუარ-ჩაუარა
მწყობრს და ათი კაცი გამოგვეო თუთი-
ის კუბოს ვერტმფრენამდე მისატანად.
შემდეგ კი მცირე ახსნა-განმარტება
მოგვცა იმის შესახებ, რომ დღეს ამ კუ-
ბოთი აბდულას ცხედარს გაგზავნიდნენ
და რომ ისეთებსაც კი, როგორც ის
იყო, ჩვენი ჰუმანური სახელმწიფო მა-

ინც უზრუნველყოფდა საჭირო ინვენტარიითა და ტრანსპორტით.

— რაღა მე? რაღა მე დამავალეს? სხვა არავინ იყო? — ბუზღუნებდა კუბოს გვერდით მომავალი გამხდარი პრაპორშჩიკი და ნერვულად იკენებდა ტუჩებს. მას და საპარადო ფორმაში გამომპრანჭულ კოროლოვს ცხედარი თავის სახლამდე უნდა მიეცილებინათ.

კუბო ვერტმფრენში დავასვენეთ და გამოვბრუნდით.

ვევებრთელა პროპელერი ჯერ მძიმედ დატრიალდა, მერე სისწრაფეს უმატა და ზუზუნით აიტაცა ჰაერში რკინის გიგანტური ნემსიყლაპია.

მარცხენა ფეხზე რაღაც შემეხო. დავიხედე: ჩემს ფეხს აცახცახებული ძაღლი ეკვროდა, დრუნჩაწეული ასტკეროდა აღმოსავლეთისაკენ მიძქროლავ ვერ-

ტმფრენს და წკავწკავებდა.

ლაფვარდი ციდან ქედმოხდილ, მწვანე სამხედრო გიმნასტურაში გამოწყობილ ბიჭებს და ალაგ-ალაგ ბეწვაკვენილ წითურ ძაღლს აღერსიანი ღიმილით დაგვეკქეროდა ცხრათვალა მზე.

საამოდ უბერავდა გრილი ნიავი და წვიმის შემდეგ ამოწვერილ ბალახს აბიბინებდა.

შორს, შორს, დაკბილული მთაგრეხილის გადღმა, ტყვიისფერი ღრუბლების ტალღებს შთაენთქა თეთრად მოქათქათე „იმედის ხომალდი“.

თითქოს მუქარას გვითვლიდა აბღულას ცა — ყველას, სულ ყველას: აქ დარჩენილთ, მის ბოხოქარ წიაღში კი ნელ-ნელა უჩინარდებოდა მფრინავი შავი წერტილი. აბღულა მშობლიურ მიწას უბრუნდებოდა.

დიდგულა

ჩემს წითელ დიდგულას მამლების ჩხუბის მოყვარულები (მემამლიები) კარგად იცნობდნენ. დიდგულა მთელი სოფლის მამლების „ყოჩი“ და უძლეველი ფალავანი იყო, ამიტომაც მასთან საძიძგილაოდ მხოლოდ რჩეულები ამოჰყავდათ.

როგორც კი ხმა დაირხეოდა, დიდგულა ჩხუბობსო, მაშინვე უამრავი მაყურებელი მოაწყდებოდა ხოლმე ბრძოლის ველად ქცეულ ჩემს პატარა ეზოს.

დიდგულა ეზოს სრულუფლებიანი მბრძანებელი გახლდათ. მის უნებართვოდ ცაში ქორი და ძირს ჭიანჭველა ვერ გაიჭაჭანებდა.

ვამ იმ უცხო გოჭსა თუ ინდაურს, რომელიც საზღვრის დარღვევას გაბედავდა. მართალია ჩვენებს არას ერჩოდა, მაგრამ საცოდავები, მისი უზენაესი ნების ქვეშ მყოფნი, გასუსულები დაუდიოდნენ.

ეს კიდე არაფერი, მისი შიშით სტუმარი ვეღარ ბედავდა მოსვლას. თუმცა ზოგჯერ რომელიმე ჩემი მოკეთე მაინც არ ერიდებოდა თავის საფრთხეში ჩაგდებას. უჰ, ასეთს „ბადრაგით“ ვაცილებ-

დი ჩემს ძაღალ აივანზე და ყოველი მხრიდან ვუკერიებდი გაავებული დიდგულას შემოტყეებს.

სულ სხვანაირად ეყრობოდა თავის საამოდ ჩატუგუნულ მზეთუნახავ ცოლებს. აქ დიდგულა ნამდვილი ჯენტლმენი გახლდათ. დილიდან საღამომდე თავს ევლებოდა დაჰკურკურებდა, ნაგავს უქეჩავდა და სულ ნასუქ ჭიანჭველებს სთავაზობდა ამ კეკლუც მანდილოსნებს. ვამეზობლის იმ საცოდავი მამლის ბრალი, რომელსაც ღობის გადაღმიდან, თუნდაც უნებლიედ, მათკენ გამოექცეოდა თვალი. დიდგულა მაშინვე გადაეჭრებოდა თავზედს და „ავთვალობისათვის“ ისეთ დღეში ჩაადგებდა, რომ დედლის სახსენებელს დაავიწყებდა. მერე ერთს მძლავრად შეიბერტყავდა ტანს, თავპირდასისხლიანებულ დაზარალებულს მისსაკე ცოლებს ზრდილობიანად მიუგდებდა, გაცხარებისათვის ბოდიშს მოიხდიდა და ისევ აქეთ გადმოფრინდებოდა.

მართალია ძლიერი იყო დიდგულა, ძალიან ძლიერი, და თავადაც კარგად მოეხსენებოდა, მაგრამ უსამართლოდ მაინც არავის ერჩოდა. კარგად იცოდა

„საკუთარიცა და სხვისიც“ და თავის უფლებებს საკუთარი საბრძანებლის გარეთ არ ავრცელებდა.

ღიდხანს ბატონობდა ჩვენს ეზოში ეს პატარა მონარქი, მაგრამ ერთ მშვენიერ დღეს ყველაფერი შეიცვალა და მისი დიდების ვარსკვლავიც სამუდამოდ ჩაესვენა წარსულის უკუნეთში.

ყველაფერი იმით დაიწყო რომ სოფელში ვიღაც-ვიღაცეები უკმაყოფილოდ ალაპარაკდნენ: კოწიანთა რაღაც უცხოური, პატარა ჯიშის მამალი გაიჩინეს; გაწყვიტა მამლები იმ ჭირგასაჩენმა, იმან, ერთი აღარ გაუშვა გაუპუტა-გაუღახავიო. ეს იყო და ეს. ცოტა ხანში მემამლეებმაც აიტაცეს მისი სახელი, სულ პირზე ეკერათ. რამდენჯერმე კაცებიც მომიგზავნეს, რომელი მოკოევა; ორივე კარგი მოჩხუბარია; მაგათი მიძვილობა ძაან სანახავი იქნება და შენი ჭირიმე, უარი არ თქვა, მაგ სიამოვნებას არ მოგვაკლოო.

მაინც უარი შეეუთვალე: ჩემი დიდგულა ვიღაც გუშინდელ გამოჩეკილ ღლაპს თავს როგორ გაუყადრებს, ეგლა ვეაკლია იქ ვეახლოთ! უნდათ? ჩვენსა ამოვიდნენ და ვნახოთ, ვისი აჯობებს-მათქი.

მართალია ჯერჯერობით ბრძოლის ველი ცარიელი იყო, მაგრამ კარგად ვიცოდი, ადრე თუ გვიან გარდაუვალი ორთაბრძოლა მაინც მოხდებოდა. კოწიას ბიჭს ხომ ჯერაც არ ჰყავდა გამოვლოვილი თავისი საყვარელი „ყვინჩილა“, რომელიც შარშან ისე გაღახა დიდგულამ, პატრონს დასაკლავი გაუხდა და, აბა, კოწიას ბიჭი მის სისხლს ეგრე უბრალოდ როგორ შეგვარჩენდა!

და აი, ბრძოლის დღეც დადგა.

სეკუნდანტებმა მუყაოს ყუთით მოაბრძანეს ფალანგობის პრეტენდენტი. დიდგულას წინასწარ გაღიზიანებას მოვერიდე, ამიტომ მათ დაღურსმული უკანა კარი გაუხსენი და ჩუმაღ ამოვაპარე აივანზე. უცებ დაბარებულებივით გამოცხადდნენ მემამლეებიც და ერთიმეორეში სანამლეოებს ჩამოვიდნენ.

წინასწარ მოვრიგდით — ორთაბრძო-

ლის მსველელობისათვის ხელი არ შეგვეშალა. მანამ ვაგრძელებოდა, სანამ თავისთავად დასრულდებოდა ერთ-ერთი ფალანგის უეჭველი გამარჯვებით. ამის შემდეგ „ლაწირაკი“ დემონსტრაციულად ამოსვეს ყუთიდან და ყიჟინითა და „ცუმპა-ცუმპას“ სიმღერით ეზოში გადააბრძანეს.

დიდგულამ მაშინვე შეამჩნია თავის ტერიტორიაზე უცხო მამლის თავხედური შემოჭრა, სანეხვის ქექვა შეწყვიტა, აუჩქარებლად მოუბოდიშა საყვარელ ნაცარას, არც სხვა ცოლებს მოაკლო ყურადღება. მათაც რაღაც ჩაუკაკან-ჩაუკურკურა და უცნობი ღლაპისაკენ დინჯი ნაბიჯით დაიძრა. „ლაწირაკმც“ უშალ შენიშნა წითური გოლიათი და როგორც ბუნებით სჩვეოდა, დაუყონებლივ თავს დაესხა.

პირველსავე შემოტევაზე დიდგულამ თავისი საყვარელი კისრული იხმარა და უზრდელი ლაწირაკი შორს მოისროლა, მაგრამ მისდა გასაკვირად, ნაცვლად იმისა, რომ უმწეო მსხვერპლს გაქცევით ეშველა თავისათვის, ის ისევ ფეხზე წამიხტა და უფრო მეტი სიმხნევით ეკვეთა.

დიდგულამ ისევ მძლავრად დაიქნია მოწინააღმდეგე და ახლა უკვე ბრაზისაგან თვალეხისისხლიანებული დააცხრა ზურგზე დაცემულს, მაგრამ „ლაწირაკმა“ მშვიდად აიცოლა გამანადგურებელი დარტყმა, აკრობატული მალაყი გაჭიმა, კაუჭა დეზები თვედამსხმელს ჩინახვში აძგერა და ბიბილოში მისწვდა. დიდგულამ მძლავრად შეიბერტყა მკერდი და მორიგი შეტევა შეაგება მტერს. „ლაწირაკმა“ ისევ მარდად აიცოლა დარტყმა, მაგრამ თავი მაინც ვერ შეიკავა და ინერციით გაგორდა ბალახში. ისევ ელვის სისწრაფით წამიხტა და იმგვარი გამძვინვარებით ეკვეთა დიდგულას, მისი დიდი ყურადღება რომ არა, უეჭველად თვალში ჩაასობდა ბასრ ნისკარტს.

— ოოო, აი, ამის ყურება კი მართლა ღირს! — ხელები მოიფშენიჭა ერთი-



ნად სახედაჭორფლიდმა, წოწოლა მე-
მამლიამ.

— აბა! აბა! — დაეთანხმა ვიღაც.

— ორთავე რა მაგარია, ეე!

— იმ პატარას დახე, რა ყოფილა!...
ვინ იფიქრებდა, რო...

— ყოჩაღ, დიდგულ... მიდი ერთი, მის-
ცხე მაგ იმპორტულ, ჭრელ ჯუჯას!...

— დახე! დახე...

მეტოქეები ცოტა ხნით შეეყონდნენ.
სული მოითქვეს და ნისკარტწაწვდილე-
ბი ბოროტად ჩააჩერდნენ ერთმანეთს
თვალეში.

ორივე მზად იყო მოწინააღმდეგის
შემოტყევის ელვისებური კონტრდარტ-
ყმით გამოპასუხებოდა.

ზამბარასავით დამაგრული „ლაწირა-
კ“ აღვიღერ გაქეპავებულიყო. იგი მიხ-
ვდა, ძლიერ და გამოცდილ მეტოქესთან
ამგვარად არაფერი გამოუვიდოდა და გა-
დაწვივებდა, დროზე ეხმარა რაიმე ხერხი.

ყველასათვის მოულოდნელად, ნის-
კარტის ზემოთ-ქვემოთ თამაში წამოიწ-
ყო. მისმა ასეთმა საქციელმა ყველა გა-
ვოგნა. ვერავინ მივხვდით, თუ რას აპი-
რებდა.

აი, აქ კი მართლა შეცდა ძველი მოწ-
ხუბარი. მისთვის უცხო იყო ყოველგვა-
რი მზაკვრული ფანდი და თავისდაუნე-
ბურად მოძრაობაში აჰყვა მეტოქეს. ვერც
კი შეამჩნია, ნელ-ნელა როგორ მოეშვა
და როგორ აუჭრელდა თვალეში. „ლა-
წირაკმა“ უმაღ „დაიჭირა“ მოწინააღმ-
დეგის ყურადღების წამიერი მოდუნება
და სანამ ჩემი მამალი თავის აწევას მო-
ასწრებდა, ფრთების ფართხუნით მზერა
დაუნშო, ისევ ის აკრობატული მალაყა
გაჭიმა, ბასრი ნისკარტით ბიბილოზე
დააცხრა, მთელი ძალით ჩააფრინდა და
ეიდრე ტკივილისაგან გაოგნებული და
დაბნეული დიდგულა რამეს მოისაზრებ-
და, კაუჭა ღეზები დასცხო თავში.

კიდევ დიდხანს იძიძგილავეს მამლებ-
მა, მაგრამ „ლაწირაკი“ უკვე აღარ

თიბოდა პოზიციას და ბრაბოლის ბედიც
აშკარად სწყალობდა. მაგრამ ეჭირა მე-
ტოქე, სულის მოთქმასაც აღარ აცდიდა
და ბლუჯა-ბლუჯა აბღღვნიდა ბუმბულს.

ბიბილოდან ღვარ-ღვარად ჩამოდენი-
ლი სისხლით თვალებამოვსებული დიდ-
გულა ვედარაფერს ხედავდა და უმწეოდ
აწყდებოდა აქეთ-იქით. მართალია
გრძნობდა, რომ ყველაფერი უკვე დას-
რულდა, მაგრამ ფარ-ხმალს მაინც არ
ყრიდა, უკანასკნელ ძალებს იკრებდა და
მტრის მოცილებას ცდილობდა, მაგრამ...

ბოლოს და ბოლოს სისხლმოწყურე-
ბულმა „ლაწირაკმა“ გული იჯერა მისი
გვემით და ნაცემ-ნაბეგვი დიდგულა ღო-
ბის ძირას მიაგლო.

— ვაშა! — დასძახეს „უცხოელის“
აღტაცებულმა გულშემატკივრებმა.

— ეეჰ, — ხელი ჩაიჭნიეს ჩვენებმა.

ახალმა „ყონმა“ ერთი ყოჩაღად შეი-
ბერტყა ნაბრძოლი სხეული, მერე დაე-
რია უკვე დამარცხებული მეტოქის ში-
შისაგან აკრიახებულ, ლამაზ ცოლებს,
შორიახლოს რომ შეჯგუფებულიყვნენ,
და ყველა სათითაოდ გააბახა. ამის შემ-
დეგ საქათმის თავზე შეფრინდა. გამარ-
ჯვებისა დაჰყვილა და უკან დაღვენბუ-
ლი, აღფრთოვანებული პატრონისათვის
ზედაც არ შეუხედავს, ამაყად გადაფარ-
თხუნდა ეზოდან.

ცოტა ხანს კიდევ იცინეს და იხორ-
ხოცეს, იდავეს და იყაყანეს კმაყოფილმა
თუ ნირწამზდარმა მოსეირნებმა და დაი-
შალნენ.

საღამოს ძლივსღა აითრია წელი საბ-
რალო ექსფალავანმა, ზედაც არ დახედა
მისთვის მირთმეულ დარჩეულ საკენკს,
აღარც ჩემს აღერსიან. გამამხნევებელ
სიტყვებს უგდო ყური და ქანცგაღეულა
შებარბაცდა საქათმეში.

მეორე დღით გულგახეთქილი ვიპო-
ვე, ქანდარის ძირას ეგდო, თავისივე ცო-
ლებისაგან დასკინტლული და თვალეშ-
დაკორტნილი.



თეონა ბექიშვილი

ნაცარი, კალაქელიანი ფესსაცმელები, გაჩეჩებები და სხვა

„ეს ქალი ძლიერმა კაცებმა დაღალეს...“

(კაპობარის მოთხრობიდან)

ჩემს შეყვარებულს გაუბაცდა ნაჭრილობები
დაღლილ სახეზე,
რომელიც მე არ დამიმჩნევია.
ჩემს შეყვარებულს გაუბაცდა დაღლილობა,
რომელიც მე არ დამიმჩნევია,
ჩემს შეყვარებულს გაუბაცდა სიყვარული,
რომელიც მე არ დამიმჩნევია.
ჩემს შეყვარებულს გადაუარა მკერდზე ბალახმა
და ის ბალახიც გაბაცდა და ჩაიფერფლა,
და ის ბალახიც არ დამირგავს მე მის საფლაგზე,
და არც არასდროს არ მინახავს მე ის საფლაგი,
და არც თვითონ ის არ მინახავს არასოდეს,
მაგრამ ნამდვილად არსებობდა და სახეზე იარაც ჰქონდა,
დაღლილიც იყო და სხვა ქალიც უყვარდა ალბათ,
და შერე, ერთიანად რომ ჩაიფერფლა, დამიტოვა სიყვარული,
რომლითაც მიყვარს,
რომელიც არის მონაჯონი
და უბრალო სულის შებერვითაც ისე შემიძლია გაუფანტო,
როგორც ნაცრის მსუბუქი გროვა.
ნაცარი კი შეიძლება მისი სხეულის კრემაციის შედეგადც იყოს
მიღებული, —

მე რა ვიცი, იქნება დაწვეს...
უცნაურია, როცა შენი სხეულის ნაწილი, თუნდაც თავი, არის ყუთი,
სადაც დროებით ასვენია სხვისი დამწვარი სხეულის ფერფლი,
რომელიც შენი შეყვარებულია,
და თან ისიც არ იცი, ცხოვრებაში რას აკეთებდა, რა ერქვა ან რა გვარი იყო,
და ამიტომაც არ იცი, რომელ ოჯახში მიიტანო,
როგორც ძვირფასი რელიქვია.
და დაატარებ, და არავის ეჭვი არა აქვს,
რომ შენი თავი არის ყუთი, რომელშიც შენი შეყვარებულის
ფერფლი ინახება,
და რადგან მისი ტარება დიდი ხანია გეუხერხულება,
ექებ ვინმეს,
ვისაც ეს ფერფლი რაიმეში გამოადგება.

I

სისულელეა ეს ყველაფერი, არ დაიჯერო.
 მე, მართალია, შემიძლია საკუთარ თავს შევთავაზო მსგავსი თამაში,
 მაგრამ ცხოვრებად ის ვერასდროს ვეღარ იქცევა
 და ვერ გასცდება თამაშის საზღვრებს,
 თუნდაც იმიტომ,
 რომ ეს მე ვარ, ზაფხულის ქალაქში მაღალყელიანი ფეხსაცმლით
 მოსიარულე,
 რომელიც, მართალია, ცოტას კი მაწუხებს,
 მაგრამ, სამაგიეროდ, ყურადღებას ვაქცევ
 და რომელიმე მეგობარს თავსაც შევაცოდებ საზაფხულო ფეხსაცმლის
 უქონლობით
 და თან, ამით იმასაც აღვნიშნავ, რომ ასეთ წვრილმანებზე
 ბევრად მაღლა ვდგავარ.
 სისულელეა, გარდაცვლილ უცნობს ასეთი ქალი ვერ შეიყვარებს
 და ეს თამაშიც ვერ გასცდება თამაშის საზღვრებს,
 თუნდაც იმიტომ,
 რომ მე ერთხელაც არ ვწოლილვარ ფსიქიატრიულ საავადმყოფოში,
 ერთხელაც არ გამიმეტებია ჩემი თავი ერთი ნამდვილი დეპრესიისთვის
 და ამისთვის ზომ უფრო მეტად არ გავიმეტებ.
 და ეს თამაშიც ვერ გასცდება თამაშის საზღვრებს,
 თუნდაც იმიტომ,
 რომ ეს თამაში გაქცევაა
 და თუ ნამდვილი და განცდილი მას მაინც ახლავს,
 ესაა ნაცარი,
 რომელიც ჩემს თავში მართლა ასვენია.

II

თმა გადამპარსეთ,
 თავის ქალა ამხადეთ და ფრთხილად გადადეთ!
 თქვენ ალბათ სადმე მოგემტებნებათ რომელიმე უკანასკნელი გამოშვების
 ჰუმანიტარული დახმარებით ჩამოტანილი დანადგარი,
 ჰოდა, გაბედულად დამანათეთ, მიკროსკოპი მოიმარჯვეთ და დამაკვირდით.
 აი, ნაცრის მსუბუქი მტკვრით მოხატული თხელი პროფილი,
 აი, მხრები, ვიწრო, გამხდარი.
 ნუ გაიოცებთ!
 მე ყოველთვის გავუბრბოდი მოდის ჩარჩოებს,
 მთელი ბავშვობა პრინციპულად არ ვუსმენდი ისეთ მუსიკას,
 რომელზედაც მთელი კლასი ლაპარაკობდა
 და ნებისმიერ სისულელეს შევიყვარებდი, რაც იმათგან გამომარჩევდა.
 იმ დროიდან დამეკარგა ჩემი ნამდვილი სურვილები
 და ახლა, რაღა გასაკვირია, რომ კაცს, რომლის სილუეტიც თავად იხილეთ,
 აქვს სასაცილო, ვიწრო, სუსტი, გამხდარი მხრები.
 ,იდექ რა დაგრჩათ უნახავი?
 მოკლე ფეხები, ოდნავ მრუდე, ოდნავ მახინჯი...
 მეტს კი, ალბათ, თქვენი ძვირფასი ხელსაწყოებით ვერ დაინახავთ.
 ახლა ისევ დამახურეთ თავის ქალა, ოღონდაც ფრთხილად —

ნაცარი, რაც უნდა იყოს, მაინც მტკვერია
 და ერთ ზედმეტ შექანებაზე შეიძლება აირიოს, გადმოიყაროს.
 მაშ ასე,

ფრთხილად დამახურეთ ისევ სარქველი,
 დანარჩენზე ნულარ შეწუხდებით, თავს ნუ დაიღლით,
 ყველაფერს წერილად მოგიყვებით,
 გამოგიტყდებით.

მე იმ კაცს, ვისი სილუეტიც ეს-ესაა თავად იხილეთ,
 დიდი, დიდი ხანია ვიცნობ,

სახელიც ვიცი, გვარიცა და მამის სახელიც, მისამართიც მოიძებნება...
 და თუკი მოკვდა (აღარ ვიტყვი — ჯვარი ეწეროს, ეს ისედაც იგულისხმება),
 ისიც ვიცი, ეს ნაცარი სად მავითანო, რომელ ოჯახს გამოადგება.

ის კაციც მიცნობს, კიდეც ვუყვარვარ, კიდეც მირეკავს
 და როცა უჭირს, უბოდიშოდ მაყრის მხრებზე თავისი სულის არტისტულ
 ნაკვას.

დღესაც ვიხილავ,

მომაკითხავს,

მომინახულებს,

თავის ბებერ მეუღლესთან ერთად მეწვევა,
 რომელზედაც ზუსტად ორი კვირის წინ იქორწინა.

მეც, რა თქმა უნდა, ისე ვუცდი, როგორც ძალღი ნანატრ ნასუფრალს
 და სრულებითაც არ მახსენდება, რომ მეც ქალი ვარ,

რომ მის ცოლზე პატარაც ვარ,

ლამაზიც ვარ

და საიმედოც

და სიყვარულიც უკეთესად შემომლია

და დედის როლიც, რომლის გამოც უკვე ქალად ვეღარ აღმიქვამს,

დიდი ხანია მომბეზრებია.

III

ჩემმა შეყვარებულმა

გუშინ,

შარშან,

ათი წლის წინათ შეირთო ცოლი,

მაგრამ ეს სიყვარულიც არის თამაში, ოღონდ უფრო ძვირფასი,

უფრო დიდხანს ნათამაშები

და სახიფათოც —

ამ თამაშისას შეიძლება უეცრად მოკვდე, სიკვდილი ხომ ყველგან

არის მოსალოდნელი.

მაშინ ფარდა არაფერსაც არ აეხდება

და პირიქით,

ეს თამაში, სხვებისთვის კი არა, ჩემთვის იქცევა ნამდვილ ცხოვრებად.

და ამიტომაც, სიკვდილამდე, მე მოგიყვებით,

რომ ყველა კაცი, რომელთანაც მსუბუქი თუ თითქმის მძიმე რომანები

მაკავშირებდა,

დალუპვის ზღვარს იყო მიმდგარი

და ჩემთანაც მაშინ მოდიოდნენ, როცა გადარჩენა სჭირდებოდათ,

დედა უნდოდათ,

და მეც მონღომებული ვპერწავდი მათი ცხოვრების დადებით შტრიხებს

და რაღა გასაკვირია, საბოლოოდ აღარც ერთი აღარ მომწონდა.
იმან კი, რომლის სახეც მსუბუქი ნაცრით მოიხაზა ჩემს არსებაში,
ფეხზე დამდგარმა და ბეჭებგამართულმა, აღარ ისურვა
საკუთარი უსუსურობის გახსენება
და მიმატოვა.

IV

ქალში, ალბათ, ცხოვრების წესით ყველაფერი შეიძლება ამოიშალოს.
მეც მუდმივად დედის როლი მიბიძგებდა დამვიწყებოდა —
სისუსტისა და ცოდვისთვის რომ ვარ შექმნილი.
და ამიტომაც, ერთი ცუდი ჩვეულება შემომეჩვია:
ჩემი სქესისთვის ზედმეტი და მიუღებელი:
შეხვედრის შემდეგ, პაემნის შემდეგ,
როცა რომელიმე კავალერთან
ბაღში ან კაფეში ვისაუბრებდით მისი ცხოვრების თუ ნერვების
სიოთულებზე,
სულ ყოველთვის მე ვაცილებდი
გაჩერებამდე, „მარშუტკამდე“, ავტობუსამდე.
იქნებ იმიტომ, რომ გამაჩნდა რაღაცა უცხო, მახინჯი და ქალისათვის
შეუფერები,
ანდა იმიტომ, რომ სასწრაფოდ ჩამომეხსნა იმათი ტვირთი.

დღეს უკვე სხვა ვარ,
ახლა უკვე, რომც მოინდომოთ,
ველარაფრით ვერ იქნებით ჩემზე ძლიერნი,
ვერც ჩემზე სუსტი ვერ იქნებით, და ვერც პატარა,
რადგან ყველანი თავმოყრილი ხართ
ერთ ავტობუსში, ერთ ვაგონში, ერთ „მარშუტკაში“.
ხოლო მე კი მისი მძღოლი სულაც არა ვარ.
ქვემოთა ვღვავარ, გაჩერებაზე,
ხელს გიქვევთ და ჰაეროვან კოცნებს გიგზავნით.
სულ ცოტა ხანში მე დაებრუნდები თქვენი უკანასკნელი გაცილებიდან,
მოკრჩები თამაშს,
დავიწყებ ცხოვრებას
და გეტყვით:
„ქალს არ ღლიან ძლიერი მამაკაცები!“



ქეთევან ტაბაღუა

აქ სიკვდილის ფერი
ასე მძაფრად დამღევს,
რომ სიცოცხლეს ვწყველი
და სიკვდილის გამჩენს...

მომაწვდინე ყელი,
საფრთხოების შიშით
ჩემი თეთრი ჩიტი
საგულედან გარბის...

არ გეძებდი, თითქოს ბედად
გნახე და კვლავ გინატრე,
დაეხურა სივრცეს ქუდად
ქარვისფერი სინათლე...

ერთი ფერი, ორი ფერი...
შენ არც ერთს არ გაგზარო...
მირაჟები, მირაჟები,
მირაჟების სამყარო...

ბედნიერი ვარ, წვიმების მერე
მზე რომ ამოდის, ბედნიერი ვარ;
ბედნიერი ვარ, სირცხვილის შემდეგ
ღირსებას ჩემსას შევივარძნობ როცა;
ბედნიერი ვარ, გათოშვის შემდეგ
ოთახში სითბო დამხვდება როცა;
ბედნიერი ვარ, სიკვდილის მერე

ბაღის უცოდველ სახეს რომ ვუმზერ;
ბედნიერი ვარ, ღალატის მერე
ნუგეშის სიტყვა რომ მხვდება გულზე...

ბედნიერი ვარ, წვიმების მერე
მზე რომ ამოდის,
ბედნიერი ვარ!

ისე მიქრინხარ თავაწყვეტით,
თითქოს სივიჟე მოგრეოდეს,
თითქოს უფსკრულში ეშვებოდე...
სხვებმა კი უკვე კარგა ხანია მოირგეს
ზომიერი ალვირი
და იკვებებიან განაწილებული ხორციით,
სალამს და ღიმილსაც განაწილებით იმსახურებენ,
თვითონაც ზომიერად ანაწილებენ ღიმილს...

გამოტყდი, რომ გსურს მშვიდი ცხოვრება,
სცადე კიდევ, მაგრამ რა,
არა შეჯდა მწყერი ხესაო...
ისევ შენსას მიერეკები,
თითქოს ვილაცის მძლავრი ხელი
გებიძვებდეს
შენი ნების წინააღმდეგ...

გზა მშვიდობისა! —
 მოგძახის ვიღაც,
 ირონიაც იკითხება ამ მოძახილში,
 შენ კი იჯერებ გულწრფელობას,
 ხოლო ირონიას მოგონილად თვლი
 და მიქრიხარ...

გზა მშვიდობისა! —
 მისძახი საკუთარ თავს,
 გზა მშვიდობისა, ხეებო,
 გზა მშვიდ...
 ვეღარ ამთავრებ,
 უკვე წერტილებივით მოჩანან
 ხეებიც და ადამიანებიც...

...კვლავ მიქრიხარ,
 თითქოს სიგიჟე მოგრუოდეს,
 თითქოს უფსკრულში ეშვებოდე!..

●
 მოვისწარი, სად გექმდები
 თურმე და სად მხვდებოდი,
 ვაი, მაშინ თუნდაც წამით
 რომ დამგვიანებოდა...

მე მოვედი, ცვრიან ბალახს
 ვაჩნევ კვლავ ნაფეხურებს,
 ჩემი სახლის ღია თვალი
 ვუღუბრყვილოდ მიეურებს.

●
 ვაი, ნაადრევო სიხარულო,
 რა მალე ჩამოგეკეცა ფრთები,
 რა მალე მოგეკეცათ მუხლები,

რა მალე შეეყინე ტუნებს...
 ვაი, ნაადრევო სიხარულო!..



მარინე რჩეულიშვილი

მწერალ გურამ რჩეულიშვილის სსიპრეზა-შემოქმედებისათვის

აი, დადგა დრო... აღარა ვარ უკვე კარგი დედა, არც ბებო, არც პაპიდა, არც მამიდა, არც ბიცოლა, არც შვილი, არც მეუღლე, არც რძალი, არც დედამთილი, არც სიდედრი, მით უმეტეს — ამხანაგი, მეგობარი...

მახსოვს, ღიღი ხნის წინათ, სწორედ ასე დალია ერლომ ახვლედიანის დაბადების დღის აღსანიშნავ წვეულებაზე ჩემი სადღევრძელო ვოკი ოჩიაურმა — როგორც დედის, დის, მეუღლის, შვილის და სხვა, და მე გულში მაშინვე დავეთანხმე. მოხდა მთლიანი დამთხვევა მისი სიტყვებისა ჩემს დაშლილ „მე“-სთან. ერთხელ კი, როდესაც სხვამ დალია ჩემი სადღევრძელო ჩვეულებრივ სუფრაზე, როგორც მარინე რჩეულიშვილისა, და რატომღაც საგანგებოდ აღნიშნა კიდევ, რომ სვამდა სწორედაც მარინე რჩეულიშვილის სადღევრძელოს და არა სხვა და სხვა, საშინლად გამიკვირდა; მაშინვე სიღრმიდანვე შევივრძენი ათასად დაშლილი ჩემი თავი, რომელიც არ არსებობდა არათუ სულიერად, არამედ ფიზიკურადაც კი. გავაცნობიერე ეს შეგრძნება და გაკვირვებულმა შევხედე სადღევრძელოს ავტორს, რომელიც მე, როგორცა ჩანს, მიუხედავად ყველაფრისა, აღმიქვამდა კიდევ, როგორც მთლიანობას. ისევ შევივრძენი ჩემი არარსებობა, ინერტულად გავიხედე წინ,

ხალხით სავსე სიცარიელეში, რომელიც ნისლივით მქონდა გარშემორტყმული და ჩემი აღდგენის, შეკრების შესაძლებლობა სრულ უაზრობად და სასაცილოდაც კი მომეჩვენა. არქივზე მუშაობის დაწყებიდან დიდი ხნის შემდეგ, როდესაც უკვე ჩემი ძმის ბიოგრაფიის 1956-1957 წლები უკან მოვიტოვე და 1958 წლის აგვისტოში დაწერილ „ძაგანას“ ხელნაწერს ვუტრიალებდი, სრულიად მოულოდნელად, შამას მიერ დაჭრილ ძაგანასთან ერთად კიბეზე აფოფხებისას ფეხი წამოვკარი რაღაცას, დავეცი და აი, ისევ სრულიად მოულოდნელად, ძაგანას კვალდაკვალ აღვიქვი ჩემი არარსებული თავი და საშინლად შემეცოდა იგი. ამის შემდეგ ძალიან ბუნებრივი მომეჩვენა ძაგანას ფესტი, რომელმაც ნაზად და სიყვარულით დაისვა თმაზე ხელი და მაშინ იყო სწორედ, რომ მეც, მასთან ერთად, თვალები ცრემლებით ამევსო. ეს იყო და ეს... ამ შეგრძნებას უკვალოდ არ ჩაუვლია და თანდათანობით, წლების განმავლობაში სხვადასხვა თავებში ჩაკარგული ეს ჩემი თავა წამოიმართა როგორც სიმკვრივე, გარკვეული ფორმა, სულისა და სხეულის ერთიანობა, და უეცრად, ერთ მშვენიერ დღეს, ძალუმაღ შევივრძენი ჩემი ათასად დაშლილი თავებისაგან განთავისუფლებული „მე“, სხვადასხვა თავებისაგან ინტეგრირებული მთლიანობა, რო-



მელიც გათვითცნობიერებულად ანუ მთელი გრძნობა-გონება-ცოდნით იღვა „სხვის“ წინაშე. ეს „სხვა“ იყო ჩემი ძმა:

მე — სხვა;

მე — ჩემი ძმა;

და რატომღაც, საიდანღაც დაიძრა ახალი შეგრძნება, რომ თუ შევეძელი ჩემს ძმასი გადასვლა ერთი წამით მაინც და იქიდან თუნდაც ერთი სიტყვის თქმა, თუნდაც, უბრალოდ, ხმის ამოღება, ამოიხვრა, დაყვირება... მაშინ მე შევეძლებ... და აქ რაღაც გაურკვეველი მოლოდინით შეშინებულმა, როგორც სიზმარში ხდება ხოლმე, „გამოვიღვიძე“. ამ მომენტიდან მოყოლებული თანდათანობით მომეშვა ჩემი მუღმივი თანამგზავრი — დაღლა და სრულიად უაზროდ მომეჩვენა ერთი კითხვა, რომელიც მთელი ჩემი შეგნებული ცხოვრების, ყველა ჩემი მოქმედების უხილავი ლეიტ-მოტივი იყო: „ნეტა ამას გრძნობით ვაკეთებ თუ გონებით?“ ეს ორი ცნება: „გრძნობა“ და „გონება“ ჩემში მუდმივ უპოვებლობაში იყვნენ — ერთმანეთს ხან უპირისპირდებოდნენ, ხანდახან მთლიანად გაორიციხავდნენ, ხან კი მაღამოდ ეფინებოდნენ, მკურნალად. ამიტომ გახდა ჩემთვის გასაკები ღორდ ჰენრის სენტენცია „ღორიან გრედან“: „გრძნობა კურნავს გონებას, აზრს და გონება კი გრძნობას“ — დაახლოებით ასე იყო გამოთქმული ეს აზრი რომანში. მახსოვს, ლარსის ქუჩაზე, როდესაც ამ ფრაზას გადავაწყდი, შუშაბანდის ტახტზე მუთაქას მიყრდნობილი, ფეხბორთხმული, ინგლისურად ვკითხულობდი ამ რომანს და თან გამალებით ვიწერდი ახალ-ახალ სიტყვებს ჩემს ლექსიკონში. გურამი თავის ოთახში იყო, მკონი მუშაობდა. დაეკაზე და ხმამალა წაუკითხე ჩემი „ადმოჩენა“, „ზუსტი აზრი“, რომელიც მთლიან თანხმობაში იყო არათუ ჩემს იმწამიერ განწყობილებასთან, არამედ მთლიანად ჩემს არსებობასთან. და სამინლად გამიკვირდა, რომ ოთახიდან გამოსული ჩემი ძმა ამ „ერთადერთ სიმართლეს“ არათუ გამოეხმაურა, არათუ მიიღო, არამედ თითქოს პი-7. „ცისკარი“ № 5-6.

რიქითაც კი... მაშინვე ვიგრძენი, რომ სამინლად დაიძაბა, თითქოს მართლაც დასაფრუტუნებლად ემზადებო, მერე გაიხვრა საღლაც, შორს, შუშაბანდის ფანჯრებს იქით და თავისთვის, დაბალი ხმითა თქვა: „არ არის სწორი, ეგ სხვა... ვნებად ქცეული გონება... აი, რა არის მთავარი... გონებას გრძნობა კი არ კურნავს, არამედ გონება იქცევა გრძნობად, ვნებად. გახსოვს ჰამლეტი?! აზრი არის ყველაზე დიდი ვნება. მე ამას ვაჩვენებ... ვნახოთ...“ მახსოვს მაშინდელი განცდა: ოსკარ უაილდის ყოველდღიურობიდან, ლორდ ჰენრის ცნობილი ბრწყინვალე პარადოქსებიდან, სენტენციებიდან, თურმე საყოფაცხოვრებო ლოგიკიდან, უეცრად როგორ აღმოვჩნდი სულ სხვა სამყაროში, რომელშიც არაფრის გამოყოფა-გამოცალკეება არ შეიძლებოდა. რომელშიც მთლიანად იყო ადამიანი, რაღაც პირველყოფილი მოლიანობითაც კი. ან იყავი იმ განხორცილებაში ან არ იყავი საერთოდ. იქ სანახევროდ ყოფნა არ შეიძლებოდა. სამყარო, სადაც ერთი ნაწილი მეორეს კი არ კურნავს, არამედ ერთი მეორეა თვითონ. ეს არ არის ახლანდელი ანალიზი, განცდა. ამ სიტყვების თქმისთანავე გურამის მართლაც რომ ვნებადქცეული გონებიდან ვიგრძენი მისი სიტყვების სიმართლე. ეს უეცრად ნათქვამი ფრაზა თავისთავად, ძალდაუტანებლად ჩამრჩა გონებაში. ბევრჯერ დავუბრუნებია მასთან რაღაც, თითქოს სრულიად უმნიშვნელო ცხოვრებისეულ სიტუაციას, აზრს... და ძალიან ხშირად, ან იშვიათად, სულ ერთია, ეს ფრაზა ყოფილა ჩემი მეგზური რაიმე ცხოვრებისეული სიტუაციის ან საღლაც ამოკითხულ-გაგონილი რაღაც აზრის თუ განცდის სამყაროში შესასვლელად... ხანდახან ისეც, სრულიად მოულოდნელად, რატომღაც, რაღაც მებრუნებდა ხოლმე სულ სხვა სამყაროდან ნათქვამ სიტყვებთან, მაშინ ჩემს დანაწევრებულ, ბუნდოვან ყოველდღიურობაში რომ შემოიჭრა, როგორც ახლა ირკვევა, გურამის მოთხრობა „ნადირობის“ ორი წერტილივით (:), რო-

მელსაც მოჰყვა შემდეგ რჩეულიწვილის მოვლი ცხოვრება-შემოქმედება.

მახსოვს, მაშინ გურამს კუბოკრული პერანგი ეცვა, მოყავისფრო-მოლურჯო ფერის, ჩამოშვებული სახელოებით, შეუკვრელი მაჯებით, როგორც უყვარდა. ამ პერანგითაა აღბეჭდილი სამხედრო ბანაკიდან გამოგზავნილი ერთ ფოტოსურათზე. ეს დეტალი, გარდა თვითონ შინაარსის პლანისა, მაფიქრებინებს, რომ დაახლოებით 1956 წლის ადრე შემოდგომა უნდა ყოფილიყო. გურამი სამხედრო ბანაკიდან აგვისტოში ჩამოვიდა. აგვისტოში კი მე თბილისში არასოდეს არა ვყოფილვარ. ეს ის პერიოდია გურამის შემოქმედებითი ცხოვრების ისტორიაში, როდესაც იწერებოდა „ცქიტო“, „სიყვარული შემოდგომაზე“, „სიყვარული გაზაფხულზე“, და სხვა. ჯერ დაწერილი არ იყო ცხენების ციკლის არც ერთი მოთხრობა („სალამურა“, „თვირთვილა“ და სხვა მოთხრობები დაიწერა 1956 წლის გვიანი შემოდგომით); როგორც შემდეგ გაირკვა, გურამი დასაწყისშივე ემზადებოდა „იულონის“ შესაქმნელად, რომელიც თავისი ფორმა-შინაარსის მთლიანობაში, შეიძლება ითქვას, მართლაც „ენებადქცეულ გონებას“ წარმოადგენს. აი, ფრაზა „იულონიდან“, სადაც ამის შესახებ პირდაპირაა ნათქვამი: „არ არსებობს ენება აზრზე დიდი და შებრუნებით: აზრი არის ენებათა შორის ყველაზე დიდი ენება“. მას შემდეგ, რაც ეს მოგონება ჩავიწერე ცალკე ფურცელზე, არქივში აღმოვაჩინე გურამის პატარა ჩანაწერი, რომელიც გაკეთებულია 1956 წლის ივნისში: „მეორე დღეა ვკითხულობ ოსკარ უაილდს („ΠΙΓ“). ვებმები ლორდ ჰენრისა და ლორიან გრეის საუბარში. მაქვს ჩემი აზრები, ვეკამათებ...“ ასეთი მომენტები მაფიქრებინებს, რომ ქრონოლოგიური ჩარჩოს აგებისას, სხვა დამამტკიცებელ საბუთებთან ერთად, შემიძლია დავეყრდნო ჩემს სხვაგვარ ბუნდოვან მეხსიერებას, რომელსაც აწესრიგებს ინტუიცია. ინტუიციას? (შემეშალა მხოლოდ

ორი თვე! როგორცა ჩანს, ეს ამბავი იყო გურამის ბანაკში წასვლამდე...).

მაშ ასე:
ვიცი, რაც აღარა ვარ და ტვირთად მაწევს თვითიული ცალ-ცალკე... ეს მოხდა მას შემდეგ, რაც ცხოვრების, ყოფის, აწყო დღის წრიალიდან მოულოდნელად აღმოჩნდი იმ საოცარ მორევებში, მთის მდინარეებში, წყალვარდნილებში, განუსაზღვრებლად დღეებში, თვალუწვდენელ უდაბნოში, რომელსაც რატომღაც რეტროსპექტია ქვია... მას შემდეგ როგორც გიჟი, არანორმალური, საიდუმლო, ჩუმი სიხარულით შეპყრობილი მივიკვლეე გზას აწმყოს სიბნელეში, რომელსაც სუსტ სხივსა ჰყვენს ჯერ მხოლოდ შორეული წარსული...

და აი, უეცრად, ამ რეტროსპექტულ ჩანჩქერებსა და წყალვარდნილებში, ამ „ბროლის მდინარეებში“, ამ უდაბნოში გამოჩნდა იალაღი... გამოჩნდა საოცარი, მწვანე მინდორი, ხასხასა მწვანე, დაბალი, ოდნავ ნამიანი ბალახი, რომლის საოცარ სიმშვიდესა და ზომიერებას არ არღვევს არათუ ჯიუტად ავარდნილი სქელფლორტიანი ან ეკლიანი ყვავილი, არამედ სუსტი შროშანაც კი... ო, რა სიმშვიდეა... ო, რა ზომიერებაა... ო, რა პარმონიაა... ეს ის სიწმეე არ არის, რომელიც ათას ხმად კვრავინავს, რომლისაგანაც თავის დასაღწევად ყურებზე ხელს იფარებ და არაჩვეულებრივი სისწრაფით გარბიხარ მანქანებით სავსე ქუჩებში, ტრამვაი-ტროლეიბუსების ხმაურში, და ხშირად, მხოლოდ ქალაქის ცენტრში აქეთ-იქით უაზროდ მორბენალ უცნობ ხალხსა და მანქანებს შორის, მოულოდნელად აღმოჩნდები შუა იალაღზე და საიდანღაც შენში, ისე, როგორც ახლა, დაიძრება, ათამამდება მოცარტი — სავსე იუმორით, ხალისიანი ხუმრობებით, რაც სრულიად არ გულისხმობს „ბოროტ კაცს“ („შენ გინდოდა პოემა დაგწერა უბოროტკაცოდ?“ — „ორინა და მე“—დან). ის საკვირველად არ გადის იალაღებიდან, რომელიც სრულიად მოულოდნელად გამოჩნდა ტალღოვან მთებს შორის... ის მთიდან მთაზე, დაბრკოლებების გადალახ-



ვით კი არ გადადის, უფსკრულში ჩა-
ვარდნებით, საიდანაც ამოსვლა უკვე
ყველას არ შეუძლია... არამედ ლაღად,
მსუბუქად გადაგორდება ერთი მთიდან
მეორეზე, მსუბუქად მოხაზავს მხოლოდ
უფსკრულის კონფიგურაციას ჰაერში,
აღიარებს მის არსებობას. მისი უფსკ-
რულში ჩასვლა მხოლოდ ბუნებრივი,
ადვილი ამოსვლის ნაწილია... ეს მო-
ცარტია... ო, რა ადვილია, რა ნათელია,
რა ბუნებრივია სამყარო!...

აი, სურათი:

მწვანე იაღლი ტალღოვან მთებს
შორის... ამ იაღლიზე მუხლებში ოდნავ
გაღუნულ მაღალ ძლიერფეხება ხუჭუჭ-
ფაფრიან კვიცს დაუსრიაა ვრძელი, ღო-
ნიერი კისერი, ლაშაზი, კოხტა, პატარა
თავი და ვარინდებული ისრუტავს ნამი-
ანი ბალახის ვემოს... წყნარად, მშვიდად
ატრიალებს სუფთა ლაშებში, უბრა-
ლოდ — არც იცის, სიხარბე რა არის...
იაღლი ფართოა, თვალუწვდენელი,
ტალღოვანი მთებიც კი ძირს ეშვება მი-
აზღოებისას მის საკუნტრუმოდ, მის
გასახარად, თუ მთაზე ასვლა არ მოუნ-
დება ნებიერას... ბალახი მისთვის ინა-
მება განთიადისას, მისთვის ამოღიან
სამყურები, უნაზესი ბალახები, მის გამო
არ აცხუნებს მზე, მის გამო უშვებს
ზომიერ სხივებს და მის გამო უტოვებს
ბალახს წვეს... იაღალებზე ნებიერობს
ცხენი... კარგად შეიწოვე, ულაყო, სიგ-
რილე, კარგად იკუნტრუმე, აისრილე,
აყარე ტლინკები, იჭირვეულე... მერე
დავორდი რბილ ბალახზე... მერე ჩადი
მდინარეზე, ჩაღეკი შიგ ფეხებით... ბე-
რი სიგრილე გჭირდება, იცოდე... ძლი-
ერი კუნთები გჭირდება, იცოდე... იცო-
დე... იცოდე... მიეცი თავი ახლა ვანც-
ხრომას...

ძოვს ცხენი ბალახს ხევსურეთის
ტალღოვან მთებს შორის... იწოვს კვი-
ცი ნამიანი ბალახის სიგრილეს ხევსუ-
რეთის სერებზე... სავსეა გარემო „ჯა-
დოსნური ფლეიტის“ ხმებით... მაგრამ
აი, საიდანღაც გაისმის სკარლატის სო-
ნატის ხმები, ცოტაც და მწყემსიც გა-
მოჩნდება შორს, მთის ფერდობზე თა-
ვისი სალაპურით, რომელზედაც ამ პას-

ტორალს აწკრილებს... პატარა მწყემსი
ზურგზე მოდებული თეთრი, ხუჭუჭა,
ცხიმიანი, ბზინავი ქურქით ძალიან ნე-
ლა გადაადგილდება მოძრავ, თეთრ,
მრგვალ მასასთან ერთად ბარისახოს და-
ბალმთიან სერებზე... სკარლატის სონა-
ტის ხმები ძლივს აღწევს პატარა კვი-
ცის ყურამდე, მაგრამ მას არაფერი გა-
მოეპარება. თავს აწვეს ზევით, დაბერილ,
სუფთა ნესტოებს ათამაშებს, მხიარუ-
ლად დატკვეტს ყურებს და ხარბად შეი-
წოვს მუსიკის ჰანგებს... საამოვნების
ნიმნად აკუნტრუმდება კიდევ, ტლინ-
კებს აყრის, ვაგორდება. მერე ისევ გა-
ინაბება... საამოვნებს იმ ჰანგების მოს-
მენა, რასაც თვითონ ის-ის იყო მღერო-
და გულში....

მაგრამ იქამდე, სანამ გავიხსენებ თუ
როგორ წავიდა 16 წლის გურამ რჩეუ-
ლიშვილი ხევსურეთში, როგორც პიო-
ნერთა სასახლის კომპლექსური ექსპე-
დიციის ერთ-ერთი წევრი თბილისის
სხვადასხვა უბნებში გაბნეულ სკოლის
მოსწავლეებთან ერთად, სანამ გავიხსე-
ნებ ზაფხულის იმ დღეებს, როდესაც
ის, როგორც არენაზე, წარსდგა თავისი
ტოლ-ამხანაგებისა და უფროსების წი-
ნაშე, მიინდა გავაგრძელო ჩვენი ყოველ-
დღიური უამბო ამბები, გავიხსენო ის კა-
ლაპოტი, რომელშიც ვიყავი ჩასხმული
და საიდანაც თავის ამოყოფა კატეგორი-
ულად მქონდა აკრძალული...

მაშ ასე!

ჩემი პირველი მუსიკის მასწავლებე-
ლი ცხოვრობდა სადღაც, კლარა ცეტიკი-
ნისა და კალინინის ქუჩების გასაყარ-
თან, მაღალ, მდიდრულ ორსართულიან
სახლში. როგორც კი დავრეკავდით სა-
დარბაზოს კარს, მაშინვე გაისმოდა რა-
ღაც ჭახუნისმაგვარი, თავისუფლდებო-
და დაბმული კარი და მაღალი, გამყინავი
მკაცრი ხმა იძლეოდა ბრძანებას:
„Войдите!“ არ ვიცი, მეჩვენებოდა თუ
მართლაც ასე იყო, რომ დედაჩემი შეში-
ნებული შედიოდა ამ უცნაურ სახლში.
ჩემი მასწავლებლის გვარი იყო პოლტო-
რაცკაია, ტატიანა პოლტორაცკაია: უც-
ხო გვარი, უცხო სადარბაზო კარი, უც-
ხო ჩვეულებები ფეხის გაწმენდის, პალტოს

გახდის, მომრგვალებულ კიბეზე ასვლის, მოსაცდელად განკუთვნილ რბილ სავარძელში ჩაჯდომის დროს (რომ არ გაუფუჭებულიყო თუ დაჭმუჭნულიყო რაღაც, თუ წინა მოსწავლეს ჯერ არ ჰქონდა დამთავრებული დაკვრა). დანჯღრეული ძველებური შრედები იდგა მეორე სართულზე, მაღალ, წვრილ ფანჯარასთან — ამ ოთახისმაგვარ ჰოლში, სვარძლები კი რიკულებიან მოაჯირთან სახელდახელოდ დაყენებული შემინული კარის გვერდით, სადაც, როგორც ჩანს, სათავსოები უნდა ყოფილიყო, რადგან იქიდან ხანდახან წყლის ჩხრიალი მოისმოდა. პიანინოს მოპირდაპირე მხარეს, მაღალი, ინკრუსტირებული ძველებური კარის უკან, ტატიანას თქმით, მოთავსებული იყო იშვიათი ხმის მქონე თეთრი საკონცერტო როიალი, ბეჰშტეინი. ხანდახან ამ ოთახიდან ფორტეპიანოს ხმები ისმოდა. ტატიანას ყველა მოწაფემ იცოდა, რომ იქ კონცერტების წინ მეცადინეობდა მისი საყვარელი მოსწავლე ოთარ კაიშაური, რომელსაც მუსიკოსისათვის ბევრი სხვადასხვა ნიჭი ჰქონდა: მუსიკალურობა, ბუნებრივი ტექნიკა, არტისტულობა... ტატიანას თქმით, ამ ნიჭებს შორის მნიშვნელოვანი იყო ოთარის სიმძლევ. (ეს ის მუსიკის მასწავლებელია, რომელმაც, თუ მკითხველს ახსოვს, საკმაოდ უხერხულ მდგომარეობაში ჩავარდნილ დედამემს ერთხელ უსაყვედურასავით: «Она для музыки слишком высокая. Могут подумать, что ей десять лет или даже двенадцать... когда ей только восемь. Подумайте сами...») და თითქოს შევეცოდეთ, ზურგზე ხელი მომიოთახუნა). ოთარის სიმძლევ კონცერტების დროს მართლაც საოცარ ეფექტს ახდენდა: „რა პატარაა და რას აწკრიალებს ამ პატარა ხელებით, თან რა ძალით! ნახეთ, რა ხმაძალდა იღებს აკორდებსაც კი“, — ამბობდნენ მუსიკაში უფრო გაწაფული მშობლები. ეშმაკობა იყო იმაში, როგორც ერთხელ ტატიანამ თვალის ჩაკვრით მიაქცევინა დედამემს ყურადღება, რომ ოთარს, მართალია პატარა ხელები ჰქონდა, მაგრამ

სინამდვილეში პატარა, მოკლე ჰქონდა მხოლოდ თითები, თვითონ მტყეანი კი ჰქონდა საოცრად განიერი, რაც საშუალებას აძლევდა თავისუფლად აეღო ჯერ კიდევ დაწყებით კლასებში დო-მი, ანუ ოქტავაზე მთელი ორი ბგერით მეტი. გრძელი თითები არც იყო სახარბიელო და მაინცდამაინც საჭირო პიანისტისათვის, როგორც ერთხელ ტატიანამ თქვა; მათ შეეძლოთ ვარკვეული დაბრკოლებებიც კი შეექმნათ. პატარა ბიჭი თეთრი პერანგით, შავი „ბაბოჩკით“, მოკლე შარვლით, ხანდახან ჩვენს იქ ყოფნაშიც ამოირბენდა ხოლმე უცხო კიბეს და უჩინარდებოდა ინკრუსტირებული კარის უკან. ვხედავდი დაუნახავდაც, რომ ტატიანას მის დანახვაზე დაწყები უფაკლდებოდა. მაშინვე ვიცოდი, რომ ეს სიამაყისაგან და თავისი იმედისმომცემი მოსწავლის განსაკუთრებული სიყვარულიდან მოდიოდა. ტატიანა სულ შეუმჩნევლად გაუდიმებდასავით ოთარს, მერე დედაჩემს ჩაუკრავდა თვალს და მხარზე ბიძგით მაგრძობინებდა, რომ მიმეხედა ჩემი საქმისათვის, გამეგრძელებინა დაკვრა... მერე ისევ თვალის ჩაკვრით ატყობინებდა დედაჩემს, რომ ოთარი იმ დღეს უკრავდა კონცერტზე...

პოლტორაკაია ლამაზი, მაღალი, უზარმაზარი ბიუსტით, რალაცანიარად ნახევრად ჩამოშლილი და სანახევროდ ზევით აწეული, შუბლზე ჩახვეული თმით, მაღალი, აპრეხილი თეძოებით, რომელზედაც ლამაზად ჰქონდა მორგებული განიერსახელოიანი მოშინდისფრო, ფართო ყვითელყვავილებიანი გრძელი ხალათი, აპრეხილი ცხვირით, აპრეხილი მხრებით, საკმაოდ ფართო ბრტყელი უკანა ტანით („დააკვრდი, — მითხრა ერთხელ ჩემმა ამხანაგმა, — ყველა მუსიკის მასწავლებელს აქვს უზარმაზარი უკანა ნაწილი და, თან ბრტყელი. იმიტომ, რომ მთელი დღე როიალთან სხედან“.) კვირაში ორჯერ იჯდა ჩემს გვერდით, ძველებურ სკამზე და ოდნავი ბიძგით მხარში მანიშნებდა დაკვრის დაწყებას. მე ვიწყებდი დაკვ-



რას, ტატიანა კი მრავალმნიშვნელოვანი, უცნაური ღიმილით და თითქოს გაბზარული ხმით — რაღაცების მოყოლას. ცალი თვალით ვხედავდი, რომ ოჯახის საქმეს მოწვევითი დედანეში დაღლილი, უინტერესო სახით ხშირ-ხშირად აქნევდა თავს იმის ნიშნად, რომ უსმენდა. მერე პოლტორაცკაია ავად გახდა დიდი ხნის განმავლობაში. დედამ დროებით გადამიყვანა სხვა მუსიკის მასწავლებელთან, რომელსაც ზურგზე პატარა კუზი ჰქონდა... მასაც, მართალია ბევრად უფრო გამძღარ ტანზე, ეცვა თითქმის ისეთივე ცრემლი წითელ-ალისფერ ატლასის ყვავილებიანი, ფართოსახელოიანი ხალათი, ისევე ჰქონდა თმა-სანახევროდ ჩამოშვებული და სანახევროდ მაღლა აწეული; ჰქონდა ისეთივე, გრძელი, წითელ-ალისფერი მომრგვალებული ფრჩხილები, რომლებიც რომელიც უცნობი ფრინველის კლანჭებს მაგონებდა ხოლმე; ისიც, ტატიანასავით, უეცრად დგებოდა სკამიდან და რაღაც კარის უკან უჩინარდებოდა ცოტა ხნით (არ არის გამორიცხული, რომ იმ კარის უკანაც სათავსოები იყო და მასწავლებლებს უეცრად ახსენდებოდათ ნათქვამზე შემოდგმული სადილი). ეს მასწავლებელიც ისევე უცნაურად იღიმებოდა, ისევე მიბიძგებდა და ჩემი დაკვრის ფონზე ესეც გაუთავებლივ უყვებოდა დედას თავისი ოჯახის ისტორიებს. პოლტორაცკაია გამოჯანმთელდა, მაგრამ დედამ, დეიდა ანიჩკას რჩევით, გადამიყვანა სხვა მასწავლებელთან, „უპრეტენზიო“ ქალთან, ივლიტა ყანჩაველთან, რომელიც ჩვენი სახლიდან სულ ორი ფეხის ნაბიჯზე ცხოვრობდა: იქვე, კლარა ცეტკინის ქუჩაზე, ყრუ იავორას გვერდითა ღია ეზოში. დედას ამისათვის საოცარი დიალომატია დაჭირდა, როგორც თვითონ ყვებოდა ხოლმე. საჭირო იყო ისე მომხდარიყო ყველაფერი, ანუ ჩემი გადაყვანა სხვა მასწავლებელთან, რომ არავის არა წყენოდა, არავის არ გაკვირვებოდა, შარი არ მოედოთ. ივლიტას, სხვა მასწავლებლებისაგან განსხვავებით, ჰქონდა გვერდზე გადავარცხნილი, უკან ჩახვეული ჭადარა,

ტალივანი თმა, როგორც ძველებურ პორტრეტებზეა ხოლმე, რაღაც თითქოს მორცხვი ნაღვლიანი, რაღაცაში დამნაშავე ადამიანის ღიმილი. მუსიკის მასწავლებლები, ისე, როგორც თვითონ მუსიკის გაკვეთილები, მაშინ მყარი ფორმით გამოირჩეოდნენ. ასეთი იყო დანჯღრეული, ძველებური, გინდაც შეიძლება თანამედროვე, მაგრამ მაინც ყავისფერ ოდნავ გაწევილ კლავისებიანი პიანინო, რომელთანაც მუდმივად მიდგმული იყო ორი სკამი: ერთი პირდაპირ იდგა პიანინოსთან, ამ სკამზე ყოველთვის ეწყო სქელფიან ნოტების მთელი დასტა, რომელსაც, მოსწავლის სიმადლის მიხედვით, ან აკლდებოდა ან ემატებოდა ნოტები. მეორე კი ირიბად იყო მიდგმული ინსტრუმენტთან; ამ სკამზე თითქმის აუდგომლად იჯდა მასწავლებელი, თუ არ ჩავთვლით ხანმოკლე გავარდნებს გვერდითა ოთახში. მოსწავლის დაჯდომისთანავე მასწავლებელი ხელში იღებდა ნოტებს, დღიურს, რომელიც მუსიკის გაკვეთილების აუცილებელი ნაწილი იყო; ეს დღიურები, რომლებშიც ხანდახან მასწავლებელი ნიშნებს მიწერდა, ძალიან მიყვარდა. ის რაღაც განსაკუთრებით ამნიშვნელოვნებდა მუსიკის გაკვეთილს, თუმცა მასწავლებლის შენიშვნების ამოკითხვა არც ისე ადვილი იყო არა მარტო ჩემთვის, არამედ დედაჩემისთვისაც კი. შემდეგ მასწავლებელი არჩევდა ამ ნოტებიდან ერთ-ერთს, ღებდა პიუპიტრზე, მერე გადაშლიდა, მერე მხარზე ოდნავ ბიძგით ანიშნებდა მოსწავლეს დაკვრის დაწყებას, და თუ არაფერს უყვებოდა იქვე ჩამომჯდარ მშობელს, დღინ-ღინით იწყებდა მოსწავლესთან ერთად მარჯვენა ხელით დაკვრას. ხანდახან თავისუფალ ხელს ურტყამდა ინსტრუმენტს, მარჯვენა ფეხს კი იატაკს, თითქოს მოუთმენლად ცდილობდა მოსწავლის დაქოქვას, რომლის თითები, გვერდებზე ვიბრზე, დაბორკილებივით მოძრაობდნენ საოცრად წებოვან კლავიატურაზე. მახსოვს შეგრძნება რაღაც უმწეობის, გაჭყლეთილობის, თითქოს რაღაცებს შორის მომწვედულობის (ძვინი, მას-

წავლებელს, კედელსა და ინსტრუმენტს შორის, საიდანაც ძლივს, ყრუდ ისმოდა ჩემი სუსტი დაკვრის ხმა). ასე ღლინ-ღლინით (ხანდახან ეს ღლინი — ნამდვილ, ხშიან სიმღერაშიც გადადიოდა) ვუკრავდი ჯერ ბახს, მერე ეტიუდებს, მერე სონატას და, ბოლოს, პიესას. ხანდახან მასწავლებელი ჩერდებოდა და გაბრაზებით, სქელი, ლურჯი ფანქრით ავლებდა წრეს რომელიმე ტაქტის გარშემო. ხშირად მეორე გაკვეთილზე იგივე ტაქტს სქელ წითელ წრეში აქცევდა, მესამეზე ზედ ძახილის ნიშნებს აწერდა. საბედნიეროდ, ამასობაში უკვე ზეპირად ვიცოდი იმ წრეში მოთავსებული ნოტები, რადგან მათი ამოკითხვა თანდათანობით შეუძლებელი ხდებოდა. ასე ჩავათავებდი ზოლმე მოწაფეება მთელ პროგრამას. მერე დედა სწრაფად იღებდა დლიურს, ნოტებს ბრტყელ ოთხკუთხა საწოტო ჩანთაში დებდა (მრგვალი ჩანთის ყიდვა, რომელზედაც ყოველთვის ვოცნებობდი მთელი ამ ხნის განმავლობაში, ვერ იქნა და ვერ მოხერხდა) და ეწორდებოდა ერთმანეთს მოძავალი გაკვეთილის მოლოდინში, რომელიც სულ ორ დღეში უნდა ყოფილიყო. ტატიანა, ივლიტა და ის „გარდამავალი“ მასწავლებელი, რომლის მხოლოდ გარეგნობა და ოთახის მოწყობილობა დამამახსოვრდა, ერთხმად აქებდნენ ჩემს რაღაცას (მგონი, ამბობდნენ, რომ ვგრძნობ მუსიკას, რომ კარგი ბგერა მაქვს და, ასევე, ბრაზობდნენ ჩემს სიზარმაცეზე, რაც, მათი აზრით, იყო ერთადერთი მიზეზი იმისა, რომ ჩემი ხელები სასურველად არ დაწკრილებდნენ კლავიატურაზე, რომ არაფერი ვთქვათ იმ შემთხვევების შესახებ, როდესაც ისინი ქიზიყური ვირივით საერთოდ უარს ამბობდნენ ვადადგილებაზე, სწორედ მაშინ, როდესაც სწრაფი პასაჟებისა და ტრელების თავმოხმა ხდებოდა აუცილებელი.

ასე მიდიოდა ჩვენი ბავშვობა! დასასვენებლად შეიძლებოდა მხოლოდ იქ წასვლა, სადაც ინსტრუმენტი იყო. ასე რომ, თელავი, გარდა სხვა მონაცემებისა: — ბებო, მამიდა, ბძაშვილები, (მარია ქრისტოფოროვნა უგრელიძის აზ-

რი: „თელავი ბავშვების საუკეთესო კურორტია“), მატერიალური შესაძლებლობები და სხვა, ამითაც იყო მნიშვნელოვანი. ისე, ინსტრუმენტს ვეძებდით ყველგან, სადაც აღმოვჩნდებოდით თუნდაც სულ ორი კვირით. მაგალითად, ზღვაზე ან ბაკურიანში საოცარ სიცხესა და თოვლში ინსტრუმენტის მაგარი ყუთისათვის ვსერავდით უგრძეს მანძილებს, ვლახავდით დაბრკოლებებს...

ასე რომ, მაშინ, როდესაც მე ყოველ ზაფხულს დასასვენებლად მივდიოდი რაღაც გაურკვეველი ნოტებით, გაურკვეველი, ჩემთვის არაფრისმთქმელი გვარების კომპოზიტორთა ნაწარმოებებით... რაღაცებით, რომელთაც ეძახდნენ სონატებს, ზოგს რატომღაც სონატინებს, ზოგს ეტიუდებს, ზოგს ბახს, ზოგს პიესას, ზოგს შუმანს, ზოგს კრამერს; მაშინ, როდესაც ძლივ-ძლივობით გავერკვევ ვიოლინოს გასაღების დამატებით ხაზებში და მაშინ, როდესაც მასწავლებლიდან მასწავლებლამდე სიარულში ბანის გასაღების დამატებითი ხაზები ნოტებს უაზრო, არაფრისმთქმელ ნიშნებად მეჩვენებოდა და ამიტომ მარჯვენა ხელით დაკვრა საშუალოდ შეძრავრდა, მაშინ, როდესაც შუა ზაფხულის სიცხეში ვიჯექი თელავში გვეჭკვორების ერთსართულიან, ჭანჭურების ბაღში ჩაფლულ სახლში, რომელიც ნადიკერის ძირში ინფექციური საავადმყოფოს გვერდით იდგა და მაღალ, გაპრიანებულ, საოცრად აშლილ პიანინოზე გამომყავდა მარჯვენა ხელით კრამერისა და ჩერნის ეტიუდები... მაშინ, როდესაც დაჯდომიდან ზუსტად ხუთ წუთში ვიწყებდი წრიალს და ერთი საათისა და 45 წუთის გასვლის მოლოდინში (15 წუთს ყოველთვის ვიპარავდი: „დედა, ძალიან გთხოვ, 15 წუთი, სულ 15 წუთი...“) მოუთმენლად ვუყურებდი პიანინოს თავზე მოთავსებულ მღვიმარას ციფერბლატს, რომელიც ჩემს შინაგან ტემპთან შედარებით თითქმის არ მიიწვედა წინ, ვუყურებდი პიანინოს ზევით მოთავსებულ სხვისი წინაპრების არაფრისმთქმელ, უზარმაზარ პორტრეტებს, ჩიხტაკოპში და ჩოხაში



გამოწყობილ, მე-19 საუკუნის მეორე ნახევარში მცხოვრებ ახალგაზრდა წყვილებს; მაშინ, როდესაც ყველაფერი საოცრად ნელა მიიწეოდა წინ, იწელებოდა, იხლართებოდა სრულ უაზრობაში, მხოლოდ დროის რამენიარად წინ წაწევის ცდაში და როდესაც გაურკვევლობისაგან გამოფიტული, საოცრად დაღლილი თელავში, ჩვენი სახლის აივანზე, ალაზნის ჭალებს რომ გადაჰყურებდა, მივირითმევედ ერობკვერცხს, რომელიც — გამხმარი, ორივე მხრიდან დახრუკული — ჩემთვის ნაწილი იყო იმ აუცილებლობის, რომელიც „ჩემი საქმე არ იყო“, არც ჩემი გადასაწყვეტი — რას შევჭამდი და სხვა; მაშინ, როდესაც ახლა ამ საუზმისას ვცდილობდი დროის აჩქარებას და როდესაც ახლა აქ ვუყურებდი ერთ ჭიქა რძეს, აუცილებლად რომ უნდა დამეღია, მერე რაღაც ლექსებს, აუცილებლად რომ უნდა მესწავლა, მერე ფეხებს, ნადიკრობის წინ აუცილებლად რომ უნდა დამეხანა, მერე ჩახვეულ თმას, აუცილებლად ჩაის წყლით რომ უნდა დამეეარცხნა, მერე ლოგინს, რომლის გაშლისთანავე ვფიქრობდი, რომ დილით, ადგომის მერე, უნდა ამეღაგებინა, მერე სკამისა და მაგიდის ფეხებს, რომელზეც აუცილებლად უნდა გადამესვა მტვრის ნაჭერი, მერე სადილს, რომელიც აუცილებლად უნდა შემეჭამა, მერე სიტყვებს, რომლებიც არ უნდა მეთქვა... ამხანაგებს, რომლებთანაც არ უნდა მეამხანაგა, უფროსების საუბრებს, რომლებსაც მე არ უნდა დავსწრებოდი, ლოგინს, სადაც ზუსტად 9 ან, ყოველ შემთხვევაში, 9.30 წუთზე უნდა ჩავწოლილიყავი, უღამაზო, მოდილო, რაღაცნაირ შესანუეიან ფეხსაცმელებს, რომლებიც აუცილებლად უნდა ჩამეცეკა...

მაშინ ჩემი ძმა, ხევსურეთის იალაღებზე შეფენილ დაბალფეხება მთის ცხენებს დადარაჯებული, თავის გემოზე მორგებული უხეში ბატინკებით (თუმცა ამ ბატინკების ჩაცმის უფლების მოპოვება არც ისე ადვილი საქმე იყო) აღ-

მა-დაღმა სერავდა მთის ფერდობებს ხელსაყრელი მომენტის მოლოდინში...

მნიშვნელოვანია, რომ მას შემდეგ, რაც დედამ განსაზღვრა, მკაცრად შემოფარვლა ჩვენი ფორმა, ჩვენი ყალიბები, ჩვენი მოდელები, და მას შემდეგ, რაც მან მტკიცედ გადაწყვიტა ჩვენი მომავალი, მტკიცედ გადაწყვიტა ისიც, რომ არ უნდა მომხდარიყო ამ სხვადასხვა ფორმებად ჩამოსასხმელი მასალების ინტერფერენცია, ინტეგრაცია, ანუ ერთმანეთში შეჭრა, შერევა... არათუ შერევა, არამედ ერთმანეთთან ახლოს მისვლაც კი, რასაც მოულოდნელი შედეგები შეიძლება მოჰყოლოდა. ჩვენ გვქონდა დედისაგან მოცემული, ნაკარნახევი ის სიტყვები, ფრაზები, რომლებიც ერთმანეთისათვის უნდა გვეთქვა... ის სიტყვები, რაც ვაამარებდა მხოლოდ იმ გზის ჯებირებს, რომელიც უკვე გამზადებული ყალიბებისაკენ მიედინებოდა. ამ შეგრძნებების აღდგენა ალბათ უფრო მაშინ შეიძლება, როდესაც ჩემი მონათხრობი ამბავი მიუხლოვდება ჩვენი სიჭაბუკის პერიოდს, როდესაც უკვე აშკარად გამოჩნდა ის ფორმა, რომელშიც ბოლოს და ბოლოს უნდა შევესულიყავით, და აშკარად გამოჩნდა ჩვენი დაუმორჩილებლობაც, ბუნტიც ჯერ კიდევ ჩამოუყალიბებული ფორმის რღვევისაკენ მიმართული, რა თქმა უნდა — სხვადასხვა სიძლიერისა და მასშტაბის, როგორც გამოხატვის მხრივ, ისე შინაგანადაც. გამოვლინდა ჩვენი ერთმანეთისაკენ სწრაფვა და მშობლებისათვის არასასურველი ჩვენი შეხების წერტილები. დედაჩემის ყოველდღიურ ლექსიკონს შეემატა საერთო ფრაზები, რომლებითაც ერთნაირად მოგვემართავდა გურამსა და მე ცალ-ცალკე: „იმის მაგივრად, რომ შენ უთხრა... შემიწყო ხელი... შენ, პირიქით, სულ სხვა რამეს უუბნები (ან აკეთებ), რაც ხელს უშლის...“

მასალა გარკვეულ ფორმად რომ ჩამოისხას, ის უნდა იყოს მოქნილი, რბილი („ხელში ადვილად მოგვევს... ცომი ხომ არ არის, ჰა...“ — მაამჩემი დედაჩემს). შეიძლება ეს მასალა სულაც

თხევადი იყოს; რა საოცარია ეს რუსული გამოთქმა *растекая киселет*. ამ გამოთქმაშიც იგრძნობა, რომ ადამიანი სულისა და სხეულის ერთიანობაა... რომელიც შეიძლება რაღაც მომენტში დაიშალოს, დაიღვაროს... ან კიდევ ჰამლეტის სიტყვები: „რად არ მენგრევა ეს სხეული ესრეთ მაგარი...“ (საინტერესოა, რომ ინგლისურში არის სიტყვა *melt*, რაც სიტყვასიტყვით ნიშნავს „გაღნობას“. „რად არ გაღლებვა (გაღნება) ეს სხეული ესრეთ მაგარი...“) ე. ი. სხეულის ყალიბში მოსაქცევად საჭიროა მისი გაღნობა, გაღლობა, ისეთ მასად გადაქცევა, რომელიც შეიძლება ჩაისხას... მაგრამ მთავარია ამ გაღნობის ტექნოლოგია, საჭიროა გარკვეული ზომა, ზომიერების გრძნობა ყველაზე მეტად, რომ ხელში არ გაგიქრეს, ან თუნდაც ისე არ დაინგრეს, რომ მისი მოხელევა-გაღაზელვისას საერთოდ სულ სხვა რაღაც მივიღოთ, ისეთი რაღაც, რასაც არაფერი საერთო არ ექნება იმასთან, რაც იყო თავდაპირველად, ან თუნდაც შენს ჩანაფიქრთან... შესაძლებელია კი ეს? იქნებოდა შესაძლებელი, რომ მარტო ზილუღი არსებობდეს... რომ მატერიის უმციურესი ნაწილიც კი სიცოცხლის წვენი (აი, ალბათ აქ ჩანს ზილუღისა და უზილავის ერთიანობა) არ იყოს სავსე, არ ჰქონდეს ზილუღ-უზილავი სწრაფვა თავისი ერთადერთი, განუმეორებელი ფორმისაკენ. ...აქციე ნაკუწ-ნაკუწად სამყურას ფოთოლი, გათელე, დაგლიჯე, დაწვი, მოისროლე ცალ-ცალკე... მოიტავე სულ ცოტა ხანს, გაზაფხულამდე, და ნახავ, რომ საიდანაც ისევე იმოდნავ ხალებიან სამყურს გამოიბამს ბალახის მოსუსტო მიმწვანო ღერო... აქ ამოძირკვავ? სხვა ადგილას ამოვა... სხვა კი არა, იგივე, ზუსტად ის, რომელსაც შენ ასე გამეტებით ებრძოდი... როგორია მნიშვნელობა იმ ზომიერების გრძნობისა, რომლის გასანვითარებლადაც ასე გააფრთხილები იბრძოდა დღეაწვენი... ზომიერების გრძნობა: ჩაცმის, „იუბკის“ სიგრძის, კაბის სივიწროვე-სივანვირის, ლაპარაკის, ჭამის, ძილის, სიყვარულის,

სიკეთის, თქვენ წარმოიდგინეთ — სწავლისაც კი... მოკლედ, როგორც ყოველივე: „ცოტა ისე, ცოტა ასე...“ აი, თურმე ასეა ყველაფერში და ყველგან... მაგრამ ის მომენტი რაღაა, როცა ამ გრძნობის დარღვევის გარეშე ვერაფერს გააკეთებ, როდესაც საჭიროა წინ გავარდნა... წინ გაჭრა... ამ ზომიერების გრძნობის თავდაყირა დაყენება... ხელეზოთ სიარული წვიმაში, ქარში, ელვა-ჭექა-ქუხილში გარეთ გასვლა, მთის წვერზე ავარდნა და მერე, მაღლა ამვერღი ხელებით რაღაცის ყვირილი... წუმბეში ჩავარდნა, საოცარ ფსკერზე დაშვება. «НА ДНЕ» როდესაც საჭირო ხდება ქვაფენილზე დაწოლა იმ ქალბატონის წინ, რომელიც გიყვარს და ამით, პირობითობის მთლიანი უარყოფით, შენი ერთგულების, ერთისაკენ მიმართული მთელი შენი სულის გამოხატვა... (ასე მოიტკა ერთხელ ჩემი ძმა და სწორედ იმიტომ, რომ ეს მოქმედება საზღვარს იქით იყო, მან ადრესატამდე ვერ მიადწია). რა უნდა ქნა მაშინ, როდესაც სიტყვას ძალა აღარა აქვს, როდესაც აკეთებ ისეთ რაღაცას, რომელსაც არავითარი გამართლება არა აქვს? მე არც მცოცხა ფანტაზია ასეთი ამბების წარმოსადგენად. მხოლოდ სხვებისაგან მოწოდებულ ზუსტ ფაქტებს თუ მივიშველიებ შემდეგი თხრობისას, რომელიც სავსე იქნება ზომიერებაგადასული, ზღვარდაკარგული ეპიზოდებით... („უცნაურად გაღესილ სამართებლის წვერზე მივდივარ სივიწესა და უდიდეს ნორმალურობას შორის“. — ამონაწერი გურამის დღიურიდან).

მე, როგორც ქალი (თუმცა, ალბათ, ტყუილად ვანზოგადებ ამ კერძო შემთხვევას), ვფართხალებდი მხოლოდ ყალიბისაკენ მიმავალ გზაზე, მხოლოდ ამ გზის საკმაოდ ვიწრო ჯვბირებში ვფართხალებდი... ცოტა ამ კედელს მივეტმასნებოდი, ცოტა მიორეს... ცოტა, კალმახივით, წყალშივე შევხტებოდი... ჩემი ყურება, ალბათ, სასიამოვნოც კი იყო გარედან, გვერდიდან... არც ისე ვარგა, როდესაც ადამიანი საერთოდ ვერა



გრძნობს ჯებირებს. მოძრაობა, მიხეთქ-
მოხეთქება არცა ცუდი, უფრო კარგად
იზილება, ითქვიფება მასა... ალბათ, არც
ისე ვარგა, ბავშვობისას მუთაქასავით
რომ ვიჯექი გაუნძრევლად იმ ადგილზე,
სადაც დამსვამდნენ, გინდაც ორი საა-
თის შემდეგ მოსულიყო დედა... როდე-
საც არაფერი მეწყოდა არც ერთ მხარეს,
არც მეორე მხარეს... ეს იყო, როგორცა
ჩანს, ნეტარების წუთები, „ნეტარი უს-
ურვილობა“ (გურამის დღიურიდან), ნე-
ტარი ბავშვობა... ნეტარება... ნეტარი სა-
ხე, როგორც მიქელანჯელოს შიშველ
ადამს აქვს სამოთხის ბაღში, სანამ ეშ-
მაკის შეჩენით მიერთებეს ნაყოფს ვაშ-
ლის ხიდან, ხიდან კეთილისა და ბორო-
ტისა...

ნეტარი უმოძრაობა... როდესაც თო-
ჯინებით გარშემორტყმულს არ გჭირდე-
ბა არც ხელის გაწევა, არც ნაბიჯის გა-
დადგმა... ზუსტად ისე წევს ყვითელ-
თმიანი თოჯინა, როგორც უნდა იწევს:
ცალ გვერდზე, პატარა ხის საწოლზე
ისე, როგორც დედაჩემმა დაწვინა... ეს
პატარა მაგიდაც ისე დგას, როგორც უნ-
და იდგეს, თოჯინის ოთახის შუაში, პა-
ტარა სკამებშემორტყმული... ეს პატარა
ძალიც ზუსტად ისე ზის, როგორც სა-
ჭიროა და მე მიყურებს მას შემდეგ, რაც
დედამ ჩემკენ მოუტრიალა კისერი; ეს
პატარა მსუქანი დათუნაც... მე შემიძ-
ლია ავიღო ერთი კუბიკი და დავლო მე-
ორეზე... არ მინდა... ასე უფრო მიმ-
წონს, გაბნეული... მაგრამ დედამ რომ
მჩვენა, რომ მითხრა, — აილე და ასე
დადე მეორე კუბიკზე? მერე კი მეო-
რეზე მესამეო და პატარა სახლი ააშე-
ნეო! თვითონ მჩვენა კიდეც, როგორ
უნდა გამეკეთებინა, მერე დაანგრია.
„რომ არ ავაშენო? რომ არ გავაკეთო?...
რა იქნება?“ ასე რომ, იმ კალაპოტში
ჩასადღერელად, რომელიც ერთი გზისა-
კენ მიექანებოდა, საჭირო იყო ჯერ გა-
ლლობა, რაც სწორედაც რომ ხელში ზე-
ლვით, თანდათანობით უნდა მიდწეუ-
ლიყო. საჭირო იყო ცომის დაყენების
გარკვეული ტემპერატურაც... რომ არ
გადამწვარიყო, არ დაფერფლილიყო, არ

ჩავარდნილიყო ცომი მთლიანად... ე. ი.
ცომის მზელავსაც უნდა ჰქონოდა ეს
გრძნობა საკმაოდ განვითარებული, მა-
საც არ უნდა დაერღვია ეს წონასწო-
რობა, ეს ბალანსი... გურამ რჩული-
შვილის ცხენების ციკლის ნოველები-
დან თუ გავიხსენებთ ცხენების გამხელ-
ნავეს, რომლებიც ცხენებს მათრახს
ურტყამენ, რომლებიც ურჩ, გაუხუნავ
კვიცებს ჯებირებთან მისვლის უფლე-
ბასაც კი არ აძლევენ, გავკახსენდება
ისიც, რომ ეს მათრახმოძრავებული
მხედნავეები არ იწვევენ მკითხველის
ზიზღს, ან აღშფოთებას. ისინი აღიქ-
მებიან ცხენების ყოველდღიური ცხოვ-
რების ნაწილად, რაღაც სქემებად, რომ-
ლებიც თითქოსდა აუცილებელ მოვა-
ლულობას ასრულებენ რაღაც გარდამავა-
ლი ხიდებივით, რაღაც გზაზე...

რატომღაც არა ეჩქარობ... „რატომ-
ღაც“ იმიტომ, რომ ჩემთვის, ისე რო-
გორც ჩვენი ოჯახის ნებისმიერი წევ-
რისათვის, თუ ფალავანდიშვილების გე-
ნები არა ჭარბობენ, დამახასიათებელია
სისწრაფე, ყველაფრის სწრაფად გა-
კეთება, ყოველ შემთხვევაში — სწრა-
ფად გადაწყვეტილების მიღება მაინც,
თუ გაკეთება არა. ჩემი ზოგიერთი ამ-
ხანავი დამცინის კიდეც, რადგან თურ-
მე ჩემი ლექსიკონი საესევა ისეთი სი-
ტყვებით, როგორიცაა: „სასწრაფოდ“,
„ერთ წუთში“, „საჩქაროდ“, „იმავე წუ-
თას“, „უცბად“, „მაშინვე“ და სხვა...
ეს ალბათ ჩემს ნაწერებშიც გაიპარე-
ბოდა. ალბათ იმავე რივისაა სიტყვა
„მერე“, რომელიც თავის დროს, ე. ი.
სადაც, 1956 წლის მარტ-აპრილსა
და მაისში ანუ მაშინ, როდესაც გურამ-
მა დაიწყო წერა, მე თვითონ მეცა თვა-
ლში და ვუთხარი კიდეც ჩემს ძმას.
მგონი მიპასუხა, რომ ეს ბუნებრივია,
„ასეა საჭირო“, „ეს სტილია“, სტი-
ლისტიკის ნაწილიაო და სხვა, რაღაც
ამდაგვარი. მოკლედ, მთავარი იყო,
რომ გურამს ჩემი შენიშვნა არ გაკვირ-
ვებია, მიიღო და მისი ბუნებრიობა
ადიარა. აღსანიშნავია, რომ სიტყვა
„მერე“ გურამის ზოგიერთ ავტოგრა-

ფში (ნათლად ჩანს) შემდეგ არის ჩამატებული. ალბათ შეითხველი დამეთანხმება, რომ თხრობის ქსოვილში ამ სიტყვას შემოაქვს „მდინარების“, „დინების“ შეგრძნება, რასაც აძლიერებს ხანდახან ამ მდინარების უეცარი შეწყვეტა, შეჩერება, როგორც, მაგალითად, „ალავერდობაშია“: ალბათ, ახლა რომ ვფიქრობ, ეს ბუნებრივია იცით თუ იჯახის შვილისათვის, სადაც გზაზე წყლის დასალევადაც კი არ ჩერდებიან, რომელთაც არ იცაინ რა არის განცხრომა მომენტი, სადაც არაფერი არ აღიქმება დამთავრებულად, სადაც ამ „მერეში“ ვლინდება ცხოვრების ძირითადი აზრი... „მერე?“ ეს ყოველთვის ან ითქმება, ან იგულისხმება, ან იგრძნობა! ასეა ყველაფერში: იწყება ზაფხული და მაშინვე გვახსენდება სექტემბერი, შემოდგომის და სწავლის დაწყების პირველი დღე; იწყება ზაფხული, პირველი სიცხეები და დღეაღმდეგ უკვე იხსენებს გვიან შემოდგომას, იწყებს თადარიგის დაჭერას... უკვე ქმარ-შვილიანი ყოველთვის ვიცნებობდი, რომ რამენაირად თავი დამეღწია ამ „მერესაგან“, დროის რომელიმე მონაკვეთში მაინც, და საიმედოდ ჩაკეტილიყავი რაღაც სივრცეში ამ „მერეს“ გარეშე, როგორც მუღმივობაში, უსასრულობაში, რომ ამოვკარგნილიყავი იმ თავბრუდამხვევი დოლიდან, რომელსაც შეუჩერებლივ მივყვებით.

მაშ ასე! როდესაც დედა და მე (გურამის კვალდაკვალ: „ესწავლობ ჯერ სხვისი სახელი ვთქვა და მერე ჩემი“, — დლიურიდან) საქართველოს სხვადასხვა კუთხეში ყველანიარ ამინდში, ნოტივით ხელში ვსერავდით სივრცეს თავისუფალი ინსტრუმენტის ძეხნას გამოკიდებულნი (ალსანიშნავია, რომ პიანინო მხოლოდ თელავის სახლის გაყიდვის შემდეგ შევიძინეთ მამაჩემის საწერ მაგიდასთან, 50 კილო ხახვთან და 100 კილო ლობიოსთან ერთად), დედამ გურამი მიიყვანა პიონერთა და მოსწავლეთა სასახლის ისტორიის კა-

ბინეტში, ირინე მიქელაძესთან: „ეს იყო ალბათ 1948 წელი. გურამი იქნებოდა 12-13 წლის. ჩვენ დედა ირინესთან დავდიოდით პიონერთა, ნუ, მაშინ პიონერთა სასახლე ერქვა, საქართველოს ისტორიის წრეში. ერთ მშვენიერ დღეს მორიგი მეცადინეობა გვექონდა. იღებოდა კარი, შემოდის ახალგაზრდა ქალი და პატარა ხუჭუჭა ბიჭი. ჩვენს შორის განსხვავება იყო ორი წელი. მაგრამ როგორც არის ხოლმე სკოლის ასაკში, უსასრულოდ პატარა მოგვეჩვენა ჩვენთან შედარებით. შემოვიდა ასეთი დაბლვერილი ტიპი, თითქმის ძალათი რომ მოჰყავთ. აი, ასე... დედა ირა ძაან ისე შეეგება, ნუ, როგორცა ჩანდა, ძალიან კარგი ნაცნობები იყვნენ, და ჩვენ გვესმოდა შორიდან, რომ ბავშვის დედა ეუბნებოდა დედა ირას, ძალიან ცელქია, მაგრამ ისტორია აინტერესებსო. და აი, მოვიყვანე... ცოტა ხანში წავიდა გურამის დედა... სულ გოგოები ვიყავით და ცოტა უხერხულად ვგრძნობდა თავს...“ — გაიხსენა მანანა ანთიძემ.

პიონერთა და მოსწავლეთა სასახლე მოთავსებული იყო კაკასიის მეფის ნაცვლისათვის აგებულ შენობაში, რომელიც მდებარეობდა ყოფილ გარეთ უბანში, მაშინდელი ტფილისის ციხის კედლების მიღმა, ერეკლე მეფის შვილის, გიორგი XII-ის კუთვნილ ბექობზე შეფენილ, ერთ დროს ბაღ-ვენახებით დაფარულ მიწებზე, საიდანაც მთელი „ტფილისის“ ხედი იშლებოდა და საიდანაც მაშინ იწყებოდა „მოსკოვის დიდი გზა“.

ეს შენობა 1802 წელს დიდი სისწრაფით იქნა აგებული ქართველი არქიტექტორების პროექტების მიხედვით. შემდეგ წლებში, უკვე უცხოელ არქიტექტორთა დაგვემარებით, სასახლე ფართოვდებოდა, დიდდებოდა, ინგრეთა, მხოლოდ „კედლებიდა რჩებოდა“, შენდებოდა თავიდან. წლიდან წლამდე იცვლიდა სახეს შენობის გარე და შიდა ხუროთმოძღვრება. „აქ იყო ყველაფერი: კლასიცისმის მოტივებიდან დაწყებული რენესანსამდე“: ფართო სამე-



ჯლისო დარბაზი თავისი ფიცილებითა და სახეიმო კიბით, სპარსულ სტილში მოწყობილი დიდი სასაიდლო დარბაზი თავისი პორტიკით ესტრადისათვის, ორნამენტული სარკვებით მოპირკეთებული და ჩუქურთმებში ჩასმული, რომელიც „ჭერსა და კედლებს უნაზესი მაქმანის დარად მოფინა“, სტალაქტიტებიანი ნიშები, სარკმელში ჩასმული ფერადი მინები სალონ-დარბაზებში; სავაშინო დარბაზებში ჩამოკიდებული უძვირფასესი, მოოქროვილი უზარმაზარი ჭალები, შავი და ფერადი ბუხრებით დამშვენებული სამუშაო კაბინეტები და ბუღარები ბალისაკენ მიმართული ტერასითა და ფართო ღია კიბით, რომელიც საგანგებოდ გაშენებულ ბაღში ჩადიოდა, სათავსოებით და სხვადასხვა ტიპის აპარტამენტებით. (მკითხველს გვახსენებ, რომ ერთ-ერთ აპარტამენტში ცხოვრობდა ეკატერინე ჯავახიშვილი-კრივეცკაია, ჩვენი ბებიდა კატო თავის მეუღლესთან ერთად). ერთხანობას ამ სასახლის კედლებში დიდდა ნამდვილი მეფური ცხოვრება, იმართებოდა დარბაზობები, მეჯლისები. იყო ფუფუნება, ღვინო, დროსტარება.

საუკუნის დასაწყისში ამ შენობის კედლებში დროებითა მენშევიკურმა მთავრობამ დაიღო ბინა, 1921 წლიდან კი აქ საქართველოს სსრ ცენტრალური აღმასრულებელი კომიტეტი მოთავსდა და მას დაერქვა საბჭოთა საქართველოს მთავრობის სასახლე. შემდეგ უკვე „ნორჩი თაობისადმი პარტიისა და მთავრობის დიდი ზრუნვის ნათელი გამოხატულება იყო ის ფაქტი, რომ 1937 წელს საქართველოს კომუნისტური პარტიის ცენტრალური კომიტეტის გადაწყვეტილებით სასახლე ჩვენი ქვეყნის იმედსა და მომავალს ბავშვებს უნდა გადასცემოდა. ამით მათ ყოველგვარი პირობები ექმნებოდა ბეჯითი სწავლისა და შრომისათვის.“ „1941 წლის გაზაზულზე 2 მაისს სახეიმოდ გაიხსნა პიონერთა და მოსწავლეთა სასახლე, რომელსაც შემდგომში საქართ-

ველოს ლენინური კომკავშირის ერთ-ერთი ფუძემდებლის ბორის ძნელაძის სახელი ეწოდა... პიონერთა საკუთრება გახდა ის უძველესი თვალწარმტაცი პარკიც, რომელიც აკრავს სასახლეს... ისტორიას ჩაბარდა სწავლამოწვეურებული, ნახევრადმშიერი ბავშვების ყოფა. ლაღი და ბედნიერი გახდა დიდი საბჭოთა ქვეყნის ბავშვთა ცხოვრება... თბილისის პიონერთა და ოქტომბრელთა სასახლის რეკონსტრუქციისათვის მთავრობის მიერ 15 მილიონამდე მანეთი გამოიყო...“ „სასახლის 300-მდე ოთახსა და დარბაზში მოეწყო სასწავლო კაბინეტ-ლაბორატორიები (არჩილ ქურდიანის სახელოსნო), სახელოსნოები, სპორტული და გასართობი დარბაზები, თეატრალური სცენები, თოჯინების თეატრი, ძველი სამეჯლისო დარბაზი ბავშვთა თეატრალური დარბაზით შეიცვალა. მეფისნაცვლის დიდი სასაიდლო ოთახი და მდიდრული სალონი ბავშვთა ეგრეთწოდებულ სარკვებიან და თეთრ დარბაზად გადაკეთდა“.

ეს ყველაფერი მართლაც ასე იყო... სასახლეში დაიდგა ბინა ყველაზე ნორჩმა საბჭოთა მოქალაქეებმა... პიონერთა და ოქტომბრელთა სასახლე უნდა გადაქცეულიყო იმ კერად, იმ საწროთობ ქურად, სადაც უნდა აღზრდილიყო მომავალი საბჭოთა მოქალაქე, რომლის ზოგადად დასახასიათებლად მომაქვს ამონაწერი გურამ რჩეულიშვილის დაუმთავრებელი ნაწარმოებიდან — „შუა საუკუნის ადამიანის მოგზაურობა მე-20 საუკუნეში, ანუ თავგადასავალი გურამ რჩეულიშვილისა“:

„...აქ საბჭოების ქვეყანაში ძირითადი მასა აღტაცებულია უკიდურესობამდე ყველაფრით. ეს აღტაცება უცნაური ბანგია ყველასათვის. აქ ხალხი მოგვაგონებს თეატრში მჯდომ მასას, რომელსაც თითქოს ალყა აქვს დარტყმული, რომლის გარღვევის პირველი მცდელობა აუცილებელიც უნდა დაიღუპოს, ამიტომ ყველანი სხედან და უფურებენ უცნაურ სპექტაკლს, სადაც წამდაუწუმ გამოაქვთ დროშები და იძულებიან „გა-

შას“. ხალხიც ვაშას იძახის, ვინც არ იძახის, სპობენ, როგორც სარეველას, საერთო განწყობილების ხელოვნურად ჩამდგებს. ბოლოს რჩება მხოლოდ ისეთი ხალხი, რომელიც საკუთარი სურვილით იძახის ვაშას. ისეთი ხალხი, რომლებსაც უკვე გადაავიწყდათ როგორ დაიწყეს ყვირილი, რომლებსაც არც უნდათ სხვა მდგომარეობა. უჩვეულო ტუტუცური აღტაცებაა ყველას სახეზე გამოხატული. რაც შეიძლება მეტი აღტაცება! ისეთი ლოზუნგი, რომ ერთი მაინც არ ჩავარდეს მელანქოლიაში, თორემ გადადებს სხვასაც. მელანქოლიკი გადამდები ბაცილა! მელანქოლიკებში შედის ხალხი, რომელიც არ ყვირის, რომელიც აზროვნებს... ამ ნაწილში... აღტაცებაა გამეფებული მუდმივად ჰორიზონტის სისორეზე მყოფი კომუნისტის სახელით.“ ე. ი. პიონერთა სასახლე უნდა ქვეულიყო იმ საწრთობ ქურად, სადაც უნდა დაბადებულიყო ახალი ადამიანი... აღტაცებული, მზადყოფი ყოველ წამს „ვაშას“ დასაძახებლად „მუდმივად ჰორიზონტის სისორეზე მყოფი კომუნისტის სახელით“. თუ ეს ყველაფერი იყო ასე და ყველაფერი ამ ახალი, ეროვნებადაკარგული, პიროვნებადაკარგული, აღტაცებული ადამიანის შესაქმნელად იყო გათვალისწინებული, თუ იმისათვის თბებოდა ომის ცივ დღეებში ეს მდიდრული, ძველებური შენობა, თუ იმ აღტაცებისათვის იდგმებოდა იმ ქარცეცხლიან დღეებში სარკეებიან დარბაზში ჭერამდე აწვდილი, ბრჭყვიალა ნაძვის ხე, თუ იმისათვის ურიგდებოდათ ბავშვებს იმ სიღარიბის წლებში სასახლელო საჩუქრები, თუ აღტაცებული ადამიანის შესაქმნელად იყო გამოყოფილი მილიონობით მანეთი, სახელოსნოებისა და ლაბორატორიების შესაქმნელად, ექსპედიციების დასაკომპლექტებლად, მაშინ მთავრობის გულბრყვილობით გმირულად უსარგებლია მე-3 საცდელი სკოლის დირექტორს დოროთე ფირცხალავას, რომელიც მაშინ სასახლეს ჩაუდგა სათავეში. მან ბავშვების საწვრთნელი ქურა, სადაც

მათ საბჭოთა მოქალაქის შესაფერო იდეურ-პოლიტიკური აღზრდა უნდა მიეღოთ, ვარდაქმნა კულტურის ნამდვილ კერად. სასახლეში ადრეული ბავშვობიდან ეუფლებოდნენ პატარები საქართველოს სიყვარულს არა აბსტრაქტულად, არამედ რეალურად, კონკრეტულად, თვითოეული მისი ქვის თუ ქანის გადამრუნებ-გადმობრუნებით, საქართველოს აწმყოსა და მომავლის თუ ისტორიის ჭკვიანური, დაკვირვებულა, მეცნიერული შესწავლით, მისი მთებისა თუ ველების დალაშქვრით... დოროთე ფირცხალავამ სასახლეში მოაზიდა უნიკალური ცოდნის, განათლების და კულტურის პედაგოგები, რომლებიც არ იშურებდნენ დროს, ენერგიას, ცოდნას ჭეშმარიტი მამულიშვილების აღსაზრდელად. სასახლეში დაიწყო მუშაობა მზია ერისთავმა, „სოცხალმა ენციკლოპედიამ“, ლიტერატორმა, შემოქმედმა, ფილოსოფოსმა. მაგრამ მთავარი მაინც ის იყო, რომ მან მისცა „დასაბამი საქართველოში ტურისტულ მოძრაობას“. მზია ერისთავმა, თავის მხრივ, კონსულტანტებად მიიწვია ალექსანდრა და ალიოშა ჯაფარიძეები, პირველი ქართული ალპინისტები, რომლებიც ალპინისტურ ჯგუფებს უძღვებოდნენ. ისტორიის წრეს, როგორც ვთქვით, ხელმძღვანელობდა ირინე მიქელაძე, გეოლოგიის წრეს მავრა გეგეჭკორი, გეოგრაფიის ცნობილი სახელმძღვანელოს ავტორის, დავით დონდუას მეუღლე, რუსულ წრეს — ვალია გრიანოვა, ქართულს — ქეთევან ანანიაშვილი, ქიმიის წრეს — ნიკო ჯაფარიძე... სასახლეში იყო დრამატული წრე, თოჯინების თეატრი, რომელსაც ცოლ-ქმარი ჯალაღანიები უძღვებოდნენ და ა. შ. „სასახლეში სიხარულით დავდიოდით. ეს პედაგოგებით იყო განპირობებული. დავდიოდით მცხეთაში, მღვიმეში... ვაკეთებდით ლამაზ გვირგვინებს... კალათებს... გვამლევენენ ამოცანებს: მაგალითად, დეიდა თალიკო იშხნელი გვეტყოდა: გააკეთეთ კალათა ხავისსაგან. ვაკვირდებოდით მის მდინარეებს, ცხოველთა და მცენარეულთა საფარს, ტოპონიმიკას,



ვიწერდით ზეპირსიტყვაობას. სასახლე-ში მიგვეკონდა ჩანახატები, ექსპონატები, ჯაჭვის ნატეხები, ქოთნის ნატეხები. ვახდენდით მასალის სისტემატიზაციას, ვახარისხებდით პედაგოგების დახმარებით, მერე ვაწყობდით გამოფენებს... დატვირთული დრო იყო. მეთოდოლოგიურად იყო აწყობილი სწავლება. მთავარი იყო პედაგოგთა საოცარი კოლექტივი. ის ერთუზიანობაში, ის ხალხი აღარ არის, ვინც ამას აკეთებდა. ბავშვებისადმი დამოკიდებულება იყო სერიოზული. ვკითხულობდით ივანე ჯავახიშვილს...“ — გაიხსენა ვიღღა ქორქამ. „მახსოვს, დავწერე მოხსენება „თბილისის ქარვასლები“. სერიოზული ისტორიული ანალიზი იყო... რა არის ქარვასლა, როგორია მისი აგებულება, არქიტექტურა. რა იყო მისი ფუნქცია და სხვა. მეორე იყო „თბილისის დაგეგმარება“. დღესაც არ ვიტყვდი უარს არც ერთზე. ასეთი იყო ჩვენი, ყველას თემები... ეს იყო მეცნიერული კვლევები“ (მანანა ანთიძე). 1940-60-70-იანი წლები იყო სასახლეში ბავშვთა უწყვეტი მდინარების წლები თბილისის სხვადასხვა უბნიდან, საქართველოს სხვადასხვა კუთხიდან. ყველა ამ ველელ-ჩამვლელს ახსოვს იმ წლებში წითელყელსახვევიანი ბავშვისა და გოგონების ნაკადი, რომელიც სასახლის დიდი სადარბაზო კარისაკენ მიემართებოდა და შემდეგ უჩინარდებოდა ამა თუ იმ სართულსა თუ ოთახში განლაგებულ სახელოსნოებსა და კაბინეტებში. წლების განმავლობაში სასახლეში კულტურული ცხოვრება ჩქეფდა; იგი სხვადასხვა დაწესებულებებსა და უბნებში გაბნეულ მასწავლებელ-მოსწავლეთა, საზოგადო მოღვაწეთა, მეცნიერების, მსახიობების თაემყვრის ადგილიც იყო. აღსანიშნავია, რომ ერთადერთი შენობა, რომელიც ომის დროს თბებოდა, იყო პიონერთა და მოსწავლეთა სასახლე.

ეს ყველაფერი არის ფაქტი და ჩვენი ისტორია ვერც ერთ სახელზე ვერ იტყვის უარს, როგორც არ უნდა ვეცა-

დით ამოვიღოთ ისინი ხმარებიდან. ფაქტია ისეთი სიტყვები, როგორცაა: კომკავშირი, პიონერი, ალკკ, ლენინი, ბორის ძნელაძე, მეფისნაცვალი, ვორონცოვი, „მოსკოვის დიდი გზა“... ფაქტები და სახელები, რომლებიც თვითონ ლაპარაკობენ თავიანთ თავზე... და დასაბამს აძლევენ ფიქრებისა და ემოციების დაუსრულებელ ჯაჭვს... განა ახლა კი ერთნიშნა აზრებს აღძრავს ამველელ-ჩამვლელში ტყვიებით დაცხრილული, ერთ დროს თიერი სასახლე, რომელსაც წინა საუკუნეებში, წინა წლებში მხოლოდ აშენებდნენ და აშენებდნენ, ალაშაზებდნენ, უმატებდნენ... თურმე მომავალსაც გულისხმობდა 1981 წელს დაწერილი სიტყვები: „ძნელად თუ მოიმეხებება მსოფლიოში ქალაქი, რომლის მატიაზე ისეთი მრავალფეროვანი, გმირული და, ამასთანავე, ტრაგიკულიც იყოს, როგორც თბილისისა აქვს. ამ უძველესი ციხე-ქალაქის ისტორია იწერებოდა სისხლითა და სამშენებლო დუღაბით.“ განა დავიწყებას არ მისცა ჩვენ წინ დატრიალებულმა ტრაგედიამ თავისი მნიშვნელოვნობით ყველა ძველი რბევა, ნგრევა, სისხლი? და აი, ჩვენს წინაა ტყვიებით დაცხრილული, ერთ დროს ამაყი, ვორონცოვის საბრძანებელი — პიონერთა და მოსწავლეთა სასახლე. შეიძლება რაღაცისათვის საჭირო იყო მისი მხილება, გვირგვინის მოხდა, დამიწება, დამდაბლება, რადგან „კულტურის კერა“ შეუშინველად, თანდათანობით, მოულოდნელად, წლების განმავლობაში სიყალბის სიმბოლოდ გადაიქცა. 1989 წლის 8 აპრილს გამვლელების წინ იშლებოდა უცნაური სანახაობა: ლითონის მაღალი, აჭურული გალავნის იქით, სასახლის საგანგებოდ გაშენებულ უნიკალურ ბაღში, თითქმის ყველა ნეკერჩხლის, წითელი ხისა და კლიდენტრონების უკან გაუნძრევლად იდგნენ უცნაურად მოკლე, ბრტყელპირა ნიჩბებით, მწვანე ყუთებითა და მწვანე ტანსაცმლით ალჭურვილი, მართლაც ეროვნებადაკარგული, პიროვნებადაკარ-

გული ყოფილი ოქტომბრულ-პიონერ-პარტიულები და უცნაურად უთვალბო სახეებით იყურებოდნენ თავის წინ, ერთი მიმართულებით... 8 აპრილს მოჰყვა 9 აპრილი, შეწირული 15 ქალი, 15 მსხვერპლი — ჯერ გურაკვეციელია, საითკენ მიმავალ გზაზე... სულ ორ-სამ წელიწადში გაირკვა, რომ 9 აპრილი მხოლოდ უვერტიურა იყო 1993 წელს თბილისში დატრიალებული ტრაგედიისა, როდესაც თვითონ თბილისელებმა, სხვების ჩაურევლად, ერთ დროს ბაღვენახებით დაფარულ ფერდობზე შეყვნილი შენობები ნაცარტუტად აქციეს. ახლა თებერვალია იმავე წლის... ჩაშვებულ, დაცხრილულ სასახლეში მოლიანად ჩამკვდარია ცხოვრება. გაყვანილი შენობის კედლები ავღენენ უფროსების დამოკიდებულებას მომავალი თაობის მიმართ, უფროსებისა, რომელთა ცხოვრებაში ბავშვებს აღარ უჭირავთ არცერთნაირი ადგილი...

მამ ასე! გურამი პიონერთა სასახლის ისტორიის კაბინეტის წევრი გახდა და ამ კაბინეტს ხელმძღვანელობდა ირინე მიქელაძე. მან საველე მუშაობას თავიდანვე ჩაუყარა საფუძველი პატარ-პატარა გასვლებით მცხეთაში, შიო მღვიმეში და სხვა, რაც ყოველ კვირას ეწყობოდა. მაგრამ მთავარი მოვლენა-ამბავი იყო ხევსურეთის კომპლექსური ექსპედიცია, რომელიც — პირველად სასახლის ცხოვრებაში — მთელი თვის აპირებდა გასვლას საქართველოს ამ მთიან მხარეში, რაც ომის შემდგომ პერიოდში ძალიან დიდ სირთულეებთან და რისკთანაც კი იყო დაკავშირებული, რადგან ხევსურეთში დათარეშობდნენ ხუჯბაროვის ჯგუფები და საფრთხეს უქმნიდნენ როგორც ხევსურებს, ასევე ჩამოსულებსაც.

ექსპედიციისათვის საგანგებოდ ემზადებოდა მთელი სასახლე, თითქმის მთელი თვის განმავლობაში. სამეურნეო ნაწილი ზრუნავდა კარგებზე, საველე აღჭურვილობაზე, პროდუქტებზე; ბავშვები ეცნობოდნენ ხევსურეთის შესახებ ისტორიულ, გეოგრაფიულ, ეთნო-

გრაფიულ და სხვა სახის ლიტერატურას; ამოხაზეს გეოგრაფიული რუკა (ეს რუკა, დახაზული ექსპედიციის ერთ-ერთი წევრის, თენგიზ მგელიაშვილის მიერ, თან დაერთვის ამ მონოგრაფიას)... პედაგოგებმა საგანგებოდ მოიწვიეს ხევსურეთის ფოლკლორის ცნობილი მკვლევარი ქ-ნი თინა ოჩიაური, რომელმაც საინტერესოდ და ცოცხლად დაუხატა ბავშვებს ხევსურეთის წარსული და აწყო, ხევსურების ქვევისა და ხასიათის თავისებურებანი. სასახლის სხვადასხვა კაბინეტში და სექციებში ერთდროულად აპირებდნენ მთიანი მხარის დალაშქრას. ლიტერატორებს უნდა შეეგროვებინათ და ჩაეწერათ ზეპირსიტყვიანობა, გეოლოგებს უნდა შეესწავლათ ქანები, ისტორიკოსებს აწყოში წარსულის ნაკვალევი უნდა აღმოეჩინათ (სწორედ ამ მიზანს ემსახურებოდა გურამის მოხსენებაც: „ძველი და ახალი ხევსურეთი“); ეთნოგრაფების საგანგებო კვლევის საგანი უნდა გამხდარიყო ტანსაცმელი, აღჭურვილობა, ინტერიერი; კომპლექსურ ექსპედიციაში შედიოდნენ ე. წ. „კუპლინკებიც“ — თოჯინების თეატრი, ნორჩ შემოქმედთა წრე. ექსპედიციის ძალიან მნიშვნელოვანი წევრი იყო სერგო ზაქარიაძე, რომელიც, იმხანად თეატრიდან გამოვლენილი, სასახლეში მუშაობდა. ბოლოს და ბოლოს დამთავრდა მზადება და დათქმულ დღეს ევრის ხიდიდან გამცილებლების, მშობელ-ახლობლების ხმაურში ხევსურეთისაკენ დაიძრა ბავშვებით, პროდუქტებით და სხვა საჭირო ინვენტარით ლავსე ღია საბარგო მანქანები. ეს იყო 1950 წლის 7 ივლისი. თუმცა თავდაპირველად არავეს ახსოვდა ზუსტი წელი. თარიღი მერყეობდა 1949- 1952 წლებს შორის. 1981 წელს გამოცემულ სასახლის გაზეთშიც კი („გაზაფხული“), რომელიც სპეციალურად ამ ექსპედიციის გახსენებას მიემდგნა, თარიღად დასახელებულია 1951 წელი: „1951 წლის ზაფხული უჩვეულო იყო სასახლის ნორჩი ლიტერატორებისათ-



ვის. ისინი მონაწილენი გახდნენ ხევსურეთის მაღალმთიანი კომპლექსური ექსპედიციის, რომელიც აერთიანებდა...“ შეიძლება ვინმეს ჩემს ახირებადაც მოეჩვენოს ამ სიზუსტის ძიება ექსპედიციის წევრთა „დაკითხვისას“ რა მნიშვნელობა აქვს, სასაცლოც კია — ერთი წელი იქით თუ აქეთ, ერთი თვე იყვნენ ხევსურეთში თუ მთელი ზაფხული. ა თუ ორი კვირა... მით უმეტეს, დროთა სიშორიდან, დღევანდელი დღის უპირატესობიდან, რომელსაც შეუძლია ცოდნით, გამოცდილებით სავსემ გადახედოს განვიღო დღეებს, ყველაფერი გარკვეულია: რა ნათელია წარსული, რა უბრალო, რა გულუბრყვილო... ალბათ მკითხველს ახსოვს კიდევ, რომ ჩვენი ოჯახის, ე. ი. გურამის ცხოვრების პირველი თექვსმეტი წელი თითქმის ერთდროულად, თანაარსებულად, დაუნაწევრებლად მივაწოდებ მკითხველს და არც დღეაჩემის ჩანაწერებისა თუ წერილებისათვის მიცდია მიმეცა თანმიმდევრული, ზუსტი, ქრონოლოგიური ასახვა. მაგრამ დამთავრდა ჩემი ძმის ცხოვრების ის პერიოდი, როდესაც საფუძველი ეყრებოდა შენობას, რომელიც ძალიან მალე, არაჩვეულებრივი სისწრაფით, ოღონდ მაინც თანმიმდევრულად და ნაბიჯ-ნაბიჯ უნდა აღმართულიყო ამ საძირკველზე. ექსპედიციის თარიღიდან მოყოლებული, საოცრად მნიშვნელოვანი ხდება — რაღაც როდის იყო: ერთი წლით ადრე, თუ ერთი წლით გვიან, ზაფხულში თუ შემოდგომაზე, რომელიც ზაფხულს მოსდევდა. 1950 წლიდან მოყოლებული, რაც უფრო წინ მივდივარ, მით უფრო მძაფრდება ქრონოლოგიური ჩარჩოს აღდგენის მოთხოვნილება... საოცრად მნიშვნელოვანი ხდება აწმყო დრო, საყოფაცხოვრებო დრო, რომელიც უცნაურია, მაგრამ ძალიან დიდი ხნის წინათ იყო. ახლა რომ ვფიქრობ, გურამ რჩეულიშვილის ცხოვრების სიუჟეტური მოძრაობა დაიწყო იმ წერტილში, საითკენაც დაიძრა ის შემდეგ და სადაც უნდა მისულიყო ბოლოს; თანდათანობით

crescendo ანუ crescendo poco à poco, აღმავალი ხაზი, რომელიც მიჰყვება ჩემი ძმის ცხოვრება-შემოქმედების ევოლუციას, თავდაპირველად ჩაისახა საოცრად ნათელ, ჩემი სიმზარულითა და პარმონიით სავსე Allegretto-ში: ჭრიჭინებში, ხვიხვინებში, კაკანებში, გალობებში, ჭიკჭიკებში, ფრუტუტებში, კისკისებში... ათასი ხმით, ათასი პარტიით სავსე სრულ სიჩუქში: ბავშვობის უხინჯო, წყნარი, ღალი დღეების დროს. უხმო სიმფონიას მიყვებოდა ჯერ მხოლოდ გულში ამღერებული უხმო სიყვარულის მელიოდა: პატარა კვიცის პარტია, პატარა კვიცის ხმა, Andante Cantabile, რომელსაც თურმე განსხეულება სულ რამდენიმე წელიწადში უნდა დაეწყო („არ შეიძლება ამდენი ვნახო და არ დაეწერო...“ (დღიურიდან). Allegretto ხმის სიმძლავრის თანდათანობით ზრდასთან ერთად გადადიოდა Allegro-ში, მერე Presto-ში... ძლიერდებოდა ხმა, ძლიერდებოდა ტემპი და, ბუნებრივია, მატულობდა სიმზურვალეც. 1960 წლის 23 აგვისტოს ამ თანდათანობითმა მზარდმა ხმამ გაამტვრია „ბაკანი“ და დაიგრვინა ათასად დაშლილ ერთ ხმად, როგორც სამყაროს ერთიანობის დამადასტურებელია საბუთმა, საზეიმო Adagio-ში და ერთდროულად ყველაფერი, როგორც უკვე არსებული, გაიხსნა, გაირკვა, ნათელი გახდა და სულ სხვა საბურველში გაეხვა...

მამ ასე, კითხვა-კითხვით დაზუსტდა ხევსურეთის კომპლექსური ექსპედიციის თარიღი: 1950 წლის 7 ივლისი. იგივე თარიღი ზუსტად აღადგინა ანზორ სალუქვაძემ, რადგან მეათე კლასელი ანზორი გააცილა მამამ, რომელმაც ამქვეყნიური საბრძანებელი თურმე მომდევნო წელიწადს, ე. ი. 1951 წელს დატოვა. მერყეობს ყველა მოგონებაში ექსპედიციის ხანგრძლივობაც. უმეტესისათვის ეს იყო „მთელი ზაფხული“: ორი-სამი თვე. ამ შემთხვევაშიც მართებულ წყაროდ პატარა ბიჭის ჩანაწერები მივიჩნეე და ამიტომ თამამად შემიძლია ვთქვა, რომ ექსპედიცია გაგრ-

ძელდა 1950 წლის 2 აგვისტომდე, ე. ი. თითქმის ერთი თვე.

ასე რომ, პიონერთა და მოსწავლეთა სასახლის კომპლექსური ექსპედიცია თბილისიდან გავიდა 1950 წლის 7 ივლისს, დილით ადრე, და იმავე დღეს, ხალაპოთი დაბინავდა ს. ბარისახოს ტენტრში მდებარე სკოლა-ინტერნატში, რომელიც ერთადერთი იყო მთელს რაიონში. ეს სკოლა-ინტერნატი ამავე დროს რაიადმსკომის შენობაც იყო და, საერთოდ, შეიძლება ითქვას, რომ ის იყო ერთადერთი ადმინისტრაციული შენობა მთელს ხევსურეთში. ამბობენ, ამ შენობაში მოქცეულმა დაწესებულებებმა ანუ კულტურულ-საგანმანათლებლო მოღვაწეობამ თავის აყვავებას იმ ხანობას მიაღწია ისეთი შესანიშნავი პედაგოგისა და პიროვნების ხელში, როგორც გახლდათ ბ-ნი თვალაგაძეო, „დაუვიწყარია ბარისახოში გატარებული დღეები, მდ. არაგვისა და ლიქოკის ხევის შესართავთან, შესანიშნავ მინდორზე ვატარებდით დროს...“ (ჯილდა ქორქია); „ბარისახოში რამდენიმე დღე გავჩერდით, ალბათ აკლიმატიზაციისათვის. არაგვის ნაპირზე, მინდორზე ვთამაშობდით, შორიახლო მწყე-სავდენ ცხენებს. ბიჭები ჯირითობდნენ, ჩვენ უყურებდით... (ციცინო მჭედლიშვილი).

აი, ეს ის იალაღებია, ის სერებია, რომლებზედაც სულ ახლახან ვწერდი... ამ იალაღებზე დანავარდობს პატარა კვიცი... ეს ის მინდორია, რომელიც ახლა ჩემი თვალთახედვის წერტილიდან ხან სულ ცარიელი მოჩანს, გატრუნული, გარინდებული, ისევ და ისევ სერები და ტრიალი მინდვრები — უსასრულობამდე, ხან კი ჟივილ-ხივილით ივსება ყველაფერი: პატარ-პატარა ოღროწოღრო მოედნებით, საჩხუბრად ყალყზე შემართული ბიჭებით, კოცონებით, იქვე, სერებზე მობალახე ცხენებით, შორს, მთის ფერდობზე შეფენილი ხალიანი ძროხებით; ივსება გარემო „ბევრი ბავშვებით ერთად“, აი, ია. ამ ვოგოთი მამა ძალიან ამყოფს.

ხევსურულ ტანსაცმელში გამოცხობილი, მზებზე ახალგაურჯული, ცხვირაქერცლილი გოგო-ბიჭებით, რომლებიც ხელის ვაჭრით, ღვინოში ვერცხლის ჩაფხენით უძმობილდებიან და უღობილდებიან ერთმანეთს. აი, ხევსურეთას იალაღები... „ბევრი ბავშვები ერთად“... თურმე ეს „აი“, რომელიც წერის დაწყებისთანავე ამეკვიცა, ახლა მივხვდი მხოლოდ, გოგებაშვილის დედა-ენის პირველი სიტყვაა; მეორე სიტყვაში კი („აი“) შეგიძლია მთელი სამყარო ჩაანაცვლო. აი, ისევ დამთხვევა, თუ წინასწარ დანახული მომავალი წარსულში. ერთხელ, რატომღაც, რომელიღაც კლასში, ვუუბნები ჩემს ამხანაგს: „ძალიან მიყვარს თქმა: „აი“. „მეც მიყვარს“, — მასსუხობს ის და მე, გახარებული, რომ ერთდროულად გვიყვარს რაღაც, გულში ვამბობ: „აი, თურმე იმასაც უყვარს“. აი ია, აი... შეხედე, გაიშვირე ხელი, ჩამოიხსენი ბინდი თვალებიდან, შორს წახვლა არ გინდა, ყველაფერი შენს წინაა, შენშია... აი... აი... აი... აი, თურმე, ხე; აი, ვარდი,

- აი, კურდღელი
- აი, ხიჭო
- აი, რწყილი
- აი, ბაღლინჯო

აი, ეს ქვეყანა... აი, ფიროსმანი... აქ არაფერს არ უნდა ძებნა, ვნებებსა და გრძნობებში ჩაკარგვა თავის საპოვნელად ლაბირინთებში, ხლართებში გახვევა, ძლივს მშუუტავი სინათლის გზის გამოკიდება... აი, აღამი მიქელანჯელოსი... აი, ედემის პაღი... აი, „ნეტარი უსურვილობა“...

აი, პორტრეტი ბიჭის, ოქროსფერი ხუჭუჭა თმით, რომელიც ცხვრის ბეწვივით წვრილად და მზინავად ეხვევა კობტა თავზე... და არცაა გასაკვირი თუ გავიხსენებთ მისი დედისა და მამის საქმიანობას, მათ გაუთავებელ ტრიალს ცხვრის ფარაში... ამ ბიჭს ახლა პატარა შვილი ჰყავს, პატარა ია.



„ნახე! ზუსტად ჩემნაირი თმა აქვს, ჩემნაირი თვალები; რა ლამაზია, რა ლამაზია...“ (აკი ვთქვი, არ მინდა დაიკარგოს გურამის არც ერთი სიტყვა, რომელიც მეხსიერებაში ამოტივტივდება-მეთქი). ვეღარ იკავებს ჩემი ძმა სიხარულს. ამ პატარა გოგოს ახლა ხუჭუჭთმიანი ვაჟი ჰყავს და ხუჭუჭთმიანი გოგო... აი, პაპა — ჩემი ძმა, რომელიც უკვე გასამდა... გურამის და ლინას შვილიშვილები... აბა, აიღე ნებისმიერის პორტრეტი, შიგ არის ოთხივე ერთში — ოთხი. ეს — აქეთ, მომღევნო თაობებში, წინაპრებში? დაახლოებით ალბათ ისე, როგორც ერთხელ ძია ლეომ თქვა პატარა ლიკაზე, ჩემი მეუღლის დის შვილზე... „რა ლამაზია, ძია ლეო, პატარა ლიკა, საოცრად ლამაზი,

არა?“ — ვუთხარი მე. „არცაა გასაკვირი, ციციშვილების გვარი საუკუნეების განმავლობაში იხვეწებოდა“, — თქვა ძია ლეომ. მე ვტრიაბხობ ჩვენი გვარის სიძველით და გადაკრულად ვახსენებ მკითხველს ჩვენს წარმომავლობას მესხეთიდან, შუა საუკუნეებიდან... მაგრამ არსებობს კი ადამიანი, რომლის ძირები არ მიდიოდეს წარსულის ამოუცნობ სიღრმეებში?.. ჩვენ, ყველა, ვიხვეწებით და ვიხვეწებით მას შემდეგ, რაც ჩვენი, ყველას, წინაპარი ბუკითა და ნაღარით გამოაცილეს ედემის ბაღიდან ანგელოზებმა, რაც ასე დავუპირისპირდით სამყაროს, ერთმანეთს, საკუთარ თავს. ჩვენ, ყველა ერთად, ვიხვეწებით და ვიხვეწებით და დახვეწილები მივდივართ წინ, გაუჩერებლივ...

(გაგრძელება იქნება)



ირაკლი სოლომანაშვილი

უკვე მეორე ათეული წელია, რაც გამოჩენილი მწერლის **თამაზ პილაქის** თაოსნობითა და ხელმძღვანელობით ტარდება ახალგაზრდა ქართველ დრამატურგთა „ბიჭვინთის სემინარები“. ამ შეკრებებმა დიდად შეუწყო ხელი ახალგაზრდა ლიტერატორთა დაოსტატებას, ქართულ თეატრალურ აფიშებზე მანამდე უცნობი სახელების წარმოჩენას. ამჟამად ბატონი თამაზი უძღვება თეატრალურ ინსტიტუტში ჩამოყალიბებულ დრამატურგთა სტუდიას. ყურნალ „ცისკრის“ წინამდებარე ნომერში ვაქვეყნებთ ამ სტუდიის ერთ-ერთი წევრის ახალგაზრდა დრამატურგის ირაკლი სოლომანაშვილის პიესას.

ქალაღის ფრინველი

მოქმედი პირნი:

მედეა
სულხანი
დარეჯანი
ნატო
მაიკლი
ბება
გუბა
შალიკო
სამხედრო
ბიძინა
რობიზონი
ქურდი

სცენაზე კინოეკრანია ჩამოკიდებული, რომელზეც მოჩანს თბილისის ხედი. ისმის სიმღერა თბილისზე. სცენაზე შემოდის ტურისტული ჯგუფი — პიესის მოქმედი პირნი. მათ წინ მოუძღვება დარეჯანი, რომელიც სცენაზე მყოფთ ურიგებს თბილისის რუკებს.

დარეჯანი. პატივცემულო სტუმრებო, ეს თბილისის რუკაა. ახლა ჩვენ ვიმყოფებით ფუნიკულიორზე. თქვენს თვალწინ გადაშლილია ქალაქის შესანიშნავი ხედი. ბრძენმა ქართველმა ერმა შეთხზა ერთობ პოეტური ლეგენდა საქართველოს დედაქალაქის დაარსების შესახებ. ეს მოხდა მეხუთე საუკუნეში. ლეგენდა იუწყება: საქართველოს დიდმა მეფემ, ვახტანგ გორგასალმა ნადირობა განიზრახა. მცხეთიდან, ანუ იმდროინდელი სატახტო ქალაქიდან აქეთ გამოეშურა. იმ დროისათვის ამ ადგილებში ტყეები იყო გადაჭიმული.

სულხანი თბილისის რუკისაგან ქალაღის ფრინველს აკეთებს და დარბაზში უშვებს.



ღარჯანი. ნადირობისას მოულოდნელად ბუჩქებიდან აფრინდა ხოხობი. მეფე ვახტანგის სანადიროდ გაწვრთნილი მიძინო ხოხობს დაედევნა.

ტურისტული ჯგუფი სცენიდან გადის. კინოკრანი ზემოთ იწევს. სულხანის ოთახი. ოთახის უკან კედელთან ვარსკვლავებით მოხატული, უზარმაზარი ლურჯი გლობუსი დგას. გლობუსს დაჭყურებს კიბეზე დამაგრებული მიკროსკოპი. გლობუსის გვერდით კარადაზე პატეფონია. ოთახის მარჯვენა კედელში ფანჯარაა გამოჭრილი. მარცხენა კედელში ოთახში შემოსასვლელი კარია. სცენიდან დარბაზის მიმართულებით გამოგრძელებული ბილიკი აივნით ბლოვდება, რომელზეც ცისკენ მიმართული ტელესკოპი დგას. სცენის შუაგულში საზეიმოდ გაწყობილ სუფრას ტორტი ამშვენებს. მარცხენა კედელზე ტელეფონი კიდია.

სცენაზე ეშვება თბილისის რუკისაგან დამზადებული ქალაქის ფრინველი. სულხანი მიკროსკოპით დაცქერის გლობუსს. აივანზე გადის. ტელესკოპში იჭვრიტება. ტელესკოპის ლინზას აორთქლებს, პერანგის სახელოთი წმენდს. ტელესკოპში იჭვრიტება. ოთახში შებრუნდება. გლობუსს ვარსკვლავს ახატავს. აივნიკენ გამობრუნდება, იატაკზე დაგდებულ ქალაქის ფრინველს წაჭკრავს ფეხს. ფრინველს ფრთას მოახეხვს. ქალაქის ნაგლეჯით ტელესკოპის ლინზას წმენდს. ნაგლეჯს შეათვლიერებს, რომელიც თბილისის რუკა აღმოჩნდება. რუკას კედელზე ჭიკარტებით აკრავს. რეკავს ტელეფონი. სულხანი იღებს ყურმილს.

სულხანი. ალო! ვისმენ! ალო! ალო! ვისმენ! რომელი ხარ? ალო! ალო! ყურმილს კიდებს. აივნიკენ გამოემართება. ტელეფონის ზარი შეაჩერებს.

სულხანი. ალო! ვისმენ! ვისმენ! ხმა ამოიღე! ხმა ამოიღე, შენი...

სულხანი ტელეფონს ქსელიდან გაორთავს. აივნიკენ მიდის. ამჯერად კარის თავზე ჩამოკიდებული ზარის რეკვა ისმის. სულხანი კარს აღებს. ოთახში ქურდი შემოდის, რომელიც სულხანს შუბლზე მიაბჯენს იარაღის ლულას. ქურდი მუჯღღუნით ძირს აგდებს სულხანს და ოთახში რაღაცის ძებნას იწყებს. იხელება მაგიდის ქვეშ. კარადაში იქექება, ბოლოს მიკროსკოპისკენ გაემართება. კარზე დაკიდებული ზარი რეკავს. აფორიაქებული ქურდი წამოწეულ სულხანს იარაღის მუქარით ანიშნებს, ისე იატაკზე დაემხო. ზარი რეკავს. ქურდი ტელესკოპს ტომარაში ჩაღებს. ზარი რეკავს. ქურდი იარაღის მუქარით უბრძანებს სულხანს, ფეხზე ადგეს და შეტრიალდეს. ქურდი მაგიდიდან ბოთლს იღებს და სულხანს თავში ურტყამს. სულხანი უგონოდ ეცემა. ქურდი სულხანს კარადაში ამწყვედევს. კარადას გასაღებით კეტავს. გასაღებს დარბაზში მოიხურის. ბოთლსაც მოიქნევს, მაგრამ გადაიფიქრებს. კარზე ზარი რეკავს. შემცბარი ქურდი აივნიდან გადაჰყოფს ფეხს. წამით შეყოვნდება. აივნიდან გადაძრომას გადაიფიქრებს. ოთახში შემობრუნდება. რუკას გვერდს ჩამოახეხვს. ბოთლს მაგიდაზე დადებამდე ნაგლეჯით ნათითურებს მოწმენდს. მიკროსკოპსაც ტომარაში ჩაღებს. ზარი რეკავს. ქურდი ფანჯრიდან გადაძრება. ზარის გაბმული რეკვა წყდება, ისმის კარზე ბრაზუნი. ოთახში რობიზონი და ბიძინა შემოდიან.

რობიზონი. სულხანი! შინა ხარ, სულხანი? ალო! სულხანი! საღ ხარ?

ბიძინა. საღ არის სულხანი?

რობიზონი. ყოველ შემთხვევაში, აქ ვერ ვხედავ.

ბიძინა. იქნებ, სხვის ბინაში მოვხვდით? (ოთახიდან გასვლას აპირებს).

რობიზონი. (ბიძინას აჩერებს) არა, ნამდვილად სულხანის ბინაა, აი გლობუსი.

ბიძინა. მაშ, სულხანი სადღაა?

რობიზონი. არ ვიცი.

ბიკინა. სირცხვილია, დაუკითხავად შემოვედით. უმჯობესია: გარეთ დაველოდოთ. (ოთახიდან გასასვლელად მიიწვეს).

როზიზონი. მოიცა, კაცო, აქ მოვეუცადით. მოვა, სად წავა? ნახე, რა ტორტი გამოუტყვია. (მაგიდიდან დანახ იღებს და ტორტის დაჭრას აპირებს).

ბიკინა. არა, ტორტს მაინც ნუ დაჭრი, უხერხულია.

როზიზონი. ჰო, კარგი, დამშვიდდი. დაველოდოთ და მერე დაეჭრათ. (დანახს მაგიდაზე დადებს, თითხ ტორტის კრემში ამოაღებს და გაილოკავს).

ბიკინა. მაინც რა აღმოაჩინა სულხანმა?

როზიზონი. არა, ჯერ ბოლომდე არ აღმოუჩინია, მაგრამ იმედია აღმოაჩენს. ყოველ შემთხვევაში, იმედი თუ არა, სურვილი მაინც არის. მოსცლია რა, მეტი საქმე არა აქვს? აუჰ, საქმეზე გამახსენდა, დასარეკი მაქვს. (ტელეფონს შივარდება, დისკოს აწვავს). ეეჰ, ეგეც მყავს რა ჯორდანი ბრუნო, ტელეფონი ვერ გაუკეთებია.

ბიკინა. (ჯიბიდან იღებს ჭადრაკს) რობიზონ, ჭადრაკი ხომ არ გვეთამაშა?

როზიზონი. რა დროს ჭადრაკია? ხომ ხედავ, საქმე მაქვს და ვერ ღამირეკია.

ბიკინა. ვფიქრობ, ტელეფონის ტყუილად წვალებას ისევე ჭადრაკის თამაში აჯობებს.

როზიზონი. შენ მუდამ საინტერესო გამოსავალს პოულობ რთული სიტუაციიდან. როგორ ახერხებ?

ბიკინა. იცი, გამოგოტყდები — ჭადრაკის წყალობით. საუკეთესო საშუალებაა ლოგიკური აზროვნების გამოსამუშავებლად.

როზიზონი. არაა?..

ბიკინა. გეფიცები.

როზიზონი. მაშ ვითამაშოთ, თეთრები ჩემია.

ბიკინა. თუ თეთრებით შენ ითამაშებ, მაშინ შავები ჩემია.

როზიზონი. ვაა, ლოგიკური აზროვნებაც ამას ჰქვია.

ბიკინა. უკვე შეამჩნიე, არა? მეტსაც გეტყვი: თუ თეთრები შენია, მე კი შავებით ვითამაშებ, მაშინ პირველი სვლა შენ გეკუთვნის.

რობიზონი სვლას აკეთებს, ბიკინა ფიქრობს.

ბიკინა. ამ სვლას არ გირჩევ.

როზიზონი. რატომ?

ბიკინა. მეოთხთმეტე სვლაზე კუს დაკარგვა მოგაწევს და თუ მეცხრამეტე სვლის შემდეგ ფაიმს არ შემომთავაზებ, რის შემდეგაც, მე თუ უარი განაცხადე ფაიმზე: ოცდამეხუთე სვლაზე უეჭველად დამარცხდები.

როზიზონი. შენ თუ წინასწარ იცი ყველაფერი, მაშინ თამაშს რაღა აზრი აქვს?

ბიკინა. ყველაფერი წინასწარმეტყველებმა იციან. მე, უბრალოდ, ვვარაუდობ. ჩემი მხრიდან თამაშის ინტერესი კი იმაში მდგომარეობს, რომ გავარკვიო, რამდენად ლოგიკურად აზროვნებ.

როზიზონი. ესე იგი, მე თუ ვაზროვნებ, უნდა წავაგო?

ბიკინა. საერთოდ, ლოგიკური აზროვნება ალოგიკურობასაც მოითხოვს, ხოლო თამაშის შედეგი იმაზეა დამოკიდებული, თუ რამდენად ლოგიკურია ალოგიკურობა.

როზიზონი. (უშედეგო ფიქრის შემდეგ) მე გავრისკავ და მაინც ამ სვლას გავაკეთებ.

ბიკინა. რაც შეეხება რისკს. (უბიდან იღებს წიგნს, სარჩევში ეძებს, სათაურს კითხულობს). მე ამ მოვლენას ორ კატეგორიად ვყოფ. ერთი მათგანი,



რომელსაც პირობითად „ა“ ვარიანტი შეიძლება ვუწოდოთ, აზროვნების ნაკადის ჩიხში მოქცევა განაპირობებს და ვინაიდან აზროვნების ფენომენს უწყვეტი მოძრაობა ახასიათებს, ხოლო ზემოთ მოყვანილ შემთხვევაში კი უმოქმედოდაა, იგი სასოწარკვეთილებაში ვარდება და იძულებულია ნებისმიერი საშუალება მოსინჯოს, რამაც შეიძლება ფუნქცია დაუბრუნოს. ანუ ხელახლა აამოქმედოს. რა თქმა უნდა, ეს ვარიანტი ნაკლებად მომგებიანია, ვინაიდან არ ითვალისწინებს მოცემული მომენტისათვის გარემოში არსებულ მიმდინარე ლოგიკურ პროცესებს. ხშირ შემთხვევაში იგი კანას განიცდის, რადგანაც „ა“ ვარიანტში მოყვანილი მაგალითი მთლიანად სპონტანურ აზროვნებას ემყარება და ამ პირობებში კი ძნელია იმ სიძლიერას რეაქცია მივიღოთ, რომელიც დამანგრეველი ძალით იმოქმედებდა გარემოში არსებულ ლოგიკურ პროცესებზე, რომელიც მოცემულ შემთხვევაში ჩიხად გვევლინება. თუმცა არსებობს ვარიანტი „ბ“. ამ შემთხვევაში ობიექტი, რომელსაც ჩვენ ვაკვირდებით, გარემო პირობების ზეგავლენით კი არ მოქმედებს, არამედ თვითონ მართავს გარემოში არსებულ მოძრაობას და ცდილობს თვითონ გარემო მოაქციოს ჩიხში. ამისკენ მას უბიძგებს მაცდუნებელი სურვილი, — თავი დააღწიოს ევრეთ წოდებულ ბეგარას, რომელსაც ცალკეული ინდივიდისაგან მოითხოვს გარემო, იმის საფასურად, რომ ინდივიდი არის თანამგზავრი სამყაროში არსებული ძირითადი ლოგიკური პროცესისა. „ბ“ ვარიანტში რისკი შეიძლება განვიხილოთ, როგორც ალოგიკური აზროვნების ნაირსახეობა, რომლისთვისაც კარგად არის ცნობილი გარემოში არსებული ლოგიკა და ამდენად არ ატარებს სპონტანურ ხასიათს. განპირობებულს იძულებითი ვითარებიდან. თუმცა „ბ“ ვარიანტი „ა“ ვარიანტთან შედარებით მეტად მომგებიან ხასიათს ატარებს, საერთო ჯამში კრახი ორივესთვის გარდაუვალია, ვინაიდან არ არსებობს სამყაროს მოძრაობის დამოუკიდებლად არსებული მოძრაობა. ყოველი ცდა ამგვარი მოძრაობის წარმოშობისა არსებულ ტერმინოლოგიაში რეკოლუციად იწოდება. რეკოლუცია კი, როგორც მოგეხსენებათ, სხვა არაფერია, თუ არა კატალიზატორი, რომელიც აჩქარებს მოვლენათა მიმდინარეობას, რომლის დროსაც ბუნებრივია, ირღვევა მოვლენათა მონაცვლეობისა და მათი არსებობის ლოგიკა. ამ ვითარებაში, ჯერ ერთი, წარმოიშობა ენერჯია, რომელიც ალემატება ბუნებრივს და, მეორეც, კატალიზატორის მეშვეობით მოვლენათა განვითარებისათვის საჭირო დრო ჩვეულებრივზე მცირეა. მცირე დროის მონაკვეთში კი ყოველი მოვლენა ინკუბაციის პერიოდის გავლას ვერ ახერხებს და ამდენად, ენერჯია, რომელიც რეალიზირებულ უნდა იქნეს, ხელოვნურად იხშობა, მაგრამ არამც და არამც არ ისპობა. იგი ქვეშეუცნობლად გენეტიკური კოდით გადაეცემა თაობიდან თაობას და მიეცემა თუ არა საშუალება, დაუყოვნებლივ შეიძლება გამოვლინდეს — რეალიზაცია მოახდინოს საკუთარი თავისა. თუმცა ამ შემთხვევაში დიდი სიფრთხილეა საჭირო, რათა რეალიზაციის დროს კონტროლი გაეწიოს მისი გამოყოფის დოზირებას, საჭიროზე მეტი ენერჯია რომ არ ამოიფრქვეს, რომელიც მოვლენათა მონაცვლეობის ერთხელ უკვე დარღვეულ პროცესს ხელახლა დაარღვევს. როგორც წესი, ეს ასეც ხდება და შედეგად ალოგიკურობა მხოლოდ მორიგი მოვლენის სახეს ღებულობს, რომელიც დროის გარკვეულ მონაკვეთში ლოგიკურად შეორდება. ამდენად, ალოგიკურობა ლოგიკურობის ოპოზიტიური მოვლენა კი არა, არამედ მისი შემადგენელი ნაწილია.

რობიზონი. კარგი, მაშინ შავებით მე ვითამაშებ და პირველი სვლა შენ გააკეთე.

ბიძიბა. ოო, საინტერესო წინადადებაა, ამას სხვაგვარად პასუხისმგებლობისაგან გაქცევა შეიძლება ეწოდოს. არადა, როგორც ცნობილია, ჭადრაკში თეთრი ფიგურები მხოლოდ იმიტომ სარგებლობენ უპირატესობით, რომ პირვე-

ლი ისინი იწყებენ თამაშს. მაგრამ ის, ვისაც პირველი ნაბიჯის გაუბედობა
ინიციატივის შიში აწუხებს, პარტნიორის შეცდომებზე აწყობს პოლიტიკას. შენ
იმაზე არ დაფიქრებულხარ: ერთიც ვნახოთ და პარტნიორი არ შეცდეს?

რობიზონი. აბა, რა კენა?

ბიკინა. დამნებდი.

რობიზონი. დაგნებდე?

ბიკინა. ჰო, დამნებდი. არა, იქნებ რაიმე სხვა წინადადება შეგიძლია შემოთავაზო?

რობიზონი. შემოვთავაზო?!

ბიკინა. ჰო, რატომ დაიბენი? მე ძალიან მაინტერესებს შენი მსოფლმხედველობის დიაპაზონი.

რობიზონი. რაა?

ბიკინა. მიდი, მიდი.

რობიზონი. იცი... მე... ისა...

კარზე დაკიდებული ზარი ირეკება. რობიზონი კარისკენ მიდის.

ბიკინა. სად მიდიხარ, მოიცა! მგონი საინტერესო საკამათო თემა წარმოიშვა. (რობიზონს ხალათში წააგლებს ხელს).

რობიზონი. ჰო, კარგი, ჯერ კარს გავაღებ, ვიღაცაა, უხერხულია.

ბიკინა. მოიცა, მოითმენენ. შენ თუ არ გსურს, მე განვაგრცობ თემას.

რობიზონი. თავი გამანებე! სირცხვილია. (ხელს გააშვებინებს, კართან მიიბრუნებს და აღებს).

ოთახში მეღვა და ნატო შემოდინან.

მეღვა. გამარჯობათ!

ბიკინა. გა... გამარჯობათ! (თვალი უშტერდება მეღვაზე).

ნატო. (უკმეხად) გამარჯობა! (ხელს ჩაკიდებს მეღვას და ოთახში შემოვაგებს).

მეღვა. სულხანი სად არის?

რობიზონი. სულხანი?! ახ, სულხანი?

ბიკინა. სულხანი გასულია და ალბათ, მალე მოვა.

მეღვა. რომ არ მოვიდეს?

რობიზონი. რომ არ მოვიდეს?!

ბიკინა. მაშინ, ჩვენ წავალთ.

რობიზონი. დიახ, მაშინ ჩვენ წავალთ.

მეღვა. ჩვენი წასვლის შემდეგ რომ მოვიდეს?

ბიკინა. ეწყინება.

მეღვა. უმჯობესია დაველოდოთ.

რობიზონი. რა თქმა უნდა, უეჭველად უნდა დაველოდოთ.

ნატო. მაშ, დაველოდოთ. (მეღვა სკამთან მიჰყავს, ხელჩანთიდან პუნტებს იღებს და აწვდის) მეღვა, ხომ არ გავიწყდება, რომ ამ კვირის ბოლოს პრემიერაა დანიშნული?

მეღვა სკამის საზურგეს ეყრდნობა, ვარჯიშს იწყებს. ნატო იმავე სკამზე ჯდება. ხელჩანთიდან რვეულებსა და საწერ კალამს იღებს, კალმით რვეულებში რაღაცას ასწორებს.

ნატო. (მეღვას) მიდი, მიდი, ნუ გეზარება. სულხანის ლოდინში უქმად რომ არ მოვცდეთ, შენ ივარჯიშე, მე ჩემი მოსწავლეების საკონტროლოებს შევასწორებ. (რვეულში იხედება) ნახე, ნახე, რა დაუწერია ამ იდიოტს, უვიცების თაობა მოდის, უვიცების.

ბიკინა ნატოს ჭადრაკის დაფას ცხვირთან მიუტანს.

ბიკინა. უკაცრავად, ჭადრაკს ხომ არ...

ნატო. რა-დროს ჭადრაკია, ხომ ხედავ, ვმუშაობ, არ მცალია.

ბიკინა. (მედეას) თქვენ ხომ არ...

ნატო. არც მაგას სცალია!

რობიზონი გვერდით გაწევს ბიკინას. მედეას დასტრიალებს.

რობიზონი. (მედეას) მაპატიეთ, გენაცვალე, თქვენი სახელი?

ნატო. (ზურგს უკნიდან) მე ნატო მქვია, მაგას — მედეა. ვაინტერესებს

კიდევ რამე?

რობიზონი. კი.

ნატო. რა?

რობიზონი. მე რობიზონს შეძახიან.

ბიკინა. მე ბიკინას.

ნატო. მაშასადამე, შენ რობიზონი გქვია, შენ კი...

ბიკინა. ამას თუ რობიზონი ჰქვია, მაშინ მე ბიკინა მერქმევა.

ნატო. უეურე შენ. (რეულებს მიუბრუნდება).

რობიზონი. ძვირფასო მედეა.

მედეა. ბატონო?

რობიზონი. თუ არ ვცდები, საიდანღაც მეცნობით.

მედეა. მართლა?! ალბათ „გედის ტბიდან“.

რობიზონი. დიახ, დიახ, რა თქმა უნდა. ყოველ ზაფხულს გედის ტბაზე ვიხვეწებ. მერე რა თბილი და კამკამა წყალია. ნამდვილად იქ განახავდით.

ნატო. არა მგონია.

რობიზონი. რატომ?

ნატო. მედეა მხოლოდ ზამთრის სეზონზე იხვეწებს ხოლმე.

რობიზონი. მართლა? სამწუხაროა.

ბიკინა. (მედეას) ჭადრაკი თუ გიყვარს?

მედეა. (განაგრძობს ვარჯიშს) კი, ძალიან. ჭადრაკთან სასიამოვნო მოგონებები მაკავშირებს.

ბიკინა. შესანიშნავია, ხომ არ გვეთამაშა?

მედეა. არა, ჭადრაკის თამაშს მამა მიკრძალავს. პატიოსანი გოგონები ჭადრაკს არ თამაშობენ.

ბიკინა. რა ბარბაროსობაა, რატომ?

მედეა. იცით, როდესაც პატარა ვიყავი, მამაჩემის ყოფილი მასწავლებელი დამპირდა, ჭადრაკის თამაშს გასწავლიო. ჰოდა, მეც დავიწყე იმ კაცთან სიარული. კაცი წლოვანებით დიდი იყო, თითქმის მოხუცი. ლამის სამოცდახუთი წლის. მართალია ჭადრაკის თამაში მასწავლა, მაგრამ ერთ დღეს, მასთან შინ რომ მივედი, ხალათის ამარა დამხვდა და როდესაც შემეყვანა ოთახში, კარები მაგრად ჩარახა, მევე ფირსაკრავს ხმა აუწია და...

რობიზონი მუხლუგუნით გასწევს ბიკინას. მედეას წელზე ხელს შემოხვევს. ნატო რეულებს იატაკზე გადააწყობს. კარადაზე შემოდგმულ პატიფონს ჩართავს. პატიფონიდან მომავალი მელოდია ფარავს მედეას ხმას. ცეკვა-ცეკვით მოახლოებული ნატო მედეას წელიდან ხელს ააღებინებს რობიზონს და საცეკვაოდ გამოიწვევს. რობიზონი უარზეა, მაგრამ იმდენად მძლავრად ჩასჭიდებია ნატო, რომ იძულებულია ეცეკვოს. მელოდიის გაგონებაზე მედეა სკამს ხელს უშვებს და თავისთვის იწყებს ცეკვას. ბიკინა აცეკვებულ მედეას დაჰყვება. მელოდიის ხმა იკლებს.

ბიკინა. ერთი უზნეო მამაკაცის მავალითზე, მით უმეტეს ხანში შესული-სა, რომლის ასაკისთვისაც ფიზიოლოგიური გარდატეხის მძიმე წუთებია დამახასიათებელი, არ შეიძლება ვიმსჯელოთ მთელს საჭადრაკო სამყაროზე. მამათქვენის დამოკიდებულება ჭადრაკისადმი ერთობ სუბიექტურია.

მედეა. შესაძლოა.

ბიძინა. შვილების უპირველესი ვალი კი ისაა, რომ ძამათა ჩვენთა შეც-
ლომები გამოვასწოროთ. თუნდაც ახალი შეცდომების დაშვების საფასურად.

მედეა. ვერ გავიგე?

ბიძინა. გავგებას ყოველთვის მოვასწრებთ. უმჯობესია პირდაპირ საქმეზე
გადავიდეთ.

მედეა. რომელ საქმეზე?

ბიძინა. მოდით, ჭადრაკის თამაშით დავიწყოთ და მერე გამოჩნდება. (გა-
უწვდის ჭადრაკის დაფას).

მედეა სვლას აკეთებს.

ბიძინა. ოო, ჩინებული სვლაა, არის ამაში რაღაც სექსუალური.

მედეა. რა საინტერესოა, როგორ მიხვდით?

ბიძინა. როგორ და...

მელოდია ამჯერად ბიძინას ხმას ფარავს. ბიძინა მოცეკვავე მედეას წელზე ხელს შემოხვევს და რაღაცას ენერგიულად უხსნის. ნატო რობიზონს თავს ანე-
ბებს, ბიძინასთან მიდის და ჭადრაკის დაფაზე სვლას აკეთებს. მელოდიის ხმა
იკლებს. თავბრუდახვეული რობიზონი უაზროდ დაძრწის.

ნატო. (ბიძინას) ქიშ!

ბიძინა. რა ბრძანეთ?

ნატო. ქიშ! ქიშ-მეთქი! და თუ კიდევ გააგრძელებ ლაყბობას, მეტსაც გე-
ტყვი.

ქიშით განაწყენებული ბიძინა ჭადრაკს დააცქერდება. საერთოდ გადაავი-
წყდება მედეა.

მედეა. თუ შეიძლება, განაგრძეთ, საინტერესოდ ყვებოდით.

ბიძინა. რა დროს ეგ არის, ვერ ხედავ, ვაზროვნებ, და საერთოდ, გამანე-
ბე თავი!

ბიძინა მედეას გასცილდება. რობიზონი ნატოსთან ცეკვის შემდეგ შიითქ-
ვამს თუ არა სულს, მაშინვე მედეას მიაღებება.

რობიზონი. მედეა, მაგას თავი დაანებე (მუთითებს ბიძინაზე), ეგ თეო-
რეტიკოსია, საქმის კეთება რომ არ იცის, იმიტომ ლაყბობს ამდენს.

ნატო. (რობიზონს) ბიჭო, შენ კიდევ არ ეშვები ამ გოგოს? ამხელა კაცს
მეტი საქმე არა გაქვს?

რობიზონი. ჰმ, მე საქმეს რა გამომიღევს, უბრალოდ, ტელეფონი არ
მუშაობს და რამე ხომ უნდა ვაკეთო?

ნატო. მაშ ტელეფონი არა? (ტელეფონთან მიდის).

რობიზონი. (მედეას) არა, ნამდვილად საიდანღაც მეცნობით.

მედეა. საინტერესოა, ალბათ ნიშნობიდან.

რობიზონი. აუჰ, კაცო ძლივს არ გავიხსენე, რა თქმა უნდა ნიშნობიდან.
ოღონდ ზუსტად აღარ მახსოვს, ვისი ნიშნობა იყო.

მედეა. ჩემი და სულხანისა.

რობიზონი. ვისი?!

მედეა. ჰო, ჰო, ჩემი და სულხანისა.

რობიზონი. (დაიბნევა) არა, არა მგონია. მე მაგ ნიშნობაზე არ ვყოფილ-
ვარ, საერთოდ არც ვიცოდი და ბოლოს და ბოლოს სულაც არ მაინტერესებს.

მედეა. რატომ ნერვიულობ? ადამიანი ნიშნობის შემდეგაც ადამიანად
რჩება.

რობიზონი. მართლა? საინტერესოა.

მედეა. რა არის საინტერესო?

რობიზონი. საინტერესოა, საიდან მეცნობი? შემიხვევით ბროკერთა ბირჟიდან ხომ არა? იქნებ ბიზნესით ხართ გატაცებული?

მელვა. არა, ბროკერთა ბირჟაზე სიარულს მამა მიკრძალავს.

რობიზონი. რატომ?

მელვა. ასე ამბობს, კომერცია პატიოსანი გოვონებისთვის არ შეიძლებაო.

რობიზონი. (მელვას წელზე ხელს მოხვევს) რატომ არ შეიძლებაო?

მელვა. მე რომ პატარა ვიყავი, მამაჩემის ბიზნესმენმა მეგობარმა, რომელსაც ბევრი ფულეები ჰქონდა, შემომთავაზა, ჩემთვისაც ესწავლებინა ფულეების შოვნა. სულ ამას მეუბნებოდა, საქმე ისე უნდა გააკეთო, პარტნიორსაც ესიამოვნოს, შენც გესიამოვნოს და თან შესაბამისი გასამრჯელოც მიიღო. თავიდან თერიოულად მიხსნიდა, კონსპექტიც კი შევადგინე. მერე კი, როდესაც სწავლების პრაქტიკულ კურსზე გადავედით, მაშინ...

ნატო. (რობიზონს) ყმაწვილო! თქვენი ტელეფონიც ამუშავდა.

რობიზონი. როგორ?

ნატო. უბრალოდ, ქსელიდან ყოფილა გამორთული.

რობიზონი. დიდი მადლობა, მაგრამ ახლა ტელეფონისთვის არ მცალია.

ნატო. ძალიან კარგი, მაშინ მე მეცეკვე. (რობიზონს ხელს ააღებინებს მელვას წელიდან. საცეკვაო მელოდია ირთვება).

რობიზონი. არა! არა! (მელოდია ისევ ჩუმიდება) ცეკვა არ არის საჭირო. გადაუდებელი საქმე მაქვს. (ტელეფონს მივარდება, ნომერს კრეფს) ალო! ალო! ბონდო, შენა ხარ? მისმინე, ბონდო, ახალი არი რამე? კვერცხი? ხუთი ყუთი? მე, მე? (ოთახს მოათვალთვლებს. შხურას ტორტზე შეაჩერებს) მე ტორტი მაქვს, ახალი გამომცხვარია, ოღონდ ერთი ყუთიც უნდა დუმატო. ესე იგი, ექვსი ყუთი, კარგი, შევთანხმდით. (ყურმილს კიდეებს. ხელახლა კრეფს ნომერს).

ნატო მელვას სკამთან მიიყვანს. მელვა ვარჯიშს განაგრძობს, ნატო იმავე სკამზე ჯდება, რვეულებს ასწორებს.

ნატო. დაუნები, დებილები, ავადმყოფები, ნახე, ნახე რას წერს. წმინდა წყლის პარანოიკია. არა, არა, ნამდვილად გონებასუსტების თაობა მოდის.

რობიზონი. (ყურმილში) მისმენე, მისმინე! კვერცხის პარტია მაქვს. ოთხი ყუთი, თუ გინდა? ოც ფრთა ქათამში გამიცვალე. ჰო, კარგი, კიდევ ერთ ყუთს დაგიმატებ, ხუთი ყუთი კვერცხი და ოცი ფრთა ქათამი. რაა? კიდევ რამე?

ბიძინა. (რობიზონს) როგორ ფიქრობ, მხედარი შავ კვადრატზე რომ ვითამაშო, ქიშს გავექცევი?

რობიზონი. გადი, რა, შენთვის არ მცალია. (ტელეფონში) ჰო, გრიშა, გისმენ. (ბიძინას) მოიცადე!

ბიძინა გახარებული ბრუნდება რობიზონთან. რობიზონი ჭადრაკს გამოართმევს.

ბიძინა. შავზე აჯობებს, არა?

რობიზონი. (ტელეფონში) კარგი, როგორც იყოს, ხუთი ყუთი კვერცხი და ერთი ჯიბის ჭადრაკი. როგორ თუ რად გინდა? ლოგიკურ აზროვნებაში დაგეხმარება.

ბიძინა. ვერ გავიგე?

რობიზონი. რა ვერ გავიგე?

ბიძინა. კვერცხები რა შუაშია?

რობიზონი. შენთვის არ მითქვამს. ხომ ხედავ, საქმეზე ვლაპარაკობ, მომწვიდი რა თავიდან.

ბიძინა ნაწყენი გასცილდება რობიზონს.

რობიზონი. (ტელეფონში) არა, არა, შენთვის არ მითქვამს. გრიშა, მო-

იცადე, არ დაკიდო. ესე იგი შევთანხმდით, შენგან ოცი ქათამი. ჩემგან ოთხ ყუთს დამატებული ერთი ყუთი კვერცხი და კიდევ ჯიბის ჭადრაკი ლოგიკურა აზროვნებისათვის. (კიდებს ყურძილს. იხვევ კრეფს ნომერს) ალო! ტარიელ! მის-მინე....

კარის თავზე ჩამოკიდებული ზარი რეკავს. რობიზონი ტელეფონზე საუბარს განაგრძობს. მისი ხმა არ ისმის. ზარის ხმაზე მედია ვარჯიშს თავს ანებებს.

მედია. სულხანი! სულხანი მოვიდა! (ცეკვა-ცეკვით გაექანება კარისაკენ). მედია აღებს კარს. ოთახში დარეჯანი შემოდის. ერთ ხელში ჩაის ჭიქა უჭირავს, მეორეში — ბუზების ჯოხი. გაწბილებული მედია უკან დაიხვეს.

დარეჯანი. უიმე, სტუმრები უკვე მოსულან! (ჩაის ჭიქას მაგიდაზე დგამს) დედა, რამდენი ბუზი ირევა. რა ამბავია. (ბუზის საკლავს მაგიდის თავზე იქნევს) სულხანი სად არის?

მედია. სულხანი გასულია.

დარეჯანი. მე კი მისი საყვარელი გოგლიმოგლი მოუუტანე. (მედებს) რაო, რა მითხარი, სად არისო?

მედია. არ ვიცი, გასულია.

დარეჯანი. ნუ, რა უცნაური ბიჭია, პირდაპირ არ ვიცი. შინ ამდენი სტუმარი ჰყავს და თვითონ სადღაც დაბორიალობს.

მედია. არაფერია, ალბათ მალე მოვა.

დარეჯანი. მოვა, აბა სად წავა. შენ მედია გქვია, არა?

მედია. დიახ.

დარეჯანი. (მედებს გაუღიმებს. ლოყაზე ხელს მოუთათუნებს) უი, შენი ჭირიმე. რა მშვენიერი გოგო ყოფილხარ, სწორედ ასეთი წარმომედგინე. მე სულხანის მეზობელი ვარ. შეგიძლია ქალბატონი დარეჯანი დამიძახო, ან დეიდა დარეჯანი. გინდა, უბრალოდ დარეჯანი, თუნდაც დარიკო. ერთი კი იცოდე, სულხანს გოგლიმოგლზე მეტად არაფერი უყვარს. ოღონდ გოგლიმოგლი აჭამე და თუ გინდა სულსაც მოგცემს. ხომ იცი, ყველა მამაკაცს თავისი სუსტი წერტილი აქვს. არა, მართლა რა კარგი გოგო ყოფილხარ. შენ გენაცვალე. (მედებს უღიმის და ლოყაზე უთათუნებს ხელს) დედა, მეც არა ვთქვი, ამდენი ბუზი საიდან შემოფრინდა-მეთქი. (ფანჯარას კეტავს), მედია, გენაცვალე, გოგლიმოგლის გაკეთება ხომ იცი? თითო კვერცხის გულზე ოთხი...

რობიზონი. (ტელეფონში) ალო! დურმიშხან, ესე იგი ჩვიდმეტი ძროხა და ერთი კარადა. (დარეჯანს) უკაცრავად, ეგ კარადა რისგან არის?

დარეჯანი. ეს კარადა?

რობიზონი. ჰო, დროზე, კაცი მელოდება, ეგ კარადა.

დარეჯანი. ვერ გავიგე, ეს კარადა რა?..

რობიზონი. რისგან არი? რა მასალაა?

დარეჯანი. წიფელია.

რობიზონი. წიფელი?! (ტელეფონში) მისმინე, დურმიშხან! კაკლის კარადაა, კაკლის, ჰო, ჩვიდმეტი ძროხა და ერთი კაკლის კარადა... (რობიზონის ხმა იკარგება, ტელეფონზე პირის ცმაცუნით საუბრობს).

დარეჯანი. (რობიზონის მისამართით) სულელია ვიღაცა. (მედებს) ჰო-და, რას გეუბნებოდი?

მედია. გოგლიმოგლის რეცეპტს.

დარეჯანი. ჰო, ესე იგი, ჩემო მედიკო, თითო კვერცხის გულზე ოთხი კოვზი შაქარი. არა, წესით ექვსი უნდა, მაგრამ სულხანს ბოლო ანალიზებში აწეული შაქარიანობა აღმოაჩნდა და ტკბილეულს ვერიდებით. ასე რომ, უმჯო-



ბესია ოთხი კოვზი იყოს. (ბუზის საკლავით ნატოს მუხლებზე გადაშლილ რვეულზე ბუზს კლავს).

ნატო. რა ხდება?!

დარეჯანი. უკაცრავად, ხელს გიშლიდათ და მოვკალი.

ნატო. ვამდლობთ (თვალს გააყოლებს დარეჯანს).

დარეჯანი. ჰოდა, ჩემო მედეა, რაც მთავარია, გოგლიმოვლი კაკაოიანი უნდა იყოს. ერთ კვერცხის გულზე ნახევარი ჩაის კოვზი კაკაო. მე მთელ კოვზს ვყრი, რადგანაც სულხანს ორი კვერცხის გოგლიმოვლი უყვარს.

ბიძინა, რომელიც აქამდე გლობუზის გვერდით მდგარ კიბეზე იყო ჩამოძვდარი, საუბარში ჩაერევა.

ბიძინა. შესანიშნავია, ორი კვერცხის გოგლიმოვლი. ორი კვერცხი ერთი არ არის და, მით უმეტეს, არც სამი, რაღაც საშუალო, ასე ვთქვათ, ოპტიმალური.

დარეჯანი. (ბიძინას) რა თქმა უნდა, ოპტიმალურია.

ბიძინა. თქვენ ოპტიმისტი ხართ?

დარეჯანი. რა შეკითხვაა?! მე ხომ სულხანის მეზობელი ვარ.

ბიძინა. მაშინ მითხარი, პარტია რომ მოვიგო, რომელი სვლა აჯობებს, კუ ცე-სამი, თუ ლაზიერი ე-ხუთი?

დარეჯანი. შენ ბიძინა გქვია, არა?

ბიძინა. დიას, გახლავართ.

დარეჯანი. ჰოდა, ჩემო ბიძინა, ამ შემთხვევაში კორჩნოი კუთი ითამაშებდა, კარპოვი ლაზიერით. ხოლო მე და სულხანი, როგორც წესი, პაიკით ვთამაშობთ. (სვლას აკეთებს).

დარეჯანის მოულოდნელი სვლით ჩაფიქრებული ბიძინა ისევ კიბეზე ჩამოჯდება.

რობიზონი. (ტლეფონზე) ვანიჩკა! ვანიჩკა-მეთქი! მოიცადე! მომისმინე, ვანიჩკა! ოხ, შენი, დამიკიდა. (ახეთქებს ყურმილს).

დარეჯანი. (რობიზონს) რა იყო, რატომ ნერვიულობ?

რობიზონი. რაღა რატომ ნერვიულობ, ცხენში კამეჩი გამიცვალე-მეთქი და არაფრით არ დამთანხმდა.

დარეჯანი. უი, მე ვცი, ნაცნობი მყავს ერთი, სერგო ჰქვია, იმას უნდოდა ცხენები. მგონია კამეჩესაც გაგიხერხებს. ახლავე გეტყვი სერგოს ნომერს. (ხალათის ჯიბიდან იღებს ტელეფონის ნომერის წიგნს).

რობიზონი. ვაიმე, ქალბატონო დარეჯან, ზეპირი მახსოვრობა არ მივარგა და იქნებ ქალაღზე დამიწეროთ.

დარეჯანი კედელზე გაკრულ რუკას გვერდს ჩამოახვევს, ნატოს უკითხავად ხელიდან ართმევს საწერ კალამს და რუკის ნაგლეჯზე ნომერს წერს. კალამს უბრუნებს შეცბუნებულ ნატოს. მადლობის ნიშნად უდიმის და ნაგლეჯზე დაწერილ ნომერს რობიზონს აძლევს.

დარეჯანი. სერგო იკითხე და ასე უთხარი, ქალბატონი დარეჯანისგან გაწუხებთ-თქო. თუ ვერ გამისხენა, დედა დარეჯანი, ჩვენი დარიკო-თქო და უეჭველად დაგეხმარება.

რობიზონი. ვაიმე, დედაც შენ ხარ, დაც, დეიდაც, ცოლიც და საყვარელიც. (ხელეებს უკოცნის დარეჯანს).

დარეჯანი. ჰო, ჰო, კარგი, გეყოფა.

რობიზონი. (ეძგერება ტელეფონს) ალო! ალო! სერგო! ბატონო სერგო! დარეჯანი და მედეა უხმოდ საუბრობენ. კიბეზე ჩამოძვდარი ბიძინა ჭლდაკს ჩაჰკირკიტებს.

რობიზონი. ჩემო სერგო, სერგეი, სასწრაფოდ მჭირდება ოცდახუთი კა-

მეჩი, შემოდლა თერამეტი ჯიშიანი ცხენი შემოვთავაზო, კარგი, ორ ცხენსაც დაგიმატებ და ბუზის საკლავსაც გამოვაცოლებ. რად გინდა? რად გინდა და ბუზებს აუქმევე დადლილ ცხენებს. ესე იგი... (რობიზონი უხმოდ აგრძელებს საუბარს).

დარეჯანი. (მეღვას) ორი კვერცხი მანამდე უნდა თქვიფო, სანამ არ გათორდება. მერე კაკოს დამატება არ დაგავიწყდეს. თუ გინდა, ოთხი კვერცხის გოგლიმოვლი მოთქვიფე. ორივენი ერთი ჭიქიდან შეჭამო. (გაუღიმებს მეღვას და ლოყაზე ხელს მოუთათუნებს) უიმე, შენი ჭირიმი, რა სიცოცხლე ხარ, კაცო. შენც ხომ გიყვარს გოგლიმოვლი?

მეღვა. კი, მაგრამ მამა მიერძალავს.

დარეჯანი. რატომ?

მეღვა. ყველაფერი იმის ბრალია, რომ მამაჩემის მეგობარი, რომელსაც უხარმაზარი კვერცხები ჰქონდა, დამპირდა, გოგლიმოვლს გაჭმევო და...

დარეჯანი. მერე მავაში რა არის ცუდი?

მეღვა. მამაჩემს ჰკითხეთ, იმ ამბის შემდეგ ასე ამბობს, პატიოსანი გოგონები გოგლიმოვლს არ ეტანებიანო.

დარეჯანი. რა სისულელეა, მე რომ დედაშენი ვიყო, მამაშენი სულ სხვა აზრისა იქნებოდა გოგლიმოვლის თაობაზე.

ნატო. (სკამიდან დგება) მაინც როგორი აზრისა იქნებოდა მამამისი, თქვენ რომ მეღვას დედა ყოფილიყავით?

დარეჯანი. (ჩაეცინება) როგორის?! გულწრფელად გაინტერესებს, გენაცვალე?

ნატო. დიახ. (დარეჯანთან მიდის და ხელკავს გაუყრის).

დარეჯანი. როგორის და...

დარეჯანისა და ნატოს დიალოგი უხმოდ მიმდინარეობს. რობიზონიც ხმის გარეშე გაცხარებული საუბრობს ტელეფონზე. ბიძინა ხმის ამოუდებლად თავისთვის რაღაცას ბუტბუტებს. ჭადრაკის დაფაზე ხელას აკეთებს. კმაყოფილი აცქერდება დაფას. ჭადრაკის დაფას მოატრიალებს. მკვეთრად შეეცვლება გამომეტყველება, უკმაყოფილოდ ფიქრობს მომდევნო სვლაზე. მეღვა მელოდის გარეშე გატაცებით ცეკვავს. ამ უხმო აურზაურს კარზე დაკიდებული ზარი წვეკვტს.

მეღვა. სულხანი მოვიდა! ნამდვილად სულხანია! (გახარებული აღებს კარს).

ოთახში შემოდის სამხედრო, ხელში მძიმე ჩანთა უჭირავს. ოთახში მყოფნი გაცეკვულნი ათვალიერებენ სამხედროს.

სამხედრო. (მეღვას) მეორე სართულზე, მარჯვნიდან მესამე ფანჯარა ამ ოთახშია?

დარეჯანი. (სამხედროს) დიახ, ამ ოთახშია, რა გნებავთ?

სამხედრო. (გამოთქმით) როგორ თუ რა?! უღრუბლო ცა!

მხედრული სული, გმირული გული.

სიკვდილი მტერს! მშვიდობა ერს!

ვფიცავ სამშობლოს, დედას და მშეს!

სცენაზე მყოფნი უკრავენ ტაშს. სამხედრო მადლობის ნიშნად მორცხვად ხრის თავს.

მეღვა. რა შესანიშნავი ლექსია, ბის!.. ბის!

სამხედრო. მართლა მოგეწონათ?

მეღვა. რა თქმა უნდა ფანტასტიურია!

სამხედრო. მაშინ, (გულის ჯიბიდან იღებს რვეულს) კიდევ წაგიკითხავთ რამდენიმე ლექსს. იცით, მჭვერავ-პოეტთა ბატალიონის მედროშე გაზღავართ. მართალი გითხრათ, მოწოდებით პოეტი ვარ. ამჯერად, დროებით ვემსა-



ხურები სამშობლოს ინტერესებს. არა, უთუოდ უნდა წაგვიკითხოთ ჩემი ბოლო პერიოდის ლექსები. (გადაშლის რვეულს).

ნატო. (სამხედროს) ყმაწვილო, ხომ არ გაცნობდებით, სამხედრო მოვალეობის შესასრულებლად რომ მიბრძანდით.

სამხედრო. ოხ, მაპატიეთ, რა თქმა უნდა. მიბოძეთ (ნატოს საწერ კალამს ართმევს, რუკაზე რაღაცას მონიშნავს. კალამს უბრუნებს. ჩანთიდან იღებს დაშლილ თოფს და აწყობს.)

ბიძინა. (სამხედროს) როგორ ფიქრობთ, ამ შემთხვევაში, სტრატეგიული თვალსაზრისით, თერთმა პაიკმა ეფ-შიედი სვლა უნდა გაითამაშოს, თუ მოწინააღმდეგის შავი პაიკის აყვანა აჯობებდა?

სამხედრო. სამხედრო საიდუმლოების გამხელის უფლება არა მაქვს.

ბიძინა. უი, მაპატიეთ (ჩაფიქრებული გასცილდება).

რობიზონი. (აქამდე საუბრობდა ტელეფონზე) შენ თოფს ოპტიკური სამიზნე მოყვება?

სამხედრო. კვამ საიდუმლოა. (თოფს ოპტიკურ სამიზნეს უმაგრებს).

რობიზონი. (ტელეფონში) ჰო, რაჟდენ, თოფი ღამის ხედვის ოპტიკური სამიზნით და კარგი რქებზარეხილი ჯიხვი ჩემგან. (ყურმილში საუბარს უხმოდ განაგრძობს).

სამხედრო ფანჯარას გამოადებს. თოფის ლულას გარეთ გადაყოფს. ცალ ფეხზე ჩამუხლული რაღაცას მიზანში ამოიღებს. ასე გაშეშდება. მელა სამხედროს უტრიალებს. სამხედრო ყურადღებას არ აქცევს. მელა ცეკვა-ცეკვით შემოუვლის სცენაზე მყოფთ, ტელეფონზე მოსაუბრე რობიზონს, კიბზე ჩამომჯდარ ბიძინას. უხმოდ მოლაპარაკე დარეჯანსა და ნატოს. მელას მიახლოებისას ყოველი მათგანი ხმამაღლა აგრძელებს საუბარს.

ღარაჯანი. (ნატოს) არ დამიჯერებ და თავიდან არც სულხანს უყვარდა გოგლიოვლი. როგორ არ მივეუდქი — მეზობლურად, დედაშვილურად. მეგობრულად, სიყვარულით, მოფერებით და როგორც იქნა... (დიალოგი უხმოდ გრძელდება).

მელა. (სამხედროს) თქვენ სამხედრო ბრძანდებით არა?

სამხედრო არ პასუხობს.

...რა ღამაში ფორმა გაცვიათ. მეც მინდოდა სამხედრო გავმხდარიყავი და თქვენსავით ღამაში, ჭრელი ფორმა მცმოდა. მართლა, მართლა არ გატყუებს. დავიძინებდი თუ არა, მუდამ თქვენი ფორმის მსგავს ჭრელ სიზმრებს ვხედავდი, მაგრამ, სამწუხაროდ, მამამ ამიკრძალა.

სამხედრო თითის ტუნთან მიტანით სიჩუმეს მოითხოვს.

მელა. რატომ ამიკრძალა? იმიტომ, რომ პატიოსან გოგონებს ჯარში არაფერი ესაქმებათო.

სამხედრო ვადიზიანებული გააქნევს თავს, ხელით უჩვენებს — გამცილდით.

მელა. ჰო, ჰო, მამაჩემი მიკრძალავს, რაღვანაც, როღესაც მამაჩემი სამხედრო მოვალეობას იხდიდა, მე მაშინ პატარა ვიყავი და ყაზარმაში ვესტუმრე. სხვა სამხედროები ვაზნების ჩუქებას დამპირდნენ, იმ პირობით, თუ ყოჩაღად მოვიტყეოდი, ვაზნები გამოვართვი. იმათმა კი...

ნატო. (მელას) რა გადაგიდე ამ სამხედროს! ხომ ხედავ, გასაიდუმლოებულ მოვალეობას იხდის. (მელა სკამთან სავარჯიშოდ მიჰყავს, თვითონ იმავე სკამზე ჯდება, რვეულს ასწორებს).

ღარაჯანი. ვაიმე, ვაიმე, რამდენი ბუზი შემოფრენილა!

დარეჯანი ფანჯრის დახურვას ცდილობს. სამხედრო ფანჯარას მხარს ჩაუდგამს, დახურვის საშუალებას არ აძლევს. ერთ ხანს ორივენი ფანჯარას ეჭი-

დავებიან. კარზე ზარის რეკვა ორთაბრძოლას წერტილს უსვამს. მედეა კარის-
კენ გაქანება.

მედეა. სულხანი მოვიდა!

სამსხედრო. სულხანი არ არის, ვილაც უცხოა.

სამსხედროს ფრაზა მედეას შეაჩერებს.

ღარეჯანი. უი, სულ დამავიწყდა, დღეს ერთი უცხოელი სტუმარი უნდა
ეწვიოს სულხანს.

ზარი მეორდება. დარეჯანი კარს აღებს. ოთახში შემოდის მაიკლი. ხელში
დიპლომატი უჭირავს.

ღარეჯანი. ჰელოუ, მაიკლ!

მაიკლი. გაუმარჯოს, დარეჯან! (დიპლომატიდან საღეჭ რეზინს იღებს
და დარეჯანს აწვდის. მაიკლს ფეხსაცმელი გახდილი აქვს და თასმებით მხარზე
გადაუკიდია).

ღარეჯანი. ოო, გმადლობთ.

მაიკლი სცენაზე მყოფთ ჩამოურიგებს საღეჭ რეზინს. მისი მიახლოებისას
ვევლას, სათითაოდ, ხმა უბრუნდება.

როზიზონი. (ტელეფონში) ჰა, ჩემო აქვსენტი, ესე იგი შევთამხმდით,
ალარ უნდა მაგას ბევრი ბაზარი.

ბიკინა. (ჭადრაკს დასტერებს) არა, ეს შეუძლებელია, ორივე შავი ოფი-
ცერი თეთრ კვადრატზე აღმოჩნდა.

ნატო. (რვეულებს ასწორებს) წმინდა წყლის დაუნია. ერთი გაჩვენოთ,
რას წერს.

მედეა. (ვარჯიშობს) ერთი, ორი, სამი ერთი, ორი, სამი.

სამსხედრო. (მაიკლს, რომელიც საღეჭ რეზინს გაუწვდის) აკრძალული
მაქვს უცხოელებთან კონტაქტი. ძალიან გთხოვთ, თავი გამანებეთ.

ღარეჯანი. (უკან დაფეხება მაიკლს და ბუზებს უქშევს) მაიკლი უცხოე-
ლი არ არის, მაიკლი ჩვენია, დაიბადა ხელმოკლე ქართველი ზანგის ოჯახში.
წერა-კითხვა დედამ ასწავლა, სამშობლოს სიყვარული მამისგან მოსდგამს. შე-
რე რა მოხდა, უცხოეთში რომ ცხოვრობს, ემიგრანტია. მაიკლი ისე, ოფიცია-
ლურად ჰქვია, ოჯახში მოფერებით მიხოს ეძახიან.

როზიზონი. ალო! ალო! ფუ, გაფუჭდა, ამის დედაც ვატირე! (ტელეფონს
ძირს დაანარცხებს. ყურმილს შემამოწმებს) ალო! ალო! ხმა ამოიღე! (რალაცას
მოისაზრებს. მაიკლთან მიდის) ეი, ჩვენებურო.

მაიკლი. ვისმენ.

როზიზონი. ჩემო მაიკლ-მიხო, უნდა მიშველო, ტელეფონი გამიფუჭდა.

მაიკლი ტელეფონს გამოართმევს, დიპლომატში ჩაღებს, სანაცვლოდ დიპ-
ლომატიდან ამოღებულ ახალ ტელეფონს გაუწვდის. როზიზონი აპარატს ხელი-
დან გამოსტაცებს და ტელეფონზე რეკვას განაგრძობს.

ბიკინა. პატივცემულო მაიკლ, საინტერესოა თქვენ რას ფიქრობთ საჭად-
რაკო დაფაზე ფიგურათა მოცემული განლაგების შესახებ?

მაიკლი. ჭადრაკი რასისტული თამაშია.

ბიკინა. კი მაგრამ, რატომ?

მაიკლი. თუ კარგად დაუკვირდებით, ამაზე პირველივე სვლა მეტყველებს.

ბიკინა. ესე იგი, თქვენ ფიქრობთ, რომ ფიგურათა ფერი არ უნდა განა-
პირობებდეს პირველი სვლის უპირატესობას?

მაიკლი. არა, მე ვფიქრობ, რომ ფიგურები ერთი ფერისანი უნდა იყვნენ.

ბიკინა. მაგრამ თამაში ხომ აზრს კარგავს?

მაიკლი. განა აუცილებელია ყოველი აზრის მიღება?

ბიკინა. მაინც... ვერ გავივ?



მაიკლი. მე რომ მივიღო თქვენი თამაშის აზრი, მაშინ უნდა უარყო ახ-
რი ჩემი თამაშისა.

მეღვა. (მაიკლს) თქვენ დიდი ხანია რაც ჩამობრძანდით?

მაიკლი. არა, ახალი-ჩამოსული ვარ და ჩემი ჩამოსვლის მრავალ მიზე-
ზთა შორის ერთ-ერთი სულხანთან ვიზიტია, დავალებული მაქვს გადავცე მი-
ლოცვა. (დიპლომატიდან იღებს ფურცელს, იწყებს კითხვას). სულხან, გულითა
და სულით გილოცავთ უნიკალურ აღმოჩენას, რომლის წყალობითაც, თქვენ
ჩვენი ორდენის საპატიო წევრი ხდებით. პატივისცემით მშვიდობისა და უღრუ-
ბლო ცისათვის მებრძოლ, გარემოს დამცველ ასტრონომთა საერთაშორისო ორ-
დენი.

ბიძინა. ესე იგი, ასტრონომთა საერთაშორისო ორდენი, ანუ შემოკლე-
ბით ა. ს. ო. არა?

მეღვა. ა. ს. ო. ვაი, რა საინტერესოა!

დარეჯანი. თქვენც ასტრონომი ხართ?

მაიკლი. ო, არა, მე ბოტანიკას ვამჯობინებ. მცენარეებს ვიცავ გადამე-
ნებისგან. ვანადგურებ ათასგვარ მღრღნელებს, პარაზიტებს. მოკლედ რომ
ვთქვათ, ბუნებას სიცოცხლეს ვუხანგრძლივებ.

ბიძინა. უკაცრავად, თქვენ თქვით, რომ მღრღნელებს ვანადგურებო?

მაიკლი. ვანადგურებ კი არა. მუსრს ვაკვებ.

ბიძინა. კი, მაგრამ მღრღნელებიც ხომ ბუნების შვილები არიან, მათაც
ხომ უნდათ სიცოცხლე.

მაიკლი. ეგ მე არ მეკითხება, მაგ საკითხზე ზოლოლოები მუშაობენ. ყვე-
ლა თავისას იცავს.

დარეჯანი. მიხე, ბუნების საკითხი როგორ დგას უცხოეთში, ჩვენთან,
მაგალითად, დღითი-დღე მატულობს.

მაიკლი. ო, ბუნების საკითხი ყველგან და ყოველთვის აქტუალური იყო.
თუმცა უმეტესობა მათი წინააღმდეგია, მაგრამ მოიძებნებიან ისეთებიც, რომე-
ლნიც ამ პარაზიტებს აქტიურად უჭერენ მხარს.

დარეჯანი. თქვენ რა აზრის ხართ?

მაიკლი. ჩემი პროფესიიდან გამომდინარე, მათთან ბრძოლა მიხდება. თუ-
მცა პირადი კონფლიქტი არასდროს მქონია. შემიძლია შემოგთავაზოთ მხამიან-
ნი ბალონი, მეტად ეფექტური საშუალებაა. (დიპლომატიდან იღებს ბალონს და
დარეჯანს აწვდის).

**დარეჯანი, ბუზის ჯოხის მაგივრად, ბალონით საწამლავს ყოველ კუთხეში
ასხურებს.**

მეღვა. მაიკლ, მაიკლ, სულხანი უცხოეთში არ შეგხვედრია?

მაიკლი. უცხოეთში?! არა, მე აქ მეგულებოდა. ნუთუ სულხანიც წავიდა?
რა უბედურებაა, ვინმე ხომ უნდა დარჩეს, ვის ხელში ტოვებთ აქაურობას?

დარეჯანი. არა, სულხანი არსად არ აპირებს წასვლას. სულხანს უყ-
ვარს სამშობლო, სულხანი ნამდვილი პატრიოტია.

მაიკლი. თქვენ გინდათ თქვათ, რომ მე პატრიოტი არა ვარ?

დარეჯანი. არა, როგორ გეკადრებათ, მე ეს არ მიგულისხმია.

ბიძინა. პატრიოტიზმი... (წიგნს იღებს, სათაურს ეძებს.) პ, პ, პარაბოლა,
პარადოქსი, პასპორტი. პო, პატრიოტიზმი. (კითხულობს) ესე იგი, პატრიოტიზ-
მი. ჩვენ თუ პატრიოტიზმს განვიხილავთ როგორც გეოგრაფიულ ცნებას, მაშინ
ყოველი პატიმარი ეროვნული გმირი ყოფილა. აქედან გამომდინარე, პატრიო-
ტიზმს არ უნდა ახასიათებდეს ისეთი ძლიერი გრძნობა, როგორიც სიყვარულია,
იგი იძულებითი ზემოქმედების შედეგი არ უნდა იყოს. თუმცა არსებობენ, და
თანაც მრავლად, სასჯელმოხდენი, რომელნიც ხელახლა სწადიან დანაშაულს.

იქნებ ამ ქმედებას ნოსტალგია ეწოდება?.. და რა?.. სამშობლოსკენ ღტოლვა და-
ნაშაულს მოითხოვს? (წიგნს დახურავს).

დარეჯანი. შენი მსჯელობა სუბიექტურია.

ბიძინა. სუბიექტურია იმდენად, რამდენადაც თქვენ არ გსურთ მისი მი-
ღება. თქვენ კი ვერ იგებთ, არამედ არ გინდათ გაიგოთ. ზოგჯერ ისეთი შთაბე-
ჭდილება მრჩება, თითქოს ადამიანს მხოლოდ იმიტომ ახასიათებს აზროვნება,
რომ მეორე ადამიანის ნააზრევია უარყოს.

მაიკლი. იცით...

ბიძინა. მაცადეთ! ნუ მიშლით ხელს აზროვნებაში (გლობუსთან მდგარ
კიბეზე ადის. წიგნს გადაშლის.)

ნატო. აუჰ, ახლა დაიწყებს ყვირილს. (დგება, რუკასთან მიდის, გვერდს
მოახვევს, ნაგლეჯებს დააგორგოლავეებს და წურებში იტენის. ისევ სკამზე ჯდე-
ბა, განაგრძობს რვეულებს შესწორებას).

ბიძინა. (კიბეხეობს) მე მსურს დეამტკიცო, რომ ბუნებაში კატასტრო-
ფებს იწვევს საზოგადოების უმეტარი მოთხოვნილება აბსტრაქტული გრძნობე-
ბის განვითარებისა, რასაც სხვაგვარად იდეალების მატერიალიზაცია ეწოდება.
ქალბატონო დარეჯან, თქვენი მოსაზრების მიხედვით, თუ პატრიტიზმი დამოკი-
დებულია რაღაც გეოგრაფიულ ტერიტორიაზე, მაშინ ამ ტერიტორიის რაობამ
უნდა განაპირობოს გრძნობის რაოდენობაც. რაც ყოვლად აბსურდულია, ვინაი-
დან გრძნობას არ ახასიათებს უნარი რაიმე შკალის მიხედვით აიზომოს, აიწო-
ნოს, აითვალოს, არა აქვს მინუს-პლიუს პოლუსები. არა აქვს საზომი ერთეული.
სწორედ ეს უუნარობაა უნარი სამყაროს არსებობისა. როდესაც მიჯნური იწ-
ყებს ფიქრს, სატრფოს რომელი ფიზიკური ღირსებანი განაპირობებს მისადმი
ღტოლვას, იმწამსვე არსებულ თბიექტს ადარებს წარმოსახვაში შექმნილ გაი-
დეალებულ, აბსტრაქტულ მოდელს. შედეგად, სასწორის საპირისპირო მხარეს
ორი სამყარო აღმოჩნდება, რომელთა შორისაც იმდენივეა განსხვავება, რამდე-
ნიც მსგავსება. ამ დროს ჩვენს მიერ განხილული ინდივიდი არჩევნის წინაშე
დგება — დაკმაყოფილდეს არსებული სუბიექტით, რომელიც იდეალთან შედა-
რებით შესაძლოა გონჯადაც კი მოგვეჩვენოს, ანდა დარჩეს მარადეამს მაქსიმა-
ლისტად და სდიოს მას, რასაც ვერასდროს ჰპოვებს. ჩემს მიერ ზემოთ მოყვა-
ნილ მავალითში განგებას ადამიანისთვის პირადი არჩევნის ინიციატივა მიუ-
ცია. რასაც ვერ ვიტყვით სამშობლოსა და ადამიანის ურთიერთდამოკიდებულე-
ბაზე. ადამიანს არ ძალუძს ამოირჩიოს სამშობლო, ვინაიდან იგი თავისდაუნ-
ებურად იბადება ამა თუ იმ გეოგრაფიულ ტერიტორიაზე და ამ ტერიტორიისად-
მი მასში ჩასახული გრძნობები იძულებით ხასიათს ატარებს. იგი რაღაც წერ-
ტილ-წყვეტილი ხაზით შემოფარგლულ ტერიტორიაში ისევეა გამოძვედუე-
ლი, როგორც რიგითი ტუსადი მავთულხლართით დახშულ საპატიმროში. ნუ
აქცევთ, ხალხნო, პატრიოტიზმს მიწის ნაგლეჯად! ჩვენი გრძნობები მეტად
ძვირფასი სიმდიდრეა, ვიდრე ისინი, ვინც ამ გრძნობებს იმსახურებენ! ვიყვარ-
დეთ სამშობლო ამ ოხერი წერტილ-წყვეტილი ხაზების გარეშე! (ბიძინა კედელ-
ზე გაკრულ რუკას მივარდება, ერთ გვერდს ჩამოახვევს და დააქუცმაცებს.)

დარეჯანი. ბიძინა, დამშვიდდი, სირცხვილია, გეყოფა.

ბიძინა. რა მეყოფა? რა არის სირცხვილი, — ვილაპარაკო ის რასაც ვფი-
ქრობ?

დარეჯანი. არა, იფიქრო იმაზე, რასაც ლაპარაკობ.

მაიკლი. ბატონო ბიძინა, ინებეთ საპნის ბუშტები, ნერვებს აწყენარებს.
(დიპლომატიდან იღებს ქილას საპნისა და წყლით და აწვდის ბიძინას).

ბიძინა ღამრწის ოთახში, ხან ჭადრაკს აცქერდება, ხანაც საპნის ბუშტებს
უშეებს.



მედეა. მიხო, მიხო, ფეხსაცმელი რატომ არ გაცვია?

მაიკლი. დედამიწის შუაგულიდან მოძავალ ენერგიას ვიღებ.

მედეა. მიხო, მიხო, რატომა ხარ ასეთი შავი?

მაიკლი. იმიტომ, რომ...

მედეა. იცი, მამაჩემი მიკრძალავს შავ ადამიანებთან ურთიერთობას.

მაიკლი. რატომ?

მედეა. იმიტომ, რომ პატიოსანი გოგონები შავ კაცებთან არ მეგობრობენო.

მაიკლი. (ხელს მოხვევს მედეას) მამაშენი რასისტია?

მედეა. არა, უბრალოდ, როდესაც პატარა ვიყავი, მამაჩემს აფრიკელი სტუმარი ეწვია, სტუმარი ძალიან შავი კაცი იყო, იმ სტუმარმა ბანანი შემომთავაზა და მეც. რა თქმა უნდა დავთანხმდი.

მაიკლი. (ანერვიულებული ხმით) მერე, მერე?

მედეა. ჰოდა...

ნათო. (მედეას სიტყვას აწყვეტინებს) უკაცრავად, მაიკლ, შეიძლება შენობით მოვმართო?

მაიკლი. ახლა არ მცალია, მოგვიანებით. (მედეას დიპლომატიდან ამოღებულ თეთრ ხელსახოცს ჩუქნის) ინებეთ.

დარეჯანი. (მაიკლს) მაიკლ, ეგ სხვა პიესიდან არის.

მაიკლი. (ხელსახოცს დახედავს) ოხ, სულ დავიბენი, ყველაფერი ავურიე. (მედეას) მაპატიეთ. (დიპლომატში აბრუნებს ხელსახოცს. სანაცვლოდ იღებს ბანანს და მედეას გაუწვდის).

ნათო. მიხო!

მაიკლი. ხომ გითხარით, არ მცალია-მეთქი!

ნათო. შენ გეუბნები, მოიხედე (ხელს კიდებს და უხეშად ატრიალებს).

მაიკლი. რა ხდება?

ნათო. ეე, მიხო ხარ თუ მაიკლი, სადაური ჩვენებული ემიგრანტი ხარ?

მაიკლი. მეე?!

ნათო. ჰო, ჰო, შენ.

დარეჯანი. მიხო, გთხოვ მოგვიყვე, მეც საოცრად მაინტერესებს.

მაიკლი. ბევრი რამ გამეგო ჩემი სამშობლოს შესახებ, ნანახმა კი მოლოდინს გადააჭარბა. გოგირდის უნიკალური აბანოები გვქონია. ჩამოვედი თუ არა, პირველ რიგში სწორედ ეს აბანოები მივიღე.

ნათო. (თავისთვის) რა ვიცი, ნაბანაგების არაფერი გეტყობა და...

მაიკლი. მე მართლა პირველად ვარ სამშობლოში, მაგრამ სწორედ გოგირდის აბანოების წყალობით. ისე ვგრძნობ თავს, თითქოს მთელი ცხოვრება აქ გამეტარებინოს. მამაჩემი სამშობლოში დაიბადა. ძნელბედობის ჟამს იძულებული შეიქნა გასცლოდა აქაურობას და მამულისგან მოშორებით დამკვიდრებულიყო. მეც სწორედ იქ დავიბადე. მამაჩემი ახლა ღრმად მიხუცებულია და ალბათ მალე გარდაიცვლება. მე აქ იმისთვის ჩამოვედი, რომ მისთვის საფლავის ადგილი შევარჩიო. იცით, ძალიან მომეწონა მთაწმინდის პანთეონი, ქალაქს ზემოდან დაჰყურებს, მშვენიერი ხედი იშლება, ჰაერიც საუცხოოა და საერთოდ, საკმაოდ სიმპატიური ადგილია. (მიდის კედელზე გაკრულ რუკასთან) თუ არ ვცდები, მთაწმინდა სადღაც ამ რაიონშია, არა?

დარეჯანი. დიას.

მაიკლი. (რუკას გვერდს ჩამოახვევს) მამაჩემს მინდა წავეულო, მშვენიერი სუვენირია.

ნათო. პანთეონი?! შენ იცი, რომ მთაწმინდის პანთეონში მხოლოდ გამოჩენილი ადამიანები განისვენებენ?

მაიკლი. კი, როგორ არა, გავიციოთხე და იქ მყოფმა საზოგადოებამ სავსებით დამაკმაყოფილა. შეიძლება ითქვას, რომ ამ მხრივაც ყველაფერი რიგზეა.

ნატო. მერედა მამაშენმა რით გამოიჩინა თავი?

მაიკლი. როგორ თუ რითი?! მამაჩემი ხომ ემიგრანტია! მუდამ ოცნებობდა უცხოური კაპიტალის სამშობლოში დაბანდებახე. საწყალი, სიკვდილის შემდეგ მაინც აისრულებს ოცნებას.

კარზე ირეკება ზარი. შედეგა კარისკენ გაქანება.

მედეა. სულხანი! ნამდვილად სულხანი მოვიდა!

სამხედრო. სულხანი არ არის, ვიღაც ორნი არიან.

კართან მისული მედეა უკან გამობრუნდება. კარს დარეჯანი ადებს. ოთახში გუგა და გუგა შემოდინ. გუგას ხელში სავსე ცელოფანის პარკი უჭირავს. მოსულები ოთახში მყოფთ შეათვალიერებენ.

ბეზა. ხომ გუებნებოდი, სხვაგან წავიდეთ-მეთქი. ნახე, აქ რამდენი ხალხია.

ბუზა. სამაგიეროდ, სულხანს ვარსკვლავებიანი გლობუსი აქვს.

ბეზა. კარგი, აქ მოვხარშოთ, ოღონდ, მე ჩემ წილში არავის ჩავსვამ.

ბუზა. (დარეჯანს) აქ რა ამბავია, რა ხდება?

დარეჯანი. სულხანი თავის მომავალ აღმოჩენას აღნიშნავს.

ბეზა. ვა, ეგეთი რა უნდა აღმოაჩინოს?

დარეჯანი. რა, არაფერი გაგივიათ?

ბუზა. ვენაცვალე, ვერე რატომ გველაპარაკები, ჩვენ ორივენი გავების ბიჭები ვართ. ჩვენ რომ გავვივია, მაგდენი ყველას ერთად სიზმარშიც არ ვინახათ.

დარეჯანი. არა, მე სხვა რამეზე ვლაპარაკობ, თქვენ მე ვერ გამოგეთ.

ბეზა. (გუგას) ე, ამით რამე ხომ არ ეშლებათ? (დარეჯანს) რომ გუებნებით, ესე იგი ვერე! მე თუ გავვივლი; ყველას ერთად ვადაგვრით.

გუგა ჯიბიდან დანას იღებს და გუგას აწვდის, გუგა ართმევს და დარეჯანს გადასცემს.

ბეზა. (გუგას) არა, ბიჭო, ვერ დავარტყამ, ქალია.

ბუზა. მერე რა მოხდა, მაია წყნეთელიც ქალი იყო მაგრამ ვაჟკაცურ გაგებას აწვებოდა. კაცურადაც მოკლეს.

ბეზა. არა, ძმაო, ქალის მოკვლა არავაჟკაცურია. კაცის ტანსაცმელი ჩაიცვას და მერე დაველაპარაკები (დანას გუგას უბრუნებს).

ბუზა. (დარეჯანს) ეს კაცი მართალია. მაღლობელი იყავი, კაცი რომ არა ხარ.

დარეჯანი. გმადლობთ.

ბუზა. (ყველას) ჰა, პრეტენზიები ხომ არა გაქვთ?

ოთახში მყოფნი შეშინებულები უარის ნიშნად თავს გააქნევენ.

ბუზა. (დარეჯანს) სულხანი სად არის?

დარეჯანი. გასულია და იმედია, მალე მოვა.

ბუზა. იმედიაზე არ გეკითხებიან, სულხანი როდის მოვა-მეთქი!

ბიძინა. (მიდის გუგასთან) უკაცრავად, თუ შეიძლება, რომელ სკლას ამჯობინებდით?

ბეზა. მე?

ბიძინა. დიახ, სასურველია, რომ თქვენ.

ბუზა. ესე იგი ჩვენ, არა? (გუგას) რომელი ვითამაშოთ?

ბეზა. რა თქმა უნდა, შავი.

ბუზა. მაშინ ეს ვითამაშოთ.



გეგა. ეგ, ბიჭო, ოფიცერია, ხელი გაუშვი, თავი არ გაიფუჭო, მაგას ეს აჯობებს. (აკეთებს სვლას).

ბიძინა. პაიკი? ოო, ლოგიკური სვლაა.

გეგა. ჰა, გინდა კიდევ რამე?

ბიძინა. არა, გამაღობთ, არაფერი. თუმცა, იმედის თაობაზე მსურდა ჩემი აზრი გამოთქვა.

გეგა. (გეგას) თქვას, თუ ვცემოთ? (აწვდის დანას).

გეგა. ჯერ თქვას (დანას არ აროთმევს).

გეგა. (ბიძინას) მიდი, თქვი.

ბიძინა. (წიგნს გადაშლის, კითხულობს) იმედი რთული ფენომენია და დამოკიდებულია არა პიროვნებაზე, რომელსაც ეს ფენომენი მართავს, არამედ ფენომენზე, რომლითაც ინდივიდი იმართება. იმედი გულისხმობს ერთი ადამიანის მოსალოდნელ ქმედებას მეორის წარმოდგენაში და ეფუძნება პირველის ნამოქმედარს სხვა ანალოგიურ, ან ახლო ანალოგიურ ვითარებაში. აქედან გამომდინარე, საზოგადოებაში მოარული გამოთქმა — „იმედის გაცრეება“ გულისხმობს არა პერსონაჟის არასწორ სვლას, არამედ პერსონაჟის მიმართ დამკვირვებლის არასწორ შეხედულებას, ვინაიდან დამკვირვებელი თვითონ ქმნის სამყაროს, რომელსაც „იმედს“ უწოდებს, თვითონვე აკანონებს მას და უზურპაციაში აქცევს პერსონაჟს, რომლის პროტოტიპად სინამდვილეში დამკვიდრებული მეტად გვევლინება, ვიდრე ის, ვის სახელსაც პერსონაჟი ატარებს.

გეგა. მაგითი რისი თქმა გინდა?

ბიძინა. მხოლოდ და მხოლოდ იმისი, რომ იმედი არა რეალური ცხოვრებაა, არამედ რეალურის პარალელური, ისევე როგორც ოცნება. ამიტომაც ორივენი ინდივიდისთვის სასურველი სამყაროს წყობის ხასიათს გულისხმობენ და არა სამყაროს წყობისათვის სასურველ ინდივიდის ხასიათს.

გეგა. მერე?

ბიძინა. მერე? მერე არაფერი, უბრალოდ ის, რომ სულხანი ღმერთმა უწყის სად არის და მხოლოდ ქალბატონი დარეჯანის სამყაროში არსებულ სულხანის ქცევაზე სულაც არ არის დამოკიდებული რეალური სულხანის ქცევა.

გეგა. (ბიძინას) ძმაო, რა თავგზას გვიბნევ!

ბიძინა. არა, როგორ გეკადრებათ.

გეგა. (დანას აწვდის გეგას) ხომ გეუბნებოდი, ვცემოთ-მეთქი.

გეგა. (დანას გახსნის და ყვირის) ბოლოს და ბოლოს, არ იტყვი, სად არის სულხანი?! დაგზოცავთ, თქვენი დედა ვატირე!

გეგა. დაგზოცავთ!

დარეჯანი. (აკანკალებული ხმით) არ ვიცი, ღმერთმანი, არ ვიცი.

სამხედრო. სულხანი აქ არის, კარადაშია დამწყველეული.

გეგა და გეგა აგრესიული გამომეტყველებით დარეჯანისკენ მიიწევენ. შეშინებული დარეჯანი უკან-უკან იხევს, მობუზული კედელთან შეშლება. თვალებს ხუჭავს და ხელებს სახეზე იფარებს. დანამოდერებულ გეგას გეგა მიყვება. გეგა დარეჯანს გვერდით აუკლის და კარადასთან მივა.

გეგა. (კარადაზე აკაკუნებს) სულხან, აქა ხარ, ძმაო?

გეგა. გამოდი, ბიჭო, ჩვენ მოვედით.

კარადასთან მიიბრუნეს შედეა. კარადის გასაღების ღრიჭოში იხედება და კარზე აკაკუნებს.

მედეა. სულხან, გენაცვალე, გამოდი, თუ გიყვარვარ, გამოდი, რა!

გეგა. გამოდი, ბიჭო, გამო 'დროზე!

გეგა მედეას ხელს გადახვევს.

გეგა. (მედეას) შენი სახელი, გენაცვალე?

მეღა. მე მეღა მქვია.

გაბა. ვა, რა ჯივრული სახელი გქონია. დაგინახე თუ არა, მაშინვე ვიფიქრე, ამას ნაღდად მეღა ერქმევა-მეთქი.

გუბა. (კარადაზე აკაკუნებს) სულხან, გამოდი! გამოდი, თორემ შემოველით. გამოდი, ბიჭო! გამოდი, სანამ გეგამ აგჭრა. (გეგას) არ გამოდის, ეტყობა, შენი არ ეშინია.

გაბა. გაანებე, არაფერია. (განაგრძობს მეღასთან საუბარს).

რობიზონი. (ტელეფონზე) ღარისპან! სამოცი დათვი და ოთხმოცი ნიანგი შენი. არა, ნაკლებად არ იქნება, მინიმუმი სამოცდათვრამეტე, ჰა, ჰა სამოცდაჩვიდმეტნახევარი... არა, სამოც დათვზე მეტს მე ვერ მოგცემ, ისე თუ გინდა... (სცენას მათვალიერებს) ჰო, თუ გინდა, ერთ უცხოელს დაგიმატებ და მიურივლეთ... (მაიკლს) მიხო.

მაიკლი. ბატონო.

რობიზონი. კბილები დაკრიჭე.

მაიკლი კბილებს კრიჭავს.

(ტელეფონში) ო, ისეთია, რკინას კვენტს. ჰა, ხომ გეყოფა? არა, გეხეველები. არა, მეტი დათვი არ მყავს. გამიგე, კაცურად გამიგე... ნუ დამღუპავ, მეტს ვერ მოგცემ... არ მოგცემ და მორჩა. ბიჭო, შენ გეუბნები, არა-მეთქი!.. დაფიქრდი, თავი არ წააგო. გესმის, არ მოგცემ!.. არა!.. ჰო, ვერა, ვერა რა! გემუდარები რა, შენი ჭირიძე, არ დამღუპო, მაქსიმუმი სამოცდაერთი, ჰა, ჰა, სამოცდაერთ ნახევარი... ჰო, კარგი, ორი, ორნახევარი (რობიზონის ხმა წყდება. უხმოდ განაგრძობს ლაპარაკს).

ბიძინა. (კიბეზეა ასული და ხმაძალა ფიქრობს) რამდენად მომგებიანი იქნება ლაზიერების გაცვლა? ფაქტიურად, ორივე მხარე კარგავს ყველაზე ძლიერ ფიგურას. მაგრამ დაფაზე რჩებიან პაიკები, რომელნიც პოტენციური ლაზიერები არიან. თუმცა, ეს ძალზე იშვიათად ხდება. და მაინც, გამოუვალ მდგომარეობაში მყოფ ორ ლაზიერს ისევ თექვსმეტი პოტენციური პაიკი ღობია. მაგრამ ისინიც რომ გამოუვალ მდგომარეობაში მოხვდნენ? (უხმოდ განაგრძობს საკუთარ თავთან საუბარს).

ღარეჯანი. (მაიკლს) მიხო, ჩვენი სამშობლო გარედანაც ისეთივე ლამაზია, როგორც შიგნიდან?

მაიკლი. გააჩნია, შენ თვითონ სად იმყოფები.

ღარეჯანი. მაგას რა მნიშვნელობა აქვს?

მაიკლი რას ბრძანებთ, მთავარი ეს არის. როდესაც შიგნით ხარ, მაშინ გარედან უფრო ლამაზია, როდესაც გარეთ — მაშინ შიგნით.

ღარეჯანი. თუ არც გარეთ ხარ და არც შიგნით?

მაიკლი. მაშინ...

ნატო. (ღარეჯანისა და მაიკლის ხმას ფარავს) უვიცი, უვიცი. შტერი, იდიოტი, რას წერს, რა სისულელეებია. (ხაწერებს კალმით ახწორებს).

გუბა. (კარადაზე აბრახუნებს) გააღე, ბიჭო, გამოდი! სულხან, ჩემი დღას გეფიცები, გამოდი, თავი არ გაიფუჭო. (დანას ხსნის და გეგას აწვდის, რომელიც აქამდე უხმოდ ესაუბრებოდა მეღას). გეგა, ძმაო, არ გამოდის. მოდი, ქენი რამე.

გეგა უხახათოდ ართმევს დანას, ისევ განაგრძობს მეღასთან არშევს და ზრდილობის გულიხთვის დანის წვერს კარადას ურჭობს.

რობიზონი. (ტელეფონზე) მაშ, სამოცს არ მომცემ, არა? კარგი, ვნახოთ, ვისი აჯობებს. (ტელეფონით ხელში მიდის გეგასთან). უკაცრავად, მეგობარო.

გაბა. (უკმაყოფილოდ) რა იყო, რა ხდება?

რობიზონი. იცით, რაშია საქმე...

პეპა. ჰო, ეხლა ამოდერლე.

როზიზონი. (გეგას ურმილს მიაჩენებს) აი, სამოც დათვს ოთხმოც ნიანგზე არ მიხურდავებს. როგორმე ორი სიტყვა შემაწიე.

პეპა. ვერ გავიგე, რა გინდა?

მეღვა. (გეგას) ჰოდა, პატარაობისას, მე და ჩემი კარის მეზობელი ბიჭუნა, შემთხვევით სააბაზანოში ერთად ჩავიკეტეთ. გარედან კარზე გვიბრაუნებდნენ და გამოდითო, გვიყვიროდნენ. მე გამოსვლა მინდოდა, ჩემმა მეზობელმა კი...

როზიზონი. (გეგას ტელეფონს აჩენებს) მიდი რა, შენ რომ დაელაპარაკები, შეეშინდება. უთხარი, სამოც დათვზე მეტს არ მოგცემს-თქო.

პეპა. წადი, თავი დამანებე!

როზიზონი. გეხვეწები, რა! ვემუდარები! ოთხმოც ნიანგს მაძლევს, პატივისცემა ჩემზე იყოს. ათ პროცენტს ღავითმობ.

პეპა. გადი, ძმაო, მანამ ღამაში ხარ.

როზიზონი. კარგი, თხუთმეტი პროცენტი აიღე. მიდი, რა! ოცს მოგცემ. ოცდახუთი! ორმოცი!

პეპა. სამოცს მომცემ?

როზიზონი. ეე, სამოცი არა. ორმოცდაათი.

პეპა. არა და დაახვიე.

როზიზონი. კარგი, სამოცი იყოს, ოთხმოცის სამოცი პროცენტი ორმოცდარვა ნიანგია.

პეპა. ოთხმოცი პროცენტი მომეცი.

როზიზონი. ააა!!! (ხასოწარკვეთილი ყვირის).

პეპა. ნიანგები მინდა ეხლა მე? გადი, ძმაო, გაიპარე, სანამ დამიხრჩვიხარ. (როზიზონს ხელიდან გამოგლეჯს ტელეფონს და იატაკზე დაანარცხებს. ისევ მეღვას მიუბრუნდება) ჰო, სიცოცხლე, მერე რას მიყვებოდი?

მეღვა. სად გავჩერდი?

პეპა. შენ რომ გამოსვლა გინდოდა და შენ მეზობელს შესვლა (მიიხუტებს მეღვას).

მეღვა. ჰო, გამახსენდა...

ნატო მეღვასთან ჩახუტებულ გეგას დაინახავს თუ არა, მაშინვე რვეულებს თავს მიანებებს და გეგასთან მიიჭრება. ისმის პატეფონის ხმა.

ნატო. (გეგას) ხომ არ გვეცეკვა?

პეპა. არა, დაიკო, არ ვეცეკვავ.

ნატო. (კეკლუცად) იქნებ მაინც...

პეპა. (მეღვასთან დაშორება არ უნდა) არა-მეთქი, გოგო!

ნატო. (ხელს ჰკიდებს გეგას და ძალით აცეკვებს) მიდი, გიჟო, მე გასწავლი ცეკვას.

პეპა. (კარადაზე აბრაზუნებს) სულხანი! გამოდი, შე ახვარო!

კარადას მშვიდად უახლოვდება მაიკლი. დილომატიდან გასაღების დიდ აცმას იღებს და კარის საკეტზე მორგებას იწყებს. გუგა კარზე ბრაზუნს წყვეტს, ერთხანს გაოგნებული შესცქერის მაიკლს. მერე გონს მოეკება და გასაღების აცმას ხელიდან წაგლეჯს.

პეპა. (მაიკლს) ეე, ბიჭო, შენ ჩაკეტე სულხანი? შენ ჩაკეტე, არა, შე ნაბიჭვარო! (მუჯღუგუნით გვერდზე გააგდებს მაიკლს, რომელთანაც დარეჯანი მიდის, ამშვიდებს და გვერდით გაჰყავს. გუგა თვითონ ცდილობს გასაღების მორგებას, მაგრამ უშედეგოდ. ისევ იწყებს სულხანის ლანძღვას და კარებზე ბრაზუნს).

როზიზონი. (გატეხილი ტელეფონის აპარატით მიდის მაიკლთან) უკაც-

რავად, თქვენ მაინც დამეხმარეთ, პარტნიორთან დაკავშირების საშუალება დაეკარგე.

მაიკლი ტელეფონს შეათვალიერებს. გატეხილ ტელეფონს დიპლომატში დებს, სანაცვლოდ იღებს ფაქსის აპარატს და რობიზონს აძლევს. რობიზონი გაოცებული დასცქერის აპარატს. მაიკლი განუმარტავს.

მაიკლი. (რობიზონს) ეს ფაქსია — ტელეფონზე სრულყოფილი აპარატი. საქმიანი ურთიერთობისთვის აუცილებელი ხელსაწყოა.

რობიზონი ართმევს ფაქსის აპარატს და იწყებს საუბარს. ცეკვით გართული ნატო თავს ანებებს გეგას და დარეჯანთან განაგრძობს ცეკვას. თავბრუდახვეული გეგა კარადასთან მილასლასდება, სადაც ღონემიხდილი გუგა თავსა ურტყამს კარადის კარს. იქვეა შედეაც.

გუგა. (სულხანს) გამოდი! გამოდი-მეთქი!

გეგა. თავი გაანებე, იყოს, მაგის დედაც ვატირე! ახლა საქმეს მივხედოთ.

გუგა. ჰო, ნადღს ბაზრობ. (ხსნის ცელოფანის ტოპრაკს, საიდანაც კოლბებსა და სპირტქურას ამოიღებს. გეგა და გუგა პატარა ქიმიურ ლაბორატორიას მოაწყობენ).

მედია. (კარადას ეყარება) სულხან, შემოგველე, გამოდი, რა!

ბიძინა. (სამხედროს ჭადრაკს აჩვენებს) როგორ ფიქრობთ, ჩემი სტრატეგიული სვლა გაამართლებს?

სამხედრო არ პასუხობს.

ბიძინა. იქნებ მაინც მიპასუხოთ, თქვენი აზრი, როგორც პრაქტიკოსი პროფესიონალისა, ჩემთვის ძალზედ მნიშვნელოვანია. (უშედეგოდ ელოდება სამხედროს პასუხს. გაწვილებული კარადასთან მიდის) სულხან, გესმის, სულხან? მე ბიძინა ვარ, ბიძინა. გენიალური ტაქტიკური ხერხი მოვისაზრე. შენ რას იტყვი. ხომ მართლაც გენიალურია? თეთრი ფიგურებიდან მხოლოდ მეფე და ერთი პაიკი დავტოვე, შევებიდან კი ყველა დაფაზეა. თუქსმეტივე ფიგურა, გესმის, თუქსმეტივე! არა, არ გეგონოს, შევებს ფორა მივეცი. თავიდან მეც ასე მეგონა, მაგრამ ბოლოს მივხვდი, რომ გენიალური ტაქტიკური ხერხია. ჯერ ერთი, — მრავალფიგურიაობამ შესაძლოა ქაოსი გამოიწვიოს. ხომ წარმოვიდგენია, ერთ მხარეს მეფე, რომელსაც, ფაქტიურად, შიშის მეტი არაფერი დარჩენია და პაიკი, რომლის მოვალეობაც და პირადი ამბიციებიც ერთ მიზანს ემსახურება: გახდეს ლაზიერი. მეორე მხარეს კი შვიდი გაბღენძილი ფიგურა. ერთი თვითკამყოფილი მეფე და რვა პაიკი, რომელნიც დიდი ხანია შეგუებიან ბედს, — შვიდი ზემდგომის სვლებს შეეწირონ. ახლა ხომ გესმის! ერთი მხარე თვითკამყოფილების იდიოტურ ვანცხრომაში იხრჩობა, ხოლო მეორე მხარეს მხოლოდ მეფე და პაიკია, მაქსიმალური შიში და მინიმალური შესაძლებლობა. და რაც მთავარია, ყოველივე ზემოთ თქმულით გამოწვეული ტკივილი, საშინელი ტკივილი. ტკივილი მკურნალი შიშისა, ტკივილი მკურნალი მარტოობისა, უნუგეშობისა, ქაოსისა, პრეტენზიულობისა. ტკივილი, რომელმაც შესაძლოა დამარცხებისაგან იხსნას თეთრები, მათ ხომ უკვე სტკივათ, მათ აღარაფრის აღარ ეშინიათ. მათ ივემეს ტკივილი და უკან დასახევი გზა მოეჭრათ. მივაგენი, გესმის, მივაგენი! მხოლოდ ტკივილი, მხოლოდ საშინელი ტკივილი გვიხსნის. გესმის, სულხან! მივაგენი! სულხან, მიპასუზე, ხმა ამოიღე, სულხან, სულხან! ეჰ, სულხან, სულხან. (გაცდება კარადას და კიბეზე ჩამოჯდება).

ნატოსთან ცეკვით დაქანცული დარეჯანი კარადასთან ჩამოჯდარ მედეას თავზე წამოადგება.

მედია. დეიდა დარეჯან, რა ვქნა, სულხანი რომ არ გამოდის?

დარეჯანი. ძალიან ნუ ინაღვლებ, რამე მოგვარდება.

მედია. გამაღობთ, დეიდა დარეჯან.



დარეჯანი. ჰო, მართლა, მე და ნატომ მოვილაპარაკეთ (გახედავს და ჰაეროვან კონკნას გაუგზავნის ნატოს, რომელიც ისევ რვეულებში ნაწერებს ასწორებს) და შეგიძლია დედა დამიძახო, იცი, ზოგჯერ სულხანიც დედას მეძახის, იმისდა მიხედვით, თუ მოცემულ ვითარებაში რა მეზობლურ ურთიერთობაში ვიმყოფებით.

მედეა დარეჯანს უღიმის.

დარეჯანი. ვაიმე, დედა გენაცვალოს, რა საყვარელი ვინმე ხარ, შენი ჭირიმე. (ლოყაზე მოუთათუნებს ხელს).

სცენაზე მყოფნი ისევ უხმოდ ურთიერთობენ და ჩვეულ საქმიანობით არიან გართულნი. გეგა და გუგა თავიანთ ქიმიურ ლაბორატორიას ჩაჰკირკიტებენ. სამხედრო რაღაცას გულისყურით უმიზნებს თოფს. ნატო რვეულებში იქექება. კიბეზე მჯდარი ბიძინა ჭადრაკის დაფას აცქერდება და საპნის ბუშტებს უშვებს. რობიზონი ფაქსით არის გართული, მაიკლი ფეხშიშველა დადის სცენაზე და გულმოდგინედ ათვალთვრებს ყოველ ნივთს. დარეჯანი ჰაერში ასხურებს ბუზების საწინააღმდეგო წამალს. მედეა კარადის გარშემო დაღონებული ცქცავს. პატეფონის ხმას სცენის მიღმა ყვირილი წყვეტს.

შალიკო. (სცენის მიღმა) მაინძელო!.. მაინძელო!

მედეა. სულხანი!..

დარეჯანი. არა, გენაცვალე, სულხანი შინ დაბრუნებისას „მაინძელოს“ არ ყვირის.

მედეა. ხომ შეიძლება, მაინცდამაინც დღეს მონდომებოდა მაინძელოს დაძახება.

დარეჯანი. არ მესმის, რატომ უნდა მონდომებოდა?!

მედეა. უბრალოდ, ნასვამია და ხუმრობს.

დარეჯანი. არა, შეუძლებელია. ბოლო ერთი კვირაა სულხანს ნაღვლის ბუშტი აწუხებს და მე კატეგორიულად აუუკრძალე ალკოჰოლური სასმელების მიღება.

მედეა. იქნებ არ დაგიჯერათ?

შალიკო. (სცენის მიღმა) მაინძელო! მაინძელო!

დარეჯანი. არა, ნამდვილად არ არის სულხანი.

მედეა. არა, იქნებ მაინც...

ნატო. მედეა, რა გემართება? სულხანი ხომ კარადაშია.

მედეა. ვიცი, მაგრამ მინდა, რომ გარეთ იყოს და „მაინძელოს“ ყვიროდეს. არის ამაში რაღაც ეგზოტიკური და თანაც რომანტიულია.

ნატო. შენ მუდამ ასე გგონია ხოლმე.

დარეჯანი. არა, მაცადეთ, თუ სულხანი გარეთ არის, მაშინ კარადაში ვინლაა? და საერთოდ, მითხარით რა ექნა? ხომ უნდა ვიცოდე, სულხანს ვუღებ კარს თუ ვინმე სხვას.

სამხედრო. სულხანი კარადაშია.

მედეა. გარეთ ვინლაა?

სამხედრო. გააღეთ და გაივებთ.

დარეჯანი. არა, მე მეშინია, მე კარს არ გავაღებ.

შალიკო. მაინძელო! მაინძელო!

მედეა. თუ სულხანი არ არის, არც მე გავაღებ.

ბუბა. (გუგას) არ გამავიწყონ, უთხარი რამე.

ბუბა. (სცენაზე მყოფთ) ეხლა დროზე გააღეთ, თორემ თუ გაგიყდა, ყველას გადაგჭრით.

დარეჯანი. ახლავე, ახლავე, ოღონდ თქვენ არ ინერვიულოთ. (კართან ფეხაკრეფით მიდის, კარს აღებს და სასწრაფოდ ისევ უკან ბრუნდება).

ოთახში შემოდის ფეხშიშველა შალიკო, რომელსაც მხარზე ხურჯინი ჰკიდია, ხელში ქათამი უჭირავს.

შალიკო. გამარჯობათ თქვენი.

ბება. (თავისთვის) შენი და შენი ორი კეთილი მეზობლის...

ღარეჯანი. (შალიკოს) გაგიმარჯოს.

შალიკო. (ტვირთს იატაკზე აწყობს და ჯიბიდან ფურცელს იღებს) ჯემალი მინდოდა.

ღარეჯანი. ჯემალი?! (ოთახს მოათვალიერებს) ეგეთი აქ არავინაა.

შალიკო. არაა? (დააცქერდება ფურცელს) კაი, აბა, ბოდიში. (ხურჯინს დასწვდება და გასვლას აპირებს, მაგრამ წამით შეჩერდება) კიდევ ბოდიში, არც ჯუმბერია?

ღარეჯანი. (ისევ მოათვალიერებს ოთახში მყოფთ) არც ჯუმბერი.

შალიკო. არ მატყუებ?

ღარეჯანი. არა.

შალიკო. ნამდვილად არ მატყუებ?

ღარეჯანი. არა, ნამდვილად არ არის, რატომ უნდა გატყუებდეთ?

ბიძინა. ტყუილი! თქვენ იცით, რა არის ტყუილი? (კიბეზე წამოდგება).

ბება. (ბიძინას) აბა, ეხლა დაჯექი, თორემ აედექი.

ბიძინა ხასწრაფოდ ჯდება.

ბება. (შალიკოს) ე, ბიჭო, შენ კიდევ, რომ გეუბნებიან არ არისო, ესე იგი ეგრეა საჭირო.

გუგა გეგას დანას გაუწვდის. გეგა უკან მიუგდება დანას.

ბება. (გუგას) შენ კიდევ ნუ გამიხურე, რა. მოდი, საქმეს მიხედე.

შალიკო. (ფურცელს გამოიწვდის) აქ ასე წერია, თორემ მე რა.

ბიძინა. (შალიკოს ფურცელს გამოართმევს) ხოლო, ფიცო მწამს და ბოლო მაკვირვებსო.

შალიკო. რა მაკვირვებსო?

ბიძინა. არაფერი, ეს ისე (ფურცელს დაწმუჭნის და გადააგდებს).

შალიკო. რას შერებს?

ბიძინა. მოიცა, რა დროს ეგ არის. ერთი ის მითხარი, შენი აზრით, ჭადრაკის ფიგურებიდან ყველაზე მნიშვნელოვანი რომელია.

შალიკო. (უაზრო თვალებით დააცქერდება ჭადრაკის დაფას. გამომეტყველებაზე ეტყობა, თამაში არ იცის. თავის დასაძვრენად საუბრის თემას ცვლის) ჯერ გავიცნოთ ერთმანეთი. (ტვირთს ძირს დააწყობს და მარჯვენა ხელს გაუწვდის) მე შალიკო მქვია.

ბიძინა. მე, ბატონო ჩემო, — ბიძინა (ხელს ჩამოართმევს). მაგრამ ამას არავითარი მნიშვნელობა არა აქვს. ვატყობ, თქვენ ჭადრაკისა არაფერი გაგეგებათ, მაგრამ რომ გაგეგებოდეთ, უეჭველია, ყველაზე ძლიერ ფიგურად ლაზიერს დაასახელებდით. მე კი მოგახსენებთ, რომ ცდებით. მანევრირების მაქსიმალური შესაძლებლობა სრულიადაც არ ნიშნავს იმას, რომ ლაზიერი მნიშვნელობით აღმატება მეფეს, რომელიც, მართალია არ გამოირჩევა შეტყევითი ხასიათით, მაგრამ ის ერთადერთია, რომელსაც უნარი შესწევს მატჩი ფაიმით დაასრულოს — ზაფხუ მოაწეროს ხელი. არის ასეთი საჭადრაკო ტერმინი „პატი“.

შალიკო. აუჰ, უყურე შენ...

ბიძინა. მაპატიეთ, რომ გაგაცდინეთ, თავისუფალი ბრძანდებით.

შალიკო. არა, ჭირიმე, რა მოცდენაა, ილაპარაკე თუ გინდა, მე მაინც თავისუფალი ვარ.

ბიძინა. თავისუფალი?! (წიგნს გადაშლის, სარჩევში სათაურს ეძებს) თა-
ც, თავი, თავი, თავისუფალი. (კიბეზე ადის, კითხულობს) თავისუფლება ხომ

პირობითი ცნებაა. მეტად ამორფული და დაუკონკრეტებელი საზღვრების მქონე. საზოგადოების მცდარად მოაზროვნე დიდი ნაწილი თავისუფლებასკენ მხოლოდ და მხოლოდ იმიტომ იღტვის, რომ თავისუფალ მდგომარეობაში მყოფნი მინიჭებული უფლებების რეალიზაციას მხოლოდ საკუთარ თავზე შეძლებენ, ვინაიდან თავისუფლება, უპირველეს ყოვლისა, პიროვნების დამოუკიდებლობას, ანუ საზოგადოებისაგან იზოლირებას გულისხმობს და არა საზოგადოებაზე უფლებების ქონას. საზოგადოებასთან გამოჯნული ინდივიდი კი, ადრე თუ გვიან, უპირისპირდება საკუთარ თავს. ვინაიდან ყოველ ადამიანში ძვეს დიდი რაოდენობა დადებითი და უარყოფითი ემოციებისა, რომელთა რეალიზაციაც მას მხოლოდ საკუთარ თავზე შეუძლია განახორციელოს. ეს ყველაფერი ადამიანში ავადმყოფურ გამოვლინებებს იწვევს, ის ხდება მაზოხისტი, თუნდაც ნარცისი, ალბათ, ეს ორივე ერთი და იგივეა. სინამდვილეში კი ჩემს მიერ ზემოთ მოყვანილი მოსაზრება მხოლოდ თეორიული ანალიზია თავისუფლების ცნებისა. პრაქტიკაში თავისუფლება შაშხანაზე წამოცმულ მოფრიალე ბაირალზე წარწერილი ღოზუნგია, რომლის ქვემოთაც ლაზიერად გადაქცევის მოსურნე პაიკთა ბრბო დგას. ბრბო, რომელიც მზად არის მუსრი გაავლოს მისი სვლის საწინააღმდეგოდ მომავალ კონტრასტული ფერის პაიკებს. (დამთავრებს თუ არა სიტყვას, მაშინვე სახნის ბუშტების გაშვებას იწყებს).

შალიკო. (დარეჯანს ბიძინაზე) სულელია?

დარეჯანი. არ ვიცი, ამბობენ, როცა ჩუმად არის, ჭკვიანიაო.

შალიკო. ეჰ, რაღაცას მატყუებთ, წავედი მე, წავედი. (ოთახიდან გასვლას აპირებს, მაგრამ აჩუქრად მაიკლი შეაჩერებს).

მაიკლი. სად მიდიხარ? ბიძინა არ აპირებდა თქვენს განაწყენებას. უნებურად მოუვიდა.

შალიკო. აქმალი თუ არა, ჯუშბერი მაინც უნდა მოვძებნო, თორემ მაგათ მეტი ნაცნობი არ მყავს ქალაქში და დავიკარგები.

მაიკლი. ოხ, როგორ გეკადრებათ, ხვალამდე აქ მოისვენეთ. თქვენ ვერ წარმოიდგენთ, ჩვენს დედაქალაქში რაოდენ სტუმართმოყვარე ხალხი ცხოვრობს.

შალიკო. სახზე გატყობ, შენ რაღაცას მატყუებ, მაგრამ რაკი მთხოვ, უსინდისო კაცი უნდა ვიყო, უარი რომ ვითხრა. (იატაკზე აწყობს პარგს). თქვენი სახელი, ბატონო?

მაიკლი. მაიკლი, ჩვენებურად მიხო.

შალიკო. (ხელის ჩამორთმევა უნდა, მაგრამ ჯერ მაიკლის ხელის გამოწვლას დაელოდება) სადაურად, ჩვენებურად?

მაიკლი. იქაურ ჩვენებურად. მოკლედ — ვრძელი ისტორიაა.

შალიკო. კაი ბატონო, დამიძალე, არ მითხრა. მე აქაურადაც და იქაურადაც შალიკო მქვია.

მაიკლი. ესე იგი, შალიკო, შალვა, შარღ.

შალიკო. მაშ, ზანგურად შარღი მერქმევა. კეთილი და პატიოსანი.

მაიკლი. (გაუღიმებს) ჩემო ძვირფასო შარღ, თქვენც დედამიწის წიაღიდან მომავალ ეროვნულ მუხტს დებულობთ.

შალიკო. რაზე მატყობ?

მაიკლი. თქვენც, ჩემსავით, ფეხშიშველი ბრძანდებით.

შალიკო. მე არ ვიცი, შენ რას დებულობ, მე კი შინიდან აქამდე მომავალ გზაზე ფეხსაცმელი შემომაცვდა და გადავყარე.

მაიკლი. ო, რა სამწუხაროა.

შალიკო. ძალიან შეწუხდი?

მაიკლი. რა თქმა უნდა.

შალიკო. მაშინ მათხოვე შენი ფეხსაცმელი, შენ მაინც იმუხტები და არ გჭირდება (ხელს წაიდებს მაიკლის ფეხსაცმელისკენ).

მაიკლი. ო, ესენი არა. სხვებს მოგართმევთ. (დილომატში თავის ფეხსაცმელებს აწვობს, იქიდან კი ფლოსტებს ამოიღებს შალიკოსთვის).

შალიკო. შენები კი ჯობდა, მაგრამ ამაზეც მადლობა. (იცვამს ფლოსტებს. ფეხზე კარგად რომ მოირგოს, ოთახში გაივლის. რუკასთან მივა, გვერდს ჩამოახეხვს, ფლოსტის წვერზე დაიფურთხებს და რუკის ნაგლეჯით აპრიალებს). შენები დაგენანა და ესენი გაასალე, ხომ?

მაიკლი. არა, როგორ გეკადრებათ!

შალიკო. კაი ახლა, უკადრებელი რაა ამ ქვეყნად. უცხოეთიდან ჩამოსული რომ ხარ, გეტყობა, მაგრამ ჩემი მოტყუება არც ისე ადვილია, იქ რომ ჰგონათ.

მაიკლი. თქვენი უნდობლობა რით დავიმსახურე?

შალიკო. მაშ სანდო კაცი ხარ, არა? (მაიკლს მხარზე შემოარტყამს ხელს) ხო, ხო, კარგი ახლა, (ხურჯინიდან იღებს ჩურჩხელას) ჰა, აილე, ჩურჩხელაა, ჯანჯუხა არ გეგონოს.

მაიკლი. მადლობთ. (ჩურჩხელას დაყნოსავს, მერე დილომატში შეინახავს. სანაცვლოდ კი სადეკ რეზინს გაუწვდის შალიკოს).

შალიკო. შეგე, ხომ ვამბობდი, უცხოეთში ყველა ჩვენს მოტყუებას ცდილობს-მეთქი. მე ნიგუზიანი ჩურჩხელა მივეცი, ეს კი მატყუარა კანფეტს მამღევს. არ ხარ, მიხო, შენ სანდო და კარგი კაცი. მოვალ მეც თქვენსას და ენახოთ მერე...

რობიზონი. (შალიკოს) შენი ქათამი კვერცხს ხომ დებს?

შალიკო. კი, ტყუპს.

რობიზონი. ძალიან კარგი. (ფაქსით რაღაცას გადასცემს).

შალიკო. რაში გჭირია ჩემი ქათამი?

რობიზონი საქმითაა გართული და პასუხს არ სცემს.

შალიკო. ხმა ამოიღე.

რობიზონი არ პასუხობს.

შალიკო. კარგი, ბატონო, ჩურჩხელა მიირთვი.

რობიზონი მადლობის ნიშნად თავს დაუკრავს. ჩურჩხელას მოკბენს და უხმოდ განაგრძობს საქმეს. შალიკოს ჩურჩხელები მიაქვს გეგასთან და გუგასთან.

გუგა. (შალიკოს) ეს რა არის?

შალიკო. ჩურჩხელა.

გუგა. ვაა, ჩურჩხერა?! ჩურჩხერა ასწორებს.

გუგა. ორი ცალი რა არის, ბიჭო? მოიტა კიდე.

შალიკო თითოსაც დაუმატებს.

გუგა. კიდე-მეთქი!

შალიკო. მეტი არ მაქვს.

გუგა. აბა ჯიბეები ამოატრიალე.

შალიკო მარჯვენა ჯიბეს ამოატრიალებს. ჯიბე ცარიელია.

გუგა. ეგ არა, მეორე. (მარცხენა ჯიბეში ხელს უყოფს შალიკოს და ერთი ჩურჩხელა ამოაქვს).

გუგა. მეორედ არაფერი შეგეშალოს, ბიჭო!

გუგა პანდურს უთავაზებს შალიკოს. მისი ჯიბიდან ამოღებულ ჩურჩხელას სამად გაყოფს. ერთს ჯიბეში ჩაიდებს. დანარჩენ ორ ნაწილს, ოთხ მთელ ჩურჩხელასთან ერთად, მეგობარს მძურად გაუნაწილებს. შალიკო სამხედროსთან მიდის, შარვლის ტოტს აიწვევს და წინდიდან რამდენიმე ჩურჩხელას ამოაცურებს. ერთს სამხედროს შესთავაზებს.



შალიკო. ძამიკო, დაასვენე ცოტა ხანს ევ თოფი და გასინჯე ჩურჩხელა. სამხედრო უარის ნიშნად თავს გააქნევს. შალიკო ყელის გამოწვევით შეეხვეწება. სამხედრო ისევ უარზე დგას. შალიკო ფანჯრის რაფაზე დაუდებს ჩურჩხელას და წამოხასკვლელად გამოტრიალდება. მაგრამ რაღაცას მოისაზრებს. სამხედროს მიუბრუნდება. კარგად შეათვალიერებს თოფს. სამხედრო უკმაყოფილოდ ამოხედავს. შალიკო მლიქვნელურად გაუღიმებს. მეორე ჩურჩხელასაც დაუდებს და ბიძინასთან მიდის. ბიძინა ქათამს ეთამაშება.

შალიკო. რას გადაეკიდეთ ამ ჩემს ქათამს?

ბიძინა. თქვენ როგორ ფიქრობთ: ჯერ ქათამი გაჩნდა თუ კვერცი?

შალიკო. შენზე ამბობენ, ჭკვიანი კაცი. იმაზე იფიქრე, რასაც გაძლევენ და მადლობა არ დაგავიწყდეს, თორემ მე რასაც ვფიქრობ, იმაზე ფიქრი კაის არაფერს გაფიქრებინებს.

ბიძინა. (ჩურჩხელას გამოართმევს) გმადლობთ.

შალიკო. მადლობა ახლა არ მჭირდება, როცა დამჭირდება, მაშინ ვაღამიხადე. (დარეჯანთან მიდის, რომელიც გაწვობილ სუფრას ბუხების საწამლავს ასხურებს) ჩურჩხელას ხომ არ მიირთმევდით, ქალბატონო?..

დარეჯანი. დარეჯანი.

შალიკო. ქალბატონო დარეჯან.

დარეჯანი. გმადლობთ, გეთაყვა.

შალიკო. რა სამადლობელი ეს არის, ჩურჩხელაა ბოლოს და ბოლოს, აი ტორტი რომ იყოს, მაშინ კიდევ შესის.

დარეჯანი. დიდი ხანძარებით მოვიჭრიდი ერთ ნაჭერს, მაგრამ...

შალიკო. რას ბრძანებთ გენაცვალე! თქვენ როგორ შეგაწუხებ, მე თვითონ მოვიჭრი. (დანას მოავლებს ხელს).

დარეჯანი. არა, იცით, სულხანის გარეშე უხერხულია.

შალიკო. სულხანი?! სულხანი ვინდა?

დარეჯანი. სულხანი დღევანდელი თავშეყრის გმირია.

შალიკო. მოკვდა?

დარეჯანი. არა, როგორ გეკადრებათ, ღმერთმა დაიფაროს.

შალიკო. აბა, ცოცხალი გმირი მე არ გამოვიდა.

დარეჯანი. არა, საქმე ისაა, რომ სულხანმა დღეს, ჩვენს თვალწინ დიდი დათვის თანავარსკვლავედი უნდა აღმოაჩინოს, რომელიც საშუალებას მისცემს ამოხსნას კოსმიური საიდუმლო ჩვენსკენ მომავალი ბედნიერებისა, არა, შესაძლოა უბედურებისა, დაზუსტებით ვერ გეტყვით, მგონი ჯერ სულხანმაც არ იცის. მოკვლად, თანავარსკვლავედის შემადგენელი ექვსი ვარსკვლავი უკვე აღმოაჩინა, მხოლოდ ერთი დარჩა. დღეს სწორედ ის დარჩენილი მეშვიდე ვარსკვლავი უნდა აღმოაჩინოს და წვეულებაც ამ ფაქტის აღსანიშნავად მოაწყო.

შალიკო. უფურე შენ... (დაფიქრდება) რომ ვერ აღმოაჩინოს, ამ ტორტს არ დაჭრით?

დარეჯანი. არა, დიდი დათვის თანავარსკვლავედი დიდი ხანია აღმოჩენილია. ცის ჩრდილოეთ ნახევარსფეროს თანავარსკვლავედია. დიდი დათვის შვიდი ვარსკვლავისაგან შემდგარი კონფიგურაცია ჩამჩას წააგავს. (დარეჯანი გლობუსზე დახატული ვარსკვლავების მიხედვით უხსნის) მათგან ორი ყველაზე ბრწყინვალე ვარსკვლავის — ალიოტის და ღუბქეს ბრწყინვალეობა ერთ მთელ, რვა მეათედ ვიზუალური ვარსკვლავური სიდიდის ტოლია. ჩამჩის ორი კიდური ვარსკვლავის მიხედვით, რომელთაც, შესაბამისად „აღფა“ და „ბეტა“ ასოებით აღნიშნავენ, შეიძლება ვიპოვოთ პოლარული ვარსკვლავი.

შალიკო. მერე, ავდგეთ და ვიპოვოთ.

დარეჯანი. არა, პოლარული ვარსკვლავიც ნაპოვნია, მაგრამ საქმე იმა-
შია, რომ სწორედ სულხანმა უნდა იპოვოს.

შალიკო, მაინც და მაინც სულხანმა?

ბიძინა. დიახ, სულხანმა. ყოველმა ადამიანმა თუნდაც უკვე მილიარდჯერ
აღმოჩენილი ნივთი ხელახლა უნდა აღმოაჩინოს და მილიარდ-მეერთეჯერ დაარ-
ქვას იმ ნივთს ის სახელი, რაც მას მილიარდჯერ უკვე ერქვა.

შალიკო. რატომ?

ბიძინა. იმიტომ, რომ გაიგოს — რატომ. და საერთოდ... (აგრძელებს უხ-
მოდ).

პეპა. (ქიმიური რეაქციის შედეგად მიღებულ სიოხეს სულს უბერავს)
ჰა, ბიჭო, დროზე, შპრიცი ამოიღე!

გუზა. (ჯიბიდან იღებს ცხვირსახოცში გახვეულ შპრიცს) ეე, ნემსი აქვს
დასვრილი. (რუკას გვერდს მოახვევს და შპრიცის წვერს წმენდს).

მაიკლი. (გუგას) ეე არ ქნათ! მაგითი როგორ შეიძლება? (დიპლომატი-
დან იღებს ორ ერთჯერად შპრიცს, ერთს გუგას გაუწვდის, მეორეს გეგას).

გუზა. (გეგას) ვა, ნახე, რა კარგი ტიპი ყოფილა.

პეპა. გაანებე თავი, წილში ჩაგვიდგება.

მაიკლი. როგორ გეკადრებათ, მე ჯანმრთელი ცხოვრების წესს ვეწევი.
მხოლოდ და მხოლოდ სოიო.

პეპა. სოიო?! ეე რაღაა?

გუზა. ეე იქაური ანაშა იქნება, რა...

პეპა. (მაიკლს) ჰოო?..

მაიკლი. არც მთლად. როგორ გითხრათ...

გუზა. აუ, ეხლა ეს გაახურებს. (მაიკლს) მიდი, მიდი, შეაყოლე!

მაიკლი გასცილდება გუგასა და გეგას. რობიზონი ნერვიულად აწვალავს
ფაქის აპარატს, ღილაკებს აჭერს თითს, ყურმილში ყვირის.

რობიზონი. ალო! ალო! (ახეთქებს ყურმილს და მაიკლთან მიდის), აუ,
შენი ჭირიმე, კიდევ ერთხელ უნდა დამეხმარო, ეს ფაქსიც გამიფუჭდა.

მაიკლი. (რობიზონს ხელიდან გამოგლეჯს ფაქსს. დიპლომატში დებს,
დიპლომატიდან იღებს ორ პატარა დროშას) წამოდი! წამოეთრიე!

რობიზონი გაოგნებული მიყვება მაიკლს, რომელსაც ავიანზე გაჰყავს, ხელ-
ში დროშებს დააჭერინებს და საზღვაო ურთიერთობის ანბანს ასწავლის. რო-
ბიზონი იწყებს დროშების ქნევას. დაბალ ხმაზე ისმის ზღვის ღელვა.

გუზა. (გეგას) მოვიდა?

პეპა. კი, შენთან?

გუზა. ჩემთანაც, ზღვის ხმა მესმის.

პეპა. გლიჯავს.

გუზა. ხურავს.

მედვა. ვინ მოვიდა? სულხანი მოვიდა?

გუზა. სულხანი კი არა, „კაიფი“ მოვიდა, გენაცვალე.

პეპა. ეხლა ვარსკვლავების ნახვა გაასწორებდა.

გუზა. ფაიზადი.

ბიძინა, რომელიც აქამდე უხმოდ ესაუბრებოდა შალიკოს, კიბიზე ასული
ხმამალა აგრძელებს.

ბიძინა. ყოველი ადამიანი, ქვეშეუცნობლად თუ შეგნებულად ეძებს პო-
ლარულ ვარსკვლავს. მაგრამ ყოველ მათგანს როდი ძალუძს მისი აღმოჩენა.
ციურ სამყაროში თვალთ უხილავი თუ ხილული მრავალი მანათობელი ციური
სხეული არსებობს. ადამიანის მიერ ამ უსიერ ვარსკვლავეთში ჭეშმარიტი ორი-
ენტირის აღმოჩენა ადამიანის შრომაზეა დამოკიდებული, თუმცა, შესაძლოა შრო-



მა უნაყოფოც აღმოჩნდეს, ვამომდინარე ადამიანის სულიერი პოტენციიდან. სამწუხაროდ და იქნებ სახელმწიფოდ მრავალად არსებობენ იმპოტენტები, რომელნიც პირველივე შემხვედრ ვარსკვლავს აღიარებენ სამყაროს ორიენტირად, და აღმოჩენით კმაყოფილნი, მათთვის ცნობილ ყოველ აბსტრაქტულ გრძობას ავჯავივით განაწყობენ მათივე მიერ მოასფალტებულ სამყაროში. და ამ სამყაროში პოლარულ ვარსკვლავს იგივე როლი აკისრია, რაც საგულდაგულოდ მიჩუქურთმებულ ოთახის ჭერზე მიმაგრებულ თაბაშირის ანგელოზს. და საერთოდ, ისინი არ საჭიროებენ არავითარ ციურ ორიენტირს, მათი კომპასის როლს წმვენივრად ასრულებს უბრალო მაჯის საათი, რომელიც საუზმიდან ვახშამდე არსებული დროის მონაკვეთს აკანონებს.

შალიკო. ეეჰ, შენ ისევ რაღაცას მატყუებ. გინდა კიდევ ერთი ჩურჩხელა გამოძეგუო, მაგრამ არ მოგცემ. **(დარეჯანს მიუბრუნდება)** ქალო, გამომართვი შენი წილი ჩურჩხელა და პირდაპირ მითხარი, სად არის სულხანი?

დარეჯანი. სამხედროს ჰკითხე, მე აღარაფერი ვიცი.

შალიკო. **(სამხედროზე)** ის კიდევ ცოცხალია? **(მიდის სამხედროსთან. თვალვებთან ხელს გაუტარებს. თითოთ ფრთხილად შეეხება. სამხედროს რეაქცია არა აქვს)** მგონია, მოკვდა ეს უპატრონო. **(პირჯვარს გადაიწერს).**

სამხედრო ამოხედავს.

შალიკო. არა, ცოცხალია. **(სამხედროს)** სულხანი, სულხანი სად არის?

სამხედრო. კარადაშია.

შალიკო. კარადაში ეძებს იმ რაღაც ვარსკვლავს? **(კარადას უახლოვდება, მედეა კარადის ირვლივ ზღაზვნით ცეკვავს)** აქ არის გმირი?

მედეა. იცი, მე რომ პატარა ვიყავი...

შალიკო. გამომართვი ეს ჩურჩხელა და გამანებე თავი. **(კარადაზე აკაკუნებს)** მაინძელი! გამოდი კარში, გახმა, ბიჭო, ტორტი. დავგვინახე ერთი წუთით და შებრუნდი ისევ უკან.

მედეა. **(შალიკოს)** გმადლობთ, მაგრამ მამა მიკრძალავს ჩურჩხელების ჭამას.

შალიკო. პირში გემო არ ჰქონია მამაშენს.

მედეა. არა, უბრალოდ, პატიოსანი გოგონები ჩურჩხელებს არ ეტანებიანო.

შალიკო. აბა, რას ეტანებიანო?

ნატო კარადასთან გაჩნდება. **მედეას ხელიდან გლეჯს ჩურჩხელას.**

ნატო. მე არ მიკრძალავს მამა. **(ჭამს ჩურჩხელას).**

შალიკო. ნახე, ნახე, როგორ ყვარებია ჩურჩხელა. აი, დედასა! მიირთვი კიდევ. **(აწვდის მეორე ჩურჩხელას. ნატო იმასაც ჩაბეჩს)** დედა, დედა, როგორ შეიბია ამ შეჩვენებულს **(კარადას)** გამო, ბიჭო, კარში! რა დროს ვარსკვლავებია, დაწყდა ხალხი შიმშილით. გაიგე! გამო გარეთ! **(აბრახუნებს კარადაზე)**

რობიზონი აივანზე დგას. ენერგიულად განაგრძობს დროშების ქნევას. ისევ ისმის ზღვის დღევის ჩუმი ხმა.

გუგა. აუ, ისევ ზღვას ვხედავ.

გუგა. ზღვა მომბეზრდა, ეხლა ვარსკვლავები მინდა.

გუგა. სულხანი ხომ დავკვირდა, ვარსკვლავებს განახებთო.

გუგა. ჰო, დავკვირდა.

გუგა. მერე?

გუგა. მერე, სულხანი სად არის?

გუგა. ამბობენ. კარადაშიაო. გამოვიყვანოთ?

გუგა. ფაიზადი.

გაბრუებული გუგა და გუგა ლახლახით მიდიან კარადასთან, სადაც მედეა,

ნატო, დარეჯანი, ბიძინა, მაიკლი და შალიკო შეკრებილან. ყველა სთხოვს სულხანს — კარადიდან გამოვიდეს.

შალიკო. გამოეთრეე გარეთ! დაგვაყენე საშველი, დაგვაჭრევინე ტორტი. ბიჭო, ტორტია, ჩურჩხელა ხომ არ არის, ვაისამდე რომ შეინახო.

ნატო. სულხან, გამოდი! გამოდი, თორემ მოთმინების ფიალა ამევსება და წე და მედეა სამუდამოდ წავალთ. გესმის, სა-მუ-და-მოდ!

დარეჯანი. სულხან, ნუ ჯიუტობ, გამოდი, სირცხვილია. გამოდი! ხმა მაინც ამოიღე. რა იყო, მანდ ბუხები ხომ არ გაწუხებენ? (ბუხების საწამლავს ასხურებს კარადას).

მედეა. სულხან, გამოდი, თორემ გაგებუტები. გამოდი, რა, სულხანიკო!

ბიძინა. სულხან, შენ მჭირდები ახლა, საჭადრაკო დაფაზე დაძაბული ვითარებაა შექმნილი და იქნებ შენ მიშველო.

მაიკლი. სულხან, მსოფლიო საზოგადოება გელოდება.

გეგა კარადასთან შეგროვილებს მიწევ-მოწევს და კარადის კარზე აკაკუნებს.

ბება. (დარეჯანს) რა, არ გამოდის?

დარეჯანი. არა, ჯიუტობს.

ბება. გააღე, ბიჭო. კარი. ვარსკვლავები დაგვანახე.

ბუბა. (შპრიცი უჭირავს) სულხან, ნახე, შენი წილი წამალიც დაგვრჩა, გამოდი, მაგრად გავისწორდება. (შპრიცის წვერს კარადაში უჩხვლავს).

ბება. მაშ, არ გამოხვალ, არა?

ბუბა. (გეგას) ჩემ დედას გეფიცები, უნდა დაისაჯოს (დანას აწვდის გეგას).

ბება. მაშ, გაგვიტეხე, არა? გაგჭრი, შე ახვარო (დანას მთელი ძალით ურტყამს კარადას)

მედეა. (კვივის) ვაიმე! არ მოკლა!

მაიკლი. შეჩერდიო, ხალხნო! რას იტყვის მსოფლიო საზოგადოება!

ბუბა. (ქეჩოში წაავლებს მაიკლს) ბიჭო, შენ ვინაა გეკითხება, შავი რომ ხარ, შავ გაგებას რატო არ აწვები?

სცენაზე აურზაურია. ქალები კვიან, მამაკაცები ილანძლებიან. შალიკო არეულობით სარგებლობს. იპარავს მაიკლის დიპლომატს. ჩუმიად ხსნის. დიპლომატიდან ოქროსფრად დაფერული ფეხსაცმელი ამოაქვს და უბეში მალავს. დიპლომატს წიხლით იქვე მიაგდებს. კარადასთან მიდის. იქ ისევ აურზაურია. ჩონქოლს ემატება ზღვის ტალღების ხმაურიც.

ბუბა. (კარადას დანას ურტყამს) გამოდი, უნდა მოგკლა! გამოდი, შე ახვარო!

შალიკო. (გეგას) დამშვიდდი, ძამიკო, გაანებე თავი.

ბება. შენ რაღა გინდა?

შალიკო. სიყვარული და სიამტკბილობა. მაგი მაინც არ არის მანდიდან გამომსვლელი. მე, ტორტი ვჭამოთ-მეთქი, ვებატიუებოდი და არ ქნა, არ გამოვიდა, შენ მოსაკლავად იბარებ და ახლა გამოვა?

ბუბა. არ მოვკლათ? აბა რა კქნათ?

შალიკო. (ხელს გადახვევს გეგას) ძამიკო, მაგას თუ არ უნდა, ღმერთმა არ მისცეს, იჯღეს თავისთვის კარადაში. რისი გულისათვის იწყვეტ ნერვებს, შინაურები არ ვართ ყველა? ერთმანეთის შეჭმას ისევ ტორტის შეჭმა აჯობებს, თავი ნუ მომიკვდება. მიუუსხდეთ სუფრას, დაჭკრათ ტორტი, მეც რაღაც საგზა-ლი მაქვს წამოღებული. ღვინო მაქვს, გირონია პირდაპირ. კინაღამ დამავიწყდა, ჯუჯულა მყავს კიდევ — ქათამი, ბევრ კარგ გოჭს რომ ჯობია. ისეთია. დაკვლათ ქათამი, დავლიოთ ღვინო და დესერტად ტორტიც მივირთვათ. აბა, რაა ჩვენი



ცხოვრება მეტი. საიქიოდან მივლინებით მოვსულვართ და ზვალ-ზეგ ისევ უკან უნდა დავბრუნდეთ.

ბეზა. (დანახ უბრუნებს გუგას) ნაღდს ბაზრობს, ხო იცი.

მედეა. კი მაგრამ, მეშვიდე ვარსკვლავი რომ არ აღმოუჩენია?

შალიკო. აუჰ, მეტი სანერვიულო არ მოგცეთ ღმერთმა.

გლობუსზე დახატულ ექვს ვარსკვლავს უადგილოდ მიახატავს მეშვიდე ვარსკვლავს) ა, ბატონო, თქვენი მეშვიდე ვარსკვლავი და რომ არ გეწყინით, პოლარულსაც მოგარმევთ ახლავე. (გლობუსს ვარსკვლავს ახატავს).

ერთხანს ყველანი გაოგნებულები მისჩერებიან შალიკოს. გევა გლობუსთან მიდის და სვეროს ატრიალებს.

ბეზა. ვა, როგორ ასწორებს, ეე!

ბიკინა. არა, ეს შეუძლებელია!

ბუზა. როგორ თუ შეუძლებელია? რო ბრუნავს?..

ბიკინა. დაუშვებელია! ყველაფერს აქვს თავისი საზღვარი! ბარბაროსებო! უგნურებო! ეს ვარსკვლავი აქ არ უნდა იყოს.

ღარაქანი. ვითომ რატომ? მე რომ მკითხვით, ძალიანაც ლამაზად გამოიყურება.

ბიკინა. ტყუილი არასოდეს არ იქნება ლამაზი. ლამაზი ტყუილი საბოლოო ჯამში მუდამ უფრო მახინჯია, ვიდრე მახინჯი სიმართლე.

ნატო. კარგი, კაცო, ერთი! რა განადვლებს? ან მოვესწრებით, ან არა იმ საბოლოო ჯამს.

ბიკინა. თქვენ მართლაც არ მოესწრებით არაფერს. ამას შეიძლება კატასტროფული შედეგები მოჰყვეს.

მედეა. ვაიმე, მართლა?! თქვენ ვერ წარმოიდგენთ, როგორ მიყვარს კატასტროფები.

ღარაქანი. ბიძინა, მაინც რას ხედავ აქ კატასტროფულს?

ბიკინა. სამყაროში ციურ სხეულთა განლაგება დიდ, საერთო კანონზომიერებაზეა დამყარებული, რაც სამყაროს არსებობის აუცილებელი პირობაა. მათი არევა იგივეა, რაც ათი მცნების კორექტურა!

მაიკლი. და თუ ეს ხალხს უნდა? ჩემის აზრით, სავსებით დემოკრატიულია.

ბიკინა. დემოკრატიული კი არა, დეგენერატულია!

შალიკო. ჩურჩხელას რომ ჭამდი, ის ხომ იყო ჭკვიანური?

ბიკინა. წადი შენი!..

ღარაქანი. ბიძინა, გრცხვენოდეს! არ დაგავიწყდეს, რომ სხვის ოჯახში ხარ.

ბიკინა. რომელ ოჯახზე ლაპარაკობ, შე, შე, შე მსუბუქი ყოფაქცევის ქალი!

ბუზა. ბიჭო! ქალს როგორ ელაპარაკები, შენ იცი, რა არის დემოკრატია? თუ არ მოგწონს, დაეთხრი თვალებს და მერე ითვალე ვარსკვლავები.

ბეზა (სვეროს ატრიალებს) დემოკრატია, დემოკრატია, რამდენიც რა უნდა ილაპარაკოს, ეს მაინც ბრუნავს.

ბუზა. (გუგას) ეს ამბობს, არაო, ეგრე არ არიო.

ბეზა. როგორ თუ არაო? მაშ ჩვენ გიჟები ვართ? (ბიძინას) დაგწვავ, შე ბოზო!

გუგა დანახს გაუწვდის გუგას.

ბეზა. ამას დანა რად უნდა, ხელით დავახრჩობ.

ბიკინა. (შეშინებული) არა, როგორ გეკადრებათ, მე მაგის თქმა არ მინდოდა. უნებურად წამომცდა. თუ ხალხს უნდა, ესე იგი მეტის ღირსები არ არიან.

გუბა. რაა?

ბიძინა. ვაიმე, ისევ წამომცდა. თუ ხალხს უნდა, ესე იგი ასეა საჭირო.

გუბა. ჰოდა ეგრე, ხომ გამიგე, ბიჭო!

ბიძინა. კი, კი, ნამდვილად გაგიგე.

გუბა. პრეტენზიები გააქ კიდე?

ბიძინა. არა, არა, რას ბრძანებთ, სავსებით მართალი ბრძანდებით.

გუბა. ჰოდა, მიდი, ყველას ბოლიში მოუხადე.

ბიძინა. (კიბეზე ადის) მაპატიეთ, მეტს არ ვიზამ, მეორეჯერ აღარ გან-
მეორდება.

ბუბა. (გლობუსს მიუბრუნდება) ნახე, ნახე, როგორ ტრიალებს. (გუბას) ეს
კარსკვლავიც მაგრა ჩაჯდა, არა?

გუბა. ფაიზალი.

ყველანი გლობუსს დასტრიალებენ.

ნატო. (შალიკოს) ყოჩაღ, ბიჭო, მართლაც ლამაზია. ეს ფაქტი უნდა აღვ-
ნიშნოთ.

დარეჯანი. (ხასმისებს ჩამოურიგებს გლობუსთან მყოფთ) შალვა, აბა
შენი შეპირებული ღვიზო სად არის?

შალიკო. ახლავე, ბატონო. (ხურჯინიდან იღებს მოწნულ ღოქს და ხას-
მისებს ღვინით ავსებს).

მაიკლი. ჩემო ძვირფასო, შარლ, თქვენ დღევანდელი ღღის გმირი ბრძან-
დებით, გნებავთ ეროვნული გმირი, გნებავთ ზოგადსაკაცობრიო მნიშვნელობის,
ქე არ მოვერიდები ამ სიტყვებს, თუნდაც საგალაკტიკოთაშორისო გმირი. მაკა-
დეთ, მე თქვენ საჩუქარი უნდა მოგიძღვნათ. სად არის ჩემი დიპლომატი?

შალიკო. ოხ, მიზო, ნუ წუხდები, არ მინდა საჩუქარი.

მაიკლი. არა, დიპლომატი სად არის?

შალიკო. კარგი ახლა, არ მინდა საჩუქარი.

მაიკლი. ჩემი დიპლომატი! (შეშლილივით დაექებს დიპლომატს).

შალიკო. არ მინდა-მეთქი, ბიჭო! (ხელს ჩაავლებს მაიკლს).

დარეჯანი. მიზო, გენაცვალე, რამდენი ხანიც გინდა, იმდენ ხანს დარჩი
აქ. სულხანი კარადაღან გამოსვლას არ აპირებს და უმეზობლოდ ხომ არ დავრ-
ჩები?

შალიკო. რაღაც, ეს კარადა არ მომწონს.

ნატო. შენი ნება არ არის, გადააგდე და მზითვეში ახალს მოგართმევენ.

შალიკო. ოხ, კარგი აზრია.

მელვა. გაგიმარჯოს, შალვა! (გადაეხვევა შალვას და კონცის).

შალიკო. ოხ, რა იყო ეს?!

გუბა. გაგიმარჯოს, ძმაო! გაგებას გაუფრთხილდი. (ჭიქას მიუჭახუნებს
გუბას)

ბუბა. (შალიკოს) გაგიმარჯოს!

გუბა და გუბა ვახტანგურად სვამენ.

შალიკო. მადლობელი ვარ, მაგრამ ყველა რომ არა სვამს?

გუბა. ვინა, ბიჭო, ვინ არა სვამს?

გუბა. (ბიძინას) აუ, ეხლა დალევ თუ?..

ბიძინა. გაგიმარჯოს, შალიკო!

შალიკო. აღრე ბევრს ჭიკჭიკებდი!

ბიძინა რა ხეირი თორემ... (უხალისოდ სვამს ღვინოს)

შალიკო. (სავსე ჭიქით მიდის სამხედროსთან) შენ არ დაილოცები?

სამხედრო. გაგიმარჯოს!



შალიკო. დალიე.

სამხედრო. არ შეიძლება, სამშობლოს ინტერესებში არ შედის.

შალიკო. გამაგიჟებს ეს კაცი, თუ არ დალიე, რად გინდა მაშინ სამშობლო.

მამა. (მიიზღვრს სამხედროსთან) ერთი ჭიქა რას გიზამს, გეხვეწები, რა, დალიე! სამშობლოს გულისათვის, ძალიან გეხვეწები!

შალიკო. სირცხვილია, ბიჭო, დალიე, ქალი ვთხოვს, სამშობლოს გულისათვის.

სამხედრო. თუ სამშობლოს უნდა... (სასმისს მოიყუდებს და დაცლის. ხელახლა შესახებად გაიწვივს).

შალიკო სასმისს შეუხვებს. სამხედრო მეორე ჭიქასაც ცლის და ისევ გამოიწვივს სასმისს.

შალიკო. ახ, ბევრი მოგვა. ნამეტანი ვვარებია სამშობლო. პატრიოტი. უფრე შენ, რა მადიანი ყოფილა. (სამხედროს ჭიქას გამოართმევს, რობიზონთან მიდის) დალიე.

რობიზონი. (წაშთ წვევებს დროშების ქნევას) გაგიმარჯოს! (ღვინოს გადაჰკრავს და ისევ განაგრძობს დროშების ფრიალს).

შალიკო. (მელვას) დარჩა კინძე ისეთი, მე რომ არ დამლოცა?

მამა. სულხანი.

შალიკო. აუჰ, კინაღამ გამოძრჩა. (კარადასთან) სულხანი! დამლოცე, ბიჭო, გეფურება, დამლოცე-თქო! არ ესმის. ჭიქას კარადის კართან დგამს).

მელვა ჭიქას გვერდით მოუდგამს თეფშს, რომელზეც ჩურჩხელა და ხილი აწვეია.

შალიკო. (მელვას ხელს გადახვევს) ხანთელიც ხომ არ დავუნთოთ?

მამა. არა, ცოტა ხანიც დაველოდოთ, იქნებ გამოვიდეს.

(ომახიანად შესძახებს) მუსიკა!

ისმის საცეკვაო მელოდია.

მამა. შაკო, მოდი, ვიცეკვოთ.

შალიკო ჩაბლუჯავს მელვას. ცეკვავენ. მელვასთან მიიჭრება ნატო.

ნატო. მელვა!

მელვა ცეკვას წვევებს.

შალიკო. რა ხდება?!

მამა. კაცებთან ცეკვას მამა მიკრძალავს.

შალიკო. რას გაიყვებს მამაშენი?

ნატო. მე არ მიკრძალავს. (შალიკოსთან იწვევს ცეკვას).

მელვა განმარტოებით ცეკვავს.

დარეჯანი. (მაიკლს) მოდი, შემოგველე, ვიცეკვოთ.

მაიკლი. ოო, ცეკვა კარგი რამაა.

მოცეკვავეებს დარეჯანი და მაიკლი შეუერთდებიან. ბიძინა საცოდავად უშვებს საპნის ბუშტებს.

მამა. (გუგას) ცეკვა არ გინდა?

მამა. არა, მე ვარსკვლავები შევასება.

მამა. (მელვას მიადგება) მოდი, ჩემო სიცოცხლე, ვიცეკვოთ.

მამა. მამა რომ მიკრძალავს?

მამა. მამიკოს უთხარი, დედიკოს მიხედოს. (მელვას მოეხვევა. ცეკვავენ).

ნატოს ყურადღებას იქცევს გუგასა და მელვას ცეკვა, რომელიც თანდათანობით ემსგავსება ეროტიულ სცენას. ნატო გუგასაკენ იწვევს, შალიკო ცდილობს ნატო შეაჩეროს. შალიკოსთან ჭიდაობაში ნატოს წაუგებთან პარიკი მოსძვრება და

კაბა შემოეხევა. ნატო ქალის ტანსაცმელში გამოწყობილი ძელოტი მამაკაცთა კოლეგებულ შალიკო ნატოს ხელს გაუშვებს. ნატო გეგას მივარდება და ყბაში მუშტს უთავაზებს.

ბეზა. ეე, პიდარასტი ხარ, ბიჭო?

გეგასა და ნატოს შორის იმართება ხელჩართული ბრძოლა. გუგა გეგას დანას აჩეჩებს.

ბუზა. მიდი, მიდი, მოკალი!

ბეზა. (დანას მოიხვრის) არ მჭირდება შენი დანა. (საქამრედან იღებს პისტოლეტს) მოგკლავ, შე არაკაცი!

ისმის სროლის ხმა, ნატო იატაკზე ეცემა. შედგა ნატოს დაეშობა.

მედია. მამა, მამიკო! ხომ გეუბნებოდი, სულხანთან მარტო გამიშვი-მეთქი. რატომ არ დამიჯერე?! გული მიგრძნობდა, ყველაფერი ცუდად რომ დამთავრდებოდა. (გეგას) უხეშო! ცუდი! ნადირო! მამა რატომ მომიკალი?! (ხმაძალდა ქვითინებს).

ბეზა. (გაოგნებული შესცქერის იარაღს და სცენაზე გარბნულ ნატოს) ჩემი დედას გეფიცებით, მე არ მისვრია! გეფიცებით, მე არ ვყოფილვარ!

გუგა ჯიბიდან წიგნაკს იღებს, გეგას ცხვირთან მიუტანს. იარაღს ჩამოართმევს და ხელბორკილს დაადებს.

ბეზა. (გუგას) შენც გაბოზდი, ძმაო?!

ბუზა. სამშობლოს უსაფრთხოებას ვიცავ. ათი წელია დაგდექ. ვიცოდი, აღრე თუ გვიან კაცს რომ მოკლავდი. ნეტა იმ დანით მაინც მოგეკლა. მაგ დანით ჩადენილ ხუთ მკვლელობას მე ვიძიებ და გაუხსნელი საქმეები ალესილი ხანჯალივით მაწევს კისერზე.

მოულოდნელად ისევ ისმის სროლის ხმა. გუგა გეგას იარაღს დააშტერდება. ყველანი გაოცებულნი მისჩერებიან.

სამხედრო. მოვარტყი! მოვარტყი!

ღარაჯანი. რა ხდება? რას მოარტყი?

სამხედრო. პირველი ავაცილე და მეორე მაინც მოვარტყი. ხოხობს! ხოხობს მოვარტყი! ღრუბლებს მივჩერებოდი, უცერად ხოხობი გამიჩნდა. ინსტრუქციაში არ მქონდა მითითებული, ხოხობს ესროლეო, მაგრამ არც ის იყო მითითებული, არ ესროლოო. მოკლედ, დავუმიზნე და ვესროლე. პირველი ასცდა, კიდევ დავუმიზნე და კიდევ ვესროლე, მეორე ტყვია შიგ გულში მოხვდა.

სცენაზე ეცემა ხოხობი. ყველანი ხოხობს მისჩერებიან.

ბეზა. (გუგას) მამ, ფაქტზე ამიყვანე, კაცის მოკვლას მტენიდი, არა? შენ მე, ძმაო, ხოხობი ხომ არ გგონივარ. ისევ იმას დაუყვებ, ვინც აქამდე დაგივლევია. (იხსნის ბორკილებს და გუგას მიუგდებს).

მედია. (ნატოს) მამიკო, ადექი! თურმე არ მომკვლარხარ. ადექი ღროზე, სირცხვილია, რას იფიქრებს ხალხი. მშიშარა და ქალაჩუნაო.

ნატო. (გონს მოსული წამოჯდება) გადავრჩი?

ბუზა. გადავრჩი და დაგაპატიმრებ კიდევ.

ნატო. რისთვის?

ბუზა. აფერისტობისათვის! რატომ ჩაიცივი კაბა?

ნატო. შევიღის პატიოსნებას ვიცავ.

ბუზა. მამ მე რა ვქნა? ვიღაც ხომ უნდა დავიჭირო?

შალიკო. რა დროს დაჭერაა, ნახეთ რა ხოხობი ჩაგვივარდა ხელში. ერთი კარგი ჩახოხბილი ჩავხრაკოთ და ვიყოთ ასე, ვილეღუნოთ. ისე, ხოხობი თუ არ გვეყო, ჩემი ქათამიც მივყოლოთ. (იწყებს ხოხობის გაპუტვას) მომეხმარეთ თქვენც, ამოდენა ხოხობს მარტო ხომ ვერ გაპუტავ, თუ ხელების დასვრა არ გინდათ. ჰა?... მოდი, მოდი, მერე დაიბანთ. თქვენნაირებს დაუბანიაო...



ნელ-ნელა ყველანი ხოხობს. მიეხვიან. მხოლოდ გუგა და გეგა გამოერიდებიან. გუგა გეგასთან შერიგებას ცდილობს. გეგა გაურბის.

გუგა. არ გეწყინოს, ძმაო.

გეგა. შენი ძმები ბოინში დარბიან.

გუგა. მოვალეობას ვასრულებ, თორემ ხომ იცი...

გეგა. წადი რა, გაიარე.

გუგა. ბოლოს და ბოლოს, ორივე წამალზე ვზივართ, ხომ იცი, წამალმა ცუდი და კარგი ბიჭი არ იცის.

გეგა. წამალი გააქ?

გუგა. კი, ძმა (ჯიბიდან შპრიცს ამოიღებს. გეგას გაუწვდის) ძმურად გაცივით. მე თვითონ ვაგვიკეთებ.

გუგა და გეგა წამალს იკეთებენ. ხოხობს შემოხვეულნი ერთხმად ყაყანებენ. სცენაზე ბუმბულები ტრიალებს. ყაყანი აუტანელ ვერილსა და კენესაში გადადის. გეგა და გუგა აივანზე გადიან, ხადაც რომიზონი ამ ხნის განმავლობაში დროშების ფრიალს არ წყვეტდა. ისმის ზღვის ღელვის ხმა, რომელიც შტორმის სახარულ ხმაურში გადაიზრდება.

გუგა. (აივნიდან იხედება) ეს რა ხმაურია?

გუგა. მგონი, ზღვა ადიდდა.

გეგა. აქ ზღვას რა უნდა?! ალბათ გეჩვენება.

გუგა. არა, ნახე, ნახე, ნაღდად ზღვაა!

ისმის შტორმის დამანგრეველი ხმა, ხალხის კივილი და ზარის გაბმული რეკვა. სცენა ბნელდება. ხმაური ნელა მშვიდდება, ბოლოს საერთოდ ქრება. სცენაზე შუქი ითება. ოთახში აღარავინაა, ნივთები აქეთ-იქით არის გაფანტული. ისმის ბრახუნი. კარადის კარი გამოიმტვრევა. კარადიდან გამოვარდება სულხანი. შუქი თვალს ჭრის. ხელით სახეს იჩრდილია. ოთახს მოათვალიერებს. არეულ, დამტვრეულ ნივთებში უხალისოდ იქექება. იატაკიდან იღებს ღვინის ჭიქას, სასმელს დაყნოსავს. სახე აემრილება და გადაღვრის. უხალისოდ ალაგებს ოთახს. სკამზე ჩამოჯდება. სიგარეტის მოწევა უნდა. მაგრამ ასანთს ვერ პოულობს. ჯიბიდან იღებს ფანქარს და ცეცხლის ასანთებად, პირველყოფილი ადამიანის მსგავსად, ხელის გულებით ატრიალებს.

სცენაზე კინოკრანი ეშვება. ისმის სიმღერა თბილისზე. კინოპროექტორის ეკრანზე თბილისის ხედები. სცენაზე შემოდის ტურისტული ჯგუფი — პიესის მოქმედი პირნი. მათ წინ მოუძღვება დარეჯანი, რომელიც ტურისტულ ჯგუფს თბილისის რუკებს ურიგებს.

დარეჯანი. მიმინოცა და ხოხობიც სადაც გაუჩინარდნენ. მეფე თავისი ამალით მათ სამეხელად გაემართა. დიდი ხნის ძეხვის შემდეგ მეფემ იხილა ცხელ წყალში ჩაფუფქული მიმინოცა და ხოხობიც. ცხელი წყალი ბუნებრივად ამოსჩქეფდა დედამიწიდან. მეფეს მოეწონა ეს ადგილი, ბუნებრივი ცხელი წყალი და ბრძანა ამ ადგილას ქალაქის აშენება. ქალაქს სწორედ თბილი წყლის გამო ეწოდა — თბილისი.

ტურისტულ ჯგუფს მაიკლი გამოეყოფა. დიპლომატიდან საღებავ რეზინს იღებს და დარეჯანს გაუწვდის. დარეჯანი მადლობის ნიშნად თავს დაუკრავს. მაიკლი დარეჯანს ხელზე კოცნის, შემდეგ კი აივანზე გადის. დიპლომატიდან შუჭით იღებს საღებავ რეზინს და სახეგაბადრული მაცურებელში გადაყრის. ფარდა ეშვება.

ირაკლი სოლომანაშვილის პიესის „ძალადის ფრინველი“ ვაშო

ამ პიესის ავტორი დღეს პირველ ნაბიჯს დგამს სამყაროში, რომელიც ალბათ ყველაზე მკაცრი, ყველაზე მწინრი: ყველაზე ბუნდოვანი და, ამავე დროს, ყველაზე დაუნდობელი ნაწილია ჩვენი მწერლობისა; ვგულისხმობ დრამატურგიას, ჩვენში ყველასგან — ტელევიზია იქნება ეს, გამოცემლობა თუ თქვენ წარმოიდგინეთ, თეატრი — ერთნაირად ათვალისწინებულ, უფრო მეტიც — აბუჩად ავლებულ ლიტერატურულ დარგს, სინამდვილეში კი ცხოვრების გადმოცემის, ჩვენი არსების წიაღში ცხოვრების აღმოჩენის მართლაც რომ ჯადოხსნურ საშუალებას. იმედია არავის გადაჭარბებულად არ მოეჩვენება ჩემი ნათქვამი, თუ ვიტყვი, რომ უდრამატურგიოდ მწერლობა სრულყოფილად არ შეიძლება ჩაითვალოს. ისეთი დრო დადგა, ადრე ამ ყველასთვის ცნობილი ჭეშმარიტების გამოხატვა აუცილებელი გახდა...

დღევანდელ დღეს, როცა ჩვენს თვალწინ და ერთგვარად ჩვენი ხელშეწყობითაც კი ნადგურდება და უფასურდება ჩვენივე ყველაზე ძვირფასი მონაპოვარი — კულტურა, პიესაზე ფიქრი, ოცნება საკუთარი დრამატურგიული ნაწარმოების დაბეჭვდას ან სცენაზე წარმოდგენაზე თუ შეშლილობად არა, ფანატიზმად მართლაც შეიძლება მოეჩვენოს ვინმეს. ამავე დროს, როდის იყო, რომ პოლიტიკურ სისასტიკეს, ეკონომიკურ სიბეჭვეს, თანამედროვეთა გაუგებრობას ანდა ეგრეთ წოდებულ „ხალ აზრს“ შეეკავებინოს, გაექარწყლებინოს, გაეჭროს სურვილი რაიმეს თქმისა თუ შექმნისა? თუკი ეს მოხდება, თუკი მართლაც გამოჩნდება რაიმე ძალა,

რომელიც შეძლებს ადამიანში ჩაახშოს შემოქმედებისაკენ ღტოლვა, თუნდაც მისი „უწყობისა“ თუ „შეშლილობის“ გამო, მაშინ უნდა შევუვიდეთ იმ აზრსაც, რომ ჩვენი ცხოვრება ბიოლოგიურ არსებობად გარდაიქმნება, ყოველ შემთხვევაში, მას ადამიანურს ვეღარ დავარქმევთ, რადგან ადამიანის არსების მთავარი ნიშანი ის არის, რომ შემოქმედია, დემერტმა მხოლოდ ის შექმნა „სახედ თვისად“. მისი გამოხატვები კიდევ ერთი ნიშანი ის გახლავთ, რომ მის რეალურ ცხოვრებას თამაში უდევს საფუძვლად, განუწყვეტლივ თამაშობს, თანაც არა მხოლოდ ბავშვობაში, არამედ მთელი სიცოცხლის მანძილზე. ბავშვის თამაში ემბრიონალური ფორმაა ადამიანის მთელი ცხოვრებისა, ერთგვარი ჩანახაზია ცხოვრების იმ წესისა, რომელსაც მერე მთელი არსებობის მანძილზე ატარებს, ამკვიდრებს, „ასრულებს“. ამიტომაც ხელოვნება, ფაქტიურად, ადამიანობის ამ საიდუმლოს განუწყვეტელი გამომზეურებაა.

დღეს ჩვენში ისეთი ვითარება შეიქმნა, რომ ე. წ. ბანალური ჭეშმარიტებანი აღარ არსებობენ, უფრო ზუსტად — თითქოს თავიდან იბადებიან. ჩვენი ცნობიერება, ველური წაბლივით, სინამდვილის ეკლიან გარსს იშორებს, რათა სინამდვილეს შეუერთდეს ანდა სინამდვილე შეიწოვოს ერთიანად, ერთბაშად, რაც ერთი და იგივეა. ძველისძველი ანდაზა, ნაკვესი, ივაკი, მითი დღეს ახალშექმნილივით ქდერს. რაც უფრო ხშირად გავიმეორებთ მათ, უფრო ადვილად მივაღწევთ ზაწადელს — ადამიანს მივახედებთ საკუთა-

რო თავისკენ, ადამიანს გავახსენებთ საკუთარ თავს...

ახალგაზრდა ავტორის ეს ნაწარმოებები იმითაც არის საინტერესო, რომ უაღრესად დრამატიული; თითქმის საბედისწერო მომენტის გადმოცემა დაუსახავს მიზნად. ტრაგედიებს ახალგაზრდები უკეთესად გრძნობენ. მათ ნაწარმოებში, როგორც სეისმოლოგიური ხელსაწყოთა შკალაზე, ხშირად სხვისთვის შეუმჩნეველი მიწისქვეშა ბიძგები აღინიშნება ხოლმე, შეიძლება იმით, რომ ჯერ კიდევ არ მომწყდარან „ღელის“ ანუ ცხოვრების მკერდს, მათ იმპულსებს ჯერ კიდევ „სარძიო“ კბილები აქვთ, რაც ერთგვარ გულუბრყვილობასთან ერთად ნამდვილობის განცდასაც ანიჭებს ნაწარმოებს.

ეს პიესა თავისი თითქოსდა ერთფეროვანი წრიული მოძრაობით კარუსელსა ჰგავს, რომლის მუყაოს ცხენებზეც, ბავშვების ნაცვლად, ჩვენვე შევსკუპებულვართ, რაც სიცილს კი არა — შემაწუხებელ, მე ვიტყვოდი, გამოაგნებელი უხერხულობის განცდას იწვევს. რაც უნდა უარი ვთქვათ იმ სინამდვილეზე, რაც ამ პიესაში სიტყვებიდანაა ამოწვერილი, მაინც გულის სიღრმეში ვხვდებით, რომ ეს ჩვენი სინამდვილეა, სადაც ერთი ნაბიჯიღაა ქარჩენილი გლობალურ დებილიზმამდე, რასაც სხვანაირად ბრყვთა თვითმკვლელობა შეიძლება ვუწოდოთ. ასე ჩვენს თვალწინ ქუცმაცდება და ქრება

არა მარტო ის მიწა, რომელსაც ჩვენს მამულს ვეძახდით და სამოთხის მღელღოსავით, ოფლით, სისხლითა და ცრემლით ვრწყავდით, არამედ, და ეს ბუნებრივიცაა, ქუცმაცდება და იღუპება ჩვენი სულიც, ანუ მდებიოვდება ის დვთაებრივი ფენომენი, რომელმაც ამაოების „ხალი კლდეები“ მართლაც რომ ამქვეყნიურ სამოთხედ გვიქცია...

ზემოთ ვთქვი, ეს პიესა კარუსელს მაგონებს-მეთქი. მართლაც, უპირველესი მწერლური ღირსება, რაც სასურველია სცენაზეც შენარჩუნებული იქნეს, გახლავთ ის, რომ აქ ყველაფერი მოძრაობს, დამწყები ავტორისათვის საკვირველი ფრაზათა სიზუსტე და რეაქციების ლოგიკა ამ მოძრაობას თანდათანობით, ნაბიჯ-ნაბიჯ სახეს ანიჭებს, იბადება ფორმა, რომლის გათავისების შემდეგაც ნაწარმოების შინაარსსაც, უფრო ზუსტად — აზრს ვწვდებით. თუმცა ამაზე უკვე ვილაპარაკე...

მინდა მკითხველს შევახსენო, მის გულისხმიერებაზეა დამოკიდებული დამწყები ავტორის შემდგომი ბედი. ვერ ვიტყვი, რომ ამ პიესის სახით ის სრულყოფილ ნაწარმოებს წაიკითხავს, არაფერი ისე საზარლად არ ვყირის, როგორც ნიჭიერი ავტორის ნაკლი. მკითხველი ამას, რასაკვირველია, ადვილად შეატყობს, მაგრამ, იმედია, იმასაც მიხვდება, რომ ავტორი ნამდვილად ნიჭიერია...

თამაზ ჭილაძე



ფელიქს ბაღჩინიანი

მიტროპოლიტ ღვინთის მონოლოგი

ვახტანგ სართანიას

იყავ გულდია და ხელგაშლილი,
არ დაგენანოს, დღეს რასაც ვასცემ
და დაკარგულად არ ჩათვალო,
რადგან ყველაფერს ხელავს უფალი
და იმედია: მოგიზღავს ასწილ...
თანაც ჩვენს ნათელ წინაპრებს უთქვამთ
უძველეს დროში — ქრისტიანულად:
„კარგი ჰქენი, ქვაზე დაღვეი,
გაიარე და წინ დაგზვდება“.

სიკეთე თესე ამ საწუთროში,
იყავ მართალი, როგორც მთესველი
და მადლს მოგაგებს სულ მალე ღმერთი...
გწამდეს: სიკეთის წმინდა მარცვალი
თუნდაც სიბ ქვაზე გაიხარებს
და ასმაგ ნაყოფს გამოიღებს...

იყავი ისე შუბლნათელი,
როგორც შენი ამაყი მთები,
დიადი და სახელოვანი,
ქვრივ-ობლების მფარველი და
შემბრალებელი;

თავზე ნამუსის ქუდი გვხუროს,
როგორც მყინვარწვევს ახურავს ნისლი...

ძმარ, ყარიბო!

გულმართალი და ხელმართალი —
მარადიულო პილიგრიმო,
გზად დაცემული შეივრდომე, წამოაყენე,
გაუნაწილე პურის ნატეხი,
გაუწოდე შენი მათარა...
და მიუტყევე, თუ ოდესმე მწარედ გიგანა,
ან გაგამეტა და წაგაქცია,
იყავ სულგრძელი და შეიცოდე
ყველა მოკვდავი...

ზღვასთან თუ დგახარ და იხრჩობა
ათგზის ცოდვილი —
ოდესღაც შენთვის სამარის მთხრელი
და ცოდვებით დამძიმებული,
ნუ დააყოვნებ,
გადაეშვი თამამად ზღვაში
და გამოსტაცე ადამის შვილი
აბობოქრებულ, მრისხანე ტალღებს...

ობოლს და მშვიერს გაუყავი ალალი
ლუკმა,

არად ჩააგდო სიღარიბე
და იფიქრე სულის ნათელზე,
ჩაილიდინე ძველი სიმღერა
და გზა ფერებით შეიმოსება...
გულნამცეცობა არ გაიკარო,
თორემ საქვეყნოდ დაეცემი,
დამაბუნდები,
და დაკინებულს ზურგს შეგაქცევს
წუთისოფელიც...
მარად ვახსოვდეს, რომ სიკეთე უანგართა
და გაცემულის, გაღებულის წვრილმან
ანგარიშს

ნუ დაიჩემებ:
უფასურდება ასე სიკეთე...
რადგან, ოდესმე ასწილ მიიღებ,
დათესილი სიკეთისათვის
ყოველივეს მოგიზღავს ღმერთი...

ოდეს ქარონი მოგაკითხავს
და დახუჭულ თვალებს ნისლივით
სიკვდილის რული დაეუფლება,
უკუნი დამე წარითაცებს
ნათელს და იმედს,
იმ სამსჯავროზე, სადაც მოხვდები,
ყველაზე დიდი ბრალმდებელი
და მსაჯული იქნება ღმერთი...

შენი სიკეთე და ბოროტება,
შენი საქმენი —
კარგი თუ ავი,
ცხადი, სიზმარი და ცოდვა-მადლი
უფლის სასწორზე აიწონება...

გწამდეს, რომ მხოლოდ ღმერთი განაგებს
მომავალს ჩვენსას და თავად განსჯის,
ამქვეყნიური სიცოცხლისათვის
ვის რა ეკუთვნის ბოლოს და ბოლოს:
ზოგიერთისთვის სამოთხეს არჩევს,

ერთმანეთის ჰვესმოდეს

კინორეთისორ გიორგი დანელიას

ხშირად გეწაღია, რომ ჩვენც ჩავწვდეთ
ჩიტთა გალობას,
მერცხლების ჭიკჭიკს
და ფოთოლთა იღუმალ შრიალს,
ჩვენს ენაზე ავსსნათ ქარის ხმა
და წვიმების სიმფონია ჩაუწეროთ
ფირზე...

ვშაგობთ, ვბობოქრობთ,
ფიქრით თავს ვიღლით
და ყველა ჩვენგანს
საკუთარი სატკივარი მოგვაქვს
წვალებით...

მაგრამ ცოდვილი ჯოჯოხეთიდან
თავს ვერ დააღწევს ვეღარასოდეს...

ზოგი ბეწვის ხიდს გაივლის, შემდეგ
სალხინებულში მოხვდება, რათა
მოინანიოს ცოდვები თვისი
და გზა გაეხსნას სამოთხისაკენ...

თუმცა, გახსოვდეს:
წმინდანისათვის
ამას არა აქვს
მნიშვნელობა —
არავეითარი...

სასაცილოა, ჩვენ, ბედკრულებს,
ამ ცხოვრების ორომტრიალში,
ჩხუბში, ხმაურში
ერთმანეთის დღესაც არ გვესმის,
თანამომძეთა წინააღმდეგ მივიწვევთ
გესლით,
ღვარძლს ვანთხვეთ ირგვლივ
და სიკვდილით ვემუქრებით
ერთიმეორეს...
დაე, ღმერთმა თვითონ განსაჯოს,
ამ სამყაროს იღუმალება...
ჩვენ კი ერთმანეთს ვუთანაგრძნობთ
და ერთმანეთის სატკივარი ვავიზიაროთ...

ჭკადუაში

არჩილ გოგელიას

ბევრჯერ ვწვევივარ
სხვალასხვა ქვეყნებს...
მაგრამ არც უერცეს უღაბნოში,
სადაც მწველი სამუში დაჰქრის,
არც ზღვის ქვიშნარზე,
არსად ასეთი სითბო, სიკეთე
არ შემხვედრია,
არც მზრუნველობა არ მიგრძენია
სხვაგან ამგვარი...

მიწისძვრის შემდეგ
ბუდეაშლილმა
და ბედისგან განაწამებმა
სამეგრელოს სოფელ ჭკადუაშს
შეაფარა თავი სომხობამ,
იქ დაიდო თავისი ბინა...

აპარპაღდა ისევ სანთელი,
სომხის კერია ისევ გაჩაღდა,
ბუხარში ცეცხლი ავიზიგზდა,
თონეც აენთო...

კერაზე ცეცხლი ახლაც ბრიალებს
და მარცვალეც ანთია ხნულში,
პურიც კვლავ ცხვება
და აკვანიც ირწევა სხვიად...
ჭკადუაშის კეთილი მკვიდრო,
შენი სახლ-კარი დაილოცოს,
ფუძე-ყურეს ღმერთი ფარავდეს
და ჩახჩახა მზე
დაგნათოდეს აწ და მარადის...

თარგმნა ბაღათიერ არაბულგა

სვეტლანა ალილუევა

ნიგნი უპილიუპილთაიში

ბარდაუვალი შედარება

მამაჩემის ცხოვრების უკანასკნელ დღეებზე საუბართან დაკავშირებით ოცდაათი წლით უკან დაწევის შემდეგ, ისევ საქართველოში დაებრუნდეთ.

რამდენადაც მთელი ცხოვრება მოსკოვში გავატარე და ქართულად არ ვლაპარაკობდი, მხოლოდ რამდენიმე ფრაზისა და სიტყვის თქმა შემეძლო, მე მომიხდა ჩემთვის **ახლად** აღმოჩენა საქართველოსი, სადაც ცხოვრობდა ყველა ჩემი წინაპარი. ჩემი ქალიშვილი, რომელიც ამერიკაში დაიბადა, ამავე პროცესს გადიოდა და არანაკლები ენთუზიაზმით. მისთვის ძალიან უცნაური რამ იყო ამ პატარა, სამხრეთის რესპუბლიკის შედარება თანამედროვე ამერიკასთან — მის სამშობლოსთან; ჩემთვის კიდევ უფრო უცნაური ამბავი იყო კოსმოპოლიტური, მშფოთვარე თანამედროვე მოსკოვიდან ამ ძველისძველი ქვების, ციხესიმაგრეებისა და წეს-ჩვეულებების საუფლო პაწია რესპუბლიკაში გადმობარება. აქ ღრმად ფესვებგადგმულმა ნაციონალიზმმა, რომელიც ზოგჯერ უცნაური და არაშემწყნარებლურია ყოველივე არაქართულის მიმართ, უცაბე ჩემთვის მოულოდნელად მაიძულა გამეგო და დამეფასებინა — ამ მოცემულ ვითარებებში — ჩემი მოსკოვიური კოსმო-

პოლიტური აღზრდის ყველა უპირატესობა.

მრავალმილიონიან მოსკოვში, რომელიც XX საუკუნის დასაწყისისთვის ღია იყო ყველა ევროპული გავლენისა და ზემოქმედებისთვის, ჩემი ძმა და მე იმ ეპოქის — ოციანი წლების მიწურულისა და ოცდაათიანის დასაწყისის — სულისკვეთების შესატყვისად, ინტერნაციონალურად აღვიზარდეთ. ჩვენ ისიც კი არ ვიცოდით, ვინ იყვნენ „გრუზინები“. ჩემი ძმა იტყოდა ბავშვობაში: ეგენი ისინი არიან, ხანჯლებით რომ დარბიან და ყველას მუცელს ფატრავნო. ჩვენ ბავშვობიდანვე გერმანულ ენას გვასწავლიდნენ. ეს მაშინ იყო ენა ახალი ტექნიკისა, მაშასადამე, კულტურისაც. იმ დღეებში ფრანგული წარსულს ჩაბარდა მის დამნერგავ თავდაზნაურულ საზოგადოებასთან ერთად. ჩვენს განათლებასა და აღზრდას დედა ადევნებდა თვალ-ყურს მის მიერ დაქირავებული პედაგოგების შემწეობით, და ჩვენ არავითარ შემთხვევაში არ უნდა ვქცეულიყავით შეზღუდულ ნაციონალიზტებად.

დედას ყველაფრის სრულყოფილად და სერიოზულად კეთება უყვარდა, ასე რომ ჩვენ ვსწავლობდით გუვერნანტებთანაც და შესანიშნავ სკოლებშიც. მერე ჩემი ძმა სამხედრო კარიერის გზას დააღვა, მე კი ისტორიას დავეწაფე მოსკოვის უნივერსიტეტში, ძირითადი კურსის დამთავრების შემდეგ კი — ლიტერატურასაც. ჩემი განათლება და აღზრდა იმდენად კოსმოპოლიტური იყო,

გაგრძელება. დასაწყ. იხ. „ცისკარი“, № 5, 7, 8, 9, 10, 11, 12, 1994 წ. № 1-2, 3-4, 1995 წ.



რომ ამერიკაში ყოველთვის რამდენადმე მეჩოთივებოდა, როცა ნიუ-იორკში და-
 ჟინებით მეპატიჟებოდნენ რუსულ სა-
 ჩაიეში. და ოცი წლისამ უარი ვთქვი იქ
 სიარულზე. ამერიკაში ჩავედი უკვე ჩა-
 მოყალიბებულ კოსმოპოლიტად, განსა-
 კუთრებით — ჩემი ინდური გამოცდი-
 ლების შემდეგ. „ღვეზულები“ ნიუ-იორ-
 კის რუსულ საჩაიეში, სადაც ასე ვულა-
 ჩუყებით მეპატიჟებოდნენ, ჩემთვის მა-
 შინ რაღაც წარმოუდგენელი დრომოჭ-
 მულობისა და აზროვნების სივიწრო-
 ვის მაჩვენებელი იყო. მაგრამ ჩემი ახ-
 ალი ამერიკელი მეგობრები ვერაფრით
 ვერ იგებდნენ, რატომ ვამბობდი ასეთი
 ბრაზით უარს რუსულ საჩაიეში სიარუ-
 ლზე, რომლითაც ისინი გულწრფელად
 იყვნენ აღტაცებულნი.

იმ დღეებში ისე ბედნიერი ვიყავი
 ფართო, ღია სამყაროში გაღწევით! ის
მშვენიერი იყო, და მინდოდა სულ უფ-
 რო და უფრო მეტი რამეები გამეგო ჩემ-
 თვის იქამდე უცნობ ყველა ერზე, მათ
 შორის ამერიკულ ინდიელებზეც, რომ-
 ლებმაც თავიანთი წვლილი შეიტანეს ამ
 უნიკალურ შენაღობში — ამერიკულ
 კულტურაში. მე კი აქ სამოვართან და-
 საჯდომად მიწვევდნენ.

უკანასკნელ წლებში სავსებით შევეჩ-
 ვიე, შევეკუე ცხოვრების ამერიკულ
 წესს და ამით გარკვეულწილად დავაღე-
 ბული ვარ ჩემი ამერიკელი გოგონსგან,
 რომელმაც თავისი უდიდესი წვლილი
 შეიტანა ამ პროცესში, რომელიც ჩემზე
 გაცილებით მეტად სწორედ მას სჭირდებო-
 ლა. ინგლისში გატარებული ორი
 წლის მანძილზე გავეცანით ცხოვრების
 კიდევ ერთ შესანიშნავ ინტერნაციონა-
 ლურ სახეობას — ერთა ბრიტანულ თა-
 ნამეგობრობას, რომელშიც ერთიანობა-
 სა და დემოკრატიას ასე თვალსაჩინოდ
 ავლენენ ყველანი, დედოფლიდან დაწყე-
 ბული, ინტერნაციონალური პანსიონე-
 ბის მოსწავლეებით დამთავრებული. ეს
 იყო შეუცვლელი, უბადლო მაგალითი
 ოლგასთვის, რომელმაც ერების თანას-
 წირობასა და მათ შორის მშვიდობაზე
 კიდევ უფრო მეტი თავის კვაკერების

სკოლაში შეიტყო.

და აი, მიუელი ამ მრავალგვარი ვა-
 მოცდილების შემდეგ, უცებ აღმოჩნდათ
 პატარა, ძველი, ამაყი ქვეყნის სავსებით
 სხვა სამყაროში. ჩვენ სავსებით მზად
 ვიყავით ისიც გულმხურვალედ მოგვე-
 ქცია ჩვენს არსებაში, ჩაგვეზუტებინა,
 ისევე, როგორც სულ ცოტა ხნის წინათ
 ოლგამ ჩაიზუტა თავის სკოლაში კენი-
 ლი. უგანდელი, პაკისტანელი და ინ-
 დონეზიელი ბავშვები... და ერთხელ
 ქართველი ბავშვების კამპანიაში ჩემმა
 ინტერნაციონალისტმა გოგონამ გამოხა-
 ტა თავისი აღტაცება სომხებით, რადგან
 მათი შესანიშნავი ჯაზითაც მოიხიბლა
 და ადგილობრივი სახელგანთქმული სო-
 მები დალაქის ზეგავლენითაც.

და როგორ გოცდა, როცა მეტყველა
 ღუმილის შემდეგ შენიშნეს, ქართველთა
 კამპანიაში სომხებზე ლაპარაკიც კი არ
 ეგებისო. ამან ოლგა შეაძრწუნა თავი-
 სი უსამართლობით, და ჯიუტად განაგ-
 რძობდა საუბარს იმაზე, თუ როგორ
 მოსწონდა სომხები, მათი მუსიკა, მათი
 ჯაზი და ყველა მათი პროგრამა ადგი-
 ლობრივ ტელევიზიაში. ამით შოკში
 ავდებდა თავის მეგობრებს, რომლებმაც
 მას შემდეგ თაუზიანად შენიშნეს, რომ
 ისინი, რასაკვირველია, მას, როგორც
 უცხოელს, პატიობდნენ ამის უცოდინ-
 რობას, მაგრამ მან არ შეიძლება და არ
უნდა გაუთანაბროს „ის სომხები“ ქარ-
 თველებს. ოლგა ამ ახალგაზრდული
 კამპანიიდან შინ სავსებით დაბნეული
 დაბრუნდა ასეთი უსამართლობით, რისი
 მიზეზის გაგებაც არ ძალუძდა, და მე
 გადაჭრით ვუთხარი, რომ ის მართალი
 იყო. საუბედუროდ, უბრალოდ, საუკე-
 თესო კამპანიაში არ მოხვდა, რადგან
 თბილისის მაღალ ინტელიგენციაში ქარ-
 თველები და სომხები საუკუნეების მან-
 ძილზე მეგობრულად ცხოვრობდნენ
 და, ვთქვათ, არტისტულ სფეროებში
 ერთმანეთთან შესანიშნავად თანამშრო-
 მლობდნენ. ქალაქი თბილისი ყო-
 ველთთვის კოსმოპოლიტიზმის ნიმუში
 იყო, ყოველ შემთხვევაში — რევოლუ-
 ციამდე.

მაგრამ ჩვენ ხომ აქ სავესებით სხვა სამყაროდან მოვედით, სამყაროდან, რომელსაც მეც კი, ამდენი წლის შემდეგ, ჩემად მივიჩნევდი და სადაც ინტერნაციონალიზმი და შემწყნარებლობა უკვე დიდი ხანია იქცა აზროვნებისა და ქცევის ნორმად. ჩვენ უკვე არ ძალგვიძდა ამ კოსმოპოლიტიზმისთვის ზურგის შექცევა, მასზე ხელის ადება. ამერიკა — ეს ყველას სახლი — შეუძლებელია ასე ჩქარა დაიწყებულყო. სხვა ხალხებისა და რელიგიების წარმომადგენელთა დამცირებისა და შეურაცხყოფის ამკრძალავი კანონები აქ უფრო ხშირად გვახსენდებოდა, ვიდრე შეგვეძლო ეს გვევარაუდა.

უდავოა, რომ მე არც კი შემეძლო ჩემს ძველ, ეგზოტიკურ, ორთოდოქსულ ეკლესიაში კრინტი დამეძრა კათოლიკებთან გადასვლის შესახებ... წარმოვიდგენია, რა სკანდალს გამოიწვევდა ეს, მაგრამ მთელი ეს საოპერო რიტუალი, შესანიშნავი გალობა და ზუთ საათს ფეხზე დგომით გამასავათებელი ლიტურგიები ვერ შეძლებდნენ ჩემთვის შეეცვალათ ეკუმენური წირვა ლონდონში, წმ. პავლეს ანგლიკანურ ტაძარში, როცა მსოფლიოს ყველა მხრიდან მოსული დაახლოებით ორი ათასი მორწმუნე იკრიბება ტრადიციულად ზაფხულის კვირადღეებში, რათა ერთად იზეიმონ. მათ არავინ ეკითხება, რომელ კონფესიას ეკუთვნიან, ყოველი მათგანი საკუთრებულთან თანაბრად იღებს ზიარებას. მახსოვს, როგორ შემძრა იმ თანასწორობამ, რითაც გვზვდებოდნენ ყველას. უკრავდა შესანიშნავი კამერული ანსამბლი, შემდეგ ყველანი დავიდართ ზიარების მისაღებად. მე ვიცოდი, რომ ჩემი მეზობელი აგნოსტიკოსი იყო, მაგრამ ძალიან უნდოდა ზიარების მიღება. შესაძლოა, თანასწორობის ამ შემთხვევამ მის მეხსიერებაში ეკლესიის სასარგებლოდ წარუშლელი შთაბეჭდილება დატოვა. იმიტომ, რომ ხელი არ ჰკრეს. ლონდონის სემინარიაში მშვიდი წირვაცა და კალიფორნიაში — ფრანცისკანული მეცაც კი (განსაკუთრებით მათი სააღღო-

მო ზეიმი) ღია კარის და სტუმართმოყვარეობის ასეთ შესანიშნავ გრძნობას აღუძრავენ ადამიანებს. აქ საქმეს ვერავითარი ახსნა ვერ უშველიდა. ვაძი-მაგდებდნენ.

მაგრამ დიდ სამყაროში, სადაც ჩვენ უკვე ცოტა წელი როდი ვიცხოვრეთ, აუცილებელია ჩახუტება ყველასი, ძმების — ქრისტიანებისა და არაქრისტიანებისაც კი. მარტოხელური, დოგმატური, გაქირული დაპირისპირება თქვენ მხოლოდ გაგიძნავთ დანარჩენთაგან. და, იმის მიუხედავად, რომ საკმევლის თანხლებით თქვენი მოსალბუნე არამიწიერი ქორო ასე მშვენიერი რამაა, როცა თქვენ ასე ინდივიდუალურად ხართ განმარტოებული ღმერთის წინაშე, იცით, რომ ხელი უნდა ჩაჰკიდოთ სხვებსაც, რათა გამოხატოთ მსოფლიო კრებულობა, ყველა ადამიანის მსოფლიო ერთიანობა ღმერთის წინაშე. აქ ვგრძნობდით ჩვენს — და მათს — განცალკევებას, სპეციფიკურობას, განუმეორებლობას — მაგრამ მარტოობასაც... ჩვენ ვგრძნობდით — განსაკუთრებით ეკლესიაში, მაგრამ არა მხოლოდ ეკლესიაში — ამ ქვეყნისა და მისი კულტურის უნიკალურობას, მაგრამ იმ ფაქტსაც, რომ ჩვენ უკვე შეგწვივით დასავლეთის კულტურას, რომელიც თითქმის გაუერთიანებელსაც კი აერთიანებს. და რაც უფრო ვეთვისებოდით ამ ჩვენთვის მშობლიურ მიწას და ამ შესანიშნავ ადამიანებს, მით უფრო მეტად გვესმოდა, რომ გაყრის დღე გარდუვალად დადგებოდა. ჩვენ ჯერ არ ვიცოდით, როდის დადგებოდა ის დღე, მაგრამ უკვე ვგრძნობდით, რომ ამ გულმხურვალე ჩახუტებებისგან სუნთქვის შეკვრა გვეწყებოდა.

რასაკვირველია, აქ, საქართველოში, ყველაფერში ქართველებს ვუჭერდით მხარს და არ ვემხრობოდით არაფერს, რასაც მათთვის „ზემოდან უშვებდნენ“. არა მხოლოდ ქართველთა ნაციონალიზმის დამთრგუნველ, არამედ ამ პატარა ქვეყნისთვის „ზემოდან“ ჩამოგზავნილ პარტიულ და ეკონომიკურ დირექტივებ-

საც. ჩაის, ციტრუსების, ხილის, ღვინის მოსავალი მთლიანად დაუყოვნებლივ „ჩრდილოეთში“ იგზავნებოდა, ისევე, როგორც ადგილობრივი საავტომობილო ქარხნის პროდუქცია, მარგანცის ნედლეული და სხვა სიმდიდრეებიც. და თუმცა საქართველო თავდაუზოგავად ცდილობდა ამ დიქტატისტების წინააღმდეგობის გაწევას, განსაკუთრებით სოფლის მეურნეობაში, მან იცოდა, რომ ეს უთანასწორო ბრძოლა იყო.

მაშინდელმა მისმა პარტიულმა ბელადმა ელუარდ შევარდნაძემ გონებაში ხვილურად გადაწყვიტა, რომ ადგილობრივი ინტერესებისთვის უთანასწორო ბრძოლას სჯობდა ყველაფერში „ჩრდილოეთისთვის“ დაეჭირა მხარი. ამ პირადმა პოლიტიკამ მას მოუპოვა აღიარება მოსკოვისა, სადაც ბოლოს და ბოლოს გაიწვიეს კიდეც, რათა გორბაჩოვის ახალ მთავრობაში საგარეო საქმეთა მინისტრის პოსტი დაეკავებინა. საქართველოში კი შევარდნაძემ გააკეთა ყველაფერი, — შესაძლებელიც და შეუძლებელიც, რუსეთისა და საქართველოს „კავშირისთვის“ ხოტბის შესასხმელად, ისიც კი, რომ მონუმენტი დაუდგა აქ საძულველ, 1784 წლის (უნდა იყოს 1783 წლის — მიარამ.) გეორგიევსკის ტრაქტატს, რომლის თანახმადაც საქართველოს სამეფო აღმოჩნდა პეტერბურგის დამამცირებელ ქვეშევრდობაში — მან დაკარგა თავისი დამოუკიდებლობა, გაწყდა სამეფო დინასტია და თავისუფალი ქრისტიანული სახელმწიფოს სტატუსი. და ეს ეროვნული სირცხვილი ახლა საეჭვო მხატვრული ხარისხის მონუმენტითა და გაუთავებელი პარტიული ზეიმებით აღინიშნა. ადგილობრივი მოსახლეობა, ეკლესია და ინტელიგენცია აღშფოთებული იყვნენ, მაგრამ, სამაგიეროდ, ამის შემდეგ შევარდნაძე შორს წაიდა.

მე უკვე ვილაპარაკე ელუარდ შევარდნაძესთან ჩემს პირველ შეხვედრაზე. მან მაგრძნობინა, რომ ჩემს შემთხვევაში ყველაფერი დამოკიდებული იყო მოსკოვის გადაწყვეტილებებზე, რომ-

ლებსაც ის განუხრელად მიჰყვებოდა. მაშინ მივხვდი, რომ ჩემს წინაშე იყო საკმაოდ ჭკვიანი კაცი, შორს მიმავალი ამბიციების მქონე დიდი დიპლომატი. დღეს შეუძლებელია ეს ვინმეს ეეჭვაბოდეს. მაგრამ მაშინ პატარა განაპირა რესპუბლიკაში ჯერ კიდევ არ ჩანდა მისთვის ფართოდ გადაშლილი ჰორიზონტები, რომლებიც ძალზე ჩქარა რეალობად იქცა... და ის აქ აშკარად არ ესწრაფვოდა თავის თანამემამულეთა შორის იაფფასიან პოპულარობას. მოსკოვში პოპულარობა მისთვის გაცილებით უფრო მნიშვნელოვანი რამ იყო. რაც შეეკვებება მე და ოლგას, ცხადი იყო, რომ ყოველთვის შეიძლებოდა შეგვექმნოდა გაუთვალისწინებელი სიძნელეები მოსკოვიდან დაწოლის შედეგად, — ჩვენს „დაჩქარებულ სოცეტიზაციაზე“ მოსკოვის იდეებს ხომ უკვე იქ, ჩრდილოეთში გავეცანით...

და ამ კეთილსურნელოვან მშობლიურ მხარეში ერთი წლის ცხოვრების შემდეგ, როცა შეგვიყვარდა ჩვენი მეგობრები და ცხოვრების მათი წესი, როცა შესანიშნავი ძველი მიწის სურნელით მიხიბულნი ვიყავით, უკვე გვესმოდა, რომ ჩვენთვის მოულოდნელი და ახალი, მთელი ამ გამოცდილებისგან განშორება გარდუვალი იქნებოდა... ჯერ კიდევ არ ვიცოდით, როდის და რამდენად ჩქარა დადგებოდა ეს დრო, მაგრამ განშორების გარდუვალობის სუნი ჰაერში უკვე ტრიალებდა.

დეკორაციითა ცვლა

აქ უცბად მოხდა ისეთი რაღაც, რაც განკების განაჩენს, ღვთის ნებას ჰკავდა. მოკვდა უკვე კარგა ხნის დავრდომილი კენერალური მდივანი ჩერნენკო და მის ადგილზე აირჩიეს შედარებით ახალგაზრდა, ცოტაოდენ პროვინციული, ჯერ ისევე „კოლოიანი“, ჯანმრთელი და ხალისიანი მიხაილ გორბაჩოვი.

ამბობდნენ, ის ლიბერალიაო. მაგრამ მას ძალზე ფრთხილად ეჭირა თავი კონსერვატორთა ამ ძალმოძრეობისას, რაც

მემკვიდრეობად მიიღო ბრეჟნევისა და მის მსგავსთა განმგებლობისგან. სსრკ-ში ჩვენი ყოფნის მანძილზე ჯერ კიდევ არ შეიმჩნეოდა რაიმე რადიკალური გარდაქმნები, თუმცა სწორედ გორბაჩოვმა დაიწყო ძველი, კონსერვატიული გვარდიის ახალი, მისთვის ასაკითა და აზროვნების ხასიათით უფრო ახლობელი ადამიანებით შეცვლა. ის, მოსკოვის უნივერსიტეტის აღზრდილი, წარმომადგენელი იყო ახალი ფენისა თვით პარტიაში, სადაც მუშაობის ძველისძველი მეთოდები უკვე არავის აკმაყოფილებდა.

ჩვენი შორეთიდან ჯერ არ შეგვეძლო გვეწინასწარმეტყველა, თუ როგორ მოქცეებოდა ის ჩვენს პრობლემებს და, როგორც ყველანი სსრკ-ში, ჩვენც დარჩეული ხმების ანაბარადა ვცხოვრობდით. ბეჭდვითი სიტყვა ძალზე ცოტა რამეს იუწყებოდა ახალ ლიდერზე და, ალკოპოლიზმთან მისი დაუყოვნებლად დაწყებული ბრძოლისა და, ყველას გასაოგნებლად, სრულიად მოულოდნელად სსრკ-ს საგარეო საქმეთა მინისტრის პოსტზე ელვად შევარდნაძის დანიშვნის გარდა, გორბაჩოვზე ჯერჯერობით ცოტა რამ თუ იყო ცნობილი. ქორწილებზე ღვინის სმის აკრძალვას, — „ჩრდილოეთის“ კიდევ ერთ ახალ იდეას — ენთუზიაზმით არ შეხვედრიან მეღვინეობის რესპუბლიკაში, სადაც სოფელში ყველა კომლი თავის ღვინოს წურავს. რაც შეეხება, შევარდნაძის დანიშვნას, მალე ღრმავროვნად გადაწყვიტეს, რომ „რამდენადაც მაღალ პოსტზე ქართველი დაწინაურეს, ეს საქართველოსთვის კარგი იქნება“. შევარდნაძის შემცვლელი ახალი მდივანი უფრო მარტივი, რბილი, უბრალო, ტრადიციული კაცი იყო და ეს ყველას ხელს აძლევდა.

გორბაჩოვი ხელისუფლების სათავეში 1985 წლის მარტში მოვიდა. ზაფხულში მან უკვე დაიწყო ძველ კონსერვატორთა პოსტებიდან მოხსნა და თავისიანთა, უფრო ახალგაზრდა და უფრო ლიბერალური კადრების დაწინაურება. ამას მოჰყვა, როგორც აღვნიშნე, საგარეო საქმეთა მინისტრის პოსტზე შევარდნაძის

დანიშვნა. რამდენადაც რუსეთს დაბალ თანამდებობაზე ბევრი დიდად განათლებული დიპლომატი ჰყავდა, თავიდან ყველას გაუკვირდა, არჩევანი რატომ შეჩერდა დიპლომატიური ასპარეზისთვის საესებოთ მოუმზადებელ, ქართველ, სახელმწიფო უშიშროების კომიტეტის ყოფილ მეთაურზე, მაგრამ მალე გაიგეს, რომ სწორედ პარტიის ერთგულმა ქვეშევრდომობამ მოუპოვა მას ეს მაღალი პოსტი. და ეს უკვე აღარ უკვირდათ.

ზაფხული შავი ზღვის ტრადიციულ კურორტებზე გავატარეთ. აქ ვიყავი ხოლმე ბევრჯერ და მინდოდა, რომ ეს სილამაზე ოლგასაც ეხილა. შავი ზღვა არაჩვეულებრივად მიმზიდველია, ძველი კურორტების რაიონები კი ძალიან გაიზარდა, — მე ახლა აქ ველარაფერს ვცნობდი! დასასვენებელ სახლში ვხვდებოდი პარტიულ მუშაკებს და მათ მეუბნებოდნენ, რაც ძალზე მოსაწყვენი იყო. მაგრამ ოლიას ირვლევ მამსწვე მოიყარა თავი ახალგაზრდობამ, ზოგი მათგანი ინგლისურად ლაპარაკობდა და ოლია ისე იყო, როგორც თევზი წყალში, ის აქ „თავისუფალი სამყაროს დესპანის“ როლში გახლდათ. ახალგაზრდობა მას აქ სწორედ ასე აღიქვამდა. მისი „მაღალი საზოგადოების“ ყაიდაზე ცხოვრების, მისი ურთიერთობების საქმე საუკეთესოდ ეწყობოდა, მაგრამ განათლების პერსპექტივები სანუგეშო არ იყო. თუმცა გვარიანად ლაპარაკობდა რუსულად და ქართულად, მაგრამ ეს არ კმაროდა საბჭოთა სკოლის ფართო პროგრამის ასათვისებლად. ახლა არ უნდოდათ მისთვის შინ მეცადინეობის უფლების მიცემა, სკოლაში უნდა მისჯდომოდა მერხს, რაც მისთვის წარმოუდგენლად ძნელი იქნებოდა. მე ხულ უფრო და უფრო მესმოდა, რომ ვერ შევძლებდი „ისევე კოლექტივში შესვლას“ პარტიული ორგანიზაციის კონტროლქვეშ; ამაზე ფიქრიც კი ძილს მიფრთხობდა. უწინდებურად ისე მიყურებდნენ, როგორც აქ შეცდომით შემოფრენილ უცნაურ ფრინველს, — ცნობისწადილით მათვალიერებდნენ და, როგორც წესი, მიწყებდნენ



ლაპარაკს იმაზე, „რა დიდი კაცი იყო თქვენი მამა“. ამ თემისგან თავის დაძვრენა შეუძლებელი შეიქნა. ეს რაღაც-ნაირი ავადმყოფობა იყო, ყველა ატანილი ჰყავდა ამ თემაზე გაუთავებელი მსჯელობების წადილს, მე კი ძალიან, ძალიან მიჭირდა მათთვის რაიმე პასუხის გაცემა, ვერაზღებოდი და ვნერვიულობდი, ისინი კი ვერ ხვდებოდნენ, თუ რატომ...

1985 წლის დეკემბერში ვორბაჩოვს მივწერე პირველი წერილი, რომლითაც ვუხსნიდი, რომ ჩვენ სსრკ-ში ჩამოვედით „ოჯახთან შესაერთებლად“, მაგრამ რამდენადაც ამის მიღწევა ვერ შეეძლებოდა, უკვე აღარ გვექონდა რაიმე შემდგომი მიზეზი აქ დასარჩენად. მე ვთხოვედი ჩვენთვის სსრკ-დან გასვლის ნება მოეცათ, რამდენადაც ახლა საბჭოთა მოქალაქეები ვიყავით (თუმცა ორჯერადი მოქალაქეობით), ამის უფლება მთავრობისგან უნდა მიგვეღო.

არავითარი პასუხი არ მოგვესვლია. ეს საბჭოთა ცხოვრებისთვის ჩვეულებრივი ამბავია. არავინ მოგწერო, რომ თქვენი წერილი მიღებულია და განიხილება, — მდივნები ამას არ აკეთებენ. თქვენ უბრალოდ, უნდა იჯდეთ და ელოდოთ, უკეთესობის იმედი იქონიოთ და **დმერთს** დახმარება შესთხოვოთ.

კატერინას სხვა წერილი არ მოსულა. კამნატკის ქალაქ კლიუჩის ვულკანოსადგურის მისამართით გაგზავნილი არც ერთი ჩემი წერილისთვის მას ერთი სიტყვიც არ უპასუხნია. ჩემს ვაჟიშვილს ერთხელაც კი არ დაურეკავს და არ მოუწერია მას შემდეგ, რაც მოსკოვიდან წამოვედით. მხოლოდ ძმისშვილები და ბიძაშვილები მწერდნენ.

ზაფხულში ჩემი ბიძაშვილი, პენსიაზე გასული მსახიობი, მოვიწვიეთ ჩვენთან. მან მალე მოქებნა საერთო ენა ოლიასთან, პიანინოზე უკრავდნენ, მღეროდნენ, ჩარლსტონს ცეკვავდნენ, და საერთოდ, მხიარულობდნენ. რაკი ყველა ნათესავი ვულთბილად მოგვივიდა, დავასკვენი, რომ ჩემს შვილებთან ჩატარდა გარკვეული „სპეციალური მუშაობა“, რომ მათ

ტვინს ულაყებდნენ ჩემზე სიცრუეებითა და ცილისწამებებით და ისინი ასე სწორედ ამიტომ გადასხვაფერდნენ. ეს ნამდვილად შემზარავი რაღაც იყო, ამ ფაქტის გაგება ვერანაირად შეუძლებელი და არ შემეძლო მას შევრიგებოდი, თუმცა **პატრიარქი**, რომელსაც დიდხანს ვესაუბრე ამაზე, მარწმუნებდა, რომ „სიყვარული გაიმარჯვებს“, რომ მე „უნდა ვიყო მომთმენი და ველოდო“. მე არ მესმოდა ეს „დასჯა“, განსაკუთრებით ჩემი ქალიშვილის — კატინასგან, რომელიც ყოველთვის ჩინებული გოგო იყო და მე გულმგნურვალედ ვუყვარდი.

ვორბაჩოვის სამდივნოდან პასუხი არ მომდიოდა, არ მომდიოდა პასუხი არც ვრომიკოსგან, რომელთანაც შეხვედრას ვთხოვედი, რათა განგვეხილა ჩემი ძმის — ვასილის ბედ-იღბალთან დაკავშირებული რამდენიმე საკითხი. უბრალოდ **საერთოდ** არავითარი პასუხი არ ისმოდა. შევიძლიათ, რაც გნებავთ, ის იფიქროთ!

ამან ისევ მაიძულა გამეხსენებინა ჩვენი ცხოვრება დასავლეთში, სადაც სერიოზულად და პატივისცემით ეკიდებიან ყველას, ვინც კი მთავრობას სწერს. ცივილიზებულ სამყაროში მთხოვნელის წერილისთვის პასუხის გაუცემლობა გაუგონარი უხეშობაა. მე კიდევ ერთხელ ვივრძენი, თუ როგორ მოვწყვიდი წესს საბჭოური ცხოვრებისა, სადაც ორმოც წელზე მეტხანს ვიარსებე...

პირველ დღეებში მოსკოვში მოხდა ერთი ეპიზოდი, რომელმაც მიჩვენა, თუ რამდენად მოვასწარი ცხოვრების საბჭოური წესების დავიწყება. სხვაგვარ ცხოვრებაზე ჩემი „გადართვა“ სრული და წრფელი იყო. მოსკოვში კი ამის გამო ხანდახან ხათაბალაში ვვარდებოდი. მე და ჩემი ბიძაშვილი — წვერებიანი და სათვალისანი ახალგაზრდა დოქტორი, რომელიც ცოტათი ახალგაზრდა ჩეხოვს ჰგავდა, სასტუმრო „სოვეტსკაიას“ რესტორანში ვისხედით და ბორშის შევამცვოდით. ეს იყო ჩვენი პირველი შეხვედრა სსრკ-ში ჩვენი ჩამოსვლის შემდეგ. ვიცინოდით, თავს ლაღად

ვგრძნობდით. უცებ ყურადღება მივაქციე რაღაც ციფრებს ხავერდის ფარდაზე, რომელიც ჩვენგან ესტრადას ფარავდა: „1917-1984, — წავიკითხე ხმა-მალლა და ვკითხე: — რაა ეს? ვინმეს იუბილეა?“

ბიძამშვილმა შეტეუნებით შემომხედა და სიცილი აუტყდა, ჩაბჟირდა კაცი და პირზე ხელს იფარებდა. „შენა, რა? — როგორც იქნა, ამოღერდა. — როგორც ჩანს, მთლად მოწყფი აქაობას? — სიცილს ვერ იკავებდა და აქეთ-იქით იხედებოდა, ხომ არავინ ისმენსო. — ციფრი 1917 სულ დაგავიწყდა?“ და მხოლოდ ამის შემდეგ მოვისახზე, თუ რა ციფრები იყო ეს ციფრები: თარიღები ოქტომბრის რევოლუციის დღესასწაულისა, რომლებიც სსრკ-ში ყოველწლიურად აღინიშნება. დღესასწაულისა, რომელიც მე არ აღმინიშნავს აგერ უკვე ჩვიდმეტი წელია... და სავსებით დამავიწყდა, რადგან ეს უკვე აღარ იყო ჩემს ცნობიერებაში.

დიდი ხნის დავიწყებული დღესასწაულისა და ყოველდღიური ცხოვრების წესების გახსენება ძალიან მიჭირდა. მთავრობისგან პასუხების მიუღებლობა ადამიანებთან ურთიერთობის კულტურის სრულ უქონლობად აღიქვებოდა. თურმე, რა დიდი მნიშვნელობა აქვს კარგი მანერების ქონას! იმას, რომ უცნობებთან თავაზიანები ვიყოთ, გზა დაუთმოთ მათ, მაღლობა ვუთხრათ ან ბოდიში მოვუხადოთ ქუჩაში. უსასრულო ღიმილის ამერიკული ჩვევა კი როგორ გვაკლდა სწორედ აქ, საზოგადოებაში, სადაც ყველანი უკიდურესად სერიოზულნი არიან და არ ფიქრობენ იმაზე, რომ სხვა ადამიანს ასიამოვნონ გულთბილი შეხედვითა და გაღიებებით...

დეკემბრის მომდევნო თვეებში არავითარი პასუხი არა და არ მიგვიღია. ჯერ კიდევ 1985 წლის ნოემბერში მრავალი საშობაო მილოცვა გავუგზავნე ინგლისსა და აშშ-ში (ღია ბარათი გავუგზავნე ტერი უაიტსაც. რამდენიმე თვის შემდეგ მისგან მივიღე მოკლე ბარათი, რომლითაც მეგობრულ და საუკეთესოზე საუკე-

თესო სურვილებს მითვლიდა) იმის იმედით, რომ პასუხები მომივიღოდა — ჩვენ უცებ ასე დაგვაკლდა შობის დღესასწაული...

თბილისში ჩვენს ბინაში საახალწლო ნაძვის ხე დაღვდით და 25 დეკემბერს ოლიას მეგობრები მოვიწვიეთ. განსაკუთრებული არაფერი გვქონია, ჩვეულებრივად ვუმახსინძლეთ. მაგრამ ძალიან გვიანდოდა ეს დღე „ამერიკულად“ გაგვეტარებინა. რამდენიმე წერილი და საშობაო ღია ბარათი უკვე მოგვივიდა — უმთავრესად ინგლისიდან, — და ჩვენი სტუმრები ინტერესით ათვალიერებდნენ მათ. ჩვენ ვყვებოდით: როგორ მიდიან იქ ერთმანეთთან სტუმრად და როგორ იქ აქეთ ოჯახის ყველა წევრისთვის, ყველა მეგობრისთვის საჩუქრები... ასე ტრადიციული ამერიკული დღესასწაულები პრინსტონში, რომლებიც ოლიას ძალიან კარგად ახსოვდა და უყვარდა, ახლა უცებ არაჩვეულებრივად ძვირფასი გახდა ჩვენთვის: **მაღლიერების დღე, აღდგომა, შობა, დამოუკიდებლობის დღე, შრომის დღე**, — ჩვენ სხვა ცხოვრებით ვცხოვრობდით, მე სხვა ცხოვრებით ვცხოვრობდი, და თუმცა აქ ჩემი ძველი მეგობრები ვარაუდობდნენ, რომ იმ ცხოვრებას მალე დავივიწყებდი, ასე სულაც არ მომხდარა, სწორედ პირიქით...

გადიოდა თვეები, პასუხები კი არ ჩანდა. მე მესმოდა, რომ ახალი ლიდერი ძალზე გადატვირთული იყო და ჩვენთვის არ ეცალა. მაგრამ რაღაც მავარაუდებინებდა, რომ ჩვენი თხოვნა მისთვის არც გადაუციათ... სსრკ-ში ასეთი რამეც ხშირად ხდება, თუკი რომელიმე მაღალჩინოსანი ბიუროკრატი წყვეტს — გადასცეს თუ არ გადასცეს უმაღლეს ხელისუფლებას ესა თუ ის თხოვნა. ზოგჯერ თვითონ ამ ბიუროკრატსაც შეუძლია გიპასუხოთ შეკითხვაზე — ჩემი საბჭოური გამოცდილება ასეთ შემთხვევებსაც იცნობს. მაგრამ ჩვენი თხოვნები უკვე იქცა დოკუმენტებად, რამდენადაც ისინი ქაღალდზე აღიბეჭდა და „ზევით“ გაიგზავნა. ადრე თუ გვიან — შესაძლოა,



ძალზე დიდი ხნის შემდეგ — რაღაც პასუხი მაინც უნდა მიგვეღოს.

ყოველ შემთხვევაში, იმისთვის, რომ თვითონ შეგვემოწმებინა, თუ რა ბედი ეწია ჩვენს წერილებს, 1986 წლის ყინვიან თებერვალს მოსკოვს ვაკემგზავრეთ. მატარებლით. მივიდიოდით. ის მძიმედ მიუყვებოდა გზას და ვტკბებოდით ძველმოდურ, რბილ და თბილ კუპეში ჯდომით. მინდოდა ოლგას სცოდნოდა, რაცაა მატარებლით ორი ხანგრძლივადღე-ღამის განმავლობაში მგზავრობა. უცებ თითქოს მეცხრამეტე საუკუნეში დავბრუნდით — და ამ დიდხნის გადავიწყებულ ძველმოდურობაში ჩემთვის რაღაც დამამშვიდებელი იყო.

ყველა ჩვენს მეზობელს საგზალი თავსეხსაყრელად მოჰქონდა, ერთმანეთს ხილს სთავაზობდნენ, ჩვენ დვინოს გვიხსამდნენ და შემწვარი ქათმის ხორცი-თაც კი გემასპინძლობდნენ. „აი, ჩვენი ბაბოებიც ასე მოგზაურობდნენ“, — ვეუბნებოდი მე ოლგას, რომელსაც აქამდე მხოლოდ სწრაფი თვითმფრინავებით თუ ემგზავრა და ფრენისას მხოლოდ პატარა ლანგარზე დადებული საჭმელი და მისთვის მეტიმეტად მოკლე სავარძლებში გაშეშებული თავისი ფეხები ახსოვდა. აქ კი ჩვენ კომფორტულად გვეძინა სუფთა ზეწრებში. დღისით მე ფანჯრიდან თვალმოუწყვეტლად გავცქეროდი გადაშლილ ზამთრის პეიზაჟს და თავს ვუშხვლიდი თუ რა სანტიმეტრალური აღმოჩნდა ჩემთვის ეს მგზავრობა: ეს ხომ იყო მგზავრობა იმავე რკინიგზით, რომელსაც ყოველთვის მივყავდი სამხრეთისკენ, შავი ზღვისკენ, და უკან, ჩრდილოეთში მახრუნებდა — მთელი ჩემი ბავშვობის, ყმაწვილქალობის, მთელი ჩემი ცხოვრების თითქმის ყველა ორმოცი წლის მანძილზე...

გასაოცარია, უცებ რა აღადგენს მეხსიერებაში, რა აცოცხლებს დავიწყებულ ბავშვობას. არა კრემლი, სადაც იმდენ წელიწადს ვცხოვრობდი (მე ამჯერად არც დავდიოდი მის სანახავად), არა მოსკოვი და მისი ქუჩები, არამედ აი, ეს გზა როსტოვის, ხარკოვის, ორიოლის,

კურსკის, ტულის გავლით... მე არაფერი ვიცოდი: როგორ შეგვეზღებოდა მოსკოვი, რას გვეტყოდნენ იქ, რა საუბრები გველოდა ან როგორი ბრძოლების გადახდა მოგვიწვედა... მაგრამ ამ მგზავრობამ ჩემი არსება როგორღაც ააფორიაქა; ძველმოდური საძინებელი ვაგონები ისევ ისეთი იყო, როგორც მაშინ, ჩემს ბავშვობაში. და მე მესმოდა, რომ კონფლიქტი მომწიფდებოდა და უფრო და უფრო გამწვავდებოდა ჩემს გულში — ახლა, როცა უკვე ოფიციალურად ვითხოვეთ გასვლა... არც ისე იოლადაა საქმე, პატივცემულო მკითხველო, როცა თქვენ იმავე გზით მიემგზავრებით მატარებლით, რომლითაც თქვენი ბავშვობის ყოველ ზაფხულს მგზავრობდით...

წინააღმდეგობაში

მოსკოვში, დათოვლილ სადგურში, დაგვხვდა ვალიდია — ჩემი ოთხი ბიძაშვილიდან უმცროსი, და მისი მცირე-ლიტრაჟიანი მანქანით წავედი მათთან, გორკის ქუჩაზე. მის ცოლს, რომელიც სიტყვამ მოიტანა და, ასევე სვეტლანა ალილუევა იყო, მეორე დღეს ოლგა დაჰყავდა გორკის ქუჩაზე ჩარიგებულ მალაზიებში. ის ადმინისტრატორად იყო ჟურნალისტთა სახლში, ჩემი ბიძაშვილი კი მუშაობდა ჟურნალ „ზა რულიომ“-ში. მათი შვილი საერთაშორისო ურთიერთობების ინსტიტუტს ამთავრებდა და ძალზე სასიამოვნოდ ლაპარაკობდა ინგლისურად; ოლიას ის ძალიან მოეწონა. აქ თითხმეტი წლის ამერიკელი გოგონა უდიდეს სიმპათიას იწვევდა, მათ უმეტეს ახლა, როცა უკვე საკმაოდ თავისუფლად ლაპარაკობდა რუსულად. ყველას უჭირდა იმის დაჯერება, რომ სულ ერთ წელიწადში — ისიც საქართველოში! — ასე კარვად შეისწავლა რუსული ენა. ენის მასწავლებლები ძალზე ძლიერნი იყვნენ, ისევე როგორც ძალზე ძლიერი იყო თვით დაჩქარებული სწავლების მე-თოდიც. ახლა ოლია მოსკოვში თავს, ჩამოსვლის დროს რომ იყო, ისეთ უბედურ არსებად არ გრძნობდა. მე მხოლოდ

მისი მიმიკრიის უნარი მანცვიფრებდა: ქართველი გოგონადან, რომლაც ის ცდილობდა თბილისში ქცეულიყო, აქ გადაიქცა რუს გოგონად, თანაც ასევე იოლად და სიამოვნებით. იქნებ, ბუნებით მსახიობია?

გორკის ქუჩაზე ცხოვრობდა ჩემი ძმისშვილი ალექსანდრეც, ვასილის ვაჟი, თეატრის რეჟისორი. ჩვენ მასთან დავდიოდით სტუმრად, ვისმენდით მისი მეგობარი ბოშების სიმღერებს გიტარის თანხლებით, ვსვამდით არაყს — აბა, უამისობა როგორ იქნებოდა! მე მას ვუთხარი, რომ წასვლას ვაპირებდით, და ძალიან დანადვლიანდა და აღშფოთდა, რადგან არ იცოდა, რა სჯობდა. მას დედაჩემივით (ბებიამისივით) ნათელი თაფლისფერი თვალები ჰქონდა და ალილუვისებურად მგრძნობიარე და ნერ-

ვული იყო. ორმოცი წლისა არაჩვეულებრივად ახალგაზრდულად გამოიყურებოდა. ძალზე გამხდარი და მიმზიდველი ჩანდა. გულშელონებით ვადარებდი მას ჩემს ვაჟიშვილს, რომელიც, თავის ასაკთან შედარებით, გაცილებით ხნიერი და დამძიმებული გამოიყურებოდა. მას უკვე დიდი ხანია ჩემთვის ხმა არ მოეწვდინა და ამიტომ ჩვენ არც ვცდილობდით მასთან შეხვედრას, მაგრამ ერთხელ, მიულოდნელად, ჩემს მასპინძლებთან ღარეკა მისმა ცოლმა და დავინახე, თუ როგორ გაყურდა ტელეფონთან ჩემი ბიძაშვილი, და როგორ დაუგრძელდა სახე. შემდეგ ყურმილი დაღო და, ერთხანს ღუმლის შემდეგ თქვა: „მდა... რა დაემართა იმას? თათხვა დამიწყო, რაკი თქვენ ჩვენთან დაბინავდით! ისე დავიბენი, რა მეპასუხა, არ ვიცოდი“.

(გაგრძელება იქნება)





გიორგი ნოღია

ეროვნულ მოძრაობათა თავისებურება კომუნისტური სისტემის ნაკრების ფონზე

ამ თემის დამუშავებულად და კვლევის დიდი ტრადიციების მქონედ ნამდვილად ვერ მივიჩნევთ, რადგან თვით მისი ობიექტი სულ რამდენიმე წელია, რაც არსებობს. მისი ორივე კომპანზომილები რჩებოდა. კომუნისტური სისტემა და ეროვნული მოძრაობები — დიდი ხანია თეორიული განხილვის საგანია, მაგრამ ამ ორ საკითხზე მსჯელობა ერთმანეთს იშვიათად უკავშირდებოდა და ძირითადად სრულიად სხვა კომპანზომილები რჩებოდა კომუნისტური სისტემის წინაშე კომპანზომის ექსპერტთა თვის სამომავლო განვითარების მეტანაკლებად შორეული პროგნოზი იყო, ეროვნულ მოძრაობებს კი, პირაქით, უმეტესად წარსულ მოვლენათა რიგში აყენებდნენ. იგულისხმებოდა, რომ მას შემდეგ, რაც ევროპაში დიდი იმპერიების დაშლისა და მესამე სამყაროს დეკოლონიზაციის პროცესი ძირითადად დასრულდა, ნაციონალიზმის (ეროვნული დამოუკიდებლობისათვის ბრძოლის იდეოლოგიის) ხანაც არსებობდა უკვე ისტორიის ყუთვნილება იქცა. ანტინისტების უმრავლესობა ფიქრობდა, რომ კომუნისტური დაანგრევდა მისი შინაგანი წინააღმდეგობები, უპირველეს ყოვლისა, უუნარობა ეფექტური ეკონომიკის შექმნისა, შესაძლოა, ადამიანების სწრაფვა პიროვნული თავისუფლებისაკენ. მათი ვარაუდით, კომუნისტურ საზოგადოებებში მცხოვრებ ადამიანებს რაღაც ეტაპზე საბოლოოდ უნდა დაენახათ, რომ კომუნისტური უვარგისი სისტემაა, რომ ის ვერ უქმნის მათ ცხოვრების საყარის პირობებს, და უარეყოთ იგი დასავლურ საზოგადოებაში გაბატონებული ლიბერალურ-დემოკრატიული ღირებულებების სასარგებლოდ. ნაციონალიზმი ნაკლებად განიხილებოდა კომუნისტური იდეოლოგიის ალტერნატივად. იგულისხმებოდა, რომ, რადგან გლობალური მასშტაბით ერთმანეთს უპირისპირდებოდა კომუნისტური და ლიბერალურ-დემოკრატიული მსოფლმხედველობები, კომუნისტური ქვეყნების შიგნითაც პირველ პლანზე ეს დაპირისპირება უნდა მდგარიყო. შესაბამისად, კომუნისტები, უპირველეს ყოვლისა, ლიბერალ-დემო-

კრატებს უნდა დაემარცხებინათ, კომუნისტური რეჟიმის მემკვიდრე დასავლურ დემოკრატიაზე ორიენტირებული რეჟიმები უნდა ყოფილიყვნენ. კომუნისტური ბანაკის ქვეყნებში არსებული ეროვნული პრობლემების განხილვა „სოვეტოლოგიის“ და მსგავსი დისციპლინების პერიოდულ თემად ითვლებოდა. მაგალითად, 1990 წელს პოლ პენზი წერდა: „ორი ან სამი წლის წინათ საბჭოთა კვლევებზე დასპეციალისტებულ ამერიკელ მეცნიერთა გამოკითხვა რომ ჩაგეტარებინათ, უმრავლესობა, ალბათ, მხარს დაუჭერდა იმ დებულებას, რომ ეროვნებათშორისი ურთიერთობები მხოლოდ კანტიკენტად თუ შეიძლება ქვეუღიყვნენ დაძაბულობის წყაროდ და მცირე გავლენას თუ მოახდენდნენ პოლიტიკურ და ეკონომიკურ გადაწყვეტილებათა მიღებაზე“.¹ წამყვანი დასავლელი მოაზროვნეებიდან ამ თემის განსაკუთრებულ და სახელისწირო მნიშვნელობას მხოლოდ რამდენიმე თუ ხედებოდა (ზ. ბეჟინსკი, რ. ფაიფი და ზოგი სხვა). იმ ავტორებსაც, ვინც ზოგადად სწორად ხედებოდა ეროვნული პრობლემის განსაკუთრებულ წონას, უჭირლათ წარმოედგინათ, კერძოდ, რა მოდუსში ითამაშებდა იგი გადაწყვეტ როლს. მაგალითად, ფრანკვა სოვეტოლოგმა ელენ კარერ-დ'ანკოსმა 1979 წელს გამოაქვეყნა წიგნი „გახლეჩილი იმპერია“, რომელშიც იგი წინასწარმეტყველებდა საბჭოთა კავშირის დაშლას ეროვნული პრობლემების გადაუჭრელობის ნიღაზეზე.² შემდგომდროინდელი მოვლენების უჭეხე ეს პროგნოზი, ცხადია, უღარესად გამჭრიახად უნდა ჩაითვალოს. მაგრამ, თუ ამ ავტორის კონკრეტულ არგუმენტაციასზე გავამახვილებთ ყურადღებას, დავინახავთ, რომ ასეთი შეფასება სათუთა. კარერ-დ'ანკოსი თავის პროგნოზს ამყარებდა სხვადასხვა საბჭოთა ეროვნების მდგომარეობისა და პერსპექტივების ან-

¹ Paul Henre. „The Last Empire“. Journal of Democracy, 1990/2, გვ. 27.

² Helene Carrere D'Encosse, L'Empire Eclate, Flammarion, 1979. რუს გამოცემა: Расколота империя. Лондон, 1982.

ლიზხე და იმ დროს მის ხელთ არსებული ობიექტური სტატისტიკური მასალის ხელშეწყობადა. სახელმძღვანელო, გადამწყვეტ როლს იკავებდა დემოგრაფიულ მონაცემებს აყუთუნებდა. ამ მონაცემების საფუძველზე ერთმნიშვნელოვნად გამოუტანა უპერსპექტივობის განაჩენი ბალტიკისპირეთის რესპუბლიკებს, განსაკუთრებით ლიბანისა და ესტონეთის, რომელთაც, რუსულენოვანი მოსახლეობის განუხრელი ზრდის ტენდენციის გამო, მისი აზრით, დემოგრაფიული კატასტროფა და გარდუვალი ასიმილაცია ელოდათ. ამიტომ მათგან იმპერიას დიდი საფრთხე არ ემუქრებოდა. სამაგიეროდ, იმპერიის დამანგრეველი ძალა, უპირველეს ყოვლისა, უნდა გამხდარიყვნენ ისლამის მიმდევარი ხალხები, რომელთა წილი საერთო-საკავშირო მოსახლეობაში, ბუნებრივი მატების განსაკუთრებით მაღალი ტემპის გამო, სულ უფრო გაიზარდებოდა და საბოლოოდ საფრთხეს შეუქმნიდა რუსული ეთნოსის დომინირებას იმპერიაში. თავისთავად ასეთ სცენარში არალოგიკური არაფერი იყო, მაგრამ რეალურად პირიქით მოხდა: იმპერიის წგრევის ინიციატივით პირველ რაგში გამოვიდნენ სწორედ ობიექტურად „სუსტი“ ბალტიის ერები, წგრეტილი კი ამ პროცესს თითქოს უკვე გარუსების პირას მდგომმა უკრაინამ დაუსვა. რაც შეეხება ისლამურ რესპუბლიკებს, ისინი უფრო მეტად ერთგულნი დარჩნენ იმპერიის შენარჩუნების იდეას, ვიდრე თვითონ რუსეთიც კი.

წარსულში გაკეთებული პროგნოზების დღევანდელი თვალსაწიერიდან კრიტიკა საერთოდ ადვილია. ეს მაგალითი იმ გარემოების წარმოსახვად მოვიტანე, რომ ისინი კი, ვინც საბჭოთა კავშირს „იმპერია“ ეძახდა და მას დაშლას უწინასწარმეტყველებდა, ხშირად ვერ ხედავდნენ გამიზნული პოლიტიკური ქმედების, **ეროვნული მოძრაობების** გადამწყვეტ როლს ამ პროცესში. ასე რომ, ის ფაქტი, რომ კომუნისტური სისტემის წგრევის პროცესში პირველ პლანზე სწორედ ეროვნული იდეები და ეროვნული მოძრაობები გამოვიდნენ, დიდი უმრავლესობისათვის მოულოდნელი ამოჩნდა. ხოლო ბევრის მიერ ემოციურადაც უარყოფითად იქნა შეფასებული. „პერსპეროის“ პერიოდში გავრცელდა შეხედულება (მის განსაკუთრებით ენერგიულად გორბაჩოვის მომხრეები უჭერდნენ მხარს, მაგრამ არა მხოლოდ ისინი), რომ დემოკრატიული მოძრაობის მთავარი მოწინააღმდეგე კომუნისტური მფრძობელ და პოსტკომუნისტურ ქვეყნებში სწორედ ნაციონალიზმია, რომ ნაციონალიზმის გავრცელება ყველაზე მეტად უქმნის საფრთხეს ამ ქვეყნების მიერ ლიბერალურ-დემოკრატიული ღირებულებების ათვისებას. ლიბერალურად განწყობილ მოაზროვნეებს შორის პოპულარული გახდა გამოთქმა: „ნაციონალიზმი — ეს არის კომუ-

ნიზმის უკანასკნელი სტადია“. ამში იგულისხმება, რომ ნაციონალიზმი გრძობების მოძალბა და ეთნიკური კონფლიქტები ტოტალიტარულ ეპოქაში დამახინჯებულ ადამიანური ცნობიერების განსაკუთრებით მძიმე გადმონაშთია, რომ ვიდრე ნაციონალიზმი განსაზღვრავს საზოგადოების განწყობილებას, იგი ვერ განცნობიერდება ტოტალიტარული კომუნისტური ცნობიერების მარწყუებისაგან. ამ დროს იმას უსეამენ ხოლმე ხაზს, რომ როგორც კომუნნიზმს, ისე სოციალიზმს ახასიათებს კლდექტივისათვის უპირატესობის მინიჭება ინდივიდთან შედარებით, რომ ორივე კლდექტივისთვის, კლდექტივის ინდივიდზე ბატონობის ყოველთვის სხვადასხვა ნაირსახეობაა.

კაცმა რომ თქვას, იუგოსლავიასა და ყოფილ საბჭოთა კავშირში მიმდინარე სისხლიანი ეთნო-ტერიტორიული ომების ფონზე ეროვნული ცნობიერების აქტივიზაციისადმი უარყოფითი დამოკიდებულება საკმაოდ გასაგებია. მაგრამ შეფასებითი დამოკიდებულება ერთია, ანალიზი და გაგება კი სხვა. როგორც რეალურმა გამოცდილებამ გვიჩვენა, კომუნნიზმის აღსასრულს მართლაც მოსდევს ნაციონალიზმის საკმაოდ მახინჯი გამოვლინებები. მაგრამ თუ აზრი აქვს გამოთქმას „ნაციონალიზმი არის კომუნნიზმის უკანასკნელი სტადია“, ასევე მართალია ისიც, რომ იგივე ნაციონალიზმი დემოკრატიის პირველი სტადიაა. ამ თვალსაზრისით კი არაფერი ახალი და განსაკუთრებული პოსტკომუნისტურ ეროვნულ მოძრაობებში არ არის. თვითდადგენის (თვითგამორკვევის. თვითგანსაზღვრის) ცნება („ჩვენი თავი ჩვენადვე გვეყუდნეს“) თავისთავად მოიცავს როგორც ზოგადდემოკრატიულ, ისე ეროვნულ-ინდებენდენტისტურ შინაარსსაც: ხალხი იქვეა წამყვან პოლიტიკურ სუბიექტად და ამიტომ ადგენს თავის საკუთარ მოცულობასაც, ანუ იმ პოლიტიკური ერთობის შემადგენლობას, რომელმაც ცალკე სახელმწიფო უნდა შექმნას: ხალხი, როგორც პოლიტიკური ქმედების დამოუკიდებელი სუბიექტი, არის დამოუკიდებელი ან დამოუკიდებლობისათვის მებრძოლი ერი. ამიტომ მართვის დემოკრატიული მოდელზე გადასვლის პერიოდი ყოველთვის თანხვედრა ეროვნული მოძრაობების აქტივიზაციის პერიოდს. ასე იყო მე-19 საუკუნისა და მე-20 საუკუნის დასაწყისის დასავლეთ და ცენტრალურ ევროპაში; იგივე პროცესები მთელი მე-20 საუკუნის განმავლობაში, განსაკუთრებით კი მეორე მსოფლიო ომის შემდეგ, მიდრედა და მიდის „მესამე სამყაროში“. იგივე მეორდება კომუნისტური ექსპერიმენტის ჩატარებით გამოწვეული დაგვიანების შემდეგ ყოფილ „სოციალისტურ ბანაკში“. ამ პროცესებს მაშინაც და ახლაც ახასიათებდათ საგმირო შემართება და მოსახლეობის მობილიზაცია ეროვნული იდეის

გარშემო, მაგრამ ამავე დროს სისხლისმღვრელი ომები, ბარბაროსული ქმედება არასასურველი ეთნიკური ჯგუფების მიმართ, პოლიტიკური ისტერიის გამოვლინებები და ა. შ. ასე რომ, ზოგადი თვალსაზრისით, ისტორიულად უპრეცედენტო არაფერი ხდება.

ამ ნაშრომში ჩვენი ამოცანაა გავარკვიოთ, ამ ზოგადი კანონზომიერების გათვალისწინებით, რა თავისებურებებით გამოირჩევა ეროვნული მოძრაობები და ეროვნული ცნობიერება კომუნისტური სისტემის ნგრევის პერიოდში. ჩვეულებრივ ეროვნულ მოძრაობებთან გვაქვს საქმე, იმათ სრულ ანალოგებთან, რაც არსებობდა, ვთქვათ, ავსტრია-უნგრეთის ან ოტომანთა იმპერიის ნგრევის პერიოდში, ან თუნდაც იმავე რუსეთის იმპერიის დანგრევის პირველი მცდელობისას, თუ „პოსტ-კომუნისტურობის“ მახასიათებელი ამ მოძრაობათა რაღაც არსებით სპეციფიკას განაპირობებს?

პოსტ-ბრადიციული და პოსტ-ანტიბრადიციული

ბუნებრივია, რომ არსებითი განმასხვავებელი ნიშანი, რითაც პოსტ-კომუნისტური ეროვნული მოძრაობა განსხვავდება სხვა ეროვნული მოძრაობებისაგან, ვეძებთ მათ პოსტ-კომუნისტურობაში, ე. ი. მათი ამოსავალი სოციალური ფონის განსხვავებულობაში. ეს სპეციფიკა შემდეგია: „კლასიკური“ ეროვნული მოძრაობების ძირითადი ნიშანი იყო ის, რომ ისინი ვითარდებოდა მოდერნიზაციის პროცესის ფონზე. ნაციონალიზმის, როგორც ეროვნული თვითდადგენის იდეოლოგიის, ჩამოყალიბება დროში თანხვედა და ერთ-ერთ ასპექტად ახლავს თან ტრადიციული საზოგადოებიდან თანამედროვე, „მოდერნულ“ საზოგადოებაზე გადასვლას. მოდერნიზაციაში აქ ვგულისხმობ იმას, რასაც ჩვეულებრივ გულისხმობენ სოციალოგები, კერძოდ, გადასვლას აგრარული საზოგადოებიდან ინდუსტრიულ საზოგადოებაზე, მისი თანხლები ურბანიზაციის პროცესებით; გადასვლას ელიტური და ხალხური კულტურის გათიშულობიდან საყოველთაო განათლებულობის (წერა-კითხვის დონეზე მაინც) და მასობრივი კულტურის საზოგადოებაზე. თავის სკოლების სისტემითა და მასობრივი კომუნიკაციის საშუალებათა განვითარებული ქველით; ძლიერი სახელმწიფო სტრუქტურების შექმნით და შესაბამისი ბიუროკრატიული ფენის ჩამოყალიბებით; სოციალურ-პოლიტიკური ცხოვრების სკეულარიზაციით, რასაც მოს-

დევს ეკლესიისთვის წამყვანი პოლიტიკური როლის ჩამორთმევა და პოლიტიკური ლეგიტიმურობის სუბიექტად „ხალხის“ ქცევა.

მოდერნიზაციის პროცესის მექანიზმის ზოგადი აღწერა საქმად დამაჯერებლად აქვს მოცემული მარქსს. ეს ის სფეროა, სადაც სოციალოგიის მისებრი „ბაზის-ზედნაშენური“ სქემა ძირითადად მუშაობს (სხვა ამბავია, რამდენად დაიყვანება მოდერნიზაციის საწყისი იმპულსები და, შესაბამისად, „ბაზისის“ ცნების შინაარსი წმინდად ეკონომიკურ მომენტებზე). მთავარი აქ ჩვენთვის ისაა, რომ მოდერნიზაციის პროცესისათვის დამახასიათებელი ზემოთ ჩამოთვლილი „ბაზისური“ ელემენტები თანდათან მწიფდებოდა ტრადიციული საზოგადოების წიაღში. შემდეგ კი ამ, რეალურად უკვე არსებულ ელემენტებზე დაყრდნობით ხდება საზოგადოების „ზედნაშენის“, ანუ მისი პოლიტიკური სტრუქტურის შეცვლა მეტ-ნაკლებად რევოლუციური გზით (დემოკრატიული და ეროვნული მოძრაობების შედეგად). მოდერნიზაციის პროცესის პოლიტიკური მხარე — ძალაუფლების დემოკრატიული სისტემის ჩამოყალიბება, რასაც ჩვეულებრივ თან ახლავს ეროვნული სახელმწიფოს პრინციპის გაბატონება — ასეთ შემთხვევაში სხვა არაფერია, თუ არა საზოგადოების პოლიტიკური სტრუქტურის შესაბამისობაში მოყვანა მის უფრო სიღრმისეულ, „ბაზისურ“ სტრუქტურებთან (სამოქალაქო საზოგადოება, საბაზრო ეკონომიკა და ა. შ.).

მოუხედავად დამაგვირგვინებელი პოლიტიკური ვადატრიალების რევოლუციურ-სისხლიანი ხასიათისა (ყოველგვარი კატაკლოზმების გარეშე მოდერნიზაციის პროცესი იშვიათად თუ სდებ მომხდარა), მთლიანობაში, გადასვლის ამგვარი მექანიზმი მაინც „ორგანიზობის“ სახეს უნარჩუნებს ისტორიულ ევოლუციას. ძირითადი მოდერნიზაციული პროცესები თანდათანობით, ძველი საზოგადოების წიაღში ხდება, ისინი „თვით ცხოვრებას მოაქვს“. შესაბამისად, მოუხედავად რევოლუციური წყევტისა დემოკრატიისა და „ძველ რეჟიმს“ შორის, ახალი საზოგადოება ხელაღებით არ ამბობს უარს „ძველის“ მემკვიდრეობაზე, პირიქით, ხშირად სიამაყითაც კი აცხადებს თავს მის მემკვიდრედ და სრული საფუძველიც აქვს საამისოდ. სოციალური, ეკონომიკური და პოლიტიკური სტრუქტურების ფერისცვალება არ უშლის ხელს იმას, რომ სულიერ, ზნეობრივ, კულტურულ სფეროში საზოგადოება, ნაწილობრივ მაინც, ტრადიციულ ღირებულებებს დაეყრდნოს.

პოსტ-კომუნისტური ეროვნულ-დემოკრატიული მოძრაობების სოციალურ-ისტორიული ფონი ამისგან არსებითად განსხვავებულია. კომუნისტური წყობა თავისი არსით ტრადიციული

1. ამის შესახებ უფრო დაწვრილებით იხ. გ. ნოდია, „ქვემდებარე კონსენსუსი და დემოკრატიული საზოგადოება“, „ციცკარი“, № 1, 1993 წ.

კი არა, ანტი-ტრადიციულია. ის ეყრდნობა უტოპიურ, ესქატოლოგიურ, პოსტ-ისტორიულ იდეოლოგიას, რომლის მიხედვითაც, თუმცა ახალი, კომუნისტური წყობის ჩამოყალიბება აუცილებლობით გამომდინარეობს მთელი წინამორბედი „ბუნების-ისტორიული პროცესიდან“, შინაგანად, თავისი ღირებულებების, საზრისის, სტრუქტურის მხრივ მას არაფერი აქვს საერთო მთელ წინამორბედ ისტორიასთან (გარდა ტექნოლოგიური პროგრესისა, რომელსაც ის აგრძელებს). მარქსის ცნობილი თქმით, ეს არის გადასვლა კაცობრიობის „წინა-ისტორიიდან“ მის „ნამდვილ“ ისტორიაზე; მაგრამ მისივე თეორიის უფრო ზუსტი აზრი, უბრალოდ, ისაა, რომ კომუნისში არის ისტორიის აღსასრული, გადასვლა ისტორიის შემდგომ მდგომარეობაში.

მაგრამ ეს შეეხება მხოლოდ კომუნისტური სისტემის თვითგააზრებას, მის იდეოლოგიას. რეალური თვალსაზრისით კი („რეალური სოციალიზმი“) არის მოდერნიზაციის გარეგნული ამოცანების დაჩქარებული შესრულება (ფორსირებული ინდუსტრიალიზაცია, ურბანიზაცია, წერა-კითხვის საყოველთაო გავრცელება, მსობრივი კულტურისა და მსობრივი კომუნიკაციის საშუალებათა განვითარება, ყოვლისმომცველი ბიუროკრატიული სახელმწიფო მანქანის ჩამოყალიბება დემოკრატიის ფორმალური ნიშნების იმიტაციით და ა. შ.) თანამედროვე საზოგადოების „სულს“ (თავისუფალი მეწარმეობა, სამოქალაქო საზოგადოება, პიროვნების უფლების აღიარება) ჩახშობის ხარჯზე.

ამიტომ პოსტ-კომუნისტური საზოგადოების როგორც ობიექტური მიმართება, ისე სუბიექტური დამოკიდებულება თავისი წინამორბედი რეჟიმისადმი განსხვავდება მოდერნული საზოგადოების დამოკიდებულებისაგან ტრადიციული საზოგადოებისადმი. თუ ამ უკანასკნელ შემთხვევაში დამოკიდებულება ორმაგი, „დიალიქტიკური“ (ახლის საფუძველი ძველის წინააღმდეგობაში მფიფხება, ახლის მიერ ძველის უარყოფით მეტყველებითობის ჯაჭვი არ წყდება), პოსტ-კომუნისტური რევოლუციის შემთხვევაში წყვეტილ აბსოლუტურია. ლიბერალურ-დემოკრატიულ ღირებულებებზე ორიენტაცია არაფერს რეალურს არ ხედავს უშუალო წარსულში ისეთს, რასაც შეიძლება დაეყრდნო და გააგრძელო ახლის შენებისას. ძველი მთლიანად უნდა დაინგრეს, რომ მის ადგილზე ახალი აშენდეს.

ამგვარი განცხადება ერთგვარ პროტესტს იწვევს ხოლმე, და არა მხოლოდ კომუნისტურ წარსულზე ნოსტალგიით შეპყრობილი ადამიანებისას. განა კომუნისტური რეჟიმის პერიოდში პოზიტური სულ არაფერი გაკეთებულა? რა თქმა უნდა, გაკეთებულა. უკვე ვთქვით, რომ ეს რეჟიმი შეიძლება განვიხილოთ როგორც ერთგვარი მოდერნიზაციული პროცესე-

ბის დაჩქარებული ჩატარების მცდელობა, რასაც ამ გარეგნულ დონეზე მაინც რაღაც წარმატებები ჰქონდა. მართლაც მოხდა ინდუსტრიალიზაცია, ურბანიზაცია, განათლების დონის ამაღლება. ეს კი, თავის მხრივ, არა მხოლოდ თავისთავად არის ღირებული (მოსახლეობის კეთილდღეობის დონის ამაღლების თვალსაზრისით), არამედ დემოკრატიული წყობის შექმნის ხელშემწყობი (თუმცა, ცხადია, არასაემპირისი) ობიექტური პირობაცაა.

თუ კომუნისტური სისტემის დემონტაჟის პროცესზე წმინდად ობიექტივისტური თვალსაზრისით, სოციოლოგიური კუთხით შევხედავთ, მაინც არსებობს ერთგვარი ანალოგია ტრადიციული საზოგადოების ბაზაზე მომხდარ პოლიტიკურ ცვლილებებთან, როდესაც ამ ცვლილებების წინაპირობები ჯერ თანდათან გროვდება, შემდეგ კი გამოხატულებას პოვებს პოლიტიკური სისტემის გარდაქმნაში. არ შეიძლება არ დავინახოთ, რომ დემოკრატიული ცნობიერების მატარებელი ელიტები ნამდვილად „ძველი რეჟიმის“ წიაღში ჩაისახა და ეს შესაძლებელი გახდა, სწორედ, ურბანიზაციისა და განათლების გავრცელების პროცესთა შედეგად (დემოკრატიული ცნობიერება ყველა ქვეყანაში უპირატესად ქალაქლებს და განათლებული ფენების წარმომადგენლებს ახასიათებთ). ეს ობიექტური პროცესები განაპირობებს იმ განსხვავებას, ვთქვათ, დღევანდელ და ორმოცი წლის წინანდელ რუსეთს შორის, რის გამოც თანამედროვე რუსეთს მეტი შანსი აქვს დემოკრატიული წყობა ჩამოაყალიბოს, ვიდრე წინა მცდელობის დროს ჰქონდა. ეს ხშირად მხედველობიდან ჩრებათ თვით ურბანიზებულ და განათლებულ დემოკრატიზატორებს, რის გამოც მათ კომუნისტური წარსულისადმი ერთგვარი „უმაღურობა“ და ჰიპერკრიტიციზმი შეიძლება დაბრალდეს.

მაგრამ ეს „უმაღურობა“ უსაფუძვლო არ არის. ისიც ვთქვით, რომ, თუმცა კომუნისტური წყობა დაჩქარებული ტემპით წყვეტს მოდერნიზაციის ცალკეულ ამოცანებს, ეს მოდერნიზაციის მხოლოდ გარეგნული მხარეა. რაც შეეხება მის „შინაგან“ კომპონენტებს, „სულს“, ისინი არა მარტო არ ვითარდება, არამედ პირიქით, მათი ჯერ კიდევ ტრადიციული საზოგადოების ბაზაზე შექმნილი წინამძღვრებიც ინგრევა და ისპობა. რაც გინდა ილაპარაკონ იმავე რუსეთის „ჩამორჩენილობაზე“ და ბარბაროსობაზე ამ საუკუნის დასაწყისში, ეს მაინც იყო ქვეყანა, სადაც რაღაცა უკვე იწყებოდა: საკმაოდ მაღალი ტემპით ვითარდებოდა მეწარმეობა, დაიწყო სოფლად არქაული თემის დაშლის პროცესი, ყალიბდებოდა სამოქალაქო საზოგადოების ელემენტები, შეიქმნა და გავლენას იკრებდა ლიბერალურ-დემოკრატიული მიმართულების პოლიტიკური ელიტა,

ვითარდებოდა კულტურა, რომელიც სულ უფრო ეწერებოდა ევროპულ კულტურულ კონტექსტში და ა. შ. ყველაფერი ეს არაპროპორციულად სუსტი იყო ქვეყნის უდიდესი ნაწილის ეკონომიკურ და პოლიტიკურ ჩამორჩენილობასთან (თვით ამ ელიტის თვალში— „ზიზირობასთან“) შეფარდებით, მაგრამ თავისთავად მომავალი ევოლუციის საფუძვლად და საყრდენად გამოდგებოდა.

აი, ამ საწყისებს მოულო ბოლო ახალმა რეჟიმმა. პიროვნულ ინიციატივაზე დამყარებული საწარმოო თუ კომერციული საქმიანობა, სახე-ლამწიფოს კონტროლს დაუმორჩილებელი საზოგადოებრივი ცხვრება, პიროვნული თავისუფლების იდეები მიუღებლად გამოცხადდა და თითქმის პირწმინდად აღმოიფხვრა. ხოლო შესაბამისი ელიტები ფიზიკურად განადგურდნენ. რაც შეეხება უფრო ადრეულ, ტრადიციულ საზოგადოებიდან მომდინარე სულიერ-კულტურულ ღირებულებებს და სააზროვნო სტერეოტიპებს, თუმცა ისინი, სახეცვლილ-დეფორმირებულნი, ახალი რეჟიმის რეალური სიძველეს დასაყრდენი გახდა, იდეოლოგიურ კლონინგება სისტემაში ტრადიციულმა პროგროც ასეთი, მინც უარყოფითი ნიშნით ფასდებოდა. მართალია, საკმაოდ დამაჯერებელი ჩანს ვარაუდი, თითქოს საკომუნურნი სისტემის გამარჯვება რუსეთში იმიტომ გახდა შესაძლებელი, რომ ის, თუმც დეფორმირებული სახით, აგრძელებდა პატრიარქალურ-თემურ ტრადიციებს, ეყრდნობოდა ცნობიერების შესაბამის სტერეოტიპებს, საზოგადოებრივი ცნობიერებაში (არც ტრადიციონალისტების და არც არტრადიციონალისტების თვალში) მინც არ ზღვებდა საკომუნურნი ცხოვრების წესების იდენტიფიკაცია, როგორც, სწორედ, ტრადიციული ღირებულებების განხორციელების ნიშნისა.

ამიტომ, ბუნებრივია, რომ იდეოლოგიურად ლიბერალურ-დემოკრატიულ (ან თუნდაც წინამორბედისტიულ, პატრიდიციონალისტურ) მოდელებზე ორიენტირებული პოსტ-კომუნისტური ცნობიერებისათვის მისი უშუალო წარსული განიცდება, როგორც პოზიტიურ ღირებულებას სრულიად მოკლებული რაიმე და მისი შეფასება გამოიხატება კატეგორიებით „დამახინჯება“, „გადავარება“, „დეფორმაცია“ და ა. შ. რაკი კომუნისტური წყობა ეყრდნობა მხოლოდ იდეოლოგიას, ამ იდეოლოგიის გადადგემის შემდეგ კომუნისტურ „მონაპოვარში“ არაფერი რჩება ისეთი, რაც ახლის შენების საფუძვლად გამოდგება. რაც შეეხება მოდერნიზაციის ზე-მთო ნახსენებ გარეგნულ ატრიბუტებს, ისინი, მართალია, კომუნისტურ პერიოდში შეიქმნა, მაგრამ მათში არაფერია სპეციფიკურად კომუნისტური: ინდუსტრიალიზაცია, ურბანიზაცია, განათლების გავრცელება არანაკლებ ახასია-

თება არაკომუნისტურ საზოგადოებებს. განსხვავება მხოლოდ მოდერნიზაციულ პროცესთა განხორციელების ფორსირებულ ტემპშია, მაგრამ, რადგან თავის უკანასკნელ, კრიზისულ საფეხურზე კომუნისტური საზოგადოება სტაგნაციაში ვარდება და ამ ტემპსაც კარგავს, პოსტ-კომუნისტური რეფორმატორის თვალში მისი ეს ძირითადი კოზირი უფასურდება.

ამრიგად, კომუნისტების შემდგომ დემოკრატი-ახე გადასვლის ნიშანია ტრადიციასთან სრული წყვეტი, ანუ ახალი საზოგადოების ცარიელ ადგილზე აშენების ცნობიერება. ამით პოსტ-კომუნისტური რევოლუციის ცნობიერება სარკისებრ ასახავს კომუნისტური რევოლუციისას: „ინტერნაციონალიზმი“ იმაზე მღერინს, რომ ჭერ ძველი საყარო უნდა ბოლომდე დავანგრიოთ, შემდეგ კი ახალი ავაშენოთ. თუმც მისი იდეოლოგია „ბუნებრივი-ისტორიულ პროცესზე“ ლაბარკობდა, სინამდვილეში კომუნისტური რევოლუცია ისტორიის „ორგანულ პროცესს“ კი არა, ინტელექტუალების მიერ მოგონილ იდეოლოგიას ეყრდნობოდა. ამ იდეოლოგიის მიერ ხელოვნურად აგებული საყაროდან განსვლის პროცესი საპირისპირო ნიშნით იმორებს იმავე ზოგად კანონზომიერებას: წარსულიდან (უშუალო წარსულიდან, ანუ იმ წარსულიდან, რომელიც რეალურად არსებობს, როგორც აწმყოს ფუნდამენტი) არაფრის წამოღება არ შეიძლება ნათელ დემოკრატიულ და საბაზრო-კაპიტალისტურ მომავალში. მაშასადამე, პოსტ-კომუნისტური (ისევე, როგორც თავის დროზე კომუნისტური) რევოლუცია ვერაფერს დაეყრდნობა, გარდა ინტელექტუალების თავებში არსებული წარმოდგენისა იმის შესახებ, თუ როგორი უნდა იყოს ეს „ნათელი მომავალი“, ანუ ნორმალური, სასურველი საზოგადოებრივი წყობა.

მაგრამ თუ კომუნისტური რევოლუციის შემთხვევაში ასეთი მკვეთრი დაპირისპირება წარსულისადმი სრულიად შეესაბამებოდა კომუნისტების ზოგად ანტიტრადიციონალისტურ, იდეოლოგიურ-ესპეტოლოგიურ ბუნებას, სულ სხვა მდგომარეობა გვაქვს პოსტ-კომუნისტური რევოლუციის დროს. კომუნისტური რევოლუციის რადიკალური ანტიტრადიციონალიზმი, მისი „არარგანულობა“ თვითონ არის უარყოფის საგანი. პოსტ-კომუნისტური რევოლუცია ისტორიაში დაბრუნების, და არა მისი დაძლევის, მცდელობაა. ამიტომ მისი პრობლემა ისტორიაში თავისი ადგილის კვლავ პოვნა, საკუთარი თავის ხელახლა ჩაწერა ისტორიის „ორგანულ

1 იხ. Shlomo Avinezi, „The Return to History: The Breakup of the Soviet Union“, Brookings Review 10 (Spring 1922), 83-30-39.

ქსოვილში“. მაგრამ როგორ უნდა მოხდეს ისტორიაში დაბრუნება და რას შეიძლება დაეყრდნოს იგი?

იდეატოზის კრიზისი და თვითმხასენება

ყოველივე ზემოთ ჩამოთვლილის გამო, პოსტ-კომუნისტური რევოლუციის ერთ-ერთი მიმეწინდარმა იდეატოზის კრიზისი. ეროვნული ცნობიერებისათვის პრობლემად იქცევა არა მხოლოდ კონკრეტული პოლიტიკური თუ სოციალურ-ეკონომიკური პრობლემების გადაწყვეტა (დამოუკიდებლობის მოპოვება და მისი განმტკიცება, „ცივილიზებული სამყაროს“ შენებასთან დაკავშირებული რეკონსტრუქციის სტრატეგიის შექმნა და ა. შ.), არამედ დადგენა იმ ამოსავალი ქვეშეობის მახასიათებლებისა, რაც შინაარსულად ავსებს პოლიტიკურ „ჩვენს“-ს. თუკი ყველაფერი, რაც მემკვიდრეობით არის მიღებული კომუნისტური ეპოქისაგან — პოლიტიკური ინსტიტუტები, ეკონომიკური სტრუქტურა — მიუღებელია, თუკი, უფრო მეტიც, ერის ზნეობრივი და ფსიქოლოგიური სახე „გადაგვარებული“ და „დამახინჯებულია“ სოციალური წყობის ზემოქმედების შედეგად („ყველანი საბჭოთა ადამიანები ვართ“), მაშინ საიდანა აიგება ის „ჩვენი“, რომელმაც თავისუფლება უნდა მოიპოვოს ტოტალიტარული მარქსიზმისაგან და „ცივილიზებული“ ცხოვრება ააშენოს? სად არის ის „ჩვენი თავი“, რომელიც ჩვენ თვითონ უნდა „ზმეყუდნოდეს“?

რა თქმა უნდა, არ იქნებოდა სწორი იმის თქმა, თითქოს იდეატოზის კრიზისის პრობლემა მაინცდამაინც პოსტ-კომუნისტური პერიოდისათვის არის სპეციფიკური. მოდერნიზაციის პროცესი ნერგავს, ამკვიდრებს რაღაც პოლიტიკურ, სოციალურ, ეკონომიკურ, კულტურულ საზოგადოების სტანდარტებს — „ცივილიზებული საზოგადოების ნორმებს“, რომელთა საფუძველზე იქმნება ერთიანი (თუმცა სხვადასხვა ენაზე და დანაწევრებული) „კაცობრიობა“. ამ „კაცობრიობის“ მთელში თავისი ადგილის პოვნა, ზოგადცივილიზაციურ სტანდარტებსა და საკუთარ „თვითმყოფლობას“ შორის სუბიექტურად მისაღები და ამავე დროს რეალობის შესაბამისი თანაფარდობის დადგენის აუცილებლობა ბაღებს იდეატოზის კრიზისის სიტუაციას, რომელიც თავისთავადაც (პოსტ-კომუნისტური სპეციფიკის გაუთვალისწინებლად) საკმაოდ უნივერსალური თანამედროვე ეპოქისათვის. განსაკუთრებით მწვავეა ეს კრიზისი ერებისა და კულტურებისათვის, რომლებიც მარგინალურად იაზრებენ თავს ზოგადცივილიზაციური ნორმების შემომტან ვერაბულ კულტურასა და არავერაბულ კულტურებს

შორის (ასეთი კი არც ისე მცირეა). ამგვარი კრიზისის მანიშნებელი იყო (და დღესაც არის), მაგალითად, რუსული თვითმხობიერების გახლეჩა „ხაბადნიკურ“ და „სლავოფილურ“ ნაკადებად, რომელთაგან თითოეული ერთიან კაცობრიობაში შესვლის წესის სხვადასხვა პროექტს წარმოადგენს. მაგრამ მოდერნიზაციის „ორგანიზმ“ ვარიანტის შემთხვევაში ისტორიული მემკვიდრეობითობის უმეფელო ხაზის შენარჩუნება ამ კრიზისის ერთგვარად მაინც არსილეს და ეროვნულ ცნობიერებას კულტურულ-ისტორიულ უნივერსუმში „ჩაჭრის“ მემკვიდრეობის ანიჭებას. მართალია, თვით-იდეატოზის პრობლემის გადაჭრისათვის ეროვნულ-ცივილიზაციურ ანუ „ცივილიზაციურ“ უნივერსუმში უნდა იყოს მითოლოგიზირებულ წარმოდგენებს („ეროვნული მისიის“, „მადალი რასის“, სხვადასხვა თანამოხილველი ჩვენების და ა. შ. შესახებ), საბოლოოდ ისინიც კონკრეტულ, წინასწარ არსებულ პოლიტიკურ, სოციალურ, კულტურულ, ფსიქოლოგიურ რეალობას უნდა მივბას.

რაკი პოსტ-კომუნისტური ცნობიერება მოკლებულია ასეთ მყარ „ნიდაგს“ და თვითუარყოფის პრეზუმციას ემყარება, მის ძირითად სტრუქტურად (საწყის ეტაპზე მაინც) თვითგახსენების მექანიზმი გამოდის. რაკი უშუალო მემკვიდრეობითობის ქაჭკვი გაწყვეტილია და რეალურს ვერაფერს დაეყრდნობი, თვითავების ძალისხმევა რაღაც იდეალურ ნიმუშებზე უნდა იყოს ორიენტირებული. ამ იდეალური ნიმუშის ფუნქციას ასრულებს ეროვნული რაობა, წარმოსახული იმ მომენტში, როდესაც მისი „ორგანიზმი“ განვითარება „არაორგანიზმი“ კომუნისტური ექსპერიმენტის წამოწყებაზე გაწყვიტა. ისტორია უნდა გაგვჩვენდეს უშუალოდ ამ მომენტს. თვითმექმნა იქცევა თვითრეკონსტრუქციად, თვითდადგენად. ისტორიის „ანტიისტორიული“ ნაწილი უნდა წიშალოს, „გაირეცხოს“ ისტორიიდან, როგორც უღირსი, მიუღებელი, „არალეგიტიმური“, რაღაც ისეთი, რაც ვითომ კი იყო, მაგრამ სინამდვილეში არ იყო, ნამდვილი რეალობა არ ჰქონდა. ის აქტიურად და აგრესიულად უნდა მიეცეს დავიწყებას, როგორც კომარული სიზმარი. უნდა გაიღოს ხიდი „ნამდვილი“ ისტორიასთან, რომლიდანაც გადაგვარებულ ეროვნულ სულსა და სხეულში „ორგანიზმობის“ საღი სუბსტანცია გადმოედინება.

ასეთი თვითდადგენის, თვითგახსენების ტენდენცია უშუალოდ ვლინდება პოსტ-კომუნისტური განთავისუფლების პოლიტიკურ ლოზუნგებში. მაგალითად, „პერსტიტიკის“ იდეოლოგიის ევოლუტოვად გარკვეულად დაიყვანება თვითგახსენების ფიგურების ევოლუტოვად. მისი თავდაპირველი კონცეფცია შეადგენდა სტალინის ეპოქის დავიწყება-განადგურებას და ისტორიის კვლავდაწყებას ქვეყნის ლენინური მემკვიდრეობის საფუძველზე. ეკონომიკაში ეს „ნების“

პოლიტიკის გარბელებას ნიშნავდა. პარალელურად, ეს იყო 1964 წელს ხრუშჩოვის გადაყენებით შეწყვეტილი ისტორიის გაგრძელება, როდესაც პირველად მოხდა სტალინური ისტორიის გაუქმებისა და ლენინთან „ხიდის გადების“ მცდელობა. ისტორია დიშაშლა ციკლურ სეგმენტებად: გასასხენებელ-აღსადგენი პერიოდები შესაბამისი დანებებით პერსონაჟებით (ლენინი, ბუხარინი, ხრუშჩოვი) და დასავლეთ-გასანადგურებელი ეტაპები (წარმოდგენილი სტალინისა და ბრენცევის უარსაყოფი ფიგურებით). ეს მეორე, უფრო მოკლე ხიდი ხრუშჩოვის ხანასთან იდებოდა ასპარეზზე კვლავ გამოშლილი სამოციანელების მეშვეობით, რომლებმაც გააგრძელეს ახალგაზრდობაში დაწყებული თვითგასხენების სამუშაო და „ბრესტლიტის“ იდეოლოგიის ძირითად შემოქმედებად წარმოგვიდგინეს.

მაგრამ თვითგასხენების ამ მოდელმა ვერ იმუშავა. თვით რუსეთში „უმოძრაო“ და „დასაყვიყველი“ ბრენცევისეული პერიოდის მანძილზე ელიტური ცნობიერების საქმლად ძირეული ტრანსფორმაცია მოხდა. სოლენციცინი „გულაგის“ მიერ გადამუშავებულ-რადიკალიზებულმა ცნობიერებამ თვითგასხენების უფრო რადიკალური ვარიანტი მოითხოვა, რომელმაც თვით ლენინის მოღვაწეობაც ისტორიის „ამოსადგებ“ მონაწილეთა ჩართვა, და მიინდობა ხიდის გადება ისტორიის იმ ნაკადთან, რომელიც ბოლშევიკების გაბატონებამდე მიედინებოდა. მაგრამ სახელდობრ სად მოხდა საბედისწერო გადახვევა და, შესაბამისად, საიდან უნდა გავრძელებულიყო „სწორი“ ისტორია — დამფუძნებელი კრების გარეკვიდან თუ, ვფიქრობ, მონარქის გადაყენებიდან, ამაზე სხვადასხვა აზრი არსებობდა.

უფრო მკაფიო და რადიკალური იყო „აღდგენით“ ცნობიერების პოზიცია ყოფილი სსრკ-ის რესპუბლიკებსა და „სოციალისტური ბანაკის“ ქვეყნებში. კერძოდ, „თვითგასხენების“ ცნობიერების ზოგადი სტრუქტურის ერთ-ერთი გამოვლენა საბჭოთა რეჟიმის არალეგიტიმურობის და ოკუპირებულ-ანექსირებული დამოუკიდებელი სახელმწიფოების იურიდიული კონტინუიტეტის კონცეფცია, რომელიც ბალტიის რესპუბლიკებში შეიქმნა და შემდგომ ფართოდ გავრცელდა სხვაგანაც, განსაკუთრებით საქართველოში, სადაც ის განსაკუთრებული პედანტიზმით ეროვნულ-დემოკრატიული მოძრაობის რადიკალიზება, „შუურიცხვების“ ვარიანტმა აიტაცა. თვით ბალტიის რესპუბლიკებში ამგვარი კონცეფცია თითქოს პოლიტიკური ტაქტიკის მოსაზრებებიდანაც შეიძლებოდა ახსნილიყო? რაკი დასავლეთის მთავარ სახელმწიფოებს არ უტყნიათ მეორე მსოფლიო ომის შედეგად ბალტიის რესპუბლიკების საბჭოთა რესპუბლიკებში ძალდატანებითი ინკორპორირების კანონიერება, ამ რესპუბლიკების შიგნით მოქმედ ეროვნულ მოძრა-

ობებსაც, საერთაშორისო კონიუნქტურის გათვალისწინებით, საბჭოთა სტრუქტურების „არალეგიტიმურობაზე“ და სამართლებრივი მდგომარეობის, ანუ დამოუკიდებლობის აღდგენის მოთხოვნაზე უნდა გაეკეთებინა აქცენტი. მაგრამ პრაგმატულ-კონიუნქტურული მოსაზრებებით ამგვარი პოზიციის დაცვა მათთვისაც ყოველთვის გამართლებული არ იყო და იგივე დასავლეთის ქვეყნები, რომლებზეც თითქოს გათვლილი იყო იურიდიული კონტინუიტეტის პოზიცია, ყოველთვის სრული ენთუზიაზმით და გაგებით როდი ზედებოდნენ მის ხაზგასმას.

მით უმეტეს, პოლიტიკური არაადექვატური იყო დამოუკიდებლობისათვის ბრძოლის დაფუძნება იმ ფაქტორზე, რომ, რაკი 1921 წელს საქართველოს ოკუპაცია და ანექსია რუსეთის მიერ „უკანონოდ“ მოხდა, ამიტომ საქართველოს შეიძლო უგულვებელყო ასევე „უკანონო“ საბჭოური სტრუქტურები და პოლიტიკური ქმედება უპირატესად „საერთაშორისო სამართლის ნორმებზე“ აგო: საქართველოს პირობებში, — საქართველოს სსრკ-ის შემადგენლობაში ყოფნის წინააღმდეგ ხომ საერთაშორისო არენაზე არავინ სერიოზულ პროტესტს არ აცხადებდა. პოლიტიკური რაციონალიზმის თვალსაზრისით ამგვარი პოზიციის არაადექვატურობა იმდენად თვალსაჩინო იყო, რომ მის რეალურ გავლენას მხოლოდ პოლიტიკური განათლების ნაკლებობით ვერ ახსნიდა. საქმე აქ ის კი არ არის, რომ საერთაშორისო სამართლებრივი არაგუმენტები განსაკუთრებით ძლიერი და მომხიბლავი იყო, არამედ ის, რომ ანტიისტორიის სრული ურაცოვად არ ტოვებს სხვა ალტერნატივას, გარდა თვითგასხენების შექმნილობის მეშვეობით თვითდაფუძნების მცდელობისა. აღსანიშნავია ისიც, რომ საქართველოს შემთხვევაშიც თვითგასხენების შექმნილობის ფარგლებში არსებობდა და არსებობდა ალტერნატიული „წმიდად ეროვნული“ ვარიანტიც, რომლის მიხედვითაც „ისტორიაში დაბრუნებისას“ ათვლის წერტილად აღებული უნდა იქნას არა 1921, არამედ 1801 წელი. ეს ვარიანტი კიდევ უფრო ფანტასტიკურია არა მერთ ისტორიული დაშორებულობის გამო, არამედ თუნდაც იმიტომ, რომ 1801 წელს არავითარი ერთიანი ქართული სახელმწიფო არ არსებობდა. ასე რომ, იმ მდგომარეობასთან დაბრუნება დღეს ეროვნულ კატასტროფად აღიქმებოდა (სამართლიანობისათვის ისიც უნდა ითქვას, რაც თვითგასხენების“ ამ ვარიანტის სასარგებლოდ მეტყველებს. მართალია, სახელმწიფოებრიობის აღდგენის თვალსაზრისით ამგვარი უკან დახვევა ბევრს ვერაფერს იძლევა, მაგრამ იგი უფრო ადეკვატურია სხვა მხრივ: დამოუკიდებელი სახელმწიფოებრიობის საწმლიანმა გამოცდილებამ მე-20 საუკუნეში არსებითად ვერ შეცვალა ეროვნული ცნობიერების ტიპი, ამიტომ ის სოციალურ-პოლიტიკური მენტალიტეტი, რომელიც დღეს რეალურად არსებობს — ეს ბოლო წლე-

ბის მოვლენებმა აჩვენა — უფრო ახლოს დგას ცნობიერების შეუსაქუნებობრივ მოდელთან, ვიდრე სახელმწიფოებრიობის თანამედროვე ტიპთან; მაგრამ თავისთავად დამახასიათებელია, რომ რეალური უნიდავობის შეგნების პირობებში თვითგასხელების პოსტ-კომუნისტური სინდრომი შეიძლება საკმაოდ შორს გასცდეს საკულტური კომუნისტურ წარსულს.

თვითგასხელების პოზიცია შეგვიძლია ორგვარად შევფასოთ. ერთი მხრივ, მას გარკვეული რეალური საფუძველი აქვს. საზოგადოებრივი ცხოვრების ტოტალური გასახელმწიფოებრიობის იდეოლოგიზირების, სამოქალაქო საზოგადოების სტრუქტურების სრული დანგრევის (თუ ისინი მანამდე არსებობდა) პირობებში ერთადერთი, რაც ასე თუ ისე გადაურჩება იდეოლოგიის მაუნიფიცირებელ ძალას, არის ყოფითი ტრადიციები, კოლექტიურ მესხიერებასა და ცხოვრებისეულ ჩვევებში შემორჩენილი ელემენტები „ორგანული“ არსებობისა. სწორედ ისინი შეადგენენ ერთადერთ რეალურ სოციალურ-კულტურულ ალტერნატივას „ცხოვრების სოციალისტური წესის“ მიმართ, რასაც ისტორიასა და „ორგანულბაში“ დაბრუნებას მოწყურებულები საზოგადოება შეიძლება დაეყრდნოს. შემთხვევითი არ არის, რომ პოსტ-კომუნისტური ევოლუციის წარმატება სხვადასხვა ქვეყანაში დიდად არის დამოკიდებული იმაზე, თუ რა შემორჩა ქვეყანას წინარეკომუნისტური წარსულისაგან. ქვეყნებს, რომელთა კომუნისტური ბიოგრაფია წაოხლოდ მეორე მსოფლიო ომის შემდგომ იწყება, უკეთესი შანსები აქვთ შედარებით უტყუარ ენეულ დემოკრატიზაციას, ვიდრე იმათ, ვინც კომუნისტურ იდეოლოგიაზე დაბნულ საზოგადოებაში პირველი მსოფლიო ომის შემდგომი პერიოდიდან ცხოვრობდა, რადგან პირველ შემთხვევაში ერის მესხიერებას უფრო ცოცხლად აქვს შემორჩენილი „ნორმალური“ ცხოვრების წესები. ერებს, რომელთაც კომუნისტურ გადატარებამდე სამოქალაქო ცხოვრების უფრო მდიდარი ტრადიცია ჰქონდათ დაგროვილი, უკეთესი პერსპექტივები აქვთ, ვიდრე იმათ, ვინც არც კომუნისტურ რეკლუსივამდე ყოფილა შორს წასული დემოკრატიული მოდერნიზაციის გზაზე. ამ თვალსაზრისით, **გახსენება**, ხელახლა აქტივიზაციის ადამიანთა ფსიქოლოგიაში და სოციალურ ურთიერთობათა სისტემის მესხიერებაში შემორჩენილი სამოქალაქო ცხოვრების მოდერნული ელემენტებისა, რომელთა დანგრევა ვერ მოასწრო ახალმა იდეოლოგიურმა რეჟიმმა, სასებობით რეალური საზრისი აქვს.

მაგრამ თვითგასხელების იდეოლოგიაზე თვითდაფიქსირებას მეორე მხარეც ახლავს. ის არა მხოლოდ ასახავს იმ რეალურ ვითარებას, რომ კომუნისტური მემკვიდრეობა მართლაც ერთგვარი სოციალური უმყვობის პირობებში ტოვებს ინდივიდებსა თუ ერებს და ერთადერთი დასაყრდენი მათ კომუნისტმადმდე ტრადიციებში შეი-

ძლება ჰქონდეთ, — არამედ ერთგვარი ნეგოტიული რეაქციაც არის ამ უმყვობაზე: „თვითგასხელების“ იდეოლოგია საშუალებას აძლევს ინდივიდსა და საზოგადოებას, ამ სოციალური უმყვობის დაძლევაზე კი არ იმუშაოს, არამედ ეცადოს გაეცეს მას, თავი დააღწიოს მტანჯველ, მაგრამ რეალურ ისტორიულ (თუნდაც თავისი იდეოლოგიით და გლობალური საზრისით ანტიისტორიულ) გამოცდილებას და იდეოლოგიური უარყოფის აქტით ილუზორულად გააქმოს იგი.

ჩვენს შემთხვევაში სწორედ ამგვარი მექანიზმი მოქმედებს, როდესაც ავტოგება ხდება იმ თავისთავად უუქველი ფაქტისა, რომ 1921 წელს საკარტელლოში ძალდატანებით, უკანონოდ იქნა ექსპორტირებული ბოლშევიკური პოლიტიკური სისტემა და ამ აზრით ყოველივე, რაც ამ ხელისუფლების საწკიით ხდებოდა, „არალეგიტიმურობის“ ნიშნითაა დადღისმული. მაგრამ ამის გამეორებით ამ „არალეგიტიმურობა“ სამყაროს რეალურობას არაფერი აკლდება; შესაბამისად, აგვარ „არალეგიტიმურობაზე“ სიტყვიერი მითითება ვერაფერს შევლის იმ პრობლემას, რომ გამოინახოს რეალური მექანიზმები „არალეგიტიმურობით“ წაწყვილილი სინამდვილის გარდაქმნისა. მაგრამ სიტყვა „არალეგიტიმურობის“ დაინერგული გამოერება სწორედ ამ რეალური პრობლემათაგან გაქცევის ემსახურებოდა. „არასწორი“ ისტორიის გაუქმების ეს პოზიცია დაახლოებით იგივე იყო, გაუპატიურებულ ქალს გაუპატიურების აქტის „არალეგიტიმურობაზე“ წაითყუბით რომ განეცხადებინოს, იურიდიულად ისეც ქალწული არის.

თვითგასხელება არ არის ერთადერთი მოდელი იდეოლოგიზირების საფუძველზე თვითგებისა, რასაც საზოგადოება პოსტ-კომუნისტური უნიდავობის პირობებში მიმართავს. მეორეა თვითგება „ცივილიზებული სამყაროს“ ნიშნის მიხედვით. თავისთავად ესეც სრულებით არ არის პოსტ-კომუნისტური სოციალური პროცესებისთვის სპეციფიკური ნიშანი. პირიქით, წინასწარ მოცემული ნიშნების და ნორმების ათვისებისა და „მორგების“ მცდელობა მოდერნიზაციის უნივერსალური მექანიზმი (რაც არ ვრცელდება მხოლოდ იმ რეგიონზე, სადაც ეს ნიშნები და ნორმები თავდაპირველად შეიქმნა, ანუ ჩრდილოდასავლეთ ევროპასა და ჩრდილოეთ ამერიკაზე). განსხვავება მხოლოდ ისაა, რომ სხვა შემთხვევაში ამ ნიშნებისა და ნორმების დანერგვა ხდება ტრადიციული საზოგადოების კულტურულ-სოციალურ ნიდავზე, ჩვენს მიერ განხილულ შემთხვევაში კი მათ პოსტ-კომუნისტური უნიდავობა“ ხედებთ.

პოსტ-კომუნისტური კონტრესტი დროში უპირისპირებს ერთმანეთს თვითგების ორ მექანიზმს: ერთი მხრივ, თვითგახსენება მოითხოვს ხიდის გადებას საკულტურ ისტორიულ წარსულში, რაც, რეალურად, მეორე მსოფლიო ომის



წინაპერიოდში ან კიდევ უფრო უკან დაბრუნებას ნიშნავს; რაც შეეხება „ცივილიზებული სამყაროს“ ნორმებისა და ნიბუშების ათვისებას, აქ ათვლის წერტილი დღევანდელი, მე-20 საუკუნის დამლევის სამყაროა. ამრიგად, პოსტ-კომუნისტური სამყარო ორმაგ დროში აღმოჩნდება, ანუ აღმოჩნდება კოლიზიაში ორ სხვადასხვა ისტორიულ ეპოქას შორის.

კერძოდ, თვითგახსენების დრო აბრუნებს აღმოსავლეთ ევროპას ისტორიულ ეპოქაში ორ მსოფლიო ომს შორის. ამით ბრუნდება ის მწვევე ეროვნული კონფლიქტები, რაც იმ პერიოდისათვის იყო დამახასიათებელი, და თვით ნაციონალისტური იდეოლოგიის პრიმატის სულისკვეთებაც, რაც აგრეთვე იმ პერიოდის ძირითად მახასიათებლად ითვლება. „1914 წლამდე გამოცემული ატლასები უკეთეს სურათს გვაძლევს პოსტ-კომუნისტური საზოგადოებების ჩახლართულ კონფლიქტებზე (მაგალითად, იუგოსლავიაში), ვიდრე თანამედროვე რუკები. ვისაც კი შეუსწავლია 1910-იანი წლების ბალკანეთის ომები, უკეთ არის მომზადებული იუგოსლავიის თანამედროვე მოვლენების გასაგებად, ვიდრე ის, ვინც იცნობს ამ საზოგადოებების ბოლო პერიოდების საერთო ეროვნულ შემოსავლებს ან სხვა მაჩვენებლებს“¹. ამის ანალოგიურად, კომუნისტური იმპერიის დაშლის დასაწყისში მისევე გადავივა მიფლმარე კონფლიქტები, რომლებიც უშუალოდ მოჰყვა რუსეთის იმპერიის დაშლის პირველ მცდელობას 1917 წელს. მართალია, ხშირად ამ კონფლიქტებს ლენინ-სტალინის პოლიტიკის მექანიზმების, კერძოდ, ეროვნულ-სახელმწიფოებრივ წარმონაქმნთა სახეობების თვინივნებურ გავლენა-გადაზღვევას აბრალებენ, მაგრამ მთლიანობაში მაინც შეიძლება ითქვას, რომ დღევანდელი მრავალი კონფლიქტი საბჭოთა კავშირის შექმნამდე არსებული კონფლიქტების რევიტალიზაციაა.

აქედან ჩანს საკმაოდ ცალმხრივი და პოლიტიკურად კონიუნქტურული ხასიათი ჩვენში პოპულარული იმ თეზისისა, რომ ყოველგვარი „ეთნოკონფლიქტები“ ყოფილი იმპერიის ტერიტორიაზე ხელოვნურადაა ინსპირირებული „გარეკვეული პოლიტიკური ძალების“ მიერ. ზოგჯერ შეგნებული ინსპირაცია მართლაც თამაშობს რაღაც როლს, მაგრამ, საზოგადოდ, „ეთნოკონფლიქტები“ იმპერიული მექანიზმების კრატიკულად გარღვევით ელემენტია და რუსეთის იმპერია აქ გამოჩაყლისი სულაც არ არის. საუბლისხმოა მხოლოდ, რომ იმპერიის დაშლისა და ახალი ეროვნული სახელმწიფოების ჩამოყალიბების მოცდლობის მეორე გერზე კონფლიქტები თითქმის იდენტური სახით მეორდება. მაგალითად, ჩვენთან მეორდება კონფლიქტები აფხაზეთში და შიდა ქართლში (სამხრეთ ოსეთში). შეიცვალა დემოგრაფიული სიტუაცია,

რამდენადმე შეიცვალა საგარეო-პოლიტიკური კონიუნქტურა, მაგრამ თვით კონფლიქტების ფაქტი და მათი ბუნება იგივე დარჩა.

ევროპაში პერიოდი ორ მსოფლიო ომს შორის ცნობილია როგორც ისტორიული ხანა, რომლისთვისაც დამახასიათებელია ავტორიტარულ-ნაციონალისტური და ფაშისტური იდეოლოგიის და შესაბამისი ხალხი პოლიტიკური რეჟიმების მოძალევა. ეს ტენდენცია გაბატონებული იყო მთელ კონტინენტურ ევროპაში და მას რამდენიმე ქვეყანა თუ გადაურჩა. ძლიერია (ცხადია, მეტ-ნაკლებად) ეს ტენდენციები პოსტ-კომუნისტურ სამყაროშიც. ტიპოლოგიური პარალელების გავლება თანამედროვე აღმოსავლეთ ევროპაში გავრცელებულ აგრესიულ ეთნიკურ ნაციონალიზმს, ქსენოფობიას და მსგავს მოვლენებსა და საუბრის პირველი ნახევრისათვის დამახასიათებელი განწყობილებებს შორის საკმაოდ იოლია. თანამედროვე პოსტ-კომუნისტური სამყაროს „შინაგანი დრო“ ემთხვევა ვერსალის ზავის შემდგომი ევროპის ევოლუციას: თვითდადგენის აქტის განხორციელების შემდეგ აქაც მიმდინარეობს ეროვნული სახელმწიფოების კონსოლიდაციის პროცესი, რომლისთვისაც დამახასიათებელია საერთო-ეროვნულ ინტერესებსა და ეთნიკურ უმცირესობათა უფლებებს შორის ბალანსის მეტად მეტყველება ძიება. ამ ბალანსის პოვნის სიმეცხლე, თვითდენტობის პრობლემის გადაწყვეტასთან დაკავშირებულ სინფლემებთან ერთად, ბაღებს სწორედ ეთნიკურ-ნაციონალისტური და ფაშისტური ტიპის იდეოლოგიებს. მეორე მხრივ, მოშლა სამოქალაქო საზოგადოების, კერძო მეწარმეობის სტრუქტურებისა, რაც ლიბერალურ-დემოკრატიული იდეოლოგიის სოციალურ ბაზას შეადგენს, ამცირებს ამ ბაზის დამკვიდრების შესაძლებლობას. ამრიგად, პოსტ-კომუნისტური სამყარო მხოლოდ თავის „შინაგან დროს“ რომ მიჰყვებოდეს, აქ ლიბერალურ-დემოკრატიული განწყობილებისა და შესაბამისი პოლიტიკური წყობის დამყარების შანსები ფაქტობრივად არ იარსებებდა; აღმოსავლეთ ევროპა (საუბრაოდეს „შემთხვევაში“ ცივილიზაციონალისთ) ვანჭირული იქნებოდა ავტორიტარულ-ფაშისტური რეჟიმების ცვლისა და მრავალწლიანი სისხლიანი ეთნიკური ომებისათვის.

მაგრამ, როგორც ვთქვით, პოსტ-კომუნისტური სამყარო ორმაგ დროში ცხოვრობს. იგი თავისი თავის ავტოს ცდილობს არა მხოლოდ „თვითგახსენების“ პრინციპით, არამედ „ცივილიზებულ სამყაროს“ ნიბუშების გადმოღება-გადმოწერვის პრინციპებითაც. „ცივილიზებულ სამყაროში“ კი დღეს, ვრცელად იმსოფლიო ომს შორის პერიოდისაგან განსხვავებით, განუფლვად ბატონობს ერთადერთი მოდა: ლიბერალური დემოკრატია, სამართლებრივი სახელმწიფოს პრინციპის უპირობო აღიარებით და პიროვნებისა და ყოველგვარი, განსაკუთრებით კი ეთნიკური უმცირესობების უფლებებზე ზრუნვის პრიორიტეტით.

¹ Shlomo Avineri, დასახ. ნაშრ., გვ. 30.

ამიტომ, თუმცა ზემოთ აღწერილი ეთნიკურ-ნაციონალისტური და ავტორიტარული ტენდენციის თავის მნიშვნელობას და ძალას ინარჩუნებს, მას რამდენადმე აწონასწორებს „გარე დროში“ არსებული ლიბერალურ-დემოკრატიული ნიშნულების მიზიდულობის ძალა. „ცივილიზებული სამყაროს“ ნიშნუებზე ორიენტაცია პოსტ-კომუნისტური სამყაროს თვითგაგების ერთ-ერთი პრინციპია, მისი შინაგანი ორიენტაციაა. იგი ზოგადად არც ნაციონალიზმს უპირისპირდება: უბრალოდ, ეს თვითდენტობის პრობლემის გადაწყვეტის ერთ-ერთი სახეა. ამ ნიშნუთა ათვისებას ვიღაც კი არ აძალებს პოსტ-კომუნისტურ სამყაროს, არამედ ეს მისი შინაგანი მოთხოვნილებაა. სამყაროში, სადაც ამა თუ იმ პოლიტიკური თუ ეკონომიკური ნიშნუების ათვისება „ცივილიზებულობის“, მოწინავე ერთა კლუბის წევრობის ნიშანია, მათი ნაკლებობა კი ჩამორჩენილობისა და „ბარბაროსობისა“, საზოგადოებრივი ცხოვრების გარკვეულ სტანდარტებთან შესაბამისობაში მოყვანა **ეროვნული ღირსების** საქმედ იქცევა. ლიბერალურ-დემოკრატიული ნიშნუების დანერგვა არც მხოლოდ პრიციპული (რალაც ლიბერალებების აღიარება და მათი შეხატუვის სოციალური წესრიგისათვის ბრძოლა) და არც წმინდა პრაგმატული მოსაზრებებით (საერთაშორისო მხარდაჭერა, ეკონომიკური დახმარება და ა. შ.) არის მოტივირებული, არამედ ემოციურადაც, ეროვნული ღირსების მოსაზრებითაც) „ვისზე ნაკლები ვართ, რომ დემოკრატიული წყობის აშენება ვერ შევძლოთ“).

აქ ერთგვარი პარადოქსული ვითარება იქმნება. თანამედროვე დასავლური ლიბერალურ-დემოკრატიული მოდა საკმაოდ ურყეფივითად უწყურებს ნაციონალიზმს, როგორც ასეთს: ლაპარაკი ნაციონალიზმის, ეროვნული მოძრაობების პროგრესულ მხარეებზე, მათ დემოკრატიულ შინაარსზე, ჩვეულებისამებრ, საკმაო სექსპტიციზმით მიიღება. მაგრამ, მეორე მხრივ, ნაძლიერი მოტივაციაა, რომელიც კომუნისმიდან გამოსულ სახელმწიფოებს აძლევს, სწორედ ამ მოდელზე გამოტარს თავიანთი პოლიტიკური და სოციალურ-პოლიტიკური ცხოვრება, უფრო **ნაციონალისტურია**, ვიდრე საკუთრივ ლიბერალური, საკუთრივ ლიბერალურ ღირებულებებს პოსტ-კომუნისტურ საზოგადოებაში მეტისმეტად სუსტი დასაყრდენი აქვთ „ინტელექტუალური“ წოდებული სოციალური ფენის ნაწილში. ეს არც შეიძლება სხვაგვარად იყოს, რადგან კომუნისტური რეჟიმი, უპირველეს ყოვლისა, სწორედ ლიბერალური ცნობიერების სოციალურ-ეკონომიკურ წინაპირობებს სპობს. პოსტ-კომუნისტური საზოგადოება საკუთარი, იმანენტური კანონებით რომ ვითარდებოდეს, ლიბერალური წესრიგის დამყარების შესახებ აქ უკიდურესად მკიერ იქნებოდა. მაგრამ საქმეც ისაა, რომ შინაგანი კრიტიკიუმების დაკარგვის პირობებში წინა პლანზე გადმოდის აღიარებული ნიშნუებ-

ის ათვისების, თანაც წარმატებული ათვისების გზით კოლექტიური, ეროვნული ღირსების დაკმაყოფილების მოტივაცია. ამიტომ საზოგადოება ცდილობს, რალაც ხარისხით მიინც შესარულოს ლიბერალური წესრიგის ნორმები, არა იმიტომ, რომ შესაბამისი ღირებულებები მისი კულტურისა და მენტალიტეტის ელემენტებად ქცეულა, არამედ იმიტომ, რომ „ასეა საჭირო“, რომ უამისოდ საზოგადოება, ერი „ჩამორჩენილის“, ისტორიიდან ამოვარდნილის, მსოფლიო მოწინავე საზოგადოებიდან გარიყულის სტატუსს უნდა დასჯერდეს.

საქართველოს გამომცდილება

სწორედ ამ კონცეპტუალური სქემის შიგნით გასაგები ხდება საქართველოს ბოლო წლების სოციალურ-პოლიტიკური განვითარების ზოგი თავისებურება. ამ განვითარების განსაკუთრებით დრამატული და წინააღმდეგობრივი ხასიათი ვერ აიხსნება მხოლოდ თვით საქართველოსთვის შინაგანი ტენდენციების ევოლუციისა და ურთიერთშეჯახებით; მის გასაგებად, ჩემი აზრით, აუცილებელია „თვითგახსენების“ მექანიზმის, აგრეთვე, ეროვნული ცნობიერების „გარე“ ორიენტირებისა და მოდულების გათვალისწინებაც.

ეს განვითარება მიმდინარეობდა ორი ძირითადი იდეის — ეროვნულისა და დემოკრატიულის — დომინირების ნიშნით. არა მარტო რაიმე რეალური წინააღმდეგობა, არამედ წინააღმდეგობის შესაძლებლობაც კი ამ ორ იდეას შორის ეროვნულ-დემოკრატიული მოძრაობის საწყის ეტაპზე გაცნობიერებული თითქმის არ ყოფილა. სიტყვები „დამოუკიდებლობა“ და „თავისუფლება“, რომლებიც მათ შემდეგ ცალ-ცალკე დაუკავშირდა, ჯერ კიდევ სინონიმებად აღიქმებოდა. თავისთავად ცხადი იყო ეროვნულ-დემოკრატიული მოძრაობის პროდესავლური ორიენტაცია, უფრო სწორად, რაიმე წინააღმდეგობის არარსებობა დასავლურ ორიენტაციასა და ეროვნული თვითმყოფადობის ღირებულებას შორის. იგულისხმებოდა, რომ დამოუკიდებლობისათვის ბრძოლა დასავლური ტიპის დემოკრატიული სახელმწიფოს ჩამოყალიბებით უნდა დამთავრებულიყო, და ამიტომ დასავლეთი ბუნებრივი მოკავშირე იყო ამ ბრძოლაში; მეტიც, მას **მორალურად ევალებოდა** აქტიურად და არაორაზროვნად დაეჭირა მხარი საქართველოს დამოუკიდებლობისათვის. გულუბრყვილო პეტიციები პრეზიდენტ ბუშისა თუ ვაიკოს სახელზე (გაეროც დასავლური ცივილიზაციის ღირებულებათა გამომხატველად იყო აღქმული) ამის თვალნათლივი გამოსატყულება. დასავლეთიდან მხარდაჭერის არქონა გაუფერბობის გრძნობას იწვევდა და ტაქტიკური მოსაზრებებით (რუსეთის შიშ) ამ კონკრეტული პოლიტიკოსების უპრინციპობით აიხსნებოდა.

ამ ვითარების აღწერისას არსებითი მნიშვნელობა არა აქვს, დღევანდელი გადასახედიან



როგორ შევფასებთ ეროვნული მოძრაობის იმ ეტაპს: „მართლა დემოკრატიული“ იყო ის თუ არა. მთავარი ისაა, რომ სუბიექტურად პრინციპული კონფლიქტის შესაძლებლობა ეროვნულობას, დემოკრატიულობას და დასავლური მოდელების ათვისებას შორის ან სულ არ აღიქმებოდა, ან ცნობიერების უკან პლანზე რჩებოდა. ეროვნული მოძრაობის მიზნით არსებული წინააღმდეგობები ეხებოდა ტაქტიკურ საკითხებს („რადიკალიზმი“ თუ „ზომიერება“) და არა ძირეულ დირექტულებებს. გაწყვეტილი ისტორიული ხაზის კვლავ გამოთვლების წარმოდგენაც სასებობთ ბუნებრივად თავსდება ამ სქემაში და კიდევ აძლიერებდა მას. ამ წარმოდგენის თანახმად, რუსულმა ოკუპაციამ საშუალება არ მისცა საქართველოს დასავლური ტიპის ეროვნული სახელმწიფო შეექმნა (რაც, თავისთავად, სრულიად სწორი დებულებაა). ამიტომ დამოუკიდებლობის აღდგენით საქართველო, უბრალოდ, განავრცობდა გზას ერთხელ უკვე არჩეული მიზართულებით (რაც თავისთავად ცხადი სულაც არ არის).

მაგრამ ეს პირველადი ჰარმონია საკმაოდ მალე დიდვა კითხვის ქვეშ. თვით ქართულ საზოგადოებაშიც წარმოიშვა ეკვი „ეროვნული მოძრაობის“ დროშით მოქმედი ძალების „ქეშ-მაიტი დემოკრატიულობის“ მიმართ. პირველივე მასობრივ აქციებზე თვალისაცემი გახდა სხვისი აზრისადმი შეუწყნარებლობის ტენდენცია: ის, რაც, წესით, განსხვავებული შეხედულებების მქონე ადამიანთა შორის პოლიტიკური დისკუსიის საგანი უნდა ყოფილიყო, მისივე გადაიზრდებოდა მტრებისა და მტრის აგენტების ძიებაში. ვერ გაუძლო ეროვნულმა მოძრაობამ თვითიერა უმცირესობების პრობლემათა სირთულით გამოცდასაც. ქართველთა „თანშობილ“, ლამის ბიოლოგიურ ტრანსკრებაზე გამოდმებული მითითებები უფრო სინანულის ტონალობაში ისმოდა: ზედმეტ ჰუმანიზმსა და შეუწყნარებლობაში ხედავდნენ იმის მიზეზს, რომ დღეს საქართველოს „გათავხედებული სტუმრები“ პრობლემებს უქმნიან. „ეროვნულობა“ გაგებული იქნა ძირითადად რასობრივ-ბიოლოგიური ტერმინებით („ეროვნული სისხლი“, „ეროვნული გენი“ და ა. შ.), ხოლო ამ ბიოლოგიურ-გენეტიკური ერთობის გარეთ მყოფნი („არაქართული მისახლეობა“) ავტომატურად იქცეოდნენ ექვის ობიექტებად. ამ ექვის გასაქარწყლებლად მათ უპირობოდ ევალდებოდათ „ხმა ამოელოთ“, ანუ დროდადრო რიტუალურად გამოეხატათ თავიანთი სრული და უკრიტიკო ერთგულება ეროვნული მოძრაობის ქმედებისა და გამოცხადებულ მიზნებისადმი და დაეგმოთ ყველა ის, ვინც ასე არ იქცეოდა. ამგვარმა რასობრივ-ბიოლოგიურმა ცნობიერებამ, განსაკუთრებით „ეროვნული გამოდმები“ თავდაპირველ ეტ-

აპზე, პრიორიტეტულად და ყველაზე აქტუალურად „დემოგრაფიული“ პრობლემა მიიჩნია, რაც სინამდვილეში ნიშნავდა „სისხლით“ ქართველების შობადობის დონის აწევას და მოსახლეობის საერთო რიცხვში უმცირესობათა წილის მაქსიმალურ შემცირებას. უმცირესობების მხრიდან რაიმე პრეტენზიის გამოთქმა უკიდურესად მწვავე რეაქციას იწვევდა და რადიკალური კონტრამოხსონების (ავტონომიების გაუქმება, გასახლება) წამოყენებით მთავრდებოდა. ყოველივე ეს გარკვეულ (თუმცა მეტად ჩუმი) პროტესტს იწვევდა ლიბერალურად დაწესებული ინტელიგენციის საკმაოდ თხელ დენაში. მაგრამ საზოგადოების უმეტესი ნაწილი ამ მხრივ საგანგაშოს ვერაფერს ხედავდა და ეროვნული მოძრაობის განვითარების შემამფოთებელ მხარედ მხოლოდ „ეროვნული ერთიანობის“ ნაკლებობას მიიჩნევდა.

უფრო მიწვენილია, მტივირებული და ანგარიშგასაწვეი „გარედან“ მოსული სიგნალი აღმოჩნდა. იგივე დასავლეთი, „ცივილიზებული სემყარო“, რომელიც საქართველოს ბუნებრივი მოკავშირე უნდა ყოფილიყო უბრალოდ იმიტომ, რომ იგი ეროვნული დამოუკიდებლობისათვის, ანუ სამართლიანობის აღდგენისათვის იბრძოდა, სულ უფრო აშკარად ავლენდა საქართველოს მიმართ, მეტი რომ არა ვთქვათ, ერთობ სკეპტიკურ დამოკიდებულებას: დასავლეთის პრესაში ჩამოყალიბდა საქართველოს მეტისმეტად არასამართლიანი იმიჯი, რომელშიც მისი ეროვნული მოძრაობის ძირითადი მიმართულება წარმოჩნდებოდა როგორც ნაციონალისტურ-მოფაშისტო, ხოლო ამ მოძრაობის ლიდერები — როგორც ავტორიტარული სტილის მქონე და პოლიტიკურად უმწიფარი, უბასუხისმგებელი მოღვაწენი. ამ იმიჯის ჩამოყალიბება ჯერ კიდევ ეროვნული მოძრაობის ოპოზიციური ყოფნის დროს დაიწყო, მაგრამ საბოლოო სახე მან „მრგვალი მაგიდის“ და ზ. გამსახურდიას ხელისუფლებაში მოსვლის შემდეგ მიიღო.

საქართველოში ეს თავდაპირველად აღიქმებოდა, როგორც ენით აღუწერილი უსამართლობა, როგორც მტრის (მოსკოვის) მიერ გამოცხადებული „ინფორმაციული ომის“ შედეგი, ან ცალკეული ეურნალისტების თუ მეკლკეარების წინასწარი „არაობიექტური“ დამოკიდებულების გამოხატულება (გავიხსენოთ ჟორჟ პიუტიის აფხაზი ცოლი). მაგრამ თანდათან ცხადი გახდა ასეთი ახსნის ზედაპირულობა. როგორც აღმოჩნდა, საქართველოსადმი კრიტიკული დამოკიდებულება ახასიათებთ არა მხოლოდ ეურნალისტებს, რომლებიც მოსკოვიდან აშუქებენ საქართველოში მიმდინარე მოვლენებს (ყველა სოლიდური დასავლელი ეურნალისტი, რომელიც მოსკოვში მუშაობდა. რამდენჯერმე მაინც ჩამოვიდა საქართველოში და თავის დამოკი-

დებულებას სწორედ ან ვიზიტების შედეგად ვალობებდა, არამედ საქართველოს ძველ მეცნიერებსაც. საზოგადოების ნაწილისათვის მაინც ცხადი გახდა, რომ საქმე გვექონდა საქართველოს საერთაშორისო იზოლაციასთან და ეს იზოლაცია გაპირობებული იყო არა შემთხვევითი და კონინტენტური მიზეზებით, არამედ საქართველოს ახალი პოლიტიკური გეზის პრინციპული მიუღებლობით დასავლური („ცივილიზებული“) პოლიტიკური ცნობიერების მიერ. ასეთი პრინციპული მიუღებლობის გაცნობიერება ასევე პრინციპულ რეაქციას მოითხოვდა ეროვნული ცნობიერების მხრივ. ან უნდა გვეყოლებინა ეროვნული მოძრაობის გეზის არსებითი მტდარობა და მომხდარიყო მისი კორექცია „ცივილიზებული“ სამყაროსათვის მისაღები მიმართულებით, ე. ი. მონაბულიყო ახალი მოდელი „ეროვნულობის“ და „დემოკრატიულობის“ მომხრეთა შეხამებისა; ან არსებობდა გამტყუნებელიყო დასავლური სამყაროს პოზიცია, ე. ი. მინც გადასინჯულიყო ეროვნული მოძრაობის ორიენტაცია, ოღონდ სხვა მიმართულებით: მომხდარიყო ეროვნული დამოუკიდებლობის იდეალის „განქორწინება“ დასავლური ღირებულებებისაგან და გადასულიყნო ეთნიკურ-კულტურული და რელიგიური ფუნდამენტალიზმის პოზიციაზე.

ჩემი აზრით, სწორედ ესაა ყველაზე სიღრმისეული ფენა იმ დაპირისპირებისა, საზოგადოების იმ გახლეჩისა, რომელმაც დეკემბერ-იანვრის ვადატრიანობა-აჯანყების სახით მიიღწია თავის კულმინაცია. გულუბრყვილობა იქნებოდა, მთლიანად მივენდოთ რომელიმეს დაპირისპირებულ მხარეთა „ოფიციალური იდეოლოგიებიდან“: ან იმას, რომ ეს იყო დემოკრატიული იდეებით შთაგონებული ფართო მასების აჯანყება დიქტატურის წინააღმდეგ, ან იმას, რომ „დემოკრატია“ მხოლოდ ნიღაბი იყო, სინამდვილეში კი საქმე გვექონდა საერთაშორისო შეთქმულებასთან საქართველოს წინააღმდეგ, რომლის ორგანიზატორბადაც მოგვეცოდინა „მასონები“ თუ „ეგრო-ამერიკული იმპერიალიზმი“. მაგრამ ქვეშაირების რაღაც მარცხალი ერთ ვერსიამაც არის და მეორეშიც.

პრინციპულ გამსახურების ხელისუფლება აშკარად ატარებდა ავტორიტარიზმის ტენდენციას, რომელსაც განვითარების შემთხვევაში შეეძლო ძლიერი რეპრესიული რეჟიმისათვის ჩაეყარა საფუძველი. ეს ტენდენცია ნამდვილად იწვევდა ლიბერალურად განწყობილი ელიტის პროტესტს. მაგრამ ლიბერალური ცნობიერების სოციალურ-კულტურული ბაზა საქართველოში თავისთავად შეტისმეტად სუსტი იყო საიმისოდ, რომ ავტორიტარული ტენდენციისათვის საკმარისად მძლავრი კონკურენცია გაეწია. ლიბერალური ღირებულებების გამოხმატველ მცირე და დაქაჩულ პოლიტიკურ ჯგუფებს არ შესწევდა

დათ იმის ძალა, რომ მოეხდინათ მომხრეთა საკმაოდ ფართო მოზილიზაცია მშვიდობიან დემოკრატიულ მოძრაობაში; მით უმეტეს ვერ შეეძლებდნენ ეს ძალეში (რომც მოეხდებინათ) ხელისუფლების ძალით გადაყენებას. პრესის თავისუფლების, პიროვნების უფლებათა დაცვის, მით უმეტეს, ეთნიკურ უმცირესობათა უფლებების დაცვის, თუნდაც საბაზრო ეკონომიკისათვის გასაქანის მიცემის მოთხოვნები (ანუ ოპოზიციის „ოფიციალური“ მოთხოვნები) თავისთავად ვერ გახდებოდნენ ასე თუ ისე ძლიერი სოციალური მოძრაობის საფუძველი. თავისი შინაგანი ტენდენციებით, საზოგადოებაში გამეფებული მენტალიტეტით, პოლიტიკური ქცევის ჩვევებით საქართველო უნდა წასულიყო სწორედ იქით, საითაც მიდიოდა — მოფაშისტო-ნაციონალისტური ტიპის ავტორიტარული რეჟიმის ჩამოყალიბებისაკენ, ანუ ისეთი რეჟიმის ჩამოყალიბებისაკენ, რომელიც ტიპური იყო იერუსალის ზავის შემდგომდროინდელი ახალგაზრდა ეროვნული სახელმწიფოებისათვის ევროპაში. ასეთი რეჟიმები იყო მეორე მსოფლიო ომის წინ თუნდაც იმავე ბალტიკისპირეთში. ცხადია, ასეთი ვერაულოდ შემოწმება დღეს უკვე შეუძლებელია, მაგრამ დასაშვებია იმის შესაძლებლობაც, რომ ასეთი რეჟიმი დროთა განმავლობაში ჩამოყალიბდებოდა „შენშევიცური“ საქართველოს ევოლუციის შედეგადაც, მისთვის ბოლშევიკურ რუსეთს რომ „ეცლია“. ასეა თუ ისე, ის მაინც ცხადია, რომ პირველი რესპუბლიკის შემდეგ კონსტიტუციონალური იდეოლოგიის სოციალურ-ეკონომიკური და კულტურული ბაზა საქართველოში ნამდვილად არ გაძლიერებულა. ასეთ პირობებში იმის ეკუმული პოლიტიკური რეჟიმის დამხობას იმის გამო, რომ პოლიტიკური ლიდერი თავისი პიროვნული თვისებების გამო ვერ ასრულებდა თავის ფუნქციას და „ვერ უვლიდა“ ქვეყანას (რაც ფაქტობრივად ხდებოდა საქართველოში), მხოლოდ ახალი, უფრო კარგად დაფუძნებული დიქტატურისთვის უნდა დაედო სათავე.

მაგრამ საქმეც ისაა, რომ ქვეყნის პოლიტიკური ევოლუცია არ განისაზღვრება მხოლოდ მისი „შინაგანი“, „ობიექტური“ კანონზომიერებებით. ამ ევოლუციაზე უდიდეს გავლენას ახდენს პოლიტიკურ-კულტურული ელიტის ორიენტაცია. საქართველოს შემთხვევაში, ეს ორიენტაცია, ბოლო ორი საუკუნის განმავლობაში მაინც, არსებითად პროდასავლური იყო. როდესაც გამოვთქვი ემპირიულად „არამეცნიერული“ ვარაუდი, რომ 1921 წელს საქართველოს დამოუკიდებლობა რომ არ დაეკარგა, აქ იქნებ დროთა განმავლობაში მოფაშისტო-ნაციონალისტური ავტორიტარული რეჟიმი ჩამოყალიბებულიყო, ვეყრდნობიდი არა მხოლოდ „შინაგან“ ტენდენციებს (მოსახლეობის უდიდეს ნაწილში



სამოქალაქო ცნობებების დეფიციტი, ეკონომიკის განვითარების სისუსტე, ეროვნულ-სახელმწიფოებრივი კონსოლიდაციის პრობლემები, არამედ იმასაც, რომ ამგვარი რეჟიმები იმ დროს ევროპული სახელმწიფოების უმრავლესობაში იყო გამოყვებული და თვით ეს ფაქტი ლეგიტიმაციას შესძენდა საქართველოში შინაგანი ავტორიტარული ტენდენციის განვითარებას: თუ პროგრესულ და განათლებულ ევროპაში ნაციონალისტურ-ავტორიტარული რეჟიმები ჩვეულებრივი მოვლენაა, რატომ არ შეიძლება იგივე იყოს საქართველოში? 90-იან წლებში ქვეყნის პოლიტიკური კულტურისათვის დამახასიათებელი შინაგანი ავტორიტარული ტენდენცია სტალინიზმის გამოცდილების საფუძველზე კიდევ უფრო გაძლიერდა, მაგრამ ამჯერად იგი აშკარა კონფრონტაციაში შევიდა პროლასავლურ ორიენტაციასთან, რომელიც ისტორიის ამ ეტაპზე უკვე შეუთავსებელი იყო მოფაშისტო ავტორიტარიზმთან. ამ წინააღმდეგობამ კი, თუ მისი საბოლოო დამარცხება არა, რალაციონარი შეზღუდვა მიანიც გამოიწვია.

ამ წინააღმდეგობის გაცნობიერება და მის მიხედვით პოლარიზაცია თანდათან მოხდა თვით ზ. გამსახურდიას გარშემო გაერთიანებული მმართველი კოალიციის შიგნით. სწორედ ამ პოლარიზაციამ და არა იმათმა წინააღმდეგობამ, ვინც იმთავითვე ოპოზიციაში ედგა ახალ ხელისუფლებას, გამოიწვია ამ ხელისუფლების დაშლა. ეს პოლარიზაცია, ცხადია, პრეზიდენტის პირადი თვისებებით და სხვა სუბიექტური მიზეზებითაც იყო გაპარობებული. მაგრამ მხოლოდ ამ მომენტზე მისი დაყვანა არ შეიძლება. სწორედ მოგვიანებით ოპოზიციაში გადასული ძალების ევოლუცია აჩვენებს ზემოთ დასახილავებული კოლიზიის თვისებურებას: ლიბერალური ღრებულეებების დაცვა მისი საწყისი პრიორიტეტი რომ ყოფილიყო, ისინი, ცხადია, „მრგვალი მაგილის“ შემადგენლობაში იმთავითვე არ აღმოჩნდებოდნენ; ავტორიტარიზმის, „ძლიერი პირივნების“, როგორც დამოუკიდებლობის მოპოვების ეტაპისათვის აუცილებელი მომენტის იდეოლოგია მათთვის შინაგანად საკმაოდ მისაღები და პროლასავლურ ორიენტაციასთან შეთავსებადი იყო. წარმოდგენა ამ შეთავსებადობაზე, როგორც ვთქვით, არც ისე არასწორია, რადგან, პრინციპულად, არაფერი არავგროპული ნაციონალურ ავტორიტარიზმში არ არის. უბრალოდ, ამგვარი მიდგომა შეუთავსებელი აღმოჩნდა „დასავლურობის“ თანამედროვე მოდელთან. ეს შეუთავსებლობა თვალსაჩინო გახდა არა რაიმე თეორიული არგუმენტებით, არამედ იმ თითქმის სრული იზოლაციით, რომელშიც საქართველო ეროვნული მოძრაობის მიერ ზოგადად არჩეული მიმართულებისა და, განსაკუთრებით, ზ. გამსახურდიას პოლიტიკის შედეგად აღმოჩნდა.

შესაბამისად, ახალი, არადასავლური, რასობრივ-ფუნდამენტალისტური „იბერიულ-კავკასიური“ ორიენტაცია (რომელსაც მშვენივრად ეხამებოდა ლოგიკურად მასთან თითქოს შეუთავსებელი რელიგიურ-ფუნდამენტალისტური „ანტიმასონური“ მართლმადიდებლური ორიენტაცია) თანდათან ჩამოყალიბდა, როგორც რეაქცია დასავლეთის მიერ „თავისიანად“ არჩეულ ბაზე. თავდაპირველად ზ. გამსახურდიას ფიგურა არა მარტო არ წარმოადგენდა რაიმე ანტიდასავლურ ტენდენციას, არამედ, პირიქით, სწორედ ეროვნული მოძრაობის დასავლურ ღრებულეებმა და პოლიტიკურ ძალებზე ორიენტაციის სიმბოლოც იყო: პელსნიკის მოძრაობის ლიდერი, ევროპული ნენების მცოდნე კარგ სიმბოლურ კომპლექსს ქმნიდა ისტორიული რომანების ავტორის, ასევე ევროპულად განათლებული მწერლის შვილთან. ევროპული ორიენტაციის ზოგადი აღიარება იმაშიც გამოიხატებოდა, რომ, მიუხედავად ზემოაღნიშნული ავტორიტარული ტენდენციებისა, „მრგვალი მაგილის“ ხელისუფლება ცდილობდა შეენარჩუნებინა ლიბერალურ-დემოკრატიული სახელმწიფოებრივი წყობის ფასადური მხარე მიანიც და ერიდებოდა მისი ძირითადი ელემენტების (მრავალპარტიული პარლამენტი, თავისუფალი პრესა) ბოლომდე ჩახშობას. ამიტომ, მიუხედავად ოპოზიციის მტკიცებისა, ნამდვილი დიქტატორული რეჟიმი მის დროს არ ჩამოყალიბებულა. ანტიდასავლურ ტენდენციას აშკარად მიეცა გასაქანი მხოლოდ საბოლოო პოლიტიკური დაზარცების შემდეგ, როცა „კრემლის აგენტებისა“ და „პროკომუნისტური ძალების“ სახე მასონებისა და ევრო-ამერიკული იმპერიალიზმის მიერ ორგანიზებული მსოფლიო შეთქმულების ვერსიამ შეაფიწროვა (რაც უკვე პირდაპირი პლაგიატია უფრო ხანგრძლივი ისტორიის მქონე რუსული ეთნიკურ-კულტურული ფუნდამენტალიზმისაგან).

ახალი ქარიზმატული ფიგურა, რომელმაც ქართული პოლიტიკური ცის კაბადონზე ზ. გამსახურდიას შეცვალა, უფრო წმინდა სახით გამოხატავს საქართველოს დასავლური ორიენტაციის იდეას. მის უკან დგას უკვე მოპოვებული აღიარება „ცივილიზებული სამყაროს“ მხრიდან. ეს კი საზოგადოებისათვის იმდენად მომხიბლავი აღმოჩნდა, რომ რადიკალური ანტიკომუნისმიზმიდან მოსული ძალების თვალშიც კი შევარდნამის კომუნისტურ-აპარატული წარსული გადასწონა. სწორედ დასავლეთის მიერ ეს აღიარება ანიჭებს ლეგიტიმურობას მის პრეტენზიას — იყოს საქართველოში დემოკრატიული ტრანსფორმაციის გარანტიც.

ამაშიც ჩანს ამგვარი ტრანსფორმაციის მამოძრავებელი ძალა და მოტივი: არა იმდენად საზოგადოების წიაღში მომწიფებული შინაგანი მოთხოვნილება, რამდენადაც განათლებული

ელიტის იმპერატიული მოთხოვნა — საკუთარი ქვეყანა თანამედროვე სტანდარტების დონეზე (ამ სტანდარტების ათვისებისაკენ მიმავალ გზაზე მინც) იხილოს. პოსტ-გამსახურდიული საქართველო იხილება ორ საწინააღმდეგო პოლუსს შორის: ერთი მხრივ, მას ძლიერად ეწევა თავისივე შინაგანი ავტორიტარული ტენდენცია (ლიბერალურ-დემოკრატიული ღირებულებები, „ფართო მასებზე“ რომ არაფერი ვთქვათ, თვით „გამსახურდიული ფაშისმის“ წინააღმდეგ ნაბრძოლ განათლებულ ელიტაშიც კი არცთუ ძლიერია), მეორე მხრივ კი „ცივილიზებული სამყაროს“ წევრობის სურვილი. გამსახურდიას ტრადიციონული ფიგურის განდევნა მხოლოდ აღრმავებს ამ საკენძო წინააღმდეგობას.

ანტიკომუნისტი და ანტიიმპერიულიზა

პოსტ-კომუნისტური ეროვნული მოძრაობების თავისებურება დაკავშირებულია იმასთანაც, რომ ყველა შემთხვევაში, ერთის ვარდა, ეროვნული (ანტიიმპერიული) მოძრაობა და კომუნისტური სისტემის წინააღმდეგ ბრძოლა ერთმანეთს ემთხვევა. მართალია, თვით კომუნისმის იდეა ევროპული წარმოშობისაა, რეალურად იგი პირველად რუსეთში განხორციელდა და სხვა ქვეყნებში სწორედ რუსეთის მიერ იყო ექსპორტირებული სამხედრო ინტერვენციის გზით. ამიტომ ამ ქვეყნებში კომუნისმის წინააღმდეგ ბრძოლა ეროვნულ ელფერსაც ატარებდა: ეს იყო ბრძოლა არა, უბრალოდ, „უცლად“, არამედ უცხო ქვეყნის მიერ თავისთვისველი პოლიტიკური წყობის წინააღმდეგ. მისი დაძლევის ამოცანა უიგივებოდა უცხო ქვეყნისმიერი ოკუპაციის დაძლევას, ეროვნული დამოუკიდებლობის მოპოვებას. ამრიგად, პოსტ-კომუნისტური სამყაროში გვაქვს ეროვნულობისა და კომუნისტური რეჟიმისადმი დამოკიდებულების ორი სხვადასხვა მოდელი — რუსული და არარუსული (კომუნისტური წყობა, მაგალითად, ჩინეთში ან კუბაში არ იყო რუსეთის პირდაპირი სამხედრო ინტერვენციის შედეგი, მაგრამ ამ ქვეყნებში იგი ჯერ კიდევ არ გადავარდნილა. იქნებ, ამის ერთ-ერთი მიზეზი ისიცაა, რომ მას უცხო ძალის მიერ თავსებობველის ელფერი არა აქვს, ამიტომ ჩინურ ან კუბურ პოსტ-კომუნისტურ ცნობიერებაზე მსჯელობაც ნაადრევია). არარუსული მოდელის ნიშანი ისაა, რომ აქ კომუნისტური რეჟიმის გადაგდების ამოცანა არსებითად გადავიწყობული იყო იმით, რომ ანტიკომუნისტური მოძრაობის ენერჯია ეროვნულ დამოუკიდებლობისათვის ბრძოლის ენერჯიას ერწყმოდა. ამ ორი მომენტის თანაფარდობის ზუსტი გაზომვა, ცხადია, შეუძლებელია, მაგრამ სრული უფლება გვაქვს ვივარაუდოთ, რომ ეროვნული ღირებულების მამობილიზებელი ძალა უმეტეს შემთხვევაში სწარმოდა საკუთრივ ანტიკომუნისტური მოწოდებებისას. ამ

აზრით, ნაციონალიზმმა უეჭველად კონსტრუქციული როლი ითამაშა კომუნისტური წყობის დანგრევაში.

ამ დამთხვევას მეორე მხარეცა აქვს. იმ რეალური ფაქტის გაცნობიერებამ, რომ კომუნისტური რეჟიმი ამ ქვეყნებში უცხო ძალის მიერ თავსებობველი იყო, შექმნა იმის ილუზია, რომ ეს მოცემული ქვეყნებისათვის თუ საზოგადოებისათვის შემთხვევითი, გარეგნული მოვლენაა, და რომ თავიდან მის მოსაშორებლად საკმარისი იქნებოდა საოკუპაციო ძალების გაყვანა (ან ნეიტრალიზება) და მათი ნების გამტარებელი ეროვნული მიხედვით კოლოსის — პარტიული ბიუროკრატიის თანადებობებიდან გადაყენება. მაგრამ ის, რომ ინფექცია ორგანიზმში გარედან შეიჭრა, სულაც არ აადვილებს მასთან ბრძოლას. კომუნისტური იდეოლოგია და მმართველობის შესაბამისი ფორმა ადგილობრივ ნიადაგზე ყოველთვის პოულობს ელემენტებს, რომლებთანაც რეაქციაში შედის და რომელთაც თავის საყრდენად აქცევს. ამის შედეგად იდეოლოგიზებული ცნობიერება ამა თუ იმ ფორმით მსჯელავს საზოგადოების ყველა ფენას და ეროვნული ციხარების რეალობად იქცევა. ამ რეალობის დასაძლევად კი პოლიტიკური ცვლილებები (კომუნისტური პარტიისათვის ძალაუფლების ჩამოთმევა) მხოლოდ პირველი ნაბიჯია და ამ ნაბიჯის ვადადგმა სულაც არ არის კომუნისტური ინფექციისაგან ნამდვილი განთავისუფლების გარანტია. ნამდვილი განთავისუფლება მეტად ხანგრძლივ ფიზიკურ და სულიერ ძალისხმევას, როგორც ეკონომიკური სტრუქტურის, ისე სულიერი კონსტიტუციის ძირფესვიან გარდაქმნას მოითხოვს, რასაც შეიძლება თაობები დასწირდეს.

ამგვარი ძირფესვიანი ტრანსფორმაციის ამოცანა საზოგადოების ყველა ფენისაგან და ცალკეული ინდივიდებისაგან მოითხოვს რეალური ვითარებისათვის პასუხისმგებლობის თავის თავზე აღებას. მაგრამ პასუხისმგებლობის საკუთარ თავზე აღების ჩვევის დაფარვა არის სწორედ კომუნისტური წყობის სულიერი მეგვიდრეობის ერთ-ერთი ძირითადი ელემენტი. კომუნისტური ბაილის პრინციპული გარეგნულობის იდეოლოგია საუცხოო დასაყრდენს აძლევს პასუხისმგებლობის თავიდან აცილების ამ ბუნებრივ იმპულსს. ფსიქოლოგიურად გაცილებით კომფორტულია ყველა არასასურველი და „ამოსაძირკვი“ მოვლენის მტრის ხატთან დაკავშირება, თავდაპირველად ეს გარე მტრია, მაგრამ შემდეგ იგივე ფუნქცია შიგამ ბერებს ენიჭება. ხდება ტრატიკული ცოდვისათვის პასუხისმგებლობის პროეცირება ცალკეულ სოციალურ ჯგუფებზე თუ ინდივიდებზე. ამის გამოხატულებაა „უკლანაებზე ნადირობა“, პარანორმული შიშობამაია, რეალური პოლიტიკური პრობლემების მტრულ ძალთა ფართი შე-



თქმულებებით ახსნა და სხვა მიზეზები, ეგ-
ზომი დამახასიათებელი პოსტ-კომუნისტური
ცნობიერებისათვის.

რაც შეეხება რუსეთს, აქ სურათი უფრო
რთულია. რუსული სახელმწიფოებრიობის ტრა-
დიცია იმპერიულია, სხვა ტრადიცია რუსეთს
არა აქვს. რუსეთმა არა მარტო პირველმა განა-
ხორციელა კომუნისტური ექსპერიმენტი, არა-
მარტო, როგორც ჭერ კიდევ ბერძენებმა აღნიშნა,
იმპერიულ-მესიანისტურმა ტრადიციამ ახალი
სოცოცხლე შეიძინა იმით, რომ რუსეთი იქცა
კომუნისტური სამყაროს ლიდერად. კომუნის-
ტური იდეოლოგიის თანახმად, იგი ამით მსოფ-
ლიო პროგრესის სათველი აღმოჩნდა. კომუნის-
ტური იდეის გავრცელება იმდენად რუ-
სეთის იმპერიის გაფართოებასაც ნიშნავდა; თა-
ვისი გავლენისა და ძლევამოსილების უმადლოს
წერტილს რუსეთის იმპერიამ სწორედ საბჭოთა
კავშირის სახით, კომუნისტური იდეის წაყო-
ლით მიაღწია.

მეორე მხრივ, საბჭოთა კავშირი მაინც იგივე
არ იყო, რაც რუსეთის იმპერია — თუნდაც
იმიტომ, რომ „რუსეთის იმპერია“ აღარ ერქვა.
ფორმალურად, ეს იყო ზეეროვნული ფედერა-
ციული სახელმწიფო, სადაც „რუსეთის“ სახე-
ლის მქონე ტერიტორიულ-ადმინისტრაციული
ეროვნული ესტონეთთან და ყირგიზეთთან თანა-
ბარი სტატუსით შედიოდა. ამ უქანსკენელ ერ-
ოვნული სახელმწიფოებრიობის რაღაც ნიშანი
ჰქონდათ. ეს ნიშნები, ასე თუ ისე, ხელს უშ-
ლიდნენ რუსიფიკაციის ტენდენციას, ხელს უწყ-
ობდნენ ეროვნულ-სახელმწიფოებრივი ცნობი-
ერების შენარჩუნებას ან ჩამოყალიბებას. მარ-
თალია, შემდეგ საბჭოთა რესპუბლიკებში შექმ-
ნილი ეროვნული მოძრაობები ამ ნიშნებს ფორ-
მალურად მიიჩნევენ, მათი რეალური მნიშვნე-
ლობა მაინც საკმაოდ დიდი იყო: საბოლოოდ
საბჭოთა კავშირის ნანგრევებზე შექმნილი სა-
ხელმწიფოები სხვა არაფერია, თუ არა ყოფი-
ლი თხუთმეტი საბჭოთა რესპუბლიკა პირველი
პრაგმატული სახელმწიფოს ანტიკორპორთა
მიერ გახლებულ სახდერებში. რუსეთის იმპე-
რიის პატრიოტები იმთავითვე ხედავდნენ რუ-
სეთის ეროვნულ რესპუბლიკებად დანაწევრე-
ბის საფრთხეს, განიცდიდნენ მას როგორც იმ-
პერიის ნგრევის დასაწყისს და, როგორც ვაიკო-
კვა, არც მოტყუებულან.

ყოველივე აქედან გამომდინარეობს რუსეთის
პოლიტიკური აზროვნების ფუნდამენტალის-
ტური („სლავოფილური“), ანტიდასავლური,
ე. ი. ანტილიბერალური მიმართულების ამბი-
ვალენტური დამოკიდებულება კომუნისტური
ფეიქონისადმი. თავდაპირველად, ეს ტრა-
დიციაში აღქმული იყო როგორც ურიული ვი-
რუსი, გამიზნული რუსი ერის გადასავარბე-
ლად და მისასპობად. მეორე მხრივ, რუსეთის
და საბჭოური იმპერიების პრაქტიკული მეგვი-

დრობითობის ფაქტიც უდავო იყო. ყოველ
შეუთხვევაში, როდესაც დაიწყო კომუნისტური
სისტემის და მასთან ერთად ჭერ „სოციალის-
ტური ზანაის“, შემდეგ კი საბჭოთა კავშირის
დაშლა, საკმაოდ სწრაფად ჩამოყალიბდა კო-
მუნისტებისა და „პატრიოტების“, ანუ „წითელ-
მიხაისფერი“ კოალიცია, რომელმაც სწრაფად
შეაფასა გარდუვალი კავშირი კომუნისტური
სისტემის ნგრევასა და მავალეროვანი იდეო-
ლოგიური სახელმწიფოს დაშლას შორის. შემ-
თხვევითი არ არის. რომ თუმცა მრავალ პოსტ-
კომუნისტურ ქვეყანაში შეიმჩნევა ნოსტალგია
კომუნისტური პერიოდის ეკონომიკური და პო-
ლიტიკური სტაბილუბაზე, რუსეთი ერთადერთი
იმთვანია, სადაც წითელი დროშის ქვეშ ანგა-
რიშვასაწვევი პოლიტიკური მოძრაობის მობილი-
ზაცია გახდა შესაძლებელი. მართალია, ზოგი-
ერთ ქვეყანაში (პოლონეთი, საქართველო, ლი-
ტვა) ყოფილი კომუნისტების საარჩევნო რეჟი-
მში მოხდა და მათმა მოწინააღმდეგეებმა ეს
„წითლების“ დაბრუნებად შერაცხეს, ასეთი
კვალიფიკაცია უფრო პოლიტიკური რიტორი-
კის სფეროს განეკუთვნება და რეალურად
სწორ შეფასებად ვერ ჩაითვლება: ამ შემთხვე-
ვაში ყოფილი კომუნისტებს უარი აქვთ ნათქვა-
ში კომუნისტურ იდეოლოგიაზე და დასავლურ
სოციალ-დემოკრატიულ მოდელზე იღებდნენ
ორიენტაციას. საკუთრივ კომუნისტური რეს-
ტავრატორული ძალები აქ ვერავითარი გავლენ-
ის ვერ სარგებლობენ. რუსეთში კი გვაქვს
მეტ-ნაკლებად ძლიერი პოლიტიკური მოძრაო-
ბა, რომელიც ღიად აყენებს სწორედ კომუნის-
ტური რეჟიმის რესტავრაციის მოთხოვნას. ამ
ფაქტის ერთადერთი აზრიანი ინტერპრეტაცია
სწორედ ისაა, რაც უკვე ვთქვით: რუსულ ცნო-
ბიერებაში კომუნისტური რეჟიმი იმპერიულ
სახელმწიფოებრიობასთან და მსოფლიოს ლი-
დერობის მესიანისტურ პრეტენზიასთან არის
დაკავშირებული, მაშინ როდესაც სხვა ქვეყნ-
ებში იგი უცხო ოკუპაციის ძირითადი ინსტრუმენ-
ტი იყო.

მეორე მხრივ, რაც „ეროვნული მოტივი“ იმ-
პერიული და ფუნდამენტალისტურ-ანტიდასა-
ვლური ძალების მიერ მონოპოლიზებული აღ-
მოჩნდა, რუსეთის დემოკრატიული მოძრაობა
ეროვნულ კომპონენტს მოკლებული დარჩა. ეს,
ერთი მხრივ, უფრო ლიბერალურად აქცევიდა
მას, მეორე მხრივ მხრივ მასების მობილიზა-
ციის უნარს უსუსტებდა. ამის მაგივრად, მა-
სების მობილიზაციის მიზნით აქ უფრო მეტად
გამოიყენებოდა სოციალურ-პოპულისტური, გა-
მთანაბრებელი მოტივები: რუსეთის მომავალი
პროზაბრების ელენის პირველი გამარჯვება
არჩევნებში ძირითადად კომუნისტური ბიურო-
კრატის პრივილეგიების წინააღმდეგ ბრძოლის
ლოზუნგით მოხდა; რამაც თავდაპირველად მის
მიმართ ლიბერალური ელიტის უნდობლობა

გამოიწვია. რუსეთის დემოკრატიულ მოძრაობის „არაეროვნული“ ხასიათი განაპირობებდა მის ორტოქსულ დამოკიდებულებას სხვა რესპუბლიკებში მიმდინარე ეროვნულ-დემოკრატიული მოძრაობებისადმი. ერთი მხრივ, მისთვის გაუკუგებარი იყო შინაგანი კავშირი ეროვნულსა და დემოკრატიულ იდეებს შორის, და ეროვნულ მოძრაობებს ექვის თვლით უყურებდა. მეორე მხრივ, შიში იმპერიულობის ბრალდებასა და რეაქციონერებთან ერთ ბანაკში აღმოჩენის წინაშე აიძულებდა. შეეწყნარებინა (თუმცე უხალისოდ) ბალტიისპირეთისა და სხვა რესპუბლიკების მიერ დამოუკიდებლობის მოთხოვნა. ამასთან ერთად, ეროვნულობასა და დემოკრატიას შორის შინაგანი კავშირის დაუნახაობის ფონზე და მის შედეგად რუსეთის დემოკრატიულმა მოძრაობამ იმპერიულობის ლიბერალური კომპონენტი შეინარჩუნა: იგი იხეშებდა და იჩემებდა დამოუკიდებლობისათვის მებრძოლ, შემდეგ კი უკვე ახალ დამოუკიდებელ ეროვნულ სახელმწიფოებში ეთნიკური უმცირესობების უფლებათა უპირატესი გარანტიის როლს.

მაგრამ თვით პოლიტიკური მოძრაობის პრაქტიკა აიძულებს რუს „ზაანდინიკებსაც“, რუსეთის ეროვნული სახელმწიფოებრიობის კონცეფცია შექმნან. ეს „იძულება“ გამოჩნდა ჯერ კიდევ მათი ოპოზიციაში ყოფნის პერიოდში: რაქი მასობრივი დემოკრატიული მოძრაობის [არქივში ბალტიის რესპუბლიკებში შეიქმნა („სახალხო ფრონტები“) და ეს მოძრაობები ყალიბდებოდნენ „ცენტრისკან“ (საკავშირო ხელისუფლებისაგან) დამოუკიდებლობის მოთხოვნით, რუსეთის დემოკრატიულმა მოძრაობამაც მისთვის ერთი შესვლით ამსუბღღელი იდეა აიღო საფუძვლად: რუსეთი მოითხოვდა დამოუკიდებლობას საბჭოთა კავშირისაგან (ანუ საკუთარი იმპერიისაგან). ამ ბრძოლის ნამდვილი მნიშვნელობა დიდხანს გაუკუგებარი რჩებოდა თვით რუსი დემოკრატებისათვის და დასავლელი დამკვირვებლებისათვის, რადგან ფასდებოდა, როგორც მხოლოდ ძალაუფლებისათვის პიროვნული ბრძოლა ელცინსა და გორბაჩოვს შორის, მაგრამ მას შემდეგ მაინც, რაც ეს ბრძოლა ელცინის გამარჯვებით და, მაშასადამე, საბჭოთა კავშირის დაშლით დამთავრდა (არავითარი მნიშვნელობა არა აქვს იმ გარემოებას, რომ ამ სახელმწიფოს დაშლა ელცინის და რუსი დემოკრატების მიზანს სულაც არ შეადგენდა), გამარჯვებულ მხარე დაღდა იმ ამოცანის წინაშე, რომ შეექმნა რუსეთის სახელმწიფოებრიობის ახალი, არაიმპერიული კონცეფცია (ან თუნდაც სხვაგვარი ტიპის იმპერიული სახელმწიფოებრივი კონცეფცია). ეს ამოცანა მეტისმეტად რთულია და რუსეთის ეროვნულ-სახელმწიფოებრივი ცნობიერება აშკარად მოუზნადებელი დახვდა მას.

დღეს ამ კონცეფციის შექმნის მეტად მტივნიელი და, ხშირად, ირაციონალური პროცესი მიმდინარეობს. ეროვნული ცნობიერება ერთი უკიდურესობიდან მეორეში ვარდება: თვითგვემიდან („ჩვენ მონების ერი, არასრულფასოვანი საბჭოთა ადამიანები ვართ“) ახალ სიამაყემდე და „ერთიანი და განუყოფელი რუსეთის“ ლოზუნგის გამოცხადებამდე, ოღონდ ეს ლოზუნგი ხანდახან ისევე ძველ იმპერიულ იერს იღებს და „განუყოფელი რუსეთის“ საზღვრებში რატომღაც ყირაიბი, დენსტრისპირეთი ან საქართველოს ზოგიერთი ტერიტორია აღმოჩნდება; მეორე მხრივ, ლიბერალთა მცირერიცხოვნობა კვლავი (სტაროვოიტოვა, ბონერტი და სხვ.) რუსეთის ფედერაციასაც იმპერიად მიიჩნევს და შესაძლებლად თვლის იმ ავტონომიური რესპუბლიკების „გაშვებას“, რომლებიც ამას დაეყინებით მოითხოვენ. რუსეთის დაშლა, მათი აზრით, სავანგაშო სულაც არ არის. მეტიც, ზოგი ლიბერალი სრულიად მშვიდად უყურებს რუსეთსგან, ვთქვათ, ციმბირის ჩამოშორების პერსპექტივას. მაგრამ ეს ხელს არ უშლის იმავე მოღვაწეებს, მოუწოდონ რუსეთის ხელისუფლებას აქტიურად დაეპირონ მხარის სხვა „წინარჩენი იმპერიების“ დაშლასაც, რითაც რუსეთი ობიექტურად ისევე იმპერიულ როლს იბრუნებს. პრავდატოსები (თვით ელცინის მეთაურობით) თანდათან, სხვა პოსტ-საბჭოთა რესპუბლიკების მიზაძვით, მიდიან რუსეთის ფედერაციის არსებულ საზღვრებში ტერიტორიული მთლიანობის შენარჩუნების მარტივ იდეამდე, — მაგრამ იგივე ელცინი ხომ ცოტა ხნის წინათ ეუბნებოდა თავის ავტონომიებს, რამდენ სუვერენიტეტსაც მოინელებთ, იმდენი წყიდეთო, რაც ზოგმა ავტონომიამ საკმაოდ წერიოზულად მიიღო და განაცხადა, რომ მშვენივრად მოინელებს სრულ დამოუკიდებლობასაც. შეძლებს თუ არა რუსეთი დაიბრუნოს ურჩი ავტონომიები, რომლებმაც უკვე გაიგეს სუვერენიტეტის გემო? ძალის გამოყენების გარეშე, როგორც ჩანს, ვერ შეძლებს. მაგრამ ძალის გამოყენება ახალ სიღრმეს შესძენს რუსეთის იდენტობის კრიზისს. პრობლემა: სად მთავრდება რუსეთი — კვლავ საბედისწერო რჩება მისთვის.

დასკვნა

საბოლოოდ შეიძლება ითქვას, რომ ეროვნული მოძრაობების ძირითადი კანონზომიერებებში კომუნიზმის ნგრევის ეტაპზე არსებითად არ განსხვავდება სხვა ეროვნული მოძრაობებისაგან, რომლებმაც ბოლო ორი საუკუნის განმავლობაში მსოფლიოს რუკა არსებითად შეცვალეს. ეროვნული თვითდადგენის და დემოკრატიული პოლიტიკური ერთობების ჩამოყალიბების პროცესი, განსაკუთრებით მაშინ, როცა ის დაკავშირებულია კონტინენტური იმპერიების

ნგრევასთან, ყოველთვის მტკივნეულია. ძირითადი სპეციფიკა მდგომარეობს იმაში, რომ ის მექანიზმები, რაც ასე თუ ისე არბილებს ეროვნული პრობლემების მტკივნეულ ხასიათს (სამოქალაქო საზოგადოების ინსტიტუტები, პოლიტიკური ქცევის წესები, ეკონომიკური ინტერესების გაცნობიერებაზე აგებული რეალისტური აზროვნება) პოსტ-კომუნისტურ საზოგადოებაში კიდევ უფრო სუსტია. კომუნისტური სისტემის ნგრევა ტოვებს ატომიზებული, სოციალურად უმწეო ინდივიდების ერთობლიობას, რომელთაც თავიანთი სოციალური წევრობის გრანობის დასაფუძნებლად თითქმის არაფერი გააჩნიათ ეროვნული ცნობიერების გარდა, თანაც ესეც უფრო ხშირად ეთნიკურ-გეოგრაფიული ცნობიერების სახით გვევლინება.

ყოველივე აქედან გამომდინარე, ძნელი საფიქრებელია, რომ პოსტ-კომუნისტურ სივრცეში უკვე ჩამოყალიბებული თუ ჩამოყალიბების პროცესში მყოფი ეროვნული კონფლიქტები მალე გადაიჭრება. საამისოდ ამ საზოგადოებებს მეტად მწირი შინაგანი რესურსები მოეპოვებათ. იმის იმედი, რომ „ადამიანები გონს მოეგები-

ან“, ცხადია, არასერიოზულია. გამაშუალებელ-მეზრვიებელური საერთაშორისო ინიციატივები უფრო კონფლიქტების კონსერვაციას ახდენს, ვიდრე მათ გადაწყვეტას. როგორც ჩანს, მსოფლიოს ეს ნაწილი ერთხანს მაინც დარჩება ეთნოპოლიტიკური არასტაბილურობის ზონად.

ეროვნულ-სახელმწიფოებრივი ურთიერთობების ახალი სტაბილური სისტემის ჩამოყალიბება დაკავშირებული უნდა იყოს საზოგადოებრივი მენტალიტეტის საკმარისად ღრმა ცვლილებებითან. ასეთ ცვლილებებს საზოგადოდ საკმაოდ დიდი დრო უნდა, მაგრამ ისტორიული დროის ერთგვარი „დაპრესილობის“ ხანაში ისინი შეიძლება შედარებით მალე მოხდეს. დიდი როლი ენიჭება დასავლური სამყაროს პოზიციას — არა იმდენად მისი უშუალო ჩარევის, რამდენადაც მიაღივითის, ორიენტირის მომცემის სახით. განსხვავებით საუკუნის პირველი ნახევრისაგან, დღეს აგრესიული ნაციონალიზმი საკმაოდ არამოდურნი რამეა, მოდის კი ადამიანებისთვის ყოველთვის უფრო დიდი მნიშვნელობა ჰქონდა, ვიდრე რაციონალურ არგუმენტებს.



ვისო ზარნაძე

გაშეშობა სიზმარი, ღმერთო!

დიდ გალაკტიონზე მსმენია, წაუკითხავი არაფერი გამოჩრებოდაო. ზაურ ბოლქვაძის ენერჯიაც შესაშურია ამ მხრივ — რომელ გაზეთშიც უნდა გამოაქვეყნო, თუნდაც მინიატურა, შეგვხვდება და აუცილებლად შეგიკებებს ყოველ შემთხვევაში, გაგარწობინებს, რომ წაკითხული აქვს, ხოლო, ამავე დროს, თუ მოეწონა კიდევაც, მაშინ ხომ: „გმადლობ, მეგობრის ლექსო, თვალში რომ ამოცრემლე, გული რომ დამიწყნარე, სული რომ დამისვენე! რომ გამახსენე ჩემი სახელი, სოფელი, ეწო! რომ შემაყვარე თავი, გმადლობ, მეგობრის ლექსო!“

„ყოველ დამე მესიზმრები, ბიჭო, წამოვკლები საწოლზე და ვტირი. წერილს არ მწერ, სიტყვას არ იმეტებ, მე შენს ამბავს სხვებისაგან ვიგებ. თუ მოიცლი, მნახე, შეილო, ერთხელ და მე მოგვიმე გზის ფულს აქეთ-იქეთ“.

ამ ოცდაათიოდე წლის წინათ, შუა აზიაში ბედის უკუღმართობით გადასრდილი ახალგაზრდა კაცს, სწორედ ზაურ ბოლქვაძის პირველმა, პაწაწინტელა წიგნმა „ღელვის დასაწყისმა“, ნოდარ დუმბაძისა და ოტია ოსელიანის პირველმა მოთხრობებმა და ფრიდონ ხალვაშის მაგიურმა „გენაცვალემ“ დამაძალა და ლამის ჯიბეგაზრტილი დამაბრუნა საქართველოში...

ხარბად ვკითხულობდი დე თითქმის ზეპირად მახსოვდა „ღედის ციკლი“. აღბათ, იმიტომ, რომ უდედლო გაზრდილი, ყოველ სტროფს ვითავისებდი და, თუ რამე მშურდა მათი ავტორისა, ის იყო, რომ დედამისი მის დავაჟკაცებან შინც მოსწრებოდა! კერძოდ ის, რომ ლირიკული გმირი დედასთან ერთად სწევდა ქვირი-ობლის მძიმე ჭაპანს: „შენ შუბლი გქონდა იმ დამე ცხელი და გატეხილი იყავი წელში... შენ გაშრებოდა თვალეზე ცრემლი, მე ვკანკალედი იმ გამშრალ ცრემლში. იცრემლებოდა მშუპუტავი ცეცხლი, გვციოდა ცეცხლის ჩაქრობის შიშით ჯა ხურდებოდა პატარა კეცი უკანასკნელი ღერებით ფიჩხის... ჭერს ჩვენი დიდი წაბლის ხის ქონის ჩურჩხელასავით ეკიდა მკვარტილი, მე ვაგროვებდი ნაკვერჩხლებს ჯო-

ხით და ვაფიცებდი ნატებებს მკადის. ქარი ებრძოდა მორყეულ ქიშკარს და ჭირალებდა კედლები ქონის, მეღანდებოდა წითელი ჭინკა და ქურდი ჩვენი მეწველი ძროხის. შენ ჩაგქრობოდა თვალეში შუქი და გქონდა შუბლი სველი და ცხელი, გობში ასხამდი გამთბარ წყალს თუნავით, ცოშს ზედლი ჩუმად, სიცხიან ზელით, მეჩვენებოდა, რომ ახლოს, სადღაც, ვილაც უსტვენს და თამამად დადის, შენ ჩაშუქრებდი ნაკვერჩხლებს ჩამქრალს და გამოცობას უცდიდი მკადის. იყო ქარი და არ იყო ზოგარე, მე ვერ ვხედავდი, შენთვის რომ მეთქვა, თან მეშინოდა გამოსვლა გარეთ და ვათინებდი მთელ დამეს თეთრად... შენ დლით შუბლი გიხურდა ისევ, მაინც ამბობდი — „ღედის არა მოვავს“, უამს მიმწუხრისას გიმატა სიცხემ, შეგიპყრო ჩემი ობლობის შიშმა!“.

ჟურნალისტიკის განყოფილებაზე სწავლისას ზედინედ ორჯერ მომიწია ჟურნალ „ინანგში“ პრაქტიკამ. ეს მართლაც ჩემი მეორე უნივერსიტეტი იყო. იმხანად უკვე ნოდარ დუმბაძე რედაქტორობდა მას, ხოლო პასუხისმგებელი მდივანი ზაური გახლდათ, რომელიც სულ იმის ცდაში იყო, როგორმე დავესაქმიებინე პრაქტიკანტი, რათა მეცამეტე გოქალ არ მეგარძნო თავი — ხან რედაქციაში შემოსულ წერილებს გადამარჩევინებდა დე, რომელიც მომეწონებოდა, პასუხს მაწერიებდა ჟურნალში გამოსაქვეყნებლად (იმ ანგარიშით, რომ ჯიბედავ-შუტული და თმაშეთელებული სტუდენტის კაცისათვის პონორარი გამოეწერა!). ხან შენევეწებოდა — მომეხმარე, ძამა, კაცურად და ამ წერილს შენებურად გაპყარი შალაშინო!..

ერთხელაც იყო მწერალმა ქიშვარდი ისაკაძემ, არ მახსოვს, რასთან დაკავშირებით (იქნებ არც არაფერთან!), შესვენების დროს პურ-ღვინო მოიტანა რედაქციაში — მრგვალად მოხარული დედალი, მწვანელი, მთავე, ხაჭაპურები და ღვინო. შეუდგენე ტრაპეზს: ნოდარი, ზაური, დაუვიწყარი ვილა ფიცხალაძე, მიშა კუხალაშვილი, გარი მებრეველი და, რასაკვირველია, რედაქციის უბერებელი მდივანი ქანი სო-

ნინა ციციშვილი. მე მოშორებით ვიჭექი კუთხე-
ნი და ვაჭუთხ ვთვალთვლიერბდი. უმაღლვე შემ-
ნიშნა ნოდარმა და სუფრასთან მიმიწვირა. მწვა-
ნილს წვეტტანე და უნდილად დაუფუყე კიკნა.
მკლავში მომიკიდა ხელი ნოდარმა — კაცურად
ქამე, ძამა, ანეტის ნუ გვიფუჭებო!.. ზაურმა
მიუგო: ნოდარი, ძამა, აი პრაქტიკაზეა ჭერი, აცა-
ლვე პაწა და, ნამდვილი ნინაგელი რომ ვახ-
ნება, ქამა იქნე აქეთ გვასწავლოსო!.. გულია-
ნად გაიცინეს. გამბედაობა შემემატა და, რა-
დესაც მშობლებსა თქვეს, ზაურს ვკითხე,
რომელ კურსზე იყავი, დედა რომ გარდაგეც-
ვალა-მეთქი. დედაჩემს რა მოკლავს, ძამა, კა-
თივითაა ქალი და, შეიძლება ისეც მოხდეს, მე
გვასწავროს!.. უხერხული სიჩუმე ჩამოვარდა
და, თუ არ მოვკვდებოდი, არ მეგონა. ნოდარს
პინკები მოეძალა თვალბში და მერუნება —
ეს შენ ზაურ ბოლქვაძე ხომ არ გგონია, ბათუ
მელიაო! პირი დავაღე და ახლა ქიშვარდი
შემეშველა — რა მოხდა მერი, ამ კაცმა ახლა
მინც ვაიგო, ზაურმა რომ ცოცხალი დედა საქ-
ვეყნოდ გამოიტრია, ხალხი კი აზრზეც არაო!..
მართლაც, მას შემდეგ კაი ოცი წელიწადი იცო-
ცხლა ქალბატონმა კესარიამ და დღესაც მისა-
ონვენებს იმის მოგონება — ცოცხლად რომ
ვიხილე ის ადამიანი, ვისი ხსოვნისადმი მიძღვ-
ნილ ლექსებს ყელში ბურთგაჩრდილი ვკითხუ-
ლობდი შორეულ თერმეზში. „რატომ ამიც-
რემდე თვალები ცისფრად? რატომ გამიყინე
მე თოვლი თმებში? რატომ ჩიწია საფლავის
მიწა ამ თეთრი აპრილის თვეში? რატომ ჩაი-
წიქა საფლავი შენი? რისი ბრალი არის ნეტავ?
აპრილის ჰაერი, ყვავილთა მტვერით, ხომ არ
ჩაისუნთქე, დედავ?“

როგორც ტარიელ ქანტურია ბრძანებს:
„აღბთა, არავის, თვით ტერენტი გრანელსაც
კი, არ უხსენებია იმდენჯერ სიტყვა „სიკვდი-
ლი“, რამდენჯერაც ზაურ ბოლქვაძეს“. სხვათა
შორის, იმავე „დედის რკალიში“ გაერთიანებუ-
ლი საკუთარ სიკვდილზე დაწერილი, არანაკ-
ლები გზნებითა და განცდით აღბეჭდილი რამ-
დენიმე ლექსი. „მე მალე აღარ ვიქნები, აღბთა,
და მომირჩება ყველა ტყვილი... გამოკეტირებ
ჩემს წითელ საბანს შენ ახალთახალ სარჩულს
ტიროლით“, რა თქმა უნდა, დედას მიმართავს!
თანაც საუცხოო პოეტური სახეა — ცრემლე-
ბით დაწამული სარჩული სულ სხვა ფერს
იღებს!..

ერთი სიტყვით, პოეტი იმდენად გაუშინაურ-
და სიკვდილს, თითქოს ისიც შეუძლია, დაა-
ჩიქოს ან, პირიქით, დააგვიანოს იგი!.. მისთვის
სიკვდილი და სიცოცხლე ერთი მთლიანობაა,
ერთი სამყაროს ორი ყველაზე დაშორებული
წერტილი. და თუ ადამიანს სიცოცხლიდან სი-
კვდილში წასვლა ისიამოვნო ემოციებს არ

ჰგერის, ეს მხოლოდ იმიტომ, რომ ეძნელება
შეჩვეული ადამიანების მიტოვება.

მაშ, სიკვდილი თუ სიცოცხლე? ამ ალტერ-
ნატიულ თემას არაერთი პოეტი დასტრიალებ-
და იმთავითვე. შოთა ნიშნინაძემ ერთ შესა-
ნიშნავ ლექსში ასეთი პასუხი გასცა ამ კითხვას:
„შენ თუ მკვდარი ხარ და მე ცოცხალი, ვისთ-
ვის უფროა ღმერთი მოწყალე, თუ არ გვამ-
ხელთ, გვიჯობს!“ („ცოცხალმა იკითხოს!“). მაგ-
რამ: „გადაუარა ზღაპრმა საფლავს — სიცოცხ-
ლის წერტილს!.. შენ ჩემთვის როგორ არა ხარ,
მე აღარ ვარ შენთვის!“ — გარდაცვლილი უფ-
რო ებრალების ზაურს („მკვდარმა იკითხოს, თო-
რემ...“).

წედა ვთქვი, ზაურმა იმდენად გაიშინაურა
სიკვდილი, რომ მისთვის სიცოცხლიდან სიკვ-
დილში გადასვლა (გინაც, პირიქით) თითქოს ზა-
ლიდან შუშაბანდში გასვლასა და უკანვე შემო-
ბრუნებას უდრის: „მოშენატრება სიკვდილი —
წვალი!.. მოშენატრება სიცოცხლე — მოვიღ!“
არც მეტი, არც — ნაკლები! მაგრამ, ეს რომ
გჩეროდეს (ასევე, არც მეტი, არც — ნაკლები!),
უკვდავბასთან წილნაყარი უნდა იყო!.. ხოლო
თუ პოეტს დაუჭერებთ, აგე, რას გვიმტკიცებს
თავის დედოფლებში, „ავტობიოგრაფია“: „ჩე-
მგან შორს არის არდავიწყება და უკვდავების
მკრთალი ლანდები, მე ამ პატარა ლექსში ვიწ-
ყები და ამ პატარა ლექსში ვთავდები!..“ ერ-
თადერთი შემთხვევაა, როდესაც გემწელება
ერწმუნო პოეტის სიტყვებს!..

ცნობილია, დიდი დავით კლდიაშვილი რო-
დესაც დაძაბუნდა და ლოგინად ჩაჯარდა, მეხ-
სიერებაშეც ერთობ უღალატა. „სამანიშვილის
დედინაცვალი“ წაუკითხეს ერთხელ, იქნებ ამან
უშველოსო!.. მომკვდარა სიცილით, ვინაცაა, რა
კარგად დაუწერიაო!.. კლდიაშვილთან ვინ რა
შესადარუებელია, მაგრამ მშესიერებადაწვეითე-
ბულ კაცს ადვილი შესაძლებელია, ბოლქვაძის
„ლილეო“ ასათიანისა ეგონოს: „ეს ხარიერმი
აბდავლად, თუ მეხი მეხობს მთავარი? მითხა-
რით, უშბა რაღაა, თუ ეს უბრალო მთა არი?!
ვინ ზარდა ივანეანური თუ ამირანი კლდეგანი?
თუ ეს კოშკია სვანური, რაღა კოშკი ნესტა-
ნის?! ცაზე ღრუბელთა ფთილები, გაფრენილ
მერნის ფაფარი... თუკი ეს სინამდვილეა, რა-
ღაა მაშინ ზღაპარი?!“ მართლაც!

ან რომელი ტიტანი არ მოაწერდა ხელს ამ
თვალმარგალიტ სტროფს: „მოკლებს მთანი და-
ჩანდებულნი და ცაში მათი ღამის თევანი. მთა
არის მიწა აჩანებული, დედამიწაზე დაუტე-
ვარი!“ ბარემ აქვე: „მარადისობას მინათებს
ტატოს თვალბმა, მარადისობაც დაეწაფა მის
თვალბს ხარბად. ტატოს ფეხთაქვეშ დედამიწა
დატორტმანებდა, კოქლიც ამიტომ ეგონა, აღ-
ბაო!“

გურამ რჩეულიშვილის ტრაგიკული ამბავი ვუბნებ ერთხელ საკმაოდ ცნობილ რუს ლიტერატორს, ასე და ასე, თქვენებური ტურისტული იზრჩობიდან შავ ზღვაში, გურამმა გადაარჩინა, მაგრამ, სამაგიეროდ, თვითონ დაიხრჩო. ცურვა არ ეცოდინებოდა და გული გაუსკდებოდა, ამისხნა. მეტი უმადურობა გაგონილა? ჭერ ერთი, თუ კაცმა ცურვა არ იცის და მინც სხვის საშველად ზღვაში გადაეშვება, უკვეა გმირობა, მაგრამ... ასე შორს წავალთ... ზაურ ბოლქვაძემ მშვენიერი ძეგლი აუგო გურამ რჩეულიშვილს, კვარცხლბეკი თვითონ აუშენა: „ახლა უშენოდ ქუხს და ყიფნებს შენი სიცოცხლის ალავერდობა... და ზღვა, ვით კაცი სიკვდილმისჯილი, დამხობილა და ითხოვს შენდობას!“

ვისაც ახსოვს თუ არ ახსოვს საკუთარი ბაბუა, სულ ერთია, ბოლქვაძის „ბაბუს“ წამოითხველს ყველას ურუანტელი დაუფლის, გადამღები სევდისა თუ მწუხარების ურუანტელი: „იგი მოხუცდა და ბავშვად იქცა. აღარ უყუფდნენ სოფლის ძაღლები. უკაცუნებდა ხელჯონით მიწას — სთხოვდა სამარის კარის გაღებას. ბოლო, დაღლილი ამდენი წლით, უკანასკნელად მიუჭდა ბუხარს. უკანასკნელად მოვიდა თოვლი, მოვიდა თოვლი და შეგაწაწა.“

გურისკაც და ვიტყვი, კეშარიტად ქართული პოეზიის შენაძინა ეს მიწათმცემი: „მიწა გნატრობდა საკუთარ ხორცად, ზეცა გნატრობდა საკუთარ სულად... და, დასრულე სიცოცხლე როცა, ნეტარ მით, ნატვრა რომ აისრულეს!“

მეტად თავისებურია ზაური სატრფიალო ლექსებშიც. მათში მაჟორი თითქმის გამორიცხულია. არც მთვარის შუქზე ნებიგრობს მიგნურთან და არც ლივლივა ზღვის პირას. იგი მხოლოდ სულიერ სიახლოვეს, სულიერ მარმონის ქიქებს სატრფიალთან და თავიდანვე ეკვით იმსებალება: „ვიცი, დამღუპავ დაღუპვით ქალის, მინც შენს მაცდურ ღიმილს ვენდობი, ის ერთადერთი ღიმილი არის მტანჯველი თავის ერთადერთობით. შენი თვალებით უგრძნობლად დამთვრალს, შენი დაღატი გამომეფხიწლებს, ვიცო: მიმიყვან სამარის კართან, მერე სიკვდილსაც აღარ მაღირსებ... ვიცი, ამიბნევ ცხოვრების გზაკვალს, გავიიფდებ მინც მაგ თვალებს, იგი ამქვეყნად სხვა თვალებს არ მავს, სხვასაც ჩემსავით არვის აწვალებს... დმერთმა შეგინდოს შენ უღმერთობა, რომ ჩემი ბედით ასე ერთობი, მე მტანჯავს შენი ერთადერთობა და ვცოცხლობ შენი ერთადერთობით.“

კიდევ უფრო დრამატული და თითქმის გრანელივითია მეორე სატრფიალო ლექსი. „ნუ შენდებდიან შენი თვალნი“: „ნუ სველდებიან შენი თვალნი, თ, ნუ ივარცხ თვალნი ზე ხელებს!.. მე მომაკვდავი ნუ გებრალბები, გთხოვ, შემობრალე სიკვდილის მერე!.. ეგ მაგ-

ნოლია გადმომიხარე, ყვავილს მასულთქე და მიმაფერე!.. მალე მოკვდები, ნუ შემეყვარებ, გთხოვ, შემეყვარო სიკვდილის მერე!“

თავისთავად იქნებ იდეალური კრიტიკიუმი ვერ იყო. მაგრამ პირადად მე პოეტის თვითმყოფადობას (რაც, თავისთავად, ნიჭიერებასაც გულისხმობს!) მისივე ლექსების, ყოველ შემთხვევაში, სტროფებისა თუ ტაქების, დამახსოვრებით ვაღგენ. ალბათ, იოლი ამოსაცნობი უნდა იყოს, ვთქვათ, ვის ეკუთვნის სიტყვები: „მზე აიწია ფეხის წვერებზე, მზემ მზის ქალაქში ჩამოხედა“, „ბერნუში დავიხატია ზაურული“, „დამგვანებთან შენი დევიწყენილ მერცხლებს“, „ჩემი ცხოვრება აუწყო ასე“, „მერე მოკვდები ისე ლამაზად“, „ავისტოს პირდაპირ ისხამდნენ ხახაში“, „საქართველოსთვის, საქართველოსთვის, საქართველოსთვის, ბიჭებო სწორელით!“, „ხმაურობდა ჩიტების დასურული ბაზარი“, „კაცი, რომელიც დააკლდა ქალაქი“, „მე ვარ ქართველი, შენ — საქართველო, ამაზე ტკბილად ვერაფერს გეტყვი“, „ვეცემ, ვეცემ, ვერ დავეცემ საქართველის საოცნებო გზები“, „მე შენ გიტოვებ ისეთ ნადვლს, სხვისას რომ არ მავს“ და სულ ახლახან მოვლენილი უძლიერესი „არყოფისაკენ, არყოფისაკენ!“... რასაკვირველია, კიდევ არაერთი მაგალითის მოტანა შეიძლებოდა, თვით: მიზანი რომ იყოს!..

პირველად დავფიქრდი ამაზე და აღმოჩნდა, რომ ცოცხალ პოეტთა შორის, ერთი პირველთაგანი სწორედ ჩვენი ზაური ბრძანდება! ბოლოს, მე თვითონ ჩავუფქვი საკუთარ თავს კრიტიკაში: ეგ იმიტომ, რომ აღამიანი რითმიან, ხადა, შიარის კილოზე დაწერილ ლექსს უფრო იოლად იმახსოვრებს-მეთქი! შევცდი, არდაცნ უშაღვე ენაზე მომადგა იპოეტური ტანკა: „ერთხელ შემთხვევით დედაჩემი მხარზე შევისვი... იგი იმდენად მსუბუქი იყო, რომ ვერ გავუძეღ და ძირს დავუშვი“. ასე რომ, თავის გამოდება არ ღირს!..

ახლა ისიც გავისხენოთ, ამ ათიოდ წლის წინათ, ზაურ ბოლქვაძის ორმოცდაათი წლისთაგზე ვინ რა აქვა.

ნოდარ დუმბაძე: „ზაურ ბოლქვაძე ყოველმხრივ შემკული კაცია!“

კახლა ამირჯიბი: „ზაური საყვარელი კაცია, ყველა ხელისგულზე ატარებს“.

მუხრან მაკვარია: „ნამდვილი პოეტია ზაური, თხემით ტერფამდე პოეტი“.

შოთა ნიშინაძე: „ზაურ ბოლქვაძე ყოველდღე უწყინარი და ბავშვით წმინდა კაცია!“

ხლო მისმა თანაგუფელმა, ასევე „სამოციანელმა“ ტარიელ ჭანტუაშვილმა თავის შესანიშნავ „ლომის პორტრეტში“ ასე ათქმევინა ზაურს: „ვერ ვიტყვი, თითქოს არ ვუყვარდე გოგონას

ჩემსას, მაგრამ მე უფრო მეტად მიყვარს გოგონა ჩემი.. ვერ ვიტყვი, თითქოს არ ვუყვარდე მძაყაცხები ჩემსას, მაგრამ მე უფრო მეტად მიყვარს ბიჭები ჩემი.. ვერ ვიტყვი, თითქოს არ ვუყვარდე სამშობლოს ჩემსას, მაგრამ მე უფრო მეტად მიყვარს სამშობლო ჩემი.. და კიდევ ერთი ღიზნება აქვს სიცოცხლეს ჩემსას: თქვენს სიცოცხლეზე ნაკლებ მიყვარს სიცოცხლე ჩემი!"

უველა სხვა სიკეთესთან ერთად, ზაურს იუმორის ნიჭიც აბაღია. მკითხველს თავს არ შევარჯიშებ გრძელ-გრძელი ფრაგმენტების მოშველიებით პოეტის იუმორისტული კრებულებიდან, მხოლოდ რამდენიმე გონებაშავილური ფრაზით დავკმაყოფილდები. 1991 წლის პირველ დღეებში იგი წერდა: „ვამაყობ მამულით არაფორმალურით!“, „სულ არ ვციტო პლურალიზმი, სიმართლისთვის ტყუულა ვიბრძვით!“, „ვარ ოკუპირებული სრულიად: ჩემი სული ანექსირებულია, ჩემი ტვინი დემონტირებულია, ჩემი გული პიკეტირებულია!“

1972 წლის 2 იანვარს „ლიტერატურულმა საქართველომ“ გამოაქვეყნა ზაურის #3(!) საღალაო ოთხსტრიქონიანი ლექსი ქართველ მწერლებზე. ჭიხისხენებ მხოლოდ ერთს: „შენავით ვერავინ ვერ თება, ვერ მოიშკო და ვერ მოხნა, შენ ფეხზე მოსიარულე უკვდავი საქართველო ხარ!.. ვინც არ გაღმერთებს, არ გაქებს და ვისაც შენი არ სჭერა, იმას რად უნდა მტრობა.პქონდეს, ნუ მოსჭრი მარჯვენას!“

მამა!.. „სამუშაოდან დაღლილი მოხველ და, მახსოვს, თუთუნს როცა ახვევდი, დედამ შეგ-

ხედა, ამოიხრა, „ომი დაიწყო“, თქვა და გახვედი. მე არ ვიცოდი, რა იყო ომი ან დედარისთვის ტიროდა ასე, განზე გაიხმე და გავიგონე: „თავს მოუარე, მიხედე ბავშვებს!“ მეორე დღით შეგიკრეს ბარგი, ტიროდნენ ჩვენი ნათესავები, შენ ამშვიდებდი და ბოლოს დარღით ერთი სიტყვა თქვი მხოლოდ „წადედი“. თვალეხით უთხარ დედას — „შენ იცი“, ეწოში მეტი ვეღარ გასძელი, ჩქარი ნაბიჯით ჩაჰყევი დელისპირს, შეგვავლე მზერა უკანასკნელი... მას შემდეგ დიდი გავიდა ხანი, დამთავრდა ომი, დაბრუნდა ბევრი. ისევ გაბრწყინდა მრავალი თვალი. გამხიარულდა მრავალი ქერი. იმ ნეტარდამით მამა მესიზმრა, მაკოცა ფრთხილად, „იძინე შეილო!“, მითხრა და უცებ გადამენისლა სიზმარი, რომლის აღდგენას ვცდილობ. დაუვიწყარი სიზმარი იგი გამიმეორე, მაღალღმერთო.. მოვიდა ჩემი კაცობის რიგიც, მამის გულში რომ იმედად ენთო“.

ჭაბუა ამირეჯიბი: „მეოცე საუკუნეში ჩვენი კულტურის განვითარების ძირითადი ტვირთი სწორედ ამ, კეცის მჭაღზე, დედას პურზე და ლობიოს შეჭამანდზე გამოზრდილებმა ზიდეს“.

დაბა, შიშხილში, შიშხი, სიცივეში, ჭაბანწყვეტაში განვლო ჩვენმა ბავშვობამ. ამას რომ ვამბობ, ყველას ვგულისხმობ, ყველა ორმოცდაათიან-სამოციანელს. დაღბნებული თითქმის არავინ ყოფილა: არც ზურიკელა, არც სოსოია, არც გოგოცა და არც ბევრი მათგანი, ვისაც, ზაურთან ერთად შარშან თუ წლეულს შეუხარულდა სამოცი წელი.

კვლავაც ბევრი შეასრულებინოს განგების ძალამ! ამინ!..



ნათელა წერეთელი

ნიკოლოზ ბარათაშვილი და ხალხური ზემოქმედებები

ნიკოლოზ ბარათაშვილის შემოქმედებით და-
ინტერესებულმა პირებმა იმ სხვა მრავალ საკი-
თთან ერთად, რომელიც უშუალოდ უკავშირ-
დება რომანტიკოსი პოეტის შემოქმედებას, შე-
ისწავლეს მისი ხალხურ ზემოქმედებებსა და
დამოკიდებულებების საკითხიც.

ნ. ბარათაშვილის შემოქმედების, კერძოდ კი
მისი ცნობილი ლექსი „მადლი შენს გამჩენს
ლამაზო“-ს ხალხური წარმოშობის თაობაზეა
საუბარი გაზეთ „ახალგაზრდა კომუნისტში“
1968 წელს დაბეჭდილ ვახტანგ ჩიქოვანის სტა-
ტიაში სათაურით: „პოეტის საყვარელი სიმღე-
რა“. სტატიის ავტორს მოჰყავს ზემოთ აღნიშ-
ნული ლექსი და გამოაქვს დასკვნა იმის შესა-
ხებზე, რომ ეს ლექსი ხალხური ლექსიდან „მე
ვარ და ჩემი ნაბადი“ იღებს სათავეს. მართ-
ლაც, მსგავსება შეინიშნება ნ. ბარათაშვილის
ლექსის ქვემოთ მოყვანილ სტროფს და ხალ-
ხური ლექსის სტრიქონებს შორის:

ღარიბი ვინმე მოვსუღვარ,
სოფლისა მუშა საწყალი,
ამხანავად მყავს ნაბადი,
ძმობილად — ბასრი ზანჭალი...
(„მადლი შენს გამჩენს, ლამაზო“).

მე ვარ და ჩემი ნაბადი
გამთენებელი ღამისა,
დაეწვეები, ჭაერი ჩამყვება
სამი ლამაზი ქალისა...
(„მე ვარ და ჩემი ნაბადი“)

როგორც ვახტანგ ჩიქოვანი წერს: „ამ ლექსის
ხალხური სასიმღერო, კილო, მსუბუ-
ქი ნადვლიანი განწყობილება, სიტყვის
საქცივი და რამდენიმე სპეციფიკური გამოთქმა

აშკარად ანათესავებს ლიტერატურულ და ფოლ-
კლორულ ნაწარმოებს. ასეთი თანხვედნილობა
ურთიერთკავშირსა და გავლენაზე მეტყველებს“.

წამოიჭრება საკითხი იმის შესახებ; თუ ვინ ვის-
ზე იმოქმედა, ბარათაშვილმა მოახდინა გავ-
ლენა ხალხურ შემოქმედებაზე თუ, პირიქით,
ჩვენი პოეტია დამოკიდებული ეროვნულ საუნ-
ჯეზე? საკითხის საბოლოო გადაწყვეტაში ად-
რინდელი ფოლკლორული ჩანაწერები უნდა
დაგვეხმაროს. სამწუხაროდ, ხალხური ლექს-
სიმღერის ბარათაშვილამდელი ჩანაწერი არ მოგ-
ვესკოვება, მაგრამ თვით ნიკოლოზ ბარათაშვი-
ლი გვაძლევს პირველ ცნობას საძიებელი ხალ-
ხური ლექსის ადრინდელობის თაობაზე და
იქვე ასახელებს საკუთარი ლექსის წყაროს.
1845 წლის 9 თებერვლით დათარიღებულ მი-
კო ორბელიანისადმი გაგზავნილ ბარათში ვკით-
ხულობთ: „აი, ამ ქართულ ლექსს („მადლი
შენს გამჩენს, ლამაზო“) გიგზავნი მდაბიურად
დაწერილს, როგორც ფიქრში მამივიდა — „მე
ვარ და ჩემი ნაბადი“, იმის ხმაზედ“ (ნ. ბა-
რათაშვილი, თხზულებანი, თბ., 1945). როგორც
ვხედავთ, საკითხი პოეტის მიერაა გარკვეული.
მაშასადამე, ნიკოლოზ ბარათაშვილის ლირიკუ-
ლი შედეგები „მადლი შენს გამჩენს, ლამაზო“,
ხალხური სიმღერის „მე ვარ და ჩემი ნაბადის“
ხმაზეა შექმნილი.

მგონის ფოლკლორთან დამოკიდებულების
საკითხი შეისწავლა აგრეთვე მიხეილ მშვიდო-
ბაძემ, „ისევე მგონის ფოლკლორთან დამოკიდე-
ბულების შესახებ“. („ახალგაზრდა კომუნისტ-
ში“ 1988 წელს, № 75).

წერილში ყურადღება გამახვილებულია იმაზე,
თუ როგორ იზიარებდა ნ. ბარათაშვილი თავის თა-
ნამედროვეთა აზრს, გამოთქმულს თავის პოე-
ზიაზე. მ. მშვიდობაძე აქვე შენიშნავს, რომ მას



არაფრით არ შეეძლო გაეზიარებინა არქაისტ ქართველურ ჩიქოვანის შენიშვნა პოემის „ბედი ქართლისა“-ს შესახებ. ამ შენიშვნიდან ჩანს, რომ აღექსანდრე ჩიქოვანს პოემა მოსწონებია, მაგრამ, როგორც არქაისტი, ბარათაშვილს სწორედ იმას უსაყვედურებდა, რითაც, სხვა ღირსებებთან ერთად, ბრწყინავს მისი პოემა: ლიტერატურაში „მდაბიო ქართლის“, ხალხური სასაუბრო მეტყველების გაბედულად შემოტანას.

მართლაც, ნიკოლოზ ბარათაშვილს არ შეეძლო აღექსანდრე ჩიქოვანის ამ შეხედულების გაზიარება. იგი ლიტერატურის ძველი ნორმების საკან განათავისუფლების გზით მიდიოდა. ეს ტენდენცია მის შემოქმედებაში ადრეც შეიმჩნევა, მაგრამ განსაკუთრებით ბოლო მოწვევებზე იჩენს თავს. ვაჟეთ „ტფილისკი ვესტნიჟი“. 1876 წლის 22 იანვარს ნიკო ნიკოლაძემ გამოაქვეყნა სტატია „ნიკოლოზ ბარათაშვილი“, რომელშიც ხალხური შემოქმედების სავანძურთან მგონის მისვლა განიხილა, როგორც მისი ლექსის შინაარსისა და ფორმის თანდათანობითი განვითარების ბუნებრივი შედეგი. მხევიშვილოძემაც თავის სტატიაში მოჰყავს ნიკო ნიკოლაძის შემდეგი სიტყვებიც: „ბარათაშვილის ლექსზე: „მადლი შენს გამჩენს, ღამაზო“; ეს ლექსი „თამამად შეგვიძლია ხალხური პოეზიისა და გენიის ქმნილებად მივიჩნიოთ. ქართულ ლიტერატურაში პირველად მასხა დატყვევებული ხალხის კილოყავი, სავანთა ხალხისეული დასურათება, ლექსის ხალხურობა — ერთი სიტყვით ქართულმა ხალხურმა პოეზიამ ამ ლექსში პპოვა თავისი ნაღვლილი გამოძახილი“.

ამ ლექსს უარესად მაღალი შეფასება აქვს მიცემული ნიკოლოზ ბარათაშვილის თხზულებათა 1886 წლის გამოცემის წინასიტყვაობაშიც.

აქ ხაზგასმულია, რომ ბარათაშვილის პოეზიის გვირგვინია პოემა „ბედი ქართლისა“, ამ პოემისთანა მას არა დაუწერია რა, გარდა „მდაბიურის და ნამდვილ მარილიანი“ ლექსისა „მადლი შენს გამჩენს, ღამაზო“. — ეს რა თქმა უნდა, გადაჭარბებულიც კია, „ბედი ქართლისას“ სიმადლეზე ამ ლექსის დაუენია არ შეიძლება. ბარათაშვილის პოემა ხომ მთელი ეპოქა ქართული ლიტერატურის ისტორიაში. მაგრამ წინასიტყვაობის ავტორი ეტყობა, ცდილობდა ამ მოსაზრებების გაბათილებას, აღმწუნებელნი კი ამ ლექსს ბლომად ჰყავდა. ერთერთი მათგანი იყო ანტონ ფურცელაძემ, რომელმაც ჟურნალ „ციცქრის“ 1868 წლის მესამე ნომერში მიმოიხილა „საქართველოს მოამბის“ პირველი ორი ნომერი. მეორე ნომერში ნ. ბარათაშვილის ეს ლექსი იყო დაბეჭდილი. ანტონ ფურცელაძემ განაცხადა, რომ „მადლი შენს გამჩენს, ღამაზო“ არის „ყოვლის უმნიშვნელო“ ნაწარმოები, „მაგრამ ამითი მა-

ინც არის კარგი. — განაგრძო მან, — რომ სიმღერად გამოდგება და როგორღაც ქართული პოეზიის სუნი უღის...“

მოტანილი ციტატიდან ჩანს, რომ ანტონ ფურცელაძემ პირველმა შენიშნა ამ ლექსის ხალხურ პოეზიასთან თანაზიარობა, მაგრამ პოეტის მიერ გადადგმული ნაბიჯი არ მოიწონა. ანტონ ფურცელაძე ასე მოიქცა თერგდალეულესა და შათ ორგანოსთან — ჟურნალ „საქართველოს მოამბისთან“ გაცხადებული კამათის დროს. მან იგრძნო, რომ ბარათაშვილის „მადლი შენს გამჩენს, ღამაზო“ და „შემოდამება მთაშინიდაზუნდ“ — ილიას ჟურნალში შემთხვევით არ მოხვედრილან. თერგდალეულეები სიტყვაკაშმული მწერლობის საფრთხვლად ხალხურ სასაუბრო მეტყველებას მიიჩნევიდნენ, ენის სისადავისა და დემოკრატიზაციისათვის იბრძოდნენ, ამ საქმეში კი თავიანთ თანამოსანგრედ ნიკოლოზ ბარათაშვილს თვლიდნენ. მრავალმხრივ საყურადღებო ნაშრომში „ნარკვევები XIX საუკუნის ქართული აზროვნების ისტორიიდან“ პროფესორი გიორგი აზნაიანიც უარყოფს ტრადიციულ შეხედულებას ანტონ ფურცელაძის ესთეტიკური კონცეფციის მილიანად ნიპილისტური ხასიათის შესხებ და ამტკიცებს, რომ მთელ რიგ შემთხვევებში ანტონ ფურცელაძე ძლივს ესთეტიკურ ნიპილიზმს, ხელოვნების ნიმუშების ქეშმარტრეალისტურ გაგებაზედ მალდებდა. ამის დასადასტურებლად გ. აზნაიანიც მოაქვს ბარათაშვილის პოეზიისადმი ანტონ ფურცელაძის და მოკიდებულების მაგალითი. აი, რას ვკითხულობთ „ნარკვევების“ #21-ე გვერდზე:

„მამებსა“ და „შვილებს“ შორის ბრძოლის პერიოდში, 60-იანი წლების დასაწყისში, „საქართველოს მოამბისთან“ კამათის დროს, ანტონ ფურცელაძემ გამოთქვა ნიპილისტური აზრები ცალკეულ მწერლებზე და მხატვრულ თხზულებებზე... მაგრამ იმავე პერიოდში გამოაქვეყნებული მისი წერილები საუკეთესო ნიმუშია რეალისტური კრიტიკისა“.

ა. ფურცელაძე გარკვევით აღნიშნავს, რომ ახალი მიმართულება და ეროვნული განთავისუფლებისათვის ბრძოლა ნ. ბარათაშვილით იწყება ქართულ ლიტერატურაში, „ნ. ბარათაშვილი „ქართლის ბედში“ ტირის თავის სამშობლოს ცუდს ბედს და ქადაგებს იმგვართა აზრთა, რომელიც მაშინ თვით რუსის მწერლობაშიც არ იხმობდა“.

თავის აზრის დასამტკიცებლად ა. ფურცელაძემ მოჰყავს ადგილები ბარათაშვილის პოეზიიდან. ასეთსავე სწორ შეფასებას აძლევს ანტონ ფურცელაძე კონკრეტულად „მერანს“: „აგრეთვე რა იყო „მერანი“ ბარათაშვილისა, — წერს იგი, — თუ არ ცხოველი ბრძოლა და ქადაგება ახლის აზრების და ახლის ცხოვრებისათვის“.

გ. აზნავის ამ მსჯელობაში ერთი „უმნიშვნელო“ შეცდომაა: ნ. ბარათაშვილის პოეზიის ზემოთ მოყვანილი ფურცელაძისეული შეფასება, სადაც ბარათაშვილი, გრიგოლ ორბელიანთან ერთად, ახალი აზრების, ახალი მიმართულების შემოქმედანად, საქართველოს ეროვნულ-განმათავისუფლებელი მოძრაობის პიონერადაა გამოცხადებული, დაიწერა არა „იმავე პერიოდში“, არა 60-იანი წლების დასაწყისში, არამედ 1872 წელს, მას შემდეგ, რაც გამოქვეყნდა აკაკი წერეთლის „რამდენიმე სიტყვა „ჩანგურის“ შესახებ“ და ალექსანდრე ცაგარელის „ჩვენი უბედური მწიგნობრობა ამ საუკუნეში“, რამაც აიძულა ანტონ ფურცელაძე გადაეხილა თავისი პოეზია ნ. ბარათაშვილის ლიტერატურული მემკვიდრეობისადმი დამოკიდებულების საკითხში.

ასე, რომ ანტონ ფურცელაძის მიერ ბარათაშვილის ლექსების „მადლი შენს გამჩენს, ღამაზო“ და „შემოღამება მთაწმინდაზე“ დაწუნება 60-იანი წლების დასაწყისში სწორედ მის ესთეტიკურ ნიპილიზმზე მიუთითებს და სხვა არაფერზე.

ლექსი „მადლი შენს გამჩენს ღამაზო“ დაიწერა 1845 წლის 10 იანვარს ნახტევანში და ბარათაშვილის უკანასკნელი დათარიღებული ნაწარმოებია. ეს ლექსი, როგორც უკვე აღვნიშნეთ, პოეტს მაიკო ორბელიანისათვის გაგზავნილ ერთ-ერთ ბარათში ჩაუწერია.

ისმის კითხვა: „რისთვის დასჭირდა პოეტს შეცქმნა შთაბეჭდილება, თითქოს ეს ლექსი „შემთხვევით“ დაწერა? რაიმეს ხომ არ უმაღავს იგი მაიკო ორბელიანს? პოეტმა-აკადემიკოსმა გიორგი ლეონიძემ იგრძნო ეს და სხვაგვარად სცადა წერილის ამ ადგილის წაკითხვა: ფრაზაში „მდაბიურულად დაწერილს, როგორადაც ფიქრში მამივიდა“ მან ხელოვნურად შეცვალა სიტყვა „როგორადაც“ სიტყვით „როგორადაც“. მაგრამ, ვფიქრობთ, ნ. ბარათაშვილი, პოეტი აქ დაბეჭდვითი ხმარობს სიტყვას „როგორადაც“.

ჩვენი აზრით, ვინაიდან ნ. ბარათაშვილის ეს ლექსი, „მადლი შენს გამჩენს, ღამაზო...“ პოეტის სხვა ნაწერებთან შედარებით განსაკუთრებით ახლოს დგას ხალხურ შემოქმედებასთან, ამიტომ ამ ლექსის შეცქმნაც პოეტმა შემთხვევითობას მიაწერა, რის გამოც იხმარა სიტყვა „როგორადაც“.

ნ. ბარათაშვილის შემოქმედების კავშირი ხალხურ პოეზიასთან დაახასიათა პედაგოგიის მეცნიერებათა დოქტორმა ანტონ ხინთიბიძემ წერილში „ხალხური პოეზია და ბარათაშვილი“ („ლიტერატურული საქართველო“, 1968 წელი, № 51).

სტატიის ავტორი ნ. ბარათაშვილის პოემა „ბედი ქართლისას“ შემდეგი სტროფის ხალხურ ზეპირსიტყვიერებასთან კავშირზე მიგვითითებს:

მორბის არავე არავევანი
თან მოსძახიან მთანი ტყიანნი.

როგორც ანტონ ხინთიბიძე აღნიშნავს „თავისი რითმით (იანი) ეს ლექსი მჭიდროდ უკავშირდება ქართულ ფოლკლორს. მნიშვნელოვან ნაწილს აქ „ამირანის“ შემდეგ ადგილს მოვიყვანო:

ამირანმა დევი დასცა, ალაგი შეხვდა ქვიანი,
დასცა და ბუკი მოსტეხა, დააწყებინა
ლორიალი:
„ნუ მომკლავ, გმირო ამირან, შეგფიცო
მკლავი ხმლიანი“.

ბატონ ან. ხინთიბიძეს უფურადღებოდ არ ჩრება ის გარემოება, რომ ნ. ბარათაშვილის შემოქმედებაში არაერთ ხალხურ გამოთქმას ვხვდებით. ამის დამადასტურებლად სტატიის ავტორს მოჰყავს მეფე ერეკლეს სიტყვები ნ. ბარათაშვილის პოემის მიხედვით:

ძველთაგან ასე ნამბობოა,
რომ ზოგჯერ ხეხი ღონეს სჯობია.

აქვე დასძენს, რომ ხალხი არა მხოლოდ ანდაზას, არამედ მრავალ ეპიურ ნაწარმოებსაც უძღვნის ამ იდეას: „ნაცარქექია, „ნაია“ და სხვა ანალოგიური ნაწარმოებნი ამის დამამტკიცებელია“.

ასევე, სახეობით სამართლიანად მიიჩნევს იგი, რომ ხალხურ შემოქმედებასა და ნ. ბარათაშვილის პოეზიას რამდენიმე თემატიკურ-აზრობრივი მომენტიც აკავშირებს: ასეთებია: 1) ადამიანის წყობრივი თვისებები; 2) ბავშვის ბუნება; 3) სიყვარულია და მშვენიერების გაგების საკითხი.

ანტონ ხინთიბიძე იმ მხრივაც ხედავს საერთოს ნ. ბარათაშვილის შემოქმედებასა და ხალხურ ზეპირსიტყვიერებას შორის, რომ პოეტის შემოქმედებაში მკაფიოდ მოჩანს სხვა ხალხთა შევიწროების დამგობის იდეა; რაზედაც მეტყველებს ლექსის „ფიქრნი მტკვრის პირას“ შემდეგი სტრიქონები:

თვითონ მეფენიც უძღვევლნი
რომელთ უმაღლეს
არც ვინა არის, და წინაშე არც ვინ
აულდგეს,
რომელთ ხელთ ეყვრასთ უმაღლესი
სოფლის დიდება,
შფოთვენ და ღრტვინვენ და იტყვიან:
„როდის იქნება,
ის სამეფოცა ჩვენი იყოს? და აღიძვრიან
იმავე მიწისთვის, რაც ღლეს თუ ხვალ
თვითვე არიან!

და შემდეგ ადგილი ლექსიდან „ნაპოლეონი“:

ნაოლეონმა გარდმოავლო თვალი ფრანციას,
და თქვა „აბო ხელმწიფობამ რა შემიძინა?

მოჰყავს რა აღნიშნული სტრიქონები ნ. ბარათაშვილის შემოქმედებიდან, ანტონ ხინთიბიძე ასკვნის: „პოეტი მოაზროვნის ეს თვალსაზრისი უსათუოდ ხალხურ მრწამსს გამოხატავს, მართლაც, ქართულ ფოლკლორს წითელი ზოლივით გასდევს გაუმაჟღრობის, მიტაცებისა და განდიდების გმობის იდეა“.

ანტონ ხინთიბიძემ ასევე კავშირი დაინახა ხალხურ ლექსს „მე ვარ და ჩემი ნაბადი“ და „მადლი შენს გამჩენს“ შორის. ორივე ლექსში იდეალად ლამაზი ქალია აღიარებული, ამას გარდა, როგორც სტატიის ავტორი აღნიშნავს: „ბარათაშვილი ცდილობს აზრობრივადაც დაუკავშიროს. თავისი სატრფიალო განცდები სოფლის ღარიბ, უმწიკვლო, სპეტაკი ახალგაზრდობის ჭანსად, სატრფიალო და ვაჟკაცურ განწყობილებას“.

როგორც ცნობილია, ნ. ბარათაშვილმა თავი-

სებურად დასვა და გადაჭრა კიდეც შინაგანი და გარეგანი სილამაზის რაობის საკითხი. პოეტის აზრით, გარეგანი სილამაზე წარმავალია. შინაგანი კი მარადიული და უქვდავია. ეს შეხედულება თვით ჩვენი ხალხის ფოლკლორში პოულობს საერთო ნიშნებს. უძველეს პერიოდებში შექმნილ წარმართული ნიშნების მქონე მხატვრულ ზღაპრებში მკვეთრად მოჩანს აზრი, რომ შინაგანი სილამაზის მქონე ადამიანები არ იღუპებიან. ასე, მაგ., ჯადოსნური ზღაპრის — „ისრის-მასრის სანდლის ქალის“ თანახმად, ისრის მასრის სანდლის ქალი კი არ დაღუპულა, არამედ მისგან მშვენიერი აღვის ხე ამოვიდა. აბესალომ და ეთერის საფლავზეც ია და ვარდი ამოვიდა და ა. შ.

სხვა საერთო მომენტებიც შეიძლება აღინიშნოს ნ. ბარათაშვილის შემოქმედებასა და ხალხურ პოეზიას შორის, მაგრამ ზემოთქმულიც საკმაოდ მიგვაჩინა იმის დასადგენად, რომ პოეტი-მოაზროვნის ნაწარმოებები სათავეს იღებენ ხალხური ზეპირსიტყვიერების ნიმუშებიდან.



შალვა ამინაშვილი

სიმონ ჩიქოვანის სივრცის უკანასკნელი დღეები

სამოც წელს მიღწეულ სიმონ ჩიქოვანს თვალში სინათლე დააკლდა, მალე კი მთლიანად ჩაუქრა. ამ უბედურებასთან შეგუება მგონისნათვის ძალიან ძნელი იყო. რუსი პოეტი პავლე ანტოკოლსკი ასეთ დეტალს აქცევს ყურადღებას: „ლექსები, რომლებსაც თხზავდა უსინათლო და რომლებსაც მისი კარნახით იწერდა მეუღლე და სატრფო მისი — მარია ჩიქოვანი, იმაზე მეტყველებენ, რომ უსინათლო ხედავდა, დიახ, დიახ, ხედავდა! ეს ლექსები ეძღვნება სატრფოს, სიჭაბუკეში რომ შეიყვარა კუბოს კარამდე“.

1964 წლის 30 მარტს მარია ჩიქოვანს დღიურში ჩაუწერია: „დღეს ვერ არის გუნებაზე... რა ვქნა, არ ვიცი! საღამოს უცებ დაიწყო თავისი ხელის თვალღებობა, თქვა, ვხედავ ხელსო, ჩემი ხალათიც დაინახა, საერთოდ მწვანეს და ცისფერს უფრო ხედავს“.

გაზეთ „ქუთაისის“ 1968 წლის 20 თიბათვის ნომერში დაბეჭდილია მერვეკლასელ მეგრ არველაძის მცირე მოგონება სიმონ ჩიქოვანთან მათი სკოლის პედაგოგებისა და მოსწავლეების შეხვედრის შესახებ. პოეტისათვის 1963 წლის ქრისტეშობისთვის გაუმართავ საღამო. პატარა მეგის სიმონის ლექსი წაუკითხავს: „თუ სიუმაწვილის მოყვანა გსურდა, უნდა გესროლა იები მინდვრის“. ბავშვმა ლექსის კითხვა რომ დაამთავრა, პოეტს იებით სახვე პატარა კალათა მიართვა, მაგრამ კალათის ჩამოსართმევად პოეტმა ხელი არ გაუწოდა. გოგონა მიხვდა, რომ პოეტი ვერ ხედავდა. მწერალ დავით კვიციანიძეს მეგი პოეტთან მიუყვანია, სიმონს იგი გულში ჩაუკრავს.

თვლისჩინწართმეული პოეტი ქართული ლიტერატურისა და პოეზიის ინტერესებით სულდგმულობდა. ძნელი, ძალიან ძნელი იყო უსინათლოსთვის ლექსის წერა, თუნდაც კარნახით, და მანაც უსინათლო სიმონ ჩიქოვანმა არაერთი ბრწყინვალე ლექსი შესძინა ქართულ პოეზიას.

სიკვდილამდე ერთი წლით ადრე გაზეთ „ლიტერატურულ საქართველოს“ მიაწოდა ახალი ლექსების ციკლი „შემოდგომის დღეები აკარაში“. „ლექსები მაშინვე გავგზავნეთ სტამბაში, — იგონებს პოეტი თეიმურაზ ჯანგულაშვილი, — ბატონ სიმონს რედაქციის დავალებით დავურეკე და ვაცნობე, რომ მისი ციკლი იმავე პარასკევს ნომერში დაიბეჭდებოდა. მადლობა მითხრა და მთხოვა, ანაწყობი რამენაირად წამაკითხეთო.“

მეორე დღეს დაკაბადონებული პირველი გვერდის ანაბეჭდით ვეახელი. კარი, როგორც მუდამ, მისმა მეუღლემ, ქალბატონმა მარიკამ გამოიღო. ბატონ სიმონს გვერდით მივუჭექე და დავიწყე კითხვა: „გარს მახვევია ფერი ზაფრანის, ჭადრის და ცაცხვის გრილი რტოები და წეროების გუნდებს გაფრინილს, როგორც სიმწიფის წლებს, ვეზოვებ“. კვითხულობ და ხმა მითრთის, ხმა მითრთის და წამიწამ ვაცქერდები სიმონს სახეზე. მისი ბაგეები მოძრაობენ. იგი ჩემს პარალელურად ჩუმიად, ძალზე ჩუმიად იმეორებს სიტყვებს, სტრიქონებს, — არა, ჩემგან წაკითხულს კი არა, გულიდან ამოდებულს. ხმა მითრთის და ხანდახან, ჩემდაუნებურად, უადგილო ადგილას ოდნავ ვაკეთებ პაუზას.“



ოთარ ჩხივიძე იკონებს: „გორში რო გვეწვია თვისის სამოცი წლისთავის აღსანიშნავ საღამოზე, მაშინ ჯერ კიდევ არ ვიცოდით, თუ რა დამართნოდა მის თვალებსა, არ ვიცოდით და უცებ თითქოს ვერც ვერას მივხვდით, რომ წამოიწყო გორისადმი მიძღვნილი ლექსი, — „რა კარგია შშის ჩასვლისას გორი, ურბულივით ახლოვდება შედამბა...“ — წამოიწყო და წიგნი მიიშველა მომდევნო სტრიქონის გასახსენებლად მიიშველა და ვეღარ მიიშველა, ვერ გაარჩია, ვერც ეგრე თვალდათვალა, ვერცა სათვალთა, ორნაირი სათვალთა; ვერ გაარჩია და იტვინა დარბაზმაცა, რატომღაც იტვინა, თუმცა ის ლექსი მაშინ უკვლამ იცოდა ზეპირადა, გორში მაინც უკვლამ იცოდა, მაინც იტვინა და მერე ერთბაშად ამოიძახა თითქოს უკვლამა, მთელმა დარბაზმამ, ამოიძახა და განიბა; სიმონმა განაგრძო, გავიდა ბოლომდის; გავიდა და სხვა აღარაფერი წაუკითხავს, შეწუხებული და მოდუნებული მიეტანა სკამსა. ახალი ნაავამყოფარი გახლდათ და ავადმყოფობას მივაწერეთ, — ჯერ არ ვიცოდით, თუ რა დამართნოდა მის თვალებსა; თვითონ იცოდა, რაღა თქმა უნდა, იცოდა და ებრძოდა, ებრძოდა ჩემდა, გასაოცარი სიმტკიცითა და შეუპოვრობითა, ებრძოდა და თანაც ფარული სიხარბით უნდოდა, ერთხელ კიდევ ეხილა უკვლავური, ერთხელ კიდევ მოეკვლო ფეხით მოეკვლა ამერ-იბერი, ერთხელ კიდევ რო დამტყბარიყო ჩვენი ქვეყნის სიღამაშითა, — ტუბობა რო იცოდა სიღამაშითა და თვალი რო ჰღალატობდა“.

სამოცი წლისთავის იუბილეზე სიმონ ჩიქოვანი ქუთაისილებმა მიიპატიეს, თავის შხრივ ბატონმა სიმონმა მეგობარი მწერლები მიიწვია და ქუთაისისკენ მიმავალ მატარებელში ადგილები დაიკავეს. რევან ჯაფარიძე გვიამბობს: „იუბილარს მხლებლებმა სამი თუ ოთხი კუპე დავიკავეთ და მაშინვე გარეთ, ტილანში გამოვედით, თავშიშველი სიმონი ღია ფანჯარასთან იდგა და ჩვეული გატაცებით ჰყვებოდა, დილაადრიან როგორ შეხვდა კლასიკური გიმნაზიის გერმანული ენის მასწავლებელს ნიკო ლორთქიფანიძეს, „ბუნებით თავადს“, ჯაქვის ხიდზე და როგორ შემოვიდნენ იმ დილას ბოლშევიკების ჯარები ქუთაისში.

მცხეთა, ქსანი და შემდეგ გორიც უკან დარჩა. დაწოლას და დაძინებას არავინ აპირებდა, რაც მოთავარი, თვით სიმონსაც აღარ ახსოვდა, რომ დიდი ხანია, ძილის დრო იყო, ისევ მისმა ვაჟმა ნიკამ შეპხვდა და ყურში უჩურჩულა, ვაგონში ხალხს ღამეს თეთრად ვატეხინებთ, ხომ არ გინდა, აქედან გულა-ნაბადი აგვიკრანო. სიმონი შეწუხდა და მაშინვე საათი იკითხა, მერე ხელისგულები შუბლზე მიიღო და ღია ფანჯარაში შემომზირად ღამის წყვილად დააკვირდა. სახეზე ისევ ნაღვლიანი ღიმილი დასთა-

მაშებდა. წამიც და ისევ იფეთქებდა მოგონებების ფეიერვერტი. ნიკამ იძალა, კუპესაკენ წაუძღვა. აქ უკვე უკვლამ შევინიშნეთ და ტივილისაგან გული შეგვეკუმშა: სიმონი დაღლილი იყო, მუდამ ცოცხალი, მოუხვეწარი ხელები მოხსლდებოდა ეკიად, ფეხებს უსიცოცხლოდ მიაგრატუნებდა, ამაზე უფრო სხვა რამე შეგვიძრას: ტალანში, თავის კუპესაკენ რომ მიდიოდა, ორ-სამჯერ თითები კედელს მოუფათურა, თითქოს კარს ეძებდა. ვერ ხედავდა თუ მატარებლის ბიძგებისაგან იცავდა თავს? ამ ზარმა თურმე უკვლა გაგავწვია, ვინც იმ ღამეს იმ ვაკონით ვმგზავრობდით, ოღონდ ხნამალლა არავის არაფერი გავგიმუღავებია. სიმონს თურმე მართლა დაჰკლებოდა თვალის სინათლე, იმდენად დაჰკლებოდა, რომ დამოუკიდებლად სიარული უჭირდა, მაგრამ ხანამ შეეძლო, ამ თავის უბედურებას უყვას, თვით შინაურებისაც იო, უმახლავდა, მერე რა ძალდაუტანებლად და უბრალოდ სჩადიოდა ამას! თავი ისე ეჭირა, როგორც ყოველთვის და ახა ვინ წარმოიდგენდა, თუ ამ ხალხიანი, სიცოცხლის წყურვილით და სხვებზე, მომავალი ლიტერატურის ბელზე განუწყვეტელი ზრუნვით უკვამდე აღვიხლ კაცს რამე უჭირდა, სულ მალე სამუდამო წყვილადის ჩამოწოლა ემუქრებოდა. ეს მხოლოდ თვითონ იცოდა და პირად უბედურებას იმის ღირსადაც არ თვლიდა, იგი სხვებისთვის ეგრძნობინებინა“.

მაგრამ, როგორც ქართულ ანდაზაშია, კაცმა ჰირი მალა, ჰირმა თავი არ დამალაო. რევან ჯაფარიძე: „მეორე დღით მცოცვან იუბილარს ქუთაისის ერთ-ერთმა სკოლამ მოუწყო შეხვედრა. სკოლის ეკოში, მანქანიდან რომ გადმოდიოდა, სიმონი წაბოროტდა, ხელეხი მატარებელი გასახსავა. მივცვივდი, ღიმილით მოგვიშორა და ძირს დაიხედა, ფეხი წამოვკარი რაღაცასო... ამ დღუვიწარი შეხვედრების შემდეგ დიდ ხანს არ გაუვლია, რომ „ლიტერატურული საქართველოს“ ფურცლებზე სიმონ ჩიქოვანის ახალი ლექსების ციკლი „შემოდგომის დღეები აკარაში“ გამოქვეყნდა. ამას „განჯის დღიური“ და სხვა ლექსებიც მოჰყვა, ლექსების მთელი ნიაღვარი! სიმონი თითქოს ხელახლა დაიბადა, ამ ქვეყანას ხელახლა მოეკვლინა. ის უკვე უსინათლო იყო, ღამით, სტუმრების მომლოდინე, ჩიქოვანების სტუმართმოყვარე სახლს ფუტკრებივით რომ გარს ეხვია, ბნელ ოთახში იჭდა და მოზღვავებულ ხილვებს ებრძოდა. პოეტის არსება მთლიანად დაიპყრო უღონა-არყოფნის პრობლემამ, სიცოცხლის არსზე ფიქრმა. ვის ჰკარნახობდა თავის უქანასკნელ ლექსებს? როგორ ახერხებდა მრავალრიცხოვან ვარიანტებზე მუშაობას, რომლის დროსაც იქნება ისე არაფერი იყო საკირო, როგორც თვალის ჩინი? პასუხი ამ კითხვებზე ჰაიდუმლოდ დარჩა, ამაზე ლაპარაკი, სიმონის თანდასწრებით თუ მის

საქართველო
საქართველოს
საქართველოს

შურგუსუან, მიღებული არ იყო. უკურნებელი სენით შეპარობილ პოეტს სიცოცხლის უკანასკნელ წუთამდე არ შეუცვლია თავისი ცხოვრების წესი, იმავე ინტერესებით ცხოვრობდა, რა ინტერესებითაც აქამდე ეცხოვრა და აზრადაც არ მოსდიოდა, უღმობელ ბედისწერას დაწებებოდა.

სერგო კლიდაშვილი: „თავისი სიცოცხლის ბოლო წლებში სიმონ ჩიქოვანი ვეღარ ხედავდა. დიდი ხნის სწეულბამ უცერად ჩაუქრო თვალის სინათლე. მისთვის სამუდამოდ დაღამდა. მძიმე დრამას განიცდიდა სიმონი.“

სიმონ ჩიქოვანს პატივს ვცემდი, ვფასებდი, როგორც პოეტსა და მოაზროვნეს, მაგრამ განსაკუთრებული გულის სითბო ვიგრძენი მისდამი სწორედ იმის შემდეგ, როცა თვალის სინათლე წაერთვა. ისიც ვიგრძენი, რომ სიმონს შეემატა რაღაც კიდევ უფრო ახალი თვისებები. რაღაც ეკა არა, წინანდელზე კეთილი და ნათელი... ბუენია ზომ საერთოდ აღდგინა და როცა ადამიანს რაიმე თვისებას წაართმევს, — თითქოს შეიცვალაო, — იმით უნაზღაურებს დანაკარგს, რომ ახალ სასიკეთო თვისებას მიანიჭებს. დაბრმავებულ სიმონს რომ ვუყურებდი და ვუხმენდი, ისე მეჩვენებოდა, თითქოს მას მართლაც ჩემთვის და სხვათათვის ჭერ უცნობი, ახალი ცხოვრება ჰქონდა დაწყებული.

სიმონი, წინა წლებთან შედარებით, ბევრად უფრო დამშვიდებული მეჩვენებოდა, თითქოს ერთგვარად ექაყოფილიყო — იმით, რაც ახლად ჰქონდა შემატებული და რითაც ახლა გამდიდრებულიყო. მაშ, საიდან ჰქონდა ეს საოცარი სიმშვიდე, ეს საოცარი შერიგება თავის ახალ გარემოსთან!

სიმონი საუბრის დროს ისე გამოცოცხლდებოდა ხოლმე, ნაღვლივით ავიწყლებოდათ სხვებს, რომ მას დაკარგული ჰქონდა მხედველობა. როგორ, ვერ ხედავს მათ, ვისაც ასეთი გაცხარებით ელაპარაკება?! როგორ, ის, ვინც ასეთი აღწნებით ლაპარაკობს ფიროსმანაშვილის, ლალო გულაიშვილის, დავით კაკაბაძის, რუსი და ფრანგი მხატვრების სურათებზე, ფერთა საოცრებასა და ოსტატობაზე, მხოლოდ ბგერების სამყაროში და საუკუნო ღამეში ცხოვრობს?! ვინ თქვა მისი უსინათლობა, ის სხვებით თვალნათელი აღამიანია. მართლაც, თუმცა მისი თვალები მკვდარი იყო, თქვენ მაინც ისე მოგჩერებოდათ, როგორც ჭანსადი დაცოცხალი“.

რასულ რზა (აზერბაიჯანის სახალხო პოეტი) „ბოლო წლებში სიმონი მძიმედ იყო ავად და მოკლებული იყო ყველაზე უბადლო სიყეთეს — ქვეყნიერების საკუთარი თვლით დანახვას. უბაგანად იგი ქალიან ღრმად განიცდიდა ბედის ამ უღმობლობას, მაგრამ გარეგნულად მშვიდი იყო, უღრტინველივით, დაუჩივლელად ეწიღებოდა ამ მძიმე ტვირთს“.

თვალის სინათლის დაკარგვით გამოწყვეტილი პოეტის ტრაგედია შესანიშნავად გადმოხსცა პოლონელმა მწერალმა-ლიტერატურათმცოდნემ ეკლავ კუბაკიმ, რომელიც კარგად იცნობდა სიმონს: „სანამ ჩიქოვანს ვესტუმრებოდი, გამაფრთხილეს, პოეტს თვალში სინათლე აკლდებო. რა ტრაგედიაა სამხრეთის თუ აღმოსავლეთის ფერთა მორტფავად პოეტისათვის! საუბარში გავუბრბოდი ყველაფერ იმას, რასაც შეიძლებოდა უბედურება გაეხსენებინა ჩიქოვანისათვის. სიტყვა არ დამცდენია სინათლის თუ ჩრდილის შესახებ, არც გარემოცველი ბუნების სიმშვენიერებზე მითქვამს რამე. არსებითად ყოველგვარი თემა სახიფათო იყო, მათ შორის — შემოქმედება. დელიკატურობის გამო მეშინოდა მელაპარაკა იმაზე, თუ როგორ მიზობლავდა მისი პოეზია, ჩიქოვანი საყულოგახსნილი უქდა მაგიადა, ფერმხიდილი, გამხდარი. კინაღამ ვუთხარი, სოფელში ცხოვრება მოგიხდებოდა-მეთქი. მაგრამ თვითონვე შეეხო მტკივნეულ თემას. მომიყვა, ამ ზაფხულს ქალაქში დავრჩი, რომ კატარაქტა საოპერაციოდ მომიწოდესო. თავის ავადმყოფობაზე მშვიდად ლაპარაკობდა. წყვილადაც ინთქმებოდა და სწამდა, რომ ეს ერთადერთი გზა იყო სინათლისაკენ.“

როცა, რუსთაველის საიუბილეო დღეებში, კვლავ მოვხვდი სიმონ ჩიქოვანის კაბინეტში, პოეტი უკვე აღარ იყო ცოცხალი. კატარაქტა საბედისწერო აღმოჩნდა. კიდელზე ეკიდა განსვენებულის უკანასკნელი ფოტოსურათები. ერთმა მათგანმა განსაკუთრებით ამაღელვდა. ჩიქოვანს თავისი ხელნაწერი თვლითან ახლოს, სულ ახლოს აქვს მიტანული, მზერა დაუძაბავს და ლამობს შეაჩეროს სხივი, რომელიც უღმობლად გაურბის. პოეტი ვეღარ კითხულობს იმას, რაც დაწერა, მაგრამ მაინც არ კარგავს სიმშვიდეს. იგი სინათლითა და სობოთით სავსე ლექსებით შეტყუარებს მიმქრალ სამყაროს“. („ბოლო“, 1972 წ. № 8, გვ. 270).

ჭერ კიდევ 50 წლის სიმონ ჩიქოვანმა, როგორც ჩანს, იგრძნო სიბერის მსახვრალი ძალა და ისიც, რომ სიცოცხლის ბოლო სადგურამდე ბევრი დრო აღარ რჩებოდა: „ჭერ დიდი კალი არ მომეწვია, არც დიდ მორევში მისვრია ბადე, ორმოცდაათი წელი მეწვია და მე მგონია მეწვია აღერ. რას ვიფიქრებდი, ავრე ადრიან, თუ ხუთჯერ ათი წელი მნახავდა, თუმცა ჩემს სულში ქვეყნის მადლია, მაინც ხორბალი ვეღარ დახვავდა. არ მიმიღია არვის ნობათი, არც სიყვარულის მცირე ბარათი, მცირე დრო დამრჩა ნემოდგომამდე და აწ გამიგვით საგზლის კალათი“.

მართლაც, ორმოცდაათი წლის გადახანდიდან უკან რომ მიიხედავ, განვლილი გზა-შარა თვალის ერთ დახამხამებასავით მოჩანს, გგონია, გუშინ და გუშინწინ მონდა ყველაფერი, მცირედ და უშინშველად მოგეჩვენება ის, რისი



გაკეთებაც მოასწარი დროის იმ მოსაგებობით, რომელიც სამყაროს სრულყოფილად შეცნობისთვის თუ იყო საჭირო. „ნუთუ, ვერ შევძლებ დავივი ვიზიტი, მთებს ვერ დავხვედ და მის მივადი, ნუთუ გავრინდა თეთრი მიწისა, და ვერ მოძებნის ჩემი მწვეარი. ორმოცდაათი ფიქრი აფრინდა, თუ დაარბიეს კილის ქუდები, ნუთუ თვალემა წლებმა დაბინდა და სიკაბუკვი, ვერ მოზრუნდები“.

განალითი წლები უნაყოფოდ დახარჭულად ეჩვენებათ და გაკეთებულაც ეცოტავენათ სწორედ იმათ, ვინც სიცოცხლის ყოველი წუთი გააზრებულად დახარჯა. „მე დიდი კალთ ვერ მიღწევა, ვერ გავუმართლე მშობელს იმედი, რა დროს ორმოცდაათი წელია, წელი ბევრია, ხვავი მცირეა“.

უშვარისობის განცდა დიდი შემოქმედისათვის ბუნებრივია, ოღონდ იცის ფასი და ღირსებაც გაკეთებულისა და შექმნილისა და იცის ისიც, რომ არც ძალა, არც ღონე, არც დრო არ დაუშურებია, რომ ირგვლივ სიყვარული ეთესა: „ამდენი წელი როგორ გავუშვი, როგორც ნისლეები დამშრალ კაობის, მაინც წელი მაქვს იმ სიყვარულში, რაც კუთვნილია ჩემი თაობის. არსად მკერია პაპის ყანწები, თმაზე ნოემბრის თხელი კირხლია, მეც ხარი ვიყავ უღლის გამწევი და რქა უღელზე ბევრჯერ მიხლია“.

სამი წლის განმავლობაში შურნალი „მნათობი“ ნაწილ-ნაწილ ბეჭდავა სიმონ ჩიქოვანის იმ ლექსებს, სიცოცხლეში რომ არ ისურვა გამოქვეყნება. „მეც თუ დავბრმავდი, როგორც ფახტო, სიცოცხლე ჩალად არ ეღირება, შენი მშვენიერების ნათელს დავუცდი, მოხვალ და თვალი ამხილება“. ეს ლექსი, ჩანს, მაშინ აქვს პოეტს დაწერილი, სინათლე წერ კიდევ რომ ეღვა თვალეში, ოღონდ გრძნობდა, რომ საბედისწერო უამი, როცა მთლიანად უნდა დაშრეტოდა თვალის სინათლე, მალე უნდა დამდგარიყო.

„წიგნს ვიტოვებ, როგორც მშითებს, გულის ხვავს და სულის იერს. ყველა ლექსი ღამის ვითებს, სცადე, ერთი ამოხიე და შეღებავს სისხლი თითებს. მთის აღმართზე უღელს ვწევდი, თბაღში შუქი დამკლებია. ამ მცირე წიგნს სისხსლი ვწერდი და მის თაფლით ნაკვიბია“.

— ეს სტრიქონებიც საყვარელი მეუღლის — მარიკასადმი მიძღვნილი, მარკასადმი, რომელიც თავადაც მძიმედ იყო ავად და თავს იმაგრებდა, ავადმყოფობას არ იმჩნევდა, რომ მეუღლე უშწევდა არ დაეტოვებინა.

1964 წლის 27 მარტს ქალბატონ მარიკას დღიურში ჩაუწერია: „სადამონ 7 საათზე დაბრუნდა სიმონი სავადმყოფოდან. შე დავხვდი ფეხზე, რომ შემოვიდა, დერეფანში გაჩერდა უშწევდა და საცოდავად თქვა: „ვერაფერს ვერ ვხედავ“.

ამ დღის შემდეგ სიმონმა 2 წელი და ერთი თვე კიდევ იცოცხლა. ახალ გაზეთებს მარიკა

და ნიკა უკითხვენ, ცდილობენ არ მოაწყონონ. მხანველები ყოველდღე მოდიან. მარიკას წინადადებაზე, მოსკოვი წავიდეთ და ოპერაცია გაიკეთო, სიმონი პასუხობს: ახეთ დღგომარობაში არ წავალ, ქვეყანა მოვა და არ შემოძლია. კატარაქტს აქ მოვიშორებ და თუ თვალი ამხილია, მერე წავალ, თუ არა და საერთოდ სიცოცხლე არ მინდა. გამუდმებული ჯდომა ან წოლა, ცხადია, არ შეეძლო. როცა მარტოს რჩებოდნენ, მარიკას დაადებდა მხარზე ხელს და ოთახში დადიოდნენ, სტუმრებთან ერიდებოდა იმის გამუდმებულობა კი, რომ უსინათლო იყო და ძალიან უჭირდა. სტუმრებს სავარძელში ჩამჯდარი ხვდებოდა.

1964 წლის 28 აპრილს ქალბატონ მარიკას დღიურში ჩაუწერია: „ეს დღეები ცუდად ვარ, თავბრუ მესხმის, ლოგინიდან არ მაყენებენ, სიმონს ვერ დავდევ ფეხდაფეხ, მეშინია არაფერს დაეჭახოს“.

სიმონ ჩიქოვანის ახლო ნათესავებს, ნაცნობ-მეგობრებს, მწერლებს, მხატვრებს, მსახიობებს, კომპოზიტორებს, მასზე ბევრად უფროსებს და მასზე ბევრად უმცროსებს, ყურადღება ერთი დღითაც კი არ დაუკლიათ. ყოველდღე რეკავ ტელეფონი მოსკოვიდან, ლენინგრადიდან, კიევიდან, ერევნიდან, ბაქოიდან; რეკადნენ მისი მეგობრები: ანტოკოლსკი, ტიხონოვი, ანდრონიკაშვილი, ზაბოლოცკი, რასულ რაზა, ყაიხის ყულიევი, ანა ანტონოვსკაია, პავლო ტრინა, სტეფანე ზორიანი, ჩაკოვსკი, ტვარდოვსკი, ანატოლე გილაში, სულეიმან რუსტამი, მამედ რაჰიმი, კითხულობდნენ სიმონის განზრთვნილობას, სთავაზობდნენ დახმარებას; ქართველები ხომ, ვინ თვეში ორჯერ, ვინ კვირაში ერთხელ, ვინ ყოველდღე ნახულობდა პოეტს, მოდიოდნენ, აკმათობდნენ, დაობდნენ, კითხულობდნენ ახალ ლექსებს. სიმონი იქდა სავარძელში და ისე გაერთობოდა, სხვებსაც და თავადაც ავიწყდებოდა თავისი ავადმყოფობა. თითქმის ყოველდღე დადიოდა სერგო ზაქარაიძე, ტელეფონით შეეხანაზებოდა ხოლმე კონტრაქტინე გამაბუხრდია, არ ივიწყებდნენ გურამ ახათიანი, სერგო კლდიაშვილი, გიორგი ლეონიძე, ირაკლი აბაშიძე, რევაზ მარგანი, არჩაელ სულაკაური. ნახულობდნენ და ეხაუბრებოდნენ: მეცნიერი, ფიზიოლოგი ივანე ბერტაშვილი, ახალგაზრდა მხაირობები გიორგი შენგელია და სოფიკო კიპარაძე, კომპოზიტორები შალვა მხველიძე და ოთარ თაქთაქიშვილი, ახალგაზრდა პოეტები ნელი გაბრიჩიძე, ლიანა სტურუა, მირის ფოცხიშვილი, ოთარ და თამაზ კილაძეები. სიმონ ჩიქოვანი უთუოდ უნდა მოეჩაუბლებინათ თბილისში სტუმრად ჩამოსულ პოლონელ თუ ნორვეგიელ, ჩემ თუ ბულგარელ მეცნიერებს და პოეტებს; რა და ე. წ. საბჭოთა პოეტებს ხომ სიმონი განსაკუთრებულად უყვარდათ. ინახულებს ალექსანდრე მეთიოვანი, მიხეილ ლუკონ-

ნმა, ევგენი ევტუშენკომ, ბელა ახმადულიანმა. „რამდენი კეთილისმსურველი ყავს ჩემს სიმონს. ნუთუ არაფერი არ ვეცემის?“ — წერს დღიურში მარია ჩიქოვანი.

თუნდაც მცირედით, ყველას უნდა გაუმახპინდლდეთ. დღიურში კი მაინც გაუნა სიღარიბეზე ჩვილმა: „ვარ სრულებით უფულოდ, ვესხსულობ“.

სიმონს თვალის ოპერაციისთვის ამზადებდნენ; ძალიან დიდ იმედებს ამყარებდნენ მასზე, მაგრამ იმედებმა არ გაამართლეს: პოეტს თვალის ჩინი ვერ დაუბრუნეს.

1964 წლის მაისის 17-ში ქალბატონი მარია დღიურში წერს: „პროფესორის მკლავი კარგად დანახაო, ალბათ, იმიტომ, რომ თეთრი ხალაო ეცვა. დანარჩენი ბუნდოვანა“.

ოპერაციამ ვერ გაამართლა. თითქოს იმედის ხსივი მიეცათ, სულ ცოტათი ჩაუდგა თითქოს სინათლე თვლებში, თავისი წიგნების თარო დაუნახავს, მიხაკებიც, მარიკას კაბის ფერიც დაუნახავს, თავისი ოთახიდან ფანქარაც დაუღალანდა, მაგრამ ეს ხომ ის სინათლე არ იყო, რაც ახე სჭირდებოდა პოეტს, თუნდაც იმისათვის, რომ ადრე დაწერილი ლექსების 4 ათასზე მეტი სტრიქონი გადაემუშავებინა, გაეჩაღხა, შეეცვალა სიტყვები, რომლებიც საჩოთიროდ ეჩვენებოდა. ბოლოს, მისი გარდაცვალების შემდეგ, მაინც ისევე გამოქვეყნდა ის ლექსები, შეუსწორებელი და დაუშუშავებელი, მაგრამ, მაღლობა ღმერთს, აქ მაინც გაუმართლა, იქნებ სწორედ ეს გადაუმუშავებელი ვარიანტებია უფრო ფასეული: „მგონი ოცნებაც ხანდახან მარცხენს, არ ვიცი გულში ვინ რას გაივლებს, მე ვეფერები თბილისის ცაცხეებს, დაბალ ბანებს და მაღალ აივნებს. მინდა ოცნების წარს ხმა გაუთბო, ნებით ვეფერო მუხას ბოლო, სიცოცხლის ლუკმა მომძებს დავუთმო, თავად წავიდე სასაფლაოზე“.

1964 წლის ზაფხულში მეცნიერებათა აკადემიაში პაოლო იაშვილის საღამო გამართულა. მოგონებებით გამოსულან მწერლები, პოეტები. ღმონიც უხსენებიათ და უთქვამთ, როგორ განზრუნდა სიმონიც, საღამოს რომ დასწრებოდაო, მაგრამ ავადმყოფობა და უჩინობა არ აძლევს საშუალებას ჩვენთან იყოსო. მისთვის გამოჯანმრთობება უსურვებიათ. როცა ყოველივე ამის შესახებ უამბებს სიმონ ჩიქოვანს, ტირილი აუვარდა.

საკუთარი უძღურება გულს უთუთქავდა, გრძობდა დასახარების მოახლოებას და ცრემლებს ვერც ადრე წასულს მეგობრების გახსენება. 1965 წლის 29 მარტს ალ. სიგუას დაურთო, რადიო ჩართეთ, უნაწე ჩხვიძე სიმონის ლექსებს კითხულობსო. მისმა გახსენებამაც ტრემდები მოპვევარა პოეტს.

მეგობრები ცდილობენ ყოფა შეუმსუბუქონ და სიცოცხლე გაუხანგრძლივონ; ხან მოხკოვიდან „ოგონიოც“ უგზავნიან, ხადაც მისი ლექსების ახალი თარგმანებია დაბეჭდილი. ხან ჩვენი ქართული ჟურნალი „დროშა“ მოაქვთ, ხადაც მთელი ორი გვერდი აქვს დათმობილი სიმონს; აქ მისი ლექსიცაა: „მეღადგება აქორჩრლი ამებო. შინ შემოვლენ, დანიჭლარენ კიბებს. ამფორენენ ცაზე გუმბათები, ვარსკვლავებით ამივსებენ კიბებს“. აქვეა კონსტანტინე ვანშენკინის წერილიც სიმონზე და ოთარ თურქიას ოახი სხვადასხვა ფოტოტიუდი: პირველში პოეტი ლექსებს არჩევს ახალი წიგნისათვის, მეორეში სიმონ ჩიქოვანი სტუმრებთანაა — ოთარ თაქთაქვიშვილთან და ნიკოლოზ ჩარავასთან, მარიაც აქვეა, სტუმრებს ხილს სთავაზობს; მესამე სურათზე სიმონია გამოსახული, ფართოდ თვალბეგავსელი. ამ სურათის მნახველი ვერ იფიქრებს, რომ პოეტს მუერა დაშრეტია და ნაღვლიანად იყურება სივრცეში. მეოთხე სურათზე სიმონია, ყვავილებს ყნოსავს, კივიდანაც მოუვიდა მიკოლა ბაუანის წერილი და უქრანული გაზეთი, ხადაც სიმონის წერილია დაბეჭდილი მაქსიმ რილსკოზე; „ლიტერატურული საქართველოდან“ ოსებ ნონეშვილი გაზეთის ცინცხალ ნომერს უგზავნის, ხადაც სიმონის ახალი ლექსებია დაბეჭდილი; მორის ფოცხიშვილი მოვიდა და სიმონის ლექსები შეარჩია ერთდროულ გაზეთ „პოეზიის დღეში“ დასაბეჭდად; უგზავნიან წიგნს, ხადაც შევჩენკოს „ანდერძია“ დაბეჭდილი სხვადასხვა ენაზე, ქართულად კი სიმონ ჩიქოვანისეული თარგმანია მოთავსებული.

ამრიგად, ყოველი მხრიდან ცდილობენ სიმონის განზრებას, მაგრამ სიკვდილი უღმობლად აქნევს ცეღს და მიჰყავს პოეტისათვის ძვირფასი აღმანიებო: შეატკობინეს გიორგი შატბერაშვილის ვარდაცვალება, — ის ხომ სიმონზე ბევრად ახალგაზრდა იყო, შემოქმედებითი სიბრძნის ასაკში შესულს მხოლოდ ამის შემდეგ უნდა შეექმნა შედეგები. გიორგის გამოტრეხბაც ვერ მოახწრო და ნინო ტაბიძის სიკვდილის ამბავი უთბრეს. ხაცოდავი ტოციანის ქვრივის, ცხოვრებისაგან განწამები ნინოს სიკვდილმა მწარედ დასწვითა გული. „დაკრძალვის ამბავს რომ ვუყვებოდი, სიმონი ხულ ტიროდა“, — უწერია ქალბატონ მარიკას. იმ საღამოს ქელეხიდან მოუტანეს ღვინო და ხაქმელები, რომ სიმონსაც დაეღია ერთი ჭკა ღვინო და შენდობა ეთქვა. „როგორც ყოველთვის დღეს მოსდევს ღამე, სიკვდილი აგერ მარქაფად მახლავს,

მუნჯო სიკვდილო, პასუხი გამეც, რად დამიშხამე ცხოვრება ვაგლახ“.

სიცოცხლის მიწურულშიც კი პოეზიით სუნთქავდა და ლექსი იყო მისთვის სიხარულის მომგვრელი და ერთგვარი ელექსირიცი. სიმონს მართო საკუთარი ლექსების დაბეჭდვა როდი ახარებს. მეუღლე, ნიკა, სტუმრები უკითხავენ ყველაფერს, რაც კი იმ პერიოდში იბეჭდებოდა „ციცქარში“, „მნათობში“, „ლიტერატურულ საქართველოში“, „დროშაში“. წაუკითხეს იმ დროისთვის ახალგაზრდა პოეტის ტარიელ ჭანტურიას პოემა და გაიხარა ბატონმა სიმონმა, ქართული პოეზიის უკვდავება და მისი უშრეტი შესაძლებლობანი კიდევ ერთხელ იწამა. წაუკითხეს პოლიო აბრამიას ახალი ლექსები და ერთმა განსაკუთრებულად მოხიბლა. თხოულობს წაუკითხონ ოთარ ჭილაძის ლექსები, უხარია, რომ მისი სახით ქართულ პოეზიას ღირსეული გამგრძელებელი ჰყავს.

პოეტის სიცოცხლის ზიმწუხრს, ბუნებრივია, ლექსად ნაღვლიანი ხმები და კილო მოუდიოდა. მაგრამ იქ ოპტიმიზმიცაა, სიმონის უკანასკნელ ლექსებში პოეზიის უკვდავება და მისი

წიგნითა. „საფლავს ჩემ სხეულს თვითონ ავურჩევ, ბინად ავირჩევ მთაში იალახს. მშვიდობით, ჩემო ლექსის საუნჯევ, ჩემო პატარა გულის ფიალავ! გზაზე დავტოვე ჩემი ამქრები, სულში ჩაქცევა მწვანე ულორტებო. ნუთუ ნისლივით მალე ვავკრები? ნუთუ უდროოდ ასე გშორდები? საფლავს ჩემს სხეულს თვითონ ავურჩევ, ბინად ავირჩევ მთაზე იალახს. მშვიდობით, ჩემო ლექსის საუნჯევ, ჩემო პატარა გულის ფიალავ!“

1966 წლის 24 აპრილს სიმონ ჩიქოვანი გარდაიცვალა.

პოეტის გარდაცვალებას ფართოდ გამოეხმაურა ქართული პრესა. გაზეთებში, გარდა ვრცელი ნეკროლოგისა, დაიბეჭდა მრავალი გამოსათხოვარი წერილი. სამგლოვიარო ღვებ-შივე გამოქვეყნდა სიმონ ჩიქოვანის უკანასკნელი, 1966 წლის 13 მარტით დათარიღებული ლექსიცი: „იანვარი, თებერვალი, მარტი, სამი თვეა მეტად უღიმღამო. გულის ჩამში დამიგროვდა ქვარტლი მოგოგვიზე სიყვარულის გამო“.



„ჩემი სმონკაბა იყო და გავდა...“


ქართულმა მწერლობამ განიცადა კიდევ ერთი მძიმე დანაკლისი, ჩვენს სამწერლო ოჯახს გამოაკლდა მისი გამორჩეული წევრი, პოეტი იორამ ქემერტელიძე. ჟურნალ „ციცკრის“ რედაქცია, მთელი კოლექტივი გულწრფელი სინანულით ვიგონებთ ჩვენს ყოფილ რედაქტორსა და მეგობარს, ადამიანს, რომელმაც თავისი ნიჭიერებითა და გულითადობით შესამჩნევი კვალი დატოვა ჟურნალის ცხოვრებაში.

იორამ ქემერტელიძე კოლორიტული, გამორჩეული პიროვნება იყო, მეგობართა თანამდგომი, კეთილმოსურნე, თბილი, საძმოში პურმარილიანი, თამადაობისას დარბაისლურად მჭევრმეტყველი, დინჯი იუმორით დაჯილდოებული, თუმცა ამავე დროს მის თვალებს არ სტოვებდა ფარული სევდა, ალბათ გრძნობდა რასაც უმზადებდა წერამწერალი.

მწერლობა მისი ოჯახი იყო. სადაც კი მოუწია სამსახურმა, მის ირგვლივ მუდამ მეგობართა წრე ეკრებოდა, რამეთუ მის ბუნებრიობასა და კეთილგანწყობას არ შეიძლებოდა ვინმე გულგრილი დაეტოვებინა. ამიტომაც ალბათ მტერი და მოშურნე არცა ჰყავდა. „დილის“ რედაქციაში, რომელიც მისი დისიდენტური ქღერადობის პოემის გაშო დაატოვებინეს, გამომცემლობა „საბჭოთა საქართველოში“, რა თქმა უნდა, ჩვენს „ციცკარში“, შემდგომ გამომცემლობა „ნაკადულში“, მისი თანამოკალმენი და თანამშრომელი საშუალოდ თავს მის მეგობრებად თვლიან.

თავის სიცოცხლეზე ვერავინ იტყვის თვით პოეტზე უკეთ: „ეს იყო ბრძოლა საკუთარ თავთან, რომ შეემნახა ღონეც და სულიც; ჩემი ცხოვრება იყო და გავდა სულ ბრძოლას... და სულ სიმშვიდის სურვილს“. სიცოცხლეში იგი სიმშვიდეს ვერ ეღიროსა, რადგან დღევანდელი ჟამი ამის საშუალებას პოეტს არ მისცემს, მაგრამ, სამწუხაროდ, ბედისწერამ აღუსრულა მაინც წადილი — მარადი სიმშვიდე მოუვლინა მის სულს...

ზაურ კალანდია, ჯემალ ქირია, ბაღათირ არაბული, ირაკლი ბაზაძე, ლევან მაღაზორია, ელზა მებრეველი, ზურაბ ნარკანიძე, ეთერ თვარაძე, ეთერ ბალიაშვილი, სოსო ბაჯალიძე, ზიზული სირაძე, ლენა ღონღაძე, მავკალა თვარაძე, ნანა ჭულუხაძე.



ემზარ კვიციანი

ალბათ ასე ვიტყვი
ათი-თხუთმეტი წლის მერ
(თუ დამცალდა)

სიტყვით რაც შეიძლება,
რამც წამოწია წელი,
ეს არი, ჩემო ქვეყანავ,
მეტი ვერ შევიძელი...
ტყვია მე არ დამკლება,
არც ალესილი ცელი,
წუთისოფელი რა გულქვა
ყოფილა მასპინძელი.

2-95

0 12

96-10



შპს 60 010160

საქართველოს
საქართველოს